



17.4.2.

37

25

E

~~Ca~~
~~Long Don't Know What I feel~~
~~What I feel I'm not saying~~
~~And I'm not~~





۱۰

۱۰

۱۰

THEOREMATA
AC PROBLEMATA
EX SACRA THEOLOGIA
VNIVERSA DE PROMPTA

A IACOBO MARCHISETTO
PISAVRENSE


AD ILLUSTRIS. ET REVERENDISS.
D. D. EVANGELISTAM PALLOTTVM
S. R. E. Card. Cusentinum, Basilicæ
Principis Apost. Archipresbyterum

S. D. N. SIXTI PAPAE V.

PRODATARIVM. *Secr.*

Bibliotheca

Coll. Rom.



Soci. Jesu

Disputabuntur publice triduo, in Colleg. Rom. So-
cietatis Iesu, Mense *Prima die hora*
Secunda die hora *Tertia die hora*
Dabitur unicuique Argumentandi locus.

ROMAE,
Typis Bartholomæi Bonfadini, M D. LXXXIX.

SVPERIORVM PERMISSV



ILLVSTRISSIMO
AC REVERENDISSIMO D.D.
EVANGELISTÆ PALLOTTO

S. R. E. CARD. AMPLISS.



IACOBVS MARCHISETTVS PISAVRENSIS S.



D HEMICYCLOS illos, & celebritates Rhetorum, quorum vberimū tulit etas nostra proventum, animi gratia perſæpe ventito EVANGELISTA Card. Ampliſſ. Hic qui diſertiſſimus inter eos viſus eſt, ceteris è ſubſelliis audiētibus ex inſtituto veterum ſophiſtarum de loco ſuperiore aliquem exornat dicendo virum, quem ad cēlū virtus, memoria, fama, cōſenſus euexit. Nihil in fuſa illa orationis volubilitate ſalebroſum, nihil aſperum, nihil iniucundum cadit, omnia quadrantur in numerum, omnia ſuauiſſe ad aures illabuntur: tum ipſæ ſententię nitent: ſententiis par dignitas reſpondet, & magnificentia verborū. Velut hoc ipſum, (ſum enim ex illorum audientia recens) modo copioſe tractabatur & ſplendide. nam cum illorum quidam ſic inſtituiſſet dicere; vt, quę virtutum quaſi ſemina ſeuiſſet in mortalium animis Deus, quò naturæ tanq̃ infixæ radicibus adoleſcerent, & corroborarentur, & præſidia requiri, & ſtudia Principum putaret; reliqua eodem filo ita pertextuit, vt permulta in hanc ſententiam ex omnibus antiquitatis annalibus memoriter uſurparet exēpla ſummorū virorum, quos ad magna natura feciſſet, ad maxima Principes extuliſſent. Ergo Sapientum & Principum amicitias, Poetarum etiā carminibus decantari. Nam illos gaudere dicebat Hieronī, & Pauſaniæ Lacedæmoniorum Regi Simonidis Poetæ familiaritatē adiicere: Periandrū Corinthium cum Mileſio Thalete coniungere. Periclem, & Anaxagoram, Cræſum, & Solonē

vnà celebrare consueſſe: Dionyſio Platonem, Philippo Ariſto-
telem, Alexandro Calliſthenē adiungere: Scipionibus Enniū,
Archiam Lucullo, Pompeio Poſſidoniū. Quid cum Creontem
Minoa, Agamemnonem Palamedem, Iouem ipſum Poetę ceci-
nerunt: nonne ſtatim Tireſiam, Polydum, Neſtorem, Vlyſſem,
Prometheum in clientelam, & glorię ſocietatem vocant? At al-
teri potentes, alteri ſapientes fuerunt: Quorum alteri firmati vi-
ribus nominis nobilitatem, aut ſibi pepererunt quam non habe-
bant, aut partam amplificauerunt. Ita ſummum futurum nihil
ad ſummum illud excreuiſſet ſine clariffimorum Principū, vel
auſtoritate, vel opibus. Quod quidem ab illo probabiliter Rhe-
torum more diſputatum, adeo nobis euidentius vſus effecit; vt ſolē
in manibus præferre videamur, ſi ſic dicamus, me, quantū alios
ingenij quidā celeres motus, quantum doctorum inſtitutio diu-
turna, quantum commouit cupiditas glorię; tantum ex eo tem-
pore; quo tu me Pater Optime recepiſti ad ſtudia litterarū, quò
ardentiſſimē ab ipſo penē exortu ferebar, ardentius eſſe tua di-
gnatione tanquam aliquo inſtinctu numinis incitatum. Ita quę
quiddam auſi ſumus, quod cōſuetudinem diſputationum repu-
tanti, inſolens: noſtras vires metienti, per diſcile videatur. Volu-
men enim bene plenum edidimus poſitionum noſtrarum duo-
bus ferē millibus Theologicarum aſſertiōnum frequentatum,
ex iis quācunq; ſuſceperit incertus Antigonista labefactandam
pręſtituri: Patrocinium ſanē nobis, vt ad memoriam glorioſum,
ſic ad experientiam periculoſum. Etenim & nouo exemplo nul-
lo auctore nos primi rem tātā aggredimur, & eſt proſecto ali-
quid de ſupera omni, diuināq; natura tam multa, tamq; diuer-
ſa, tam procul à ſenſibus, & ſuſpicionē ſemora, definitione cir-
cuſcripta, ratione concluſa, audere quempiam libere palam
in doctiſſimorum noſtrę memorię virorum conſeſſu inſuper
proſiteri; & ita proſiteri, vt quicquid in controuerſiam pugna-
ciſſimē vocari poteſt (quid autem non poteſt?) id conſtantiſſi-
mē tueatur, aduerſantia diiudicet, ambigua diſtinguat, eno-
det implexa, pugnantia repellat, enudet obſcura, à certis incer-
ta ſecernat, viſa repudiet, vera dignoſcat, nihil cum multitu-
dine opinetur, denique ſapienter omnia quę ſumpſerit, quę
poſuerit,

posuerit, certo sine comprehendat, & ratiocinatione demon-
stret: quod negotium & arduum est suapte natura, & ingenij
diuinitatem quandam efflagitat, & laboriosam, diuturnamq;
disciplinam: quorum alterum natura nobis, alterum ætas de-
negauit. Nam ante biennium vix quartumdecimum ætatu-
læ nostræ annum expleueramus: & tamen de ingenij laude no-
bis in Philosophorum puluere decernendum fuit: nunc bien-
nio post, decimum annum & septimum vix attigimus, & in
maiore famæ discrimine periclitamur: hoc est per ætatem vix
dum sapere licuit (si modo sapimus) & inter summos Philo-
sophos, præstantissimosque Theologos ea sapere cogimur, quæ
longissimè sunt ab omni materia, & humanitatis nostræ affini-
tate segregata. Quod equidem non ea gratia prædico, quasi
de me magnificè sentiam, sed illud vt palam fiat Cardinalis
Amplissime, quod modo dicebatur, me ex quo die ad Asylum
confugi auctoritatis tuæ, cuius tū re potius quàm nomine de-
lectatus naturam magis quam personam geris, sic esse, vel di-
gnitatis tuæ luce recreatum, vel facibus humanitatis incensum,
vt plus aliquanto suscipiamus interdum, quàm alicui fortasse
videamur ferre posse. Ac nos quidem ipsam periculi quam
subimus aleam videmus, & negotij difficultate deterriti à su-
scepto consilio penè recedimus: sed vrget illa, vrget quæ te-
nue fortunam nostram primum respexit, deinde nos, vt hæc
auderemus excitauit, nunc reficit, & confirmat humanitas.
Et vero tantum virium ex præsentis sensu ad id periculi mihi
præfagit animus futurum in oculis, aspectuque amplitudi-
nis tuæ, quantum, vt bellum suasit, sic victoriam adpromit-
tat. Nullum tam præsens periculum impendebat, nullum iter
tam arduum, nullum tam anceps, periculosumq; bellū aggre-
diendum fuit, quod Alexandri miles vnquā reformidauit; mo-
do Rex ille rerū gestarū magnitudine magnus omen, & auspi-
cium præsentis suæ daret. Tantum valebat apud militū animos
opinio de illius Regis virtute, fortunaq; præcepta. Simile quid-
dam Cardinalis Amplifs. nos etiam in re dissimili sentimus, te
auspice, te auctore dissimili. quid .n. illius purpurā cū tua con-
feram? quid illius lauream contendā cum tuis præstantis. di-
gnitatis

gnitatis insignibus ? quid triumphalia illa ornamenta & postremæ nequitie sordibus inquinata, & suorū, ex terrarūq; gentium commaculata sanguine configant cū tuis, quæ pax & virtus peperit, quæ pax & virtus amplificat, quæ diuinus humanusq; cōsensus illustrat? Est, est profectò aliquid (quid illud sit, sentio magis quàm iudico) est inquā aliquid in tua ista felicitate virtutis apud summum præpotentē terrarū Dominum ab optimis initiis, felicioribus incrementis enutrita: recreat inquā me, recreat virtus ista omnium opinione, constantiq; sermone percelebris, cum augustis. dignitatis splendore condecorata, tum ad illa vocata momenta rerū, quibus religio mortaliū, salusq; constat. Nam cum Princeps ille Terrarum, gentium parens, rerum superarum SIXTVS interpret opt. & felicissimus, laudes illas tuas iam à multo tempore perspexisset: cum illam morum seueritatem omni humanitate cōditam, illā singulārē in capiendis consiliis prudentiā, constantiā incredibilē in peragendis, & mentē illam ciuilis iuris, & pontificij, & per multa rerum humanarū diuinarumq; notitia illustratam: cum hæc inquā omnia Parens opt. deprehendisset; dignissimū iudicauit, quē per omnes titulos eductum ad id fastigium dignitatis accerferet, quod habetur inter mortales ad cultū sanctissimū, grauissimū ad auctoritatē, ad splendorē ornatissimū. Etenim cum te primū ex intimo Capellano, à secretis, vt aiunt, & supplicum libellorū muneri præfecisset; ita in multiplici illa, difficiliq; prouincia tua desudauit industria; vt viderent omnes plura te ferre posse quàm ferres, & ea ferre quæ paucissimi potuissent. Itaq; non ita multo post in lectissimū illum vtriusq; signaturæ Referendariorum ordinem conscriptū, sacræ Pænitentiarie sigillō præfecit, & inde continuo ad maiora transcripsit. Nā cum ex eo Magistratu, quē Datariatum vocāt, vir integerrimus ad Cardinalatus Apicem assumptus fuisset; cumq; Pontifex vigilantiss. circumspiceret, anquireretq; tanto mūneri parem, qui molē illam negotiorum paribus animis, & viribus sustineret, in multis reperit præter te neminē. Nec longum tēpus, & perspectū est quantū fides, integritas, consiliū, auctoritas, pietas, sanctitas apud te posset, quem non congerendarum opum cupiditas dimoueret

moueret; nec præpotentium amicitia & munera labefactarent, nec similtates inflecterent, nec otium à negotio, nec cōmodum ab officio reuocaret. Ergo non longissime vocandus fuit, non ab vltimis terris educendus, habebat domi, & in ornatissimo Vaticanæ Basilicæ Canonorum ordine, quem SIXTUS omni memoria, dum litteræ loquentur, perhibendus, Cusentinorum Ciuitati peruetustæ, & viris sanctitate insignibus, doctrinaque & bellica laude præclaris Archiepiscopum nominaret; quò cum tu ad perlustrandam componendamque prouinciam properares, ad Urbem ab ipso penè cursu retractus es, quasi parentem Optimum pæniteret, industriam istam atque solertiam cum omni genere doctrinæ, sanctitatisque coniunctam, saluti tantum, & commodis vnius prouinciæ præesse, quem iam tum ab incunabulis Christianæ Reipublicæ vniuersitas flagitarat. Hic igitur consentienti omniū voluntate, optatissima bonorum gratulatione Cardinalis renunciatus es. quo statim omniū sermone celebrato facile cognitū est, quantū interesset inter fortunæ (vt ita dicam) cliētes, & inter sapientiæ candidatos; & inter eos qui ad honores irrepūt opibus nobilitatis, & eos qui ad honores accedunt commendatione virtutis. Nam cum eodem tēpore nonnullos tecū summus Parens ad clarissimū istum ordinem conuocasset, quos gentilis purpura, quos trabeæ, quos generis claritas, & ab vltima antiquitate sanguinis repetita primordia cōmendarent; ita inter illos tuæ virtutis forma præluxit, ita tibi virtutis opinio suffragabatur, vt facile fortunæ suffragijs non indigeres, & præfidiis nobilitatis. Quare cū primū potuit, statim Pontifex Opt. Max. alio indicio declarauit quantū fidei tæ cōmitteret. Nam te Alexandro Farnesio non solum in amplissima Basilicæ Principis Apostolorum Archipresbyteratus dignitate succedere voluit; verū etiam in Procuratore administrandi ædificij quam vir ille & paulò ante Io. Moronus Cardinales duo vestri Collegij lumina præclarissima, duo columnæ firmissima Christianæ Reip. summa cū laude tenuissent. Quod quidē à summis Architectis descriptum pridem à multo tēpore inchoatum, maximis operibus affectum, diutissima molitione ne properatum, iam tandem ad iustum culmen, & fastigium

SIXTO Principe, & auctore Regifico sumptu, te urgente maxime incredibili celeritate festinat. Hic ego latissimum video, apertissimumque campum, in quo exultare & triumphare gestit oratio: sed non committam, ut extra fines suos euagetur Epistola. Quocirca mittam reliqua, quæ & innumerabilia sunt, & præclarissima. Non excelsissimæ dignitati pares animos tuos, non istam conspirationem laudum & quasi concentum ex multis virtutibus tanquam sonis usu, & moderatione temperatum, non mentem istam, & ultra fines humanæ conditionis elapsam, nec humanæ conditionis oblitam, non æquabilem conscientiam bonorum omnium, neque placentem sibi neque displicentem, non hominibus tributa commoda, non salutaria consilia commemorabo, non augendæ religionis, non corrigendorum morum ad veteris disciplinæ normam studium & diligentiam, non Sanctimonialium familias institutas & annuis fructibus stabilitas, non denique templa, vel ad magnificum, religiosumque nitorem exculta, vel à fundamentis ingentibus sumptibus excitata, quæ nos aliàs, & fortasse melius exequemur: sunt enim operæ longioris, & temporis. Ex his porro quæ attigimus cum bonorum omnium, tum Pontificis optimi, & sapientissimi grauissima, & singularia iudicia colligimus de tua fide, virtute, gravitate, constantia; ut nobis propè nefas videatur futurum, si vereamur ne tu tuo præsidio sis cadentem subleuaturus, quem iacentem, crexeris. Accipies igitur opus hoc vigiliarum nostrarum per te lucubratum, tibi debitum, testimonium voluntatis erga te meæ, monumentum benignitatis erga me tuæ. Quod si non despexeris, satis habuero; si respexeris, lætitiâ gestiam; si probaueris, digito cœlæ; attingam. Vale Cardinalis Amplissime, ut te Deus Opt. Max. in terris diutissime seruet incolumem, felicissimeque fortunet: & simul hoc habeto, meam domusque nostræ fidem, & diligentiam, industriam, assiduitatem ita desponsam, & consecratam esse dignitati tuæ, ut acerbissime mihi videar victurus, nisi in multis argumentis officij nostri omnes intelligant muneris, & beneficentiæ tuæ fuisse quod sapimus, quod intelligimus, quod publicum non fugimus, quod inter doctos hiscere audeamus, quod in doctrinæ luce versamur. Vale.

I N D E X

I.	
DE DEO.	
II.	
DE PRÆDESTINATIONE AC LIBERO ARBITRIO.	100
III.	
DE INEFFABILI DIVINAE TRINITA- TIS MYSTERIO.	122
IIII.	
DE ANGELIS.	346
V.	
DE DÆMONIBVS.	489
VI.	
DE DÆMONIACIS MAGICISQVE ARTIBVS.	577
VII.	
DE BEATITVDINE.	617
VIII.	
DE ACTIBVS HVMANIS.	669
IX.	
DE HABITIBVS.	812
VIRTVTIBVS.	820
VITIIS, &	820
PECCATIS	878
X.	
DE GRATIA IUSTIFICATIONE AC MERITO	932
XI.	985
DE FIDE.	
XII.	998
DE AVCTORITATE ROM. PONT. ET CONCILII.	1118
XIII.	
DE SPE.	1178
XIIII.	

XIIII.	
DE CHARITATE.	1197
XV.	
DE DIVINI VERBI INCARNATIONE.	1252
XVI.	
DE DEIPARA VIRGINE.	1518
XVII.	
DE VTRIVSQUE LEGIS SACRAMEN-	
TIS IN VNIVERSVM.	
XVIII.	1601
DE BAPTISMO.	1676
XIX.	
DE CONFIRMATIONE.	1718
XX.	
DE EVCHARISTIA.	1735
XXI.	
DE POENITENTIA.	1812
XXII.	
DE EXTREMA VNCIONE.	1887
XXIII.	
DE SACRO ORDINE.	1898
XXIIII.	
DE MATRIMONIO.	1913
XXV.	
DE ANTICHRISTO.	1937
EXTREMO IUDICIO.	1940
CONSUMMATIONE SAECVLI AC	1901
GLORIFICATIONE SANCTORVM.	1908
XXVI.	
PROBLEMAT A THEOLOGICA	in fine



DE DEO.

DEum esse non est per se notum quoad nos, sed quoad naturam: neque demonstrari potest demonstratione propter quid: sed demonstratione quia.

2 Ex creaturis non possumus perfectè cognoscere Deū secundum suam essentiam, cognoscimus modo viā remotionis, causalitatis & eminentiæ.

3 Deus corpus non est, nec corpore constans, nec ex materia & forma, neque ex essentia & esse.

4 Neq; verò componitur ex genere & differentia, neq; directè, neq; reductiue, ex quo fit vt definiiri non possit: neq; habet accidens aliquod. Est igitur in omni realis simplicitatis genere simplicissimus.

5 Eius summa simplicitati accedit summa perfectio, quæ omnes rerum omnium perfectiones eminentissimo modo continet: quæ quidem sunt simpliciter perfectiones, sunt in ipso formaliter: quæ verò secundum quid, eminenter tantum.

6 Perfectiones simpliciter communicatæ creaturis, de Deo, & creaturis, analogicè primo de Deo; secundo de creaturis dicuntur.

7 Creatura perfectior non continet eminenter perfectiones creaturæ inferioris, nisi eas, quarum est causa æquiuoca.

8 Creatura non potest esse similis Deo nec genere, nec specie; sed tantum secundum quandam analogiam, quatenus esse est vtrique commune analogicè. Deus aut nullo modo dicitur similis creaturæ.

9 Deus est summè bonus simpliciter in omni genere, & per essentiam, quod quidem nulli creaturæ communicare potest, neque etiam de potentiā sua absoluta.

10 Vnumquodque dicitur bonum à diuina essentia tanquam principio exemplari, efficiente, & formali per similitudinem ac participationem diuinæ bonitatis sibi intrinsecam.

11 Deus est infinitus non secundum materiam, sed ex parte formæ, & essentiæ, & in genere entis: & hoc non modo fide credimus, sed metaphysica ratione cognoscimus.

12 Repugnat diuinæ omnipotentiae condere creaturam infinitam per essentiam; imo nec potest esse creatura infinita, nec in materia nec in forma, nec in magnitudine, nec in multitudine.

- 13 Deus est in omnibus rebus non contentus; sed eas continens, & super omnia per excellentiam, totus in toto mundo, totus in singulis partibus totalitate non quantitatis, sed essentiae.
- 14 Est ubique totus nullibi conclusus, cum sit illocalis: ideo si usus loquendi admitteret; dicendum esset potius ipsum esse cum loco, quam in loco.
- 15 Deus non est in vacuo, neq; in spatio imaginario; sed in omni creatura per essentiam, praesentiam, & potentiam; in intellectuuali per gratiam, in Christo per unionem hypostaticam.
- 16 Esse ubique conuenit Deo, ita ut hoc nulli creatura conueniat.
- 17 Deus est omnino immutabilis, ita ut hanc immutabilitatem nulli creaturae communicare possit: nam omnis creatura ab eo mutari potest, qui sine ulla sui mutatione omnia mutat.
- 18 Immutabilitatis & aternitatis attributa ratione distinguuntur & esse aternum, ita proprium est Dei; ut etiam si creaturam ab aeterno produxisset, eo tamen modo quo Deus aternus est, aeterna non esset.
- 19 Quatuor sunt in vniuerso durationes: aternitas, aeuum, tempus discretum, & tempus continuum: aternitate Deus, aeuo Angeli & rationales animae, tempore discreto angelorum liberae operationes continuosublunaria mensurantur.
- 20 Aternitas est interminabilis vita tota simul & perfecta possessio, & ea participata mensuratur visio beatifica diuinæ essentiae.
- 21 Deus est summè vnus ea vnitatem, cui opponitur multitudo opposita simplicitati: est autem vnus vnitatem numericam, quamuis sit in pluribus personis.
- 22 Et si Deus est secundum se summè cognoscibilis; nulla tamen creatura eius essentiam naturali virtute clare intueri potest.
- 23 Homines & Angeli possunt videre diuinam essentiam; quia ad eam videndam habent capacitatem secundum potentiam obedientialem.
- 24 Homo potest habere appetitum naturalem elicitum inefficacem ad videndum Deum ex viribus naturæ; efficacem verò non potest sine supernaturali auxilio Dei.
- 25 Ad videndum Deum requiritur aliqua similitudo ipsius ex parte potentiae visivae; ex parte verò rei visae, necesse est Deum vni-

Viden-

- videnti, quia per nullam creatam similitudinem videri potest.
- 26 Vnio diuina essentia cum intellectu creato est per modum speciei intelligibilis, ita ut visio pendeat ab ea non modo ratione obiecti, terminatiui; sed etiam tamquam à specie intelligibili, cuius proprium est vnire obiectum cum potentia.
- 27 Diuinam essentiam corporalibus oculis videri impossibile omnino est.
- 28 Impossibile arbitror creaturam intuitiue videre Deum nisi habeat supernaturale aliquod lumen creatum proportionatum cum visione.
- 29 Diuinam essentiam alter altero clarius intuetur, & hoc non ex eo est quod sit eius similitudo perfectior in vno quam in alio; sed quia hic plus participat de lumine gloria, quia plus habuit charitatis.
- 30 Beatorum nemo comprehendit diuinam essentiam, non quod aliquid visi lateat videntem; sed quia imperfectiori modo videt quam sit visibilis: unde omnis beatus videt totaliter Deum ex parte rei visæ, sed non ex parte modi videndi.
- 31 Beati in Deo non vident omnia, quæ facit aut facere potest, neque omnes effectus producibiles quoad eorum essentias.
- 32 Quilibet beatus videt in essentia Dei omnes creaturas de facto creatas & creandas & earum rationes & ordinem vniuersi; sed non videt omnes earum liberas operationes.
- 33 Quilibet beatus videt in diuina essentia omnia mysteria spectantia ad fidem: fieri tamen potest de potentia absoluta Dei; ut videndo diuinam essentiam, nullam creaturam videat.
- 34 Nullus beatus videt in verbo omnes cogitationes & volitiones Dei, neque omnes rationes rerum creatarum; sed plures, vel pauciores iuxta luminis qualitatem.
- 35 Ea quæ à videntibus diuinam essentiam in Deo videntur, videntur non per aliquam creatam similitudinem; sed per solam essentiam Dei.
- 36 Quæ in diuina videntur essentia omnia vnicò actû & sine temporis successione cognoscuntur: reuelationes verò particulares successiue fiunt.
- 37 Homo in hac vita mortali existens; non potest diuinam essentiam intueri de potentia Dei ordinaria; potest autem de absoluta.

- 38 Deus à nobis tribus nominum generibus appellari potest: via causalitatis, & sic dicimus Deum esse primam causam: via remotionis, & sic dicimus esse incorporeum: via eminentiæ, & sic dicimus esse summè bonum.
- 39 Deo tribui possunt tam nomina concreta, vt Deus bonus, quàm abstracta; vt Deitas, bonitas, quæ se habent sicut excedens & excessum.
- 40 Deus potest imponere sibi nomen se comprehensiuè significans, soli sibi, non autem creaturæ.
- 41 Quælibet rationalis creatura potest imponere Deo nomen, quod ipsum ipsi Deo comprehensiuè significat; sed non creaturæ: beatis vero intuitiuè, viatoribus anigmaticè.
- 52 Idem nomen Dei quodcunque illud sit, Deo representat Deum comprehensiuè, creaturæ beatæ intuitiuè, viatori vero anigmaticè.
- 43 Nomina, quæ significant relationes ad creaturas, vel negatiuè de Deo dicuntur; non significant Deum substantialiter.
- 44 Supradicta nomina quantum ad rem significatam magis propriè dicuntur de Deo, quàm de creaturis; licet quoad modum significandi sit è conuerso.
- 45 Nomina diuersa de Deo dicta non sunt synonyma respectu nostri: quia per ea diuersas Dei perfectiones mente concipimus, respectu verò Dei, & beatorum sunt synonyma.
- 46 Idem de Deo & creaturis non vniuocè dicitur, neque æquiuocè, sed analogicè; id est de creaturis in ordine ad Deum, vt bonus, sapiens.
- 47 Nomina, quæ de Deo metaphoricè dicuntur, prius de creatura dicuntur, quàm de Deo: quæ verò propriè, prius dicuntur de Deo, si attendamus rem significatam.
- 48 Quæ de Deo cum respectu ad creaturas nomina dicuntur, significando actionem intellectus & voluntatis dicuntur ab æterno: quæ verò significant realem relationem creaturarum ad Deum, dicuntur ex tempore.
- 49 Hoc nomen, Deus, licet impositum sit Deo ab operatione; tamen res, quam significat est natura diuina.
- 50 Nomen Deus quoad rem significatam est incommunicabile, quantum verò ad modum significandi, & secundum quandam similitudinem est communicabile.

- 51 Si esset aliquod nomen, quod Deum significaret, ut est hoc aliquid, illud esset prorsus incommunicabile.
- 52 Nomen Deus de Deo per essentiam, & per participationem, & per opinionem non uniuocè, nec purè æquiuocè dicitur, sed analogicè analogia logica.
- 53 Venerandum Dei nomen hebraicè dictum Iehoua, quod græcè Tetragrammaton dicunt: est maximè proprium Dei, ut à quo nomen impositum est: at ut ad quod significandum hoc nomen impositum est, magis proprium est hoc nomen, Deus.
- 54 Deus est maximè sciens scientia actuali, non habituali: hæc verò in Deo non est qualitas, neque est vniuersalis, vel particularis, sed eminentiori modo.
- 55 Deus non habet scientiam sui propter quid; sed respectu omnium creaturarum; non ex parte cognoscentis, sed ex parte rei cognita.
- 56 Cognoscit autem creaturas non in seipsis, sed in seipso; non modo quoad ea, in quibus concurrunt, sed etiam quoad ea, in quibus differunt.
- 57 Scientia Dei non est discursiua, neque quoad successionem, neque quoad causalitatem: sed adiuncta voluntate, est causa rerum creaturarum.
- 58 Deus cognoscit non entia scientia simplicis intelligentiæ: quæ verò sunt, fuerunt, vel erunt, scientia visionis.
- 59 Deus cognoscit mala, ea quidem quæ sunt pænæ scientia approbationis: quæ verò culpæ, scientia visionis & mediante bono tanquam obiecto secundario.
- 60 Deus cognoscit infinita nō modo scientia simplici intelligentiæ, sed etiam scientiæ visionis: istæ autem nō sunt duæ scientiæ, sed vna considerata in ordine ad diuersa obiecta.
- 61 Futura contingentiæ & præterita non sunt præsentia, æternitate, nisi obiectiue; non autem realiter: & quantumuis essent præsentia, neque tamen proinde cognoscerentur.
- 62 Vera & sufficiens ratio, cur futura contingentiæ à Deo cognoscantur, est infallibile diuinæ voluntatis decretum, ex quo omnia futura habent esse quod habebunt.
- 63 Propositio singularis de futuro contingenti est terminatè vera, non necessario, sed libere; unde Deus eam co- cit: & nisi esset deter-

determinata & his, non cognosceret.

- 64 Deus cognoscit futura sub cōditione contingentia, hoc est cognoscit quid facturus fuisset paruulus qui mortuus est, si superuixisset.
- 65 Deus cognoscit enunciabilia, & enunciationes non per modum enunciabilium; sed per simplicem intelligentiam, intelligendo essentiam enunciantium.
- 66 Deus de se ipso habet scientiam pure speculatiuam: de rebus uero creatis practicam modo speculatiuo: de his uero quæ numquam facit, sed facere potest; habet scientiam non practicam pure, sed etiam speculatiuam: de his uero quæ numquam facit, nec facere potest, habet merè speculatiuam.
- 67 Dominus malis culpæ habet scientiam practicam sub conditione permittendi & non impediendo, & ordinando ea in maius bonum uniuersi, vel curando simpliciter omnium entium habet scientiam speculatiuam.
- 68 In Deo sunt ideæ nō sui ipsius, sed aliarum rerum omnium: sunt autem non eminenter, sed formaliter: neque sunt tantum Filius, aut Spiritus sanctus; sed ipsa Dei essentia.
- 69 Ideæ plures sunt, neque tamen diuinam simplicitatem tollunt: distinguuntur aut inter se non per diuinum intellectum; sed per relationem rationis ad ideata.
- 70 Si ideæ sumatur prout est principium operandi, Deus habet ideam omnium creaturarum, quæ aliquando productæ sunt vel producuntur: si uero prout est principium cognoscendi; Deus habet ideam omnium creaturarum etiam possibilem.
- 71 Malum cognoscitur à Deo per ideam boni, materia prima per ideam compositi, genera per ideam specierum, accidentia inseparabilia per ideam subiecti, indiuidua uero per propriam ideam.
- 72 Ideæ præcisè spectat ad scientiam speculatiuam: accedente uero uoluntate producendi ideatum, spectat ad practicam.
- 73 Deus est ueritas prima, ratione cuius omnia uera esse dicuntur non formaliter, sed conformatiue; siue præsentia sint, siue præterita, siue futura.
- 74 Ratione huius ueritatis ab eterno uera sunt multe propositiones, ut homo est peccabilis: non autem quod res habeant aliquod esse reale extra Deum, quod verificet has propositiones.

- 75 *Hæc Veritas immutabilis est omnino; nullis enim opinionum vicissitudinibus immutatur: quacumque enim Deus scivit ab aeterno, nunc scit & sciet in aeternum.*
- 76 *In Deo est voluntas, quæ vult non modo se, sed etiam alia à se; se quidem ut finem, alia verò, ut ad finem; vult autem omnia non modo futura, sed etiam possibilis simplici complacentia.*
- 77 *Nō quicquid Deus vult ex necessitate vult sed seipsū quidem vult necessariò; alia verò liberè, vel necessariò necessitate conditionata.*
- 78 *Voluntas Dei est causarum omnium, ipsius verò voluntatis nulla est causa, neque finalis neque efficiens, neque formalis, neque materialis; nisi forte secundum nostrum modum intelligendi.*
- 79 *Voluntas Dei simpliciter absoluta & consequens, semper iussur: voluntas verò inefficax & antecedens, quæ dicitur velleitas, non impletur.*
- 80 *Diuina voluntas immutabilis est semper idem volens; sed non semper esse idem; eius autem immutabilitas sine immutabilitate scientiæ saluari non potest.*
- 81 *Voluntas Dei quæ necessariò futura sunt liberè vult, sed necessariò esse vult: quæ verò liberè futura sunt; & liberè vult, & liberè esse vult: vnde imponit necessitatem ijs tantum quibus vult.*
- 82 *Deus nullo actu positivo vult malum culpæ, malum verò pœnæ, & naturalis defectus vult volendo bonum, cui coniungitur tale malum.*
- 83 *Deus non vult mala fieri: neque vult mala non fieri; sed perire vitari fieri.*
- 84 *Deus respectu Angelorum habuit velleitatem, ut omnes saluarentur, & nolleitatem, ut illorum nemo peccaret; sicut respectu hominum.*
- 85 *Velleitas hæc in Deo merito ponitur ad eius misericordiam cum iustitia demonstrandam.*
- 86 *Deus non habet velleitatem respectu creaturarum possibilium tantum, vel non possibilium; sed tantum respectu futurarum presentium, vel præteritarum quoad earum salutem.*
- 87 *Non est dicendum Deum habere voluntatem antecedentem, quæ vellet omnes peccatores puniri; aut nolleitatem, quæ nollet quemquam saluari.*

- 88 *Pro eo quòd Deus ab aeterno praevidit, & voluit omnia, non sequitur necessarium ita esse necessitate absoluta, sed tantum necessitate conditionata.*
- 89 *Effectus contingentes & liberi si ad diuinam scientiam comparentur, sunt necessarii secundum quod necessitate consequentiae, non consequentis: quare non sunt contingentes, nisi respectu proximarum causarum.*
- 90 *Humanae actiones liberae, quatenus liberae sunt, formaliter referuntur non solum ad immediatam causam, scilicet ad facultatem liberi arbitrii creati, sed etiam ad primam causam liberam.*
- 91 *Omnis effectus bonus contingens & liber principaliter refertur ad diuinam voluntatem tanquam causam primam, & efficientem suae libertatis.*
- 92 *Etiam si voluntas Dei sit necessaria in se; tamen prima radix contingentiae rerum est Dei voluntas.*
- 93 *Facta suppositione quòd Deus operaretur ex necessitate naturae, iam contingentia rerum non reducerentur in Deum ut in radicem efficientem contingentiae.*
- 94 *Omnis creatura ad extra, omnisque dependentia & causalitas est contingens, si ad diuinam voluntatem referatur; etiam si respectu secundae causae dicatur necessaria.*
- 95 *Quamuis Deus nullo modo sit causa peccati, ipsum tamen est contingens ratione contingentiae actus, à quo dependet.*
- 96 *Deus amat omnia, & magis unum quam aliud; non intensiue, sed extensiue, & magis meliora: quae tamen ipse fecit amore, qui non est passio.*
- 97 *Esse communicatum sui in potentia, est perfectio formaliter in Deo existens; actu verò se communicare ad intra, est perfectio naturalis in Deo existens ab aeterno.*
- 98 *Communicare se actu creaturis, non est perfectio in Deo, sed dicit nouam relationem realem in creaturis: in Deo autem nouam relationem rationis.*
- 99 *In causandis creaturis inter voluntatem & scientiam Dei, nulla est prioritas in re: sed secundum nostrum intelligendi modum voluntas prior est quoad exercitium, scientia quoad specificationem.*

DE PRAEDESTINATIONE AC LIBERO ARBITRIO.

- 100 **D**iuinae providentiae omnia esse subiecta, nihilque eam vel
minimū effugere, nō modo diuina lumine fidei; sed etiā
humanis argumentis cognoscimus.
- 101 Est autem providentia ratio ordinis rerum in finem
existens ab aeterno in mente diuina quoad entitatem, & realitatem;
ex tempore autem quoad effectus suos.
- 102 Ad rationem providentiae tam in Deo, quā in hominibus neces
sarius est actus voluntatis & intellectus: loquendo tamen in rigo
re, & formaliter, providentia dicit actum intellectus.
- 103 Deus ordinat res in suos fines creatos, non ut illi fines sint causa
diuinae ordinationis, sed tantum ratio volitorum: Vult igitur Deus
hoc propter illud tanquam rationem huius volitis; non tanquam cau
sam suae volitionis.
- 104 De ratione providentiae in communi prout abstrahit à diuina &
humana, non est assecutio finis: diuina tamē providentia semper suū
sortitur finem.
- 105 Quamuis res pectū secundarum causarum multa casu & fortui
tū contingant: respectu tamē diuinae providentiae nihil casu accidit.
- 106 Excellentiori modo Deus habet providentiam de rationali quā
de irrationali creatura, & excellentiori modo de praedestinatis quā
de praescitis.
- 107 Substantia & entitas actionis, ex qua proficiscitur peccatum, sub
ditur diuinae providentiae per se.
- 108 Ipsum autem peccatum cadit sub diuina providentia, veluti ma
teria circa quā Deus multa providet; permissio autē peccati cadit per
se, & directē sub diuina providentia, & est ab ipso positivē volita.
- 109 Permissio peccati ex parte Dei nihil est aliud, quā permissio se
cundarum causarum suis naturis cum praevisione infallibili peccati
futuri.
- 110 Deus non est causa, peccati nec per se, nec per accidens, nec direc
tē, nec indirectē; etiamsi ad actum peccati concurrat concursu
quodam generali.

- 111 Si prouidentia sumatur pro ordine rerum in finem, Deus immediatè omnibus prouidet.
- 112 Christus autem Dominus per scientiam omnium rerum, quam habet in suo intellectu creato; non dicitur habere prouidentiam omnium rerum eò modo quo Deus, scilicet operatiuam; sed instrumentariam quoad res supernaturales.
- 113 Quatenus verò prouidentia dicit executionem ordinis præmeditati, Deus non immediatè omnibus prouidere dicitur; multa enim per secundas causas operatur.
- 114 Cum tamen immediatè Deus concurrat immediatione virtutis; & suppositi ad omnes & singulas operationes, quæ inquam contingunt, aut contingent.
- 115 Deus prædestinauit, & reprobauit tum homines, tum Angelos, & horum cum illis prædestinatio & reprobatio vniocè conueniunt,
- 116 Actuum Dei circa prædestinationem secundum imaginationem nostram hic est ordo; primum cognouit Deus omnes homines possibiles; Ex his quosdam dilexit quoad esse naturæ, & hos voluit creare. Ex his rursus; quosdam dilexit in ordine ad finem supernaturalem; & hos elegit, & iustificauit, & glorificauit.
- 117 Prædestinatio est ratio existens in mente diuina circa media efficacia ad consequendam gloriam; quæ nostro modo intelligendi præsupponit electionem & dilectionem.
- 118 Reprobatio & prædestinatio de lege ordinaria non reuelatur nisi paucis, aliter enim sciri non potest.
- 119 Deus aliquando aliquibus reuelat suam ipsorum prædestinationem: ut securitatis gaudium, etiam in hac vita ijs incipiat, & confidentius & fortius bona opera prosequantur & præsentis vitæ miserias suslineant: non deuit tamen ipsam omnibus reuelare.
- 120 Prædestinatio si consideretur secundum suum formale, est in solo Deo: si verò consideretur quoad suos effectus, scilicet, iustificationem & glorificationem, actiue quidem est in solo Deo: passiue autem in prædestinatis.
- 121 Bona, vel mala temporalia siue animi, ut mentis acies & hebetudo; siue corporis, ut valetudo, aegritudo, pulchritudo, deformitas; siue fortuna, ut diuitia, paupertas, si considerentur respectu prædestinationis totius corporis mystici prædestinatorum sunt effectus illius;

si verò quoad singulos homines, possunt esse effectus tam prædestinationis, quàm reprobationis.

122 Deus ab æterno voluit positivè damnare, & perire reprobos, propter eorum peccata ab æterno prævisa.

123 Piè credi potest, quòd omnibus venientibus ad usum rationis Deus opem aliquam ferat auxilio supernaturali & secretò instigante ad operandum bonum.

124 Parvuli qui in utero materno, vel antequam ad usum rationis pervenerint, moriuntur: nihil auxilij supernaturalis in se receperunt immediatè.

125 Si dare summatim pro proponere, vel invitare; Deus omnibus hominibus usu rationis præditis, nemine prorsus excepto, dat auxilium sufficiens ad eorum salutem.

126 Certa fide credendum est quemlibet hominem dum est in hac vita, posse salvari, ac posse damnari.

127 Si dare accipitur pro eo, cuius correlativum est accipere, ita ut si ne hoc stare non possit; Deus non dedit omnibus hominibus, etià venientibus ad usum rationis, auxilium supernaturale gratiæ præparantis, vel ad credendum, vel ad penitentiam agendam.

128 Cum tamen Deus dicatur paratus dare omnibus hominibus, quādiu sunt in hac vita auxilium, quo fiant potentes converti; & convertantur si velint.

129 Deus ab æterno statuit voluntate absoluta, seu consequenti, non dare omnibus supernaturalia auxilia, videlicet eis qui ea recepturi non sunt.

130 Causa primaria & radicalis cur aliquis convertatur est divinum beneplacitum movens illum efficaciter & suaviter: causa autè primaria, cur aliquis non convertatur est sua ipsius pertinacia.

131 Stante efficaci auxilio gratiæ in aliquo, is potest dissentire, si velit, non in sensu composito, sed diuiso; libertate antecedenti, non consequenti.

132 Deus quos prædestinavit elegit, & quos elegit dilexit, ita, ut quemadmodum prædestinationem electio, ita electionem dilectio nostro intelligendi modo antecedit.

133 Nulla causa, aut ratio, aut extrinsecū motuum reperiri potest, quod Deum moveat ad æternum actum prædestinationis.

- 134 Cum tamen secundum intelligentia nostra rationem, ratio prædestinationis, videatur esse dilectio prædestinati; dilectionis autem immensa Dei bonitas & misericordia.
- 135 Hæreticum est asserere ob præcedentia hominis merita, quæ animæ cum corpore vñionem antecesserint, hunc prædestinari, illū ob demerita in eo tempore facta reprobari.
- 136 Est etiam hæreticum asserere merita præexistentia in hac vita pronientia ex libero arbitrio & naturalibus hominis viribus esse causam effectus diuinæ prædestinationis.
- 137 Neque verò merita prædestinationis effectum subsequentia, qualia sunt bona opera nostra in gratia, sunt causa nostræ prædestinationis: si quidem non essent nisi prædestinati præcessisset; quæ red dit salutē prædestinatorum infallibilē, libertatem ipsorum non tollit.
- 138 Hæretica, & planē fatua est eorum opinio, qui hominum prædestinationē aut reprobationē ex syderum configurationibus, congressibus, oppositionibus, regressibus effici aut significari existimant.
- 139 Nec minus hæreticum est dicere paruos, qui moriuntur ante vsum rationis iustificari, aut reprobari ex præuisione bonorum, vel malorum operum, quæ facturi fuissent si superuixissent.
- 140 In electione hominum ad gratiam, Deus non vtitur ordine regentis, sed iure dominantis; nefas tamen est cogitare Deum vti tyrannide: quis enim prior dedit ei, & retribuetur ei?
- 141 Primus effectus prædestinationis, qui est vocatio congrua fit efficienter à solo Deo; à nobis autem tanquam cooperantibus, & assentientibus diuinæ vocationi, qui tamen assensus etiā à Deo causatur.
- 142 Idem ordo in hominum prædestinatione seruatus fuisset, si genus humanum in pristina innocentia statu iugiter perseverasset.
- 143 Christus Dominus meruit prædestinationem omnium, qui prædestinandi sunt; & si qui alijs prædestinarentur; meritis ipsius prædestinarentur.
- 144 Meritum Dominicæ passionis omnes homines, quotquot sunt, æqualiter attigit. vnde causa cur hic homo prædestinatus sit, ille nō; non est referenda in meritum ipsius: Eorum verò qui post Domini passionem consecuti sunt, Christus peculiari quodam modo meruit prædestinationem: pro ijs enim specialiter orauit.
- 145 Prædestinatio secundum totum suum esse, præsertim secundum pri-

primum effectum, scilicet primam gratiam, non est in nostra potestate: est tamen in nostra potestate, ut vocationi consensum praebeamus, idque non est simpliciter in nostra potestate; sed supposita gratiae efficaci.

- 146 In praedestinati iustificatio est effectus praedestinationis & bona opera, etiam si postea per mortale peccatum mortificentur.
- 147 Causa praedestinationis primi parentis absoluta & quoad omnem eius effectum, fecit Christus Dominus, qui fuit illi reuelatus per fidem; unde Christi merita illi applicabantur.
- 148 Originalis iustitia, & merita facta à primis parentibus dum in illa permanserunt, non fuerunt effectus praedestinationis, nisi quatenus per subsequens peccatum mortificata, reuiuiscuntiam habuerunt ex meritis passionis Christi.
- 149 Peccata praedestinatorum non sunt effectus praedestinationis; nisi quatenus propter ea humiliati, fortiores resurgimus.
- 150 Multi sunt effectus gratiae, qui in praedestinati numerantur, inter effectus praedestinationis, ut vocatio ad fidem, &c.
- 151 Causa reprobationis totius massa perditionis referenda est in primum parentem; is enim suo primo peccato condigne meruit, ut posterius quot Deus vellet reprobandentur.
- 152 Deus ordinauit homines ad poenam, damni quidem, paruulos non baptizatos ob peccatum originale sensus vero adultos ob peccatum actuale ipsorum, quod facturos ipsos Deus praesciuit, sed non praedestinauit.
- 153 Hominibus denegata est gratia efficax ex demerito tri capitis, scilicet primi parentis, angelis vero qui perierunt non ex illo ipsorum demerito, sed ex iusto Dei iudicio.
- 154 Si obduratio pro primi peccati permissione sumatur, nulla datur causa, cur Deus illud permittat, nisi mera Dei voluntas: si vero obduratio sumatur pro derelictione alicuius post multa peccata, Deus cor hominis indurat; ira tamen, ut non neget illi auxilium gratiae sufficientis.
- 155 Deus multis paruulis dedit media sufficientia, quibus saluari potuissent, nisi eorum parentes negligentes fuissent circa eorum salutem: ijs vero qui in materno utero pereunt, Deus dedit auxilium sufficienti in primo parente.

- 156 Consensus nostri liberi arbitrii ad diuinam vocationem totus est à libero arbitrio & totus à diuina gratia simul tum tempore, tum casualitate in ordine ad effectum: dicere autem ipsum esse à solo libero arbitrio est hæreticum.
- 157 Idem dicendum de Angelis & homine in statu innocentie, nisi quod Angelis, & primo parenti in statu innocentie data est tantum gratia qua possent; non qua perseuerarent; quam si non habuissent non potuissent perseuerare: At per Christum prædestinatis datur gratia non solum qua possint, sed etiam qua velint perseuerare.
- 158 Is qui habet solum auxilium sufficiens, potest respondere, & non respondere diuinæ vocationi.
- 159 Gratia efficax necessaria est ad consentiendum diuinæ vocationi necessitate consequenti, non antecedenti; quia ita positum est in nostra potestate resistere gratiæ efficaci, ac sufficients: id quod aequè de Angelis & hominibus intelligendum est.
- 160 Per gratiam antecedentem, siue congruam & efficacem, siue incongruam & inefficacem, distinguuntur prædestinati à reprobis.
- 161 Possent homines saluari cum solo auxilio sufficienti possibilitate antecedenti, non consequenti: ideoque nemo hoc solo auxilio saluabitur de facto.
- 162 Tantum abest, ut diuina prædestinatio tollat in prædestinatis arbitrii libertatem; ut potius ipsum perficiat per gratiam naturæ non destructiuam; sed perfectiuam.
- 163 Hæc propositio, Deus potest prædestinare Petrum, quem non prædestinauit, in sensu composito falsa est; in sensu verò diuiso vera.
- 164 Hæreticum est dicere prædestinatis non prodesse bona opera, & reprobis non obesse quod male viuunt; aut illis non obesse mala opera, nec his prodesse bona.
- 165 Actus nostri mali non fuerunt à Deo prædefiniti secundum substantiam actus in aliquo priore ante determinationem nostram; sed habita ratione concursus & cooperationis nostræ voluntatis.
- 166 Verè dicimus liberum arbitrium operari per Deum, & Deum operari per liberum arbitrium; item liberum arbitrium operari, quia Deus


operatur; & Deum operari, quia liberum arbitrium operatur.

- 167 Non prius est determinatio nostra voluntatis ad unam partem quam decretum Dei, aut generale circa quaecunque opera, aut peculiare: sed utrumque simul est nostro modo intelligendi.
- 168 Voluntas Dei cooperandi cum nostra voluntate, immo etiam ipsa actualis cooperatio Dei cum illa in tempore, est in nostra potestate.
- 169 Si prima causa motrix nostra voluntatis necessario operaretur habita ratione determinationis nostra voluntatis; adhuc nos etiam liberè operaremur, sicut nunc operamur: sin autem moueret necessario, nulla habita ratione determinationis nostra voluntatis; iam voluntas non liberè operaretur.
- 170 Etiam si nulla causa in uniuerso esset libera; tamen multi effectus essent contingentes.
- 171 Futura contingentia omnia sunt determinata quoad veritatem, vel falsitatem ex parte rei effecta; non autem ex parte agentis.
- 172 Deus ab eterno præiudic, & prædeterminauit certum numerum, prædestinatorum non solum materialiter; sed etiam formaliter.
- 173 Est autem hic numerus Deo certus non solum per cognitionem, quia omnia futura certo cognoscit; sed etiam per principalem, & particularem prædeterminationem & electionem.
- 174 Non sic loquendum est de numero reproborum, horum numerum ab eterno tam materialiter, quam formaliter præsciuit; sed non prædefinuit.
- 175 Quantus autem sit numerus prædestinatorum nemo potest cognoscere, nisi is qui seipsum cognoscendo omnia cognouit; & eius filius, qui prædestinatorum est caput, & primogenitus.
- 176 Iste propositiones, reprobis saluabitur, prædestinatus damnabitur, sunt in materia remota; istæ autem, reprobis potest saluari, prædestinatus damnari; ad verumlibet.
- 177 Item istæ Præscitus saluari, saluabitur; præscitus damnari, damnabitur, sunt necessaria necessitate consequenti, & in sensu composito; non necessitate antecedenti, nec in sensu diuiso.
- 178 Plures hominum sunt reprobi quam prædestinati, & inter fideles plures esse reprobos, quam prædestinatos probabile est.

an verò numerus prædestinatorum, maior, vel minor sit numero Angelorum, vel demonum, nec coniectari quidem humana mens potest.

- 179 Prædestinatio quoad ipsam Dei prædestinationem, quæ ab æterno est, precibus sanctorum, nec adiuuatur nec impeditur.
- 180 Quantum ad effectum prædestinatio dicitur precibus sanctorum, & alijs bonis operibus addiuuari; per opus tamen cuiuscunque creatura non potest impedi.
- 181 Totus prædestinationis effectus, prout comprehendit tam effectus intrinsecus in nobis receptos, quam dispositiones, & media extrinseca ad spiritualem vtilitatem à Deo ordinata; non potest precibus sanctorum adiuuari: quoad aliquos effectus, etiam intrinsecus in nobis receptos, potest adiuuari.

DE INEFFABILI DIVINAE TRINITATIS MYSTERIO.

- 182  In a Trinitatis mysterium est mysterium mysteriorum, illorumque omnium principium, tum efficiens, tum finale: ad quod manifestandum & glorificandum omnia alia fidei mysteria ordinantur.
- 183 Processio in diuinis non est ea, per quam effectus procedit à causa; nec ea, per quam causa procedit in ipsum effectum; sed est emanatio per intellectum & voluntatem.
- 184 Non enim quacunque intellectuone producitur Verbum; sed ea tantum, quæ expressiua & directa est.
- 185 In diuinis Verbum propriè dicitur generari; non metaphoricè: generatio autem illa dicitur origo viuens à viuentē, à principio coniuncto in similitudinem eiusdem naturæ.
- 186 Hanc diuinam generationem non esse mutationem de potentia ad actum, ratio docet: In ea autem definitione non comprehenditur plantarum propagatio.
- 187 Verbum in diuinis esse propriè filiū de fide est, etiam si in humanis id non sit verum: & huius ratio est, quia in Deo intelligere est Deus; non autem sic in homine & Angelis.

- 188 *Est præterea alia processio, quæ dicitur amoris, distincta à priori secundum ordinem originis, & præter has duas processiones in diuinis nullam aliam esse, de fide est.*
- 189 *Istæ duæ processiones non terminantur in aliquid ad extra: quo fit ut utriusque terminus, scilicet Verbum & Spiritus Sanctus sit idem cum patre, & Deus sicut ille, hocque de fide est.*
- 190 *Processionem Spiritus Sancti non esse generationem, & è contra generationem non esse spirationem, quæ est Spiritus Sancti processio, de fide est.*
- 191 *Falluntur autem qui huius distinctionis nullam adduci posse rationem existimant, quanquam sufficiens non est ea, quod pater non sit filius, nec filius pater: neque ea ratio est, nè si dicamus Vnam processionem; infinitos in diuinis, filios aut Spiritus Sanctos admittere cogamur.*
- 192 *Neque quod filius procedit ab Vno; Spiritus Sanctus à duobus: neque quod filius naturam à patre acceptam communicare possit; non autem Spiritus Sanctus.*
- 193 *Neque quod generatio, & processio se ipsis distinguantur, etiam si eas hoc modo distinguere concedamus: sed quod filius procedat similis patri, ut eius imago ex vi productionis; non autem Spiritus Sanctus: ideo illa dicitur generatio; non ista.*
- 194 *Distinctio harum processionum completur ex tribus, scilicet distinctione rationis principiorum, intellectus nimirum & voluntatis; ex reali distinctione terminorum productorum, scilicet geniti, & spirati; & ex ordine originis.*
- 195 *In Deo sunt relationes reales, quæ non prædicantur per modum inhaerentis secundum propriam rationem relationis prædicamentalis; sed potius per modum ad aliud se habentis.*
- 196 *Relationes reales existentes in Deo sunt idem cum essentia diuinæ; & non distinguuntur ab ea, nisi secundum intelligentiam nostram rationem.*
- 197 *Simpliciter autem omnis relatio siue creata, siue increata est formaliter perfectio.*
- 198 *Attributum Dei est perfectio ipsius à nobis concepta, quæ in se quidem neque est relatio; neque importat relationem, neque realem, neque rationis: quo fit, ut nullum attributum Deo ex tẽpore conveniat.*

- 199 Dicere attributa diuina distingui realiter à diuina essentia, aut inter sese, error est.
- 200 Neque verò attributa inter se distinguuntur ex natura rei ante operationem intellectus; sed tantum secundum operationem intellectus nostri; qui non potest omnes diuinas perfectiones vno conceptu in Deo considerare.
- 201 Esse creatorem, redemptorem, &c. actualiter conueniunt Deo in ordine ad creaturas; ita ut si impossibiles essent creaturæ; impossibile etiam esset hæc nomina de Deo predicari.
- 202 Attributa verò negatiua, vt infinitus, incorporeus, incomprehensibilis &c. conueniunt Deo ab æterno sine ordine ad creaturas; etiam si essent impossibiles creaturæ.
- 203 Similiter esse creatorem, redemptorem &c. potestate, conueniunt Deo ab æterno absque vllò ordine ad creaturas, creatas, seu creandas, possibiles tamen.
- 204 Intellectus hominis Viatoris non potest concipere attributa diuina distincta ratione; nisi per ordinem ad creaturas realiter distinctas.
- 205 Admitto hanc, pater generat; filius generatur: pater spirat; Spiritus Sanctus spiratur; sed non has, paternitas generat; filiatio generatur: spiratio ætina spirat; passiva spiratur.
- 206 Nomen Trinitatis significat vnitatem essentia in reſto, & Trinitatem personarum in obliquo, quoad etymologiam; quoad significationem autem est è conuerso.
- 207 Deus est Trinus, & Trinitas, non triplex, nec triplicitas: quia Trinitas significat absolute numerum, Triplicitas significat comparisonem inæqualitatis.
- 208 Magis distinguuntur essentia, & persona; essentia, & attributa; & attributa inter se; quàm distinguatur relatio, & persona: quia datur latitudo in distinctione rationis.
- 209 In Deo sunt quatuor relationes, Paternitas, filiatio, spiratio, processio: inter has autem illa tantum distinguuntur realiter; quæ inter se opponuntur vt prima, secunda; tertia, quarta.
- 210 Persona est rationalis naturæ indiuidua substantia; per substantiam autem intelligo eam, quæ præscindit à prima, vel secunda.
- 211 Hoc nomē, persona, idem significat in genere substantiarum ra-

eionalia; quod significat hypostasis, vel suppositum in genere substantiarum ratione carentium.

- 212 Essentia in compositis & materialibus substantijs non est idem quod persona: persona enim supracessentiam addit tum principia individualia, tum rationem incommunicabilitatis.
- 213 Nomen personæ etiam si nullibi in scripturis legatur, competit tamen Deo non sicut à quo nomen impositum est: sed sicut id, ad quod significandum impositum fuit: & præterea significat perfectionem.
- 214 Persona prædicatur analogicè de persona diuina & de creata; & in diuinis definitur sic, Diuinæ naturæ incommunicabilis existentia.
- 215 Persona vt persona etiam in diuinis significat relationem per modum substantiæ, quare non dicitur ad alterum sed ad se; ab essentia verò diuina distinguitur tantum ratione; potest enim intelligi essentia sine persona.
- 216 Concedo tres personas esse vnum Deum; Item Deum esse tres personas; Item tres personas esse Trinitatem; Item tres personas esse vnā essentiam: sed nego tres personas esse ex, vel de eadem essentia.
- 217 Numerus ternarius in Deo non est de prædicamento Quantitatis; sed est transcendens & nihil superaddens Deo, nisi diuisionem inter individua in se.
- 218 Nomen persona est commune tribus personis diuinis secundum rationem, non sicut genus ad species, vel species ad individua; sed sicut individuum vagum.
- 219 Deo competere nomen Trinitatis de fide est: Trinitas autem non significat essentiam, nec relationes personales; sed potius numerum personarum ad inuicem relatarum.
- 220 Filius est alius à Patre, & alia persona à persona Patris: sed non est aliud ab eo; sed nec persona diuersa nec diuisa, nec differens, nec separata, nec discrepans; sed distincta à persona Patris.
- 221 Deus non est solum æternus, sed Deus est solus æternus; idque non cathegorematicè; sed syncathegorematicè: Deus tantum est æternus; sed non Dens est tantum æternus.

- 222 *Ad clariorem cognitionem summi Trinitatis mysterij, necesse fuit ponere notiones abstractas: ha autem notiones, licet realiter sint in Deo; non tamen significantur ut res, sed ut rationes.*
- 223 *Quare Paternitas, filiatio, spiratio, processio, est aeterna, immensa, incorporea; sed non creat, nec iustificat, nec generat, nec generatur, nec spirat, nec spiratur.*
- 224 *Notiones personarum sunt quinque, innascibilitas, paternitas, filiatio, communis spiratio, processio, & inter has quatuor postremae sunt relationes, quatuor prae communem spirationem sunt proprietates, & tres sunt notiones personales scilicet generatio, spiratio, processio.*
- 225 *Innascibilitas, generatio passiva, communis spiratio, re sunt idē; neque tamen innascibilitas est generatio, aut spiratio; neque e contra.*
- 226 *Nomen Patris est nomen personale, quod per prius dicitur de patre respectu verbi, quā de tota Trinitate respectu creaturarum: similiter hoc nomen principij per prius dicitur de patre respectu filij; quā respectu Spiritus Sancti, & quā de tota Trinitate respectu creaturarum.*
- 227 *Prima persona magis propriē dicitur pater quā generans; & secunda persona magis propriē dicitur filius, quā genitus; hoc autem nomen patris in divinis dicitur propriē; non metaphoricē.*
- 228 *Hoc nomen ingenitus, ut dicit negationem generationis passivae est commune patri, & Spiritui Sancto: ut autem dicit negationem dependentiae cuiusunque, est proprium nomen patris.*
- 229 *Mysterium divinae Trinitatis impossibile est naturali ostendere ratione esse verum: immo verò non potest eadem ratione naturali demonstrari esse possibile.*
- 230 *Nulla ratio naturalis ostendere potest Mysterium Trinitatis esse impossibile: omnia enim argumenta, quae contra ipsum adduci possunt, solubilia sunt.*
- 231 *Secunda beatifica Dei visione, sicuti est, non potest mysterium Trinitatis evidenter ab ullo intellectu creato cognosci, nec notitia intuitiva, nec abstractiva.*
- 232 *Mysterium Trinitatis non potest evidenter probari Iudaeo ex veteri testamento, secunda auctoritate novi testamenti.*

- 233 *Negare verbum in diuinis hæreticum est: & hoc est secunda persona Trinitatis.*
- 234 *Hoc nomen verbum in diuinis propriè significat verbum mentis; non autem imaginationis, aut vocis: etiam si in humanis hæc omnia propriè significet.*
- 235 *Verbum propriè sumptum in diuinis dicitur tantum notionaliter: non potest autem dici essentialiter, nisi valde impropriè: cum tamen dici notionaliter sit de fide.*
- 236 *Actus notionalis quatenus includit in sua significatione actum essentialem, verbi gratia intelligendi, reflectitur in personam producentem, & transit in creaturas, vt actus dicendi; actus verò notionalis, qui non includit in sua significatione actum essentialem, non reflectitur, quare rectè dicimus, Pater dicit se ipsum: sed falsò, pater generat seipsum.*
- 237 *Pater non generat nec relationem, nec essentiam filij: cum tamen in filio nihil sit aliud, quàm relatio & essentia, & dicatur generare filium.*
- 238 *Pater producit filium, neque prius existentem, neque prius non existentem; sed ipsi coæuum, & coexistentem productioni.*
- 239 *Diuinitas non est diuisa in tres quasi partes: sed est tota in omnibus, & tota in singulis personis.*
- 240 *Quod si creatura non essent creata, immo non essent creabiles; ad huc tamen verbum illud eodem modo se haberet, quo nunc post ipsarum creationem se habet.*
- 241 *Nomen verbi non habet ex personali proprietate quod dicat relationem ad creaturas: dicit tamen illam ex propria ratione quatenus includit essentiam.*
- 242 *Deus intelligendo producit verbum, & producendo intelligit: ipsius autem verbi principium non est intellectio præcisè; sed productio.*
- 243 *Creatura non solum non sub esse futuro; sed neque etiam sub esse possibili comparantur tanquam per se obiectum, & per se principium in actu primo intelligibili per modum obiecti productionis verbi.*
- 244 *Creatura, etiam sub esse possibili non dicuntur esse per se in memoria patris per modum intelligibilis in actu primo, sed in actu secundo*

- 245 Verbum diuinum non procedit ab ipso verbo cognito si b. esse possibili tamquam principio verbum, tamen ipsum est in memoria Patris ratione essentia, & proprietatis tamquam in principio producente.
- 246 Verbum diuinum non procedit à Spiritu sancto sub esse possibili in memoria Patris; sed processio Spiritus sancti ordine originis supponit processionem verbi.
- 247 Pater aternus non prius origine intelligit suam essentiam, verbum & Spiritum sanctum sub esse possibili, quam producat verbum.
- 248 Verbum non prius intelligitur produci quam Pater intelligat in verbo intellectione notionali ea, quæ in verbo continentur.
- 249 Spiritus sanctus non procedit per amorem & dilectionem creaturarum, ut creaturarum, siue futurarum, siue possibilium tantum.
- 251 Vera est propositio: verbum est creatura verbum, vel est verbum de creatura: falsa autem est, verbum est a creatura.
- 251 Nomina personalia incomplexa in diuinis, ut filius verbum &c. primò & formaliter significant relationem, secundario in obliquo & connotatiue significant essentiam, & absolutum.
- 252 Complexa vero nomina personalia & essentialia, ut Deus generans, Deus genitus, directò significant & relationem, & absolutum.
- 253 Verbum connotat relationem ad creaturas tamquam dictas, non ratione solius essentia; nec ratione solius relationis; sed ratione intellectiōis essentialis, modificata tamen proprietate personali.
- 254 Nomen imaginis in diuinis est nomen personale competens soli secundæ personæ, non tertiæ; quia non procedit ut verbum: Spiritus tamen sanctus dicitur imago improprie.
- 255 Tertia in diuina Trinitate persona non habet nomen proprium, dicitur tamen Spiritus sanctus non quod hoc nomen ex vi suæ significationis significet illam; sed ex accommodatione, & usu sacrarum scripturarum.
- 256 Dicitur Spiritus sanctus Filius, aut Patris; nec Filius tamen, nec Pater dicitur Spiritus sanctus Filius, aut Pater: Dicimus
- etiam

etiam Spiritum sanctum donum Patris, & Filij: non tamen è
contra.

- 257 Spiritum sanctum non procedere à solo Filio de fide est, idque nul-
lus ex sanctis Patribus Gracis negavit: immo multi asseruerunt;
& ex scriptura sacra manifestè colligitur.
- 258 Etiam si Spiritus sanctus procederet à Filio tantum, non à Pa-
tre; adhuc tamen Pater, & Spiritus sanctus essent distincta per-
sonæ, sicut sunt.
- 259 Si vero Spiritus sanctus procederet à solo Patre, & non à Fi-
lio filius, & Spiritus sanctus essent una persona: Quare aut con-
cedenda est processio Spiritus sancti à Filio, aut necesse est nega-
re Trinitatis mysterium.
- 260 Immo etiam una esset emanatio scilicet processio amoris, &
processio per intellectum; idemque esset filiatio, & spiratio
passiva.
- 261 Filiatio distinguitur à processione passiva, non ratione origi-
nis; sed quia filiatio secum habet adiunctam spirationem acti-
vam.
- 262 Origines si considerentur ut sunt à parte rei, distinguuntur
se ipsis, & seipsis opponuntur; si autem considerentur, ut sunt
in nostro intellectu distinguuntur secundum ordinem prioris &
posterioris.
- 263 Negandū non est Patrem & Filium in re concurrere tamquam
unum principium spirativum ad Spiritus sancti spirationem.
- 264 Cum dicimus Pater & Filius sunt unum principium, nomen
principij non sumitur confuse: sed pro quodam cōstituto ex essentia
& relatione spirandi communicabile duabus personis.
- 265 Spiritus sanctus per se, & ex natura sua postulat esse ab uno
principio spirativo; quod ex natura sua postulat duo supposita.
- 266 Principium spirandi est voluntas concors Patris, & Filij; non
se mutuo diligentium in actu secundo; sed se mutuo diligendi actu
primo.
- 267 Si Spiritus sanctus à virtute spirativa existente, aut in solo
Patre, aut in solo Filio procederet; procederet cum alio proprietate
personalis: quia licet esset amor, non tamen esset nexus amo-
ris.

- 268 Hæc potentia spiratiua est essentia diuina non per se sumpta; modificata proprietate paternitatis, & filiationis.
- 269 Amor quo se diligunt pater & filius, est unus: dicitur tamenduplex quatenus est nexus duorum suppositorum.
- 270 Etiam si vera sit hæc, Spiritus Sanctus procedit à patre per filiū; tamen a quē immediatē procedit à patre, atque filio: & quamuis virtus spiratiua in filio & patre sit vna; tamen filius habet eam à patre.
- 271 Admittimus hanc, Spiritus Sanctus procedit à patre & filio tanquam à duobus spirantibus; sed non tanquam à duobus spirantibus.
- 272 Ex eo quod filius hoc habeat cum patre commune, ut cum eo ad spirationem actiuam concurrat, non est similior patri quàm Spiritus Sanctus.
- 273 Amor in diuinis summi potest tum essentialiter tum personaliter, & primo quidem modo pro actu amandi, secundo modo pro eo quod procedit per modum amoris, & hoc modo est nomen proprium Spiritus Sancti.
- 274 In diuinis amor essentialis & notionalis non distinguuntur realiter, nec essentialiter: amor autem essentialis includitur in notionalit tanquam quid præintellectum ad ipsum.
- 275 Vera est hæc, principio pater & filius diligunt se Spiritu Sancto non ex eo quod amor approprietur Spiritui Sancto; neque ex eo quod Spiritus Sanctus sit signum dilectionis patris & filij: sed quia dilectionis ipsorum formalis terminus est.
- 276 Sed non admittimus hanc, pater & filius spirant Spiritu Sancto, neque hanc, pater producit verbum verbo.
- 277 Pater, & filius Spiritu Sancto diligunt creaturas, tam possibiles quàm futuras tanquam obiectum secundarium dilectione notionali & contingenter.
- 278 Spiritus Sanctus nihil diligit dilectione notionali: sed omnia diligit dilectione essentiali; & tunc seipsum seipso diligit tanquam principio quod dilectionis.
- 279 Falsa est hæc, Pater est sapiens, aut intelligens sapientia genita, sed vera est hæc, Pater sapit, & intelligit sapientia genita: dummodo illud sapere & intelligere notionaliter accipiatur.

- 280 Vera est hæc filius est sapiens, & sapit sapientia essentiali & ingenerata tamquam forma: est autem sapiens, & sapit sapientia ingenerata notionali, quasi efficiente suæ sapientiæ genitæ; & sic potest dici sapiens sapientia ingenerata, vel per sapientiam ingeneratam.
- 281 Filius est sapiens, & sapit notionaliter sapientia genita tãquàm se ipso; non significando vllum genus causæ efficientis.
- 282 Solus Spiritus sanctus dicitur donum, idque propriè & ab æterno, non respectu reliquarum personarum; sed respectu creaturarum: datum autem dici non potest nisi ex tempore.
- 283 Non ideo quia possibiles sunt creatura; Spiritus Sanctus habet, quod possit donari: quare non procedit per amorem creaturarum.
- 284 Dicitur autem Spiritus Sanctus donum, quia inter cetera dona spiritualia solus Spiritus Sanctus habet esse donum ex vi suæ processionis.
- 285 Spiritus Sanctus dicitur donum nostrum, quia nobis donatur; Spiritus noster, quia nos inspirat: Vtroque autem nomine vocatur ex tempore, aut ab actu donationis, & inspirationis; aut quod soleat donari, & inspirare.
- 286 Hæc nomina filius, verbum, splendor, imago, similitudo, & hæc Spiritus Sanctus, amor, donum, non sunt synonyma, connotant enim diuersas relationes rationis: neque tamen significant distinctas notiones, vel relationes.
- 287 Persona est idem realiter, quod essentia diuina, & ab ea differt sola ratione: cum ipsæ personæ inter sese realiter distinguantur.
- 288 Rectè dicimus vnam esse essentiam trium personarum, & tres esse personas vnius essentiæ; sed ineptè tres esse, personas essentiæ; benè tamen diuinitatis.
- 289 Nomina substantiua concreta substantiua singulariter dicuntur de tribus personis, vt pater creator, filius creator, Spiritus Sanctus creator; sed non tres creatores.
- 290 Nomina adiectiua concreta substantiua pluraliter dicuntur de tribus personis, vt tres infiniti, tres æterni.
- 291 Nomina substantiua concreta dicuntur singulariter, aut pluraliter de Deo & creaturis secundum numerum, aut vnitatem naturæ significatæ; & hoc negare est periculosum; Adiectiua verò secundum numerum suppositorum.

- 292 Si tres personæ diuinæ vnā assumerēt humanitatē, aut si vna persona diuina tres assumeret humanitates; esset vnus homo absolutē.
- 293 Pater Filius & Spiritus sanctus sunt tres res, & tria entia; si hæc nomina transcendenter accipiantur.
- 294 Datur indiuiduum concretum Deitatis præintellectum personis: quod tamen non est persona, nec semipersona; sed solum significat naturam: Similiter etiam datur indiuiduum concretum spiratoris præintellectum patri, & filio spirantibus: quod tamen est constitutum ex essentia, & spiratione.
- 295 Si tres personæ eandem assumerent humanitatem; daretur indiuiduum concretum humanitatis illis personis præintellectum; nec tamen quartam constituens personam.
- 296 Vana sunt propositiones istæ: Hic Deus, ostēso filio, est hic Deus, ostēso patri: & hic spirator, ostēso patre, est hic spirator, ostēso filio: falsa hæc: hic spirans ostēso patre, est hic spirans, ostēso filio.
- 297 Vera est hæc propositio, Deus generat: nam in ea nomen Deus supponit pro persona patris, ratione notionalis adiuncti.
- 298 Nomen Deus semper significat concretum Deitatis, quamuis de illo aliquæ propositiones verificentur ratione alicuius personæ, vt generare, generari, & similia.
- 299 Contrahi tamen potest ratione alicuius syncategorematis; si dicamus, Deus generans producit filium, aut Deus filius spirat, & tū significat vnam tantum personam.
- 300 Nefas est dicere, omnis Deus, vel nullus Deus, vel aliquis Deus, vel hic Deus generat, & hic Deus generatur, aut hic Deus spirat, & hic Deus spiratur.
- 301 Falsa est hæc propositio, Deus generat aliū Deum; sed vera hæc, Deus generat alium habentem Deitatem: dicendum est autem, Deus generat eundem Deum.
- 302 Quamuis verè sint hæ propositiones; Pater est ingenuus, & non genitus, filius est non generans, Spiritus sanctus est non spirans, & hæc omnia verificentur de concreto Deitatis; falsa tamen sunt, Deus est ingenuus, non genitus, non spirans, non spiratus, non generat non spirat.
- 303 In hac propositione, Deus de Deo, hoc nomen, Deus, supponit pro concreto Deitatis; etiam si sermo sit de filio: sic etiam cum dicimus,
lumen

lumen de lumine, gloriam de gloria.

- 304 Cū dicimus, Deus est homo, Deus est passus & mortuus: nomine Dei intelligimus concretū Deitatis quia de abstracto est impossibile.
- 305 Filius in diuinis non est factus, aut effectus, aut operatus, aut principiatuſ à patre, nec de se non ens; & idem prorsus dicendum de Spiritu sancto.
- 306 Nullus est modus processionis in creaturis, qui diuinam generationem perfecti, & admiſſim repræſentet: quapropter ex multis ſimilitudo perficitur; dum ſecunda perſona dicitur filius, ſplendor patris, Verbum, & imago.
- 307 Abstractis proprietatibus perſonalibus, non remanent hypoſtaſes & perſonæ; ſed ſola & nuda eſſentia: Abstractis autem proprietatibus non perſonalibus, remanent adhuc perſonæ; & hypoſtaſes.
- 308 Etiā ſi pater per paternitatē conſtituatur non ſolū in eſſe Patris: ſed etiā in eſſe perſonæ & hypoſtaſeos: tamē inde non ſequitur, quod filius non ſit hypoſtaſis; & eodem modo conſtituatur per filiationē.
- 309 Origo paſſiue præcedit proprietates, etiam perſonales perſonarū procedentium: origo autem actiua præcedit relationem originantis, non perſonalem, ut ſpiratio actiua relationē inter ſpirans, & ſpiratū.
- 310 Paternitas; ut dicit relationem, eſt poſterior ratione ipſa generatione; ut autem eſt conſtitutiua perſonæ antecedit ipſam.
- 311 Actiones notionales ſunt idem realiter cum relationibus, ut paternitas, cum generatione: & diſtinguuntur ab eis tantum ſecundū intelligentiā noſtræ rationem.
- 312 Pater generat filiū, & Pater & Filius ſpirant Spiritum ſanctū voluntate complacentiæ, non tamquam principio generandi, aut ſpirandis; ſed tamquam concomitante generationem & ſpirationem.
- 313 Etiā ſi Pater, & Filius ſpiret Spiritū ſanctū voluntate tamquā principio: tamē ſpiratio eſt naturalis & neceſſaria abſq; coactione.
- 314 Filius generatur à Patre non de nihilo, neque de aliquo alio; ſed de ſubſtantia Patris, eaque tota tamquam principio conſubſtantiali generationis non autem materiali.
- 315 Falsæſt hæc propoſitio: Spiritus ſanctus procedit nō ſimilis: uerā hæc: Spiritus ſanctus ex modo ſuæ processionis nō procedit ut ſimilis.
- 316 Nomen Patris ſumitur prout dicit quid commune ad ſignificationem eſſentialem, atque perſonalem, & primo modo


- competit toti Trinitati: & secundo modo soli primæ personæ.
- 317 Sufficiens causa distinctionis realis inter patrem, & filium in diuinis non est, quia pater generat, & filius non generat: neque inter Patrem filium, & inter Spiritum Sanctum: quia hic spirat, & Spiritus Sanctus non spirat.
- 318 Pater filio, & Pater & filius Spiritui Sancto communicant totam suam entitatem absolutam, nihil de relatiua.
- 319 Pater dicitur habere potentiam generatiuam, quia generat, filius cum ipso dicitur habere potentiam spiratiuam quia spirat, & hæc ambæ potentie dicuntur actiue: neque tamen inde filius dicitur habere potentiam passiuam generationis, aut Spiritus Sanctus spirationis.
- 320 Potentia generandi, quæ est in patre non dicit solam relationem, neque relationem & absolutum ex aquo: sed absolutum seu essentia in recto, & relationem in obliquo.
- 321 Etiam si potentia generatiua in patre, & potentia spiratiua in patre, & filio sint infinitæ perfectionis: tamen illa per vnius filij generationem, hæc per vnius Spiritus Sancti spirationem ita perfectæ expletur; vt repugnet alium generare filium, & alium spirare Spiritum Sanctum.
- 322 Diuinas personas aequales esse quantitate virtutis de fide est: quantitate autem molis est hæreticum: sunt autem aequales tum secundum essentiam, tum secundum operationem, & potentiam.
- 323 Oppositio, qua opponuntur personæ diuinæ & relationes diuinæ sibi inuicem est realis, sed non est relatio realis: non enim est aliud, neque identicè, neque formaliter quam ipsamet relationes.
- 324 Aequalitas, & similitudo in diuinis sunt reales ante omnem conceptum rationis: non sunt tamen relationes reales, sed rationis formaliter: fundamentaliter vero sunt reales.
- 325 Relationes personales re vera non fundantur nec in essentia, neque in aliquo alio: sunt enim per se subsistentes: in ordine tamen ad nostram capacitatem fundantur in actibus notionalibus.
- 326 Dicimus inter diuinas personas esse ordinem originis, & bene dicimus vnam esse priorem alia secundum hunc ordinem.
- 327 Vera est propositio, filius semper generatur, Spiritus Sanctus semper spiratur: magis tamen vera est hæc, filius semper genitus est

Spiritus Sanctus semper spiratus est.

- 328 Quicquid dignitatis habet pater, habet filius, & quicquid dignitatis habet filius, habet & pater, & quicquid dignitatis habet uterque, habet, & Spiritus Sanctus: ita ut totam perfectionem quam habent omnes tres personae habeat unaquaque illarum.
- 329 Pater dicitur esse in filio, & filius in patre, tum secundum essentiam, ob eiusdem essentiae communicationem, tum secundum relationem, tum secundum originem.
- 330 Generationis, & spirationis essentia diuina est principium quo, à quo non est necesse realiter distinguere id, quod per spirationem & generationem procedit.
- 331 Essentia filij non generatur, essentia Spiritus Sancti non spiratur: cum tamen filius per generationem, Spiritus Sanctus spirationem suam accipiant essentiam.
- 332 Hypostases diuinae sunt unum specie, quatenus conueniunt in una natura deitatis: sed differre dicuntur secundum speciem ratione proprietatis personalis.
- 333 In diuinis sunt tres subsistentiae in abstracto, id est tres rationes subsistendi, sic tres hypostases in concreto, id est tres personae subsistentes.
- 334 Diuinarum personarum una ab alia mitti dicitur, non sicut ab imperante, aut à consulente; sed tanquam à principio originali.
- 335 Personae diuinae mitti dicuntur quatenus una incipit esse in aliquo loco nouo modo, quam antea esset. Unde sic definitur missio, est processio diuinæ personae per originem ab alia ad sanctificandam creaturam, in qua incipit esse nouo modo, quo antea non erat.
- 336 Diuinae personae non dicuntur mitti nisi in ordine ad gratiam gratum facientem, & quando homo sanctificatur, in ipso est non solum diuina gratia, sed ipsa Spiritus Sancti persona secundum substantiam.
- 337 Est autem in homine sicut cognitum in cognoscente, amatum in amante modo quodam ineffabili, tam quando amat actualiter, quam quando habitualiter tantum.
- 338 Missio non praedicatur de diuinis ratione essentiae, nec ratione relationis personalis tantum; sed includit in sui significatione notionem, non quidem in speciali, sed in generali, prout esse ab alio conuenit duabus personis.

- 339 Pater mittit, nec mittitur, nec inuisibiliter, nec visibiliter. Filius mittit & mittitur inuisibiliter & visibiliter. Spiritus sanctus nec mittit visibiliter, nec inuisibiliter: & mittitur visibiliter cum inuisibiliter.
- 340 Missio inuisibilis diuinarum personarum facta est omnibus participantibus gratiam, tam noui, quam veteris testamenti legi subditis: missio autem visibilis facta est tantum ad Patres noui testamenti, & non ad omnes.
- 341 Missio inuisibilis tam in Mosaica quam Euangelica lege facta est non solum ijs, qui ex peccato ad gratiam ascendant: sed etiam ijs, qui ex gratia minori ad maiorem per nouum actum gradum faciunt.
- 342 Ad beatos in principio sua beatitudinis fit inuisibilis missio diuinarum personarum: tempore vero subsequente fit missio non per augmentum & intensionem gratiae; sed per eius extensionem ad plura, quatenus plura reuelantur.
- 343 Ad Christum dominum in ipsius conceptione facta est missio Spiritus sancti: postquam non est iterum facta: quia per eam habuit omnem gratiae complementum.
- 344 Et si per sacramenta gratia fidelibus confertur, et mittatur personae; tamen ad ipsa sacramenta non fit huiusmodi missio: sed ad suscipientes.
- 345 Spiritus sanctus cum apparuit in specie colubae, satus & igne arum linguarum: non assumpsit has creaturas hypostaticas; sed in illis Angelorum ministerio factis ad eum significandum, ut significaretur, apparuit.

DE ANGELIS.

- 346  xistere in rerum natura Angelos hoc nomine non ex natura, sed ex officio appellatos: & omnes corporales creaturas naturali perfectione superare, non modo fide credimus: sed etiam naturali ratione exploratum habemus.
- 347 Angelus est substantia intellectualis, semper mobilis, arbitriolibera, incorporea, Deo ministrans, immortalitatem accipiens gratia, non natura: ut bene ait Damascenus.
- 348 Non sunt tamen corporei respectu diuinae essentiae: quae omni simplicitate est sine comparatione simplicior.

- 349 *Angelos à Deo ex nihilo, & non ab aeterno creatos fuisse ita certum est; ut id negare sit hæreticum: quamvis id nulla philosophica ratione convinci possit.*
- 350 *Creavit igitur illos Deus, non ante tempora, nec in tempore; sed in principio temporum vñà cum creatura corporali.*
- 351 *Locus in quo Angeli, ut Deo assisterent creati fuere, est cælum empyreum: Angeli verò, qui cælestes orbes conuertunt, in ipsis sunt creati: Angeli verò qui præsunt elementis, in elementis.*
- 352 *Omnes Angeli conditi fuerunt in beatitudine imperfecta, & naturali: in supernaturali verò beatitudine ipsos non esse conditos apertè constat.*
- 353 *Potuisse tamen creari in beatitudine supernaturali firmiter asserimus: quæ tamen tunc non fuisset ipsis naturalis; sed dono gratuito naturæ superadditio concessa.*
- 354 *Omnes Angeli tam boni, quàm mali in primo suæ conditionis instanti habuerunt gratiam gratum facientem.*
- 355 *Angeli meriti sunt beatitudinem operatione à libero arbitrio procedente: non tamen ab eo vim meritoriam desumente; sed vi gratiæ gratum facientis.*
- 356 *Componuntur Angeli ex actu, & potentia ex quo est, & quod est: licet ex materia, & forma minime componi possint.*
- 357 *Porro eorum esse magnum numerum firmiter asserimus. & hæc excedere animarum rationalium, & creaturarum corporalium numerum quoad species, consentaneum est sanctorum patrum traditionibus.*
- 358 *De numero autem præciso Angelorum eos ipsos, qui se certi aliquid habere arbitrantur, addubitare faciet doctissimorum, & sanctissimorum hominum in hac re tanta dissensio, ut non immeritò scriptum sit, Nunquid est numerus militum eius?*
- 359 *Etiam si Deus potestate suâ absoluta possit creare plures Angelos eiusdem omnino speciei: Philosophicis tamen ac Theologicis rationibus adducimur, ut dicamus eos, qui sunt Angelos specie inter se differre.*
- 360 *Omnes Angeli, immo omnes rationales creaturæ sunt vnius hierarchiæ ex parte principij, ex parte verò multitudinis ordinatæ, Angeli nec eam hominibus, nec inter se sunt eiusdem hierarchiæ.*

- 361 Distribuantur autem in tres hierarchias, quia rationes, de quibus illuminantur, possunt in triplici gradu considerari, ut à Deo, ut ab vniuersalibus causis, & ut à particularibus dependent.
- 362 In vnaquaque hierarchia sunt tres ordines, supremus, medius, infimus: ordines autem adinuicem distinguuntur penes diuersa officia, & actus diuersos.
- 363 Distinctio hæc hierarchiarum, & ordinum in Angelis distinguitur penes dona naturalia dispositiue, & penes supernaturalia completiue.
- 364 Primus ordo est Seraphinorum, alter Cherubinorum, tertius Thronorum: & hi sunt prima hierarchia. post hos sequitur ordo dominationum, tum Virtutum, tum verò Potestatum: & hi sunt in secunda Hierarchia: septimus ordo est Principatum, octauus Arcangelorum, postremus Angelorum, quibus clauditur tota sanctorum spirituum hierarchia.
- 365 Quilibet Angelus vltimi ordinis infima hierarchia, est supremo homine nostra hierarchia natura præstantior; & potest perfectiori modo purgare, illuminare, perficere: qui sunt actus hierarchici.
- 366 Plures Angeli eiusdem ordinis distinguuntur quoad diuersa officia, & actus quos ignoramus: horum autem nullus est æque perfectus, atque alter.
- 367 In Angelis hi ordines perdurabunt etiam post diem iudicii, eorum autem officia cessabunt in perductione ad finem: durabunt tamen quoad vltimam finis consecutionem.
- 368 Angelos esse immortales; & tamen à Deo annihilari posse de fide est; & naturali ratione probari potest: & eadem fide credendum est Angelis bonis æternam beatitudinem; malis verò æterna parata esse supplicia.
- 369 Angeli sunt in corporibus cœlestibus, non eos informando, sed mouendo.
- 370 Assumunt nonnunquam vera, & realia corpora, non ut ea informant, aut ipsis hypostaticè vniantur; sed ut in eis diffinitiue existentes ipsa moueant, & per ipsa represententur.
- 371 Corpora quæ Angeli assumunt non sunt humana; neque ab ipsis ex nihilo creata; neque constituuntur ex materia cœlesti; neque ex quatuor elementis componuntur: sed ex aere imperfectè misto

ca coaptant, & coagmentant.

- 372 In huiusmodi corporibus mouetur Angelus per accidens quatenus in vero corpore perseverat, neque verò in eis opera vitæ exercet: quare nullus unquam Angelus propriè locutus est, neque comedit secundum vsum humanum.
- 373 Angeli non sunt circumscripti in loco nisi ratione corporum assumptorum: licet sint definiti in loco secundum suam substantiam: ita ut eorum substantia verè, & realiter sit in loco.
- 374 Licet Angeli non sint simul ubique: tamen ab vno loco ad aliū, ita raptim feruntur; ut brevissimo tēporis spatio possint ubique esse.
- 375 Angeli non sunt in loco per operationem immanentem circa aliquem locum; sed per realem operationem transeuntem: & hæc operatio ut ab Angelo procedit, recipitur in corpore.
- 376 Potest Deus de potentia absoluta facere, ut vnus Angelus sit in pluribus locis, quam possit esse naturaliter.
- 377 Potest autem esse in pluribus locis non solum distinctis; sed etiam distantibus, inadæquatis tamen, & intra sphaeram propriè actiuitatis; non existendo in medio.
- 378 Et quando est in pluribus locis inadæquatis hoc modo illa omnia habent rationem vnius loci, quod si sint plura loca adæquata, aut vnum adæquatum, alterum inadæquatum: aut omnia inadæquata superantiam tamen adæquatum; non potest in ijs Angelus esse eodem tempore.
- 379 Certum est in eodem loco simul existere posse Deum, Angelum, & animam rationalem: illum per essentiam, præsentiam, & potentiam, Angelum per operationem, animam rationalem per informationem.
- 380 Ex parte naturæ, & substantiæ non repugnat plures Angelos esse in eodem loco: si tamen consonantem creaturarum ordinem consideremus; vnus tantum Angelus in vno loco statuendus videtur.
- 381 Motus localis Angeli nihil est aliud, quàm eius operationis ad diuersa corpora applicatio: & quamuis Angelus sit indiuisibilis, potest tamen dum est in loco diuisibili localiter moueri tam motu continuo, quàm discontinuo: quorum motuum principium distinguitur à voluntate Angeli.
- 382 Quando Angelus mouetur motu cōtinuo, necessario debet mouē

ri à loco ad locum per medium, quod si discontinuo motu feratur; potest sine medio pertransire: non potest autem vlllo motu, neque continuo, neque discreto in vacuo moueri.

383 Non potest Angelus moueri vlllo motu in instanti temporis continui. sciendum autem est neque tempus discretum; neque continuum, quo mensuratur motus Angeli, esse idem cum nostro tempore continuo.

384 Motus continuus Angeli incipit per vltimum sui non esse, & desinit per primum sui non esse: motus autem discontinuus si mensuratur tempore discreto incipit per primum instans sui esse; & desinit per vltimum sui esse.

385 Si motus localis Angeli mensuratur tempore siue motus sit continuus, siue discontinuus, semper desinit esse in termino à quo per vltimum sui esse in illo: at verò non potest incipere esse in termino ad quem, siue motu continuo, siue discreto per primum sui esse: sed tantum per vltimum sui non esse in illo.

386 Potest Angelus esse in loco diuisibili, non indiuisibili, quare habet terminum magnitudinis sui loci, sed non paruitatis. & hinc est quod Angelus non semper est in loco suo adequato: sed potest esse in minori.

387 Non potest Angelus quiescere in aliquo loco in instanti temporis continui; potest autem in instanti temporis discreti.

388 Operationes Angeli distinguuntur ab ipsis essentia non solum formaliter, & realiter; sed etiam tamquam res à re.

389 Quamquam Deus custodit homines immediate; tamen decens erat vt custodirentur ab Angelis; tum in innocentia statu; tum post lapsum in peccatum originale.

390 Neque demonibus, neque Angelis bonis, neque animabus à corpore solutis, neque beatis deputati sunt Angeli custodes; sed tantum hominibus viatoribus ab egressu vteri vsque ad ingressum vel præmij, vel pænæ.

391 Diuina misericordia non negabit Antichristo Angelum custodem; cum sit futurus purus homo: fieri tamen poterit cum caput malorum factus fuerit, vt illum derelinquat.

392 Hominum custodia non cuiunque Angelo; sed tantum Angelis quinque inferiorum ordinum est à Deo commissæ.

- 393 *Gaudium, & beatitudo Angelus custodis de sibi commisso iam ser-
uato, & ad vltimum finem perducto, non augetur intensiue, sed ex-
tensiue, quia de pluribus gaudet, quam antea gauderet: de perditione
autem ipsius, nec accidentaliter quid tristatur.*
- 394 *Eadem ratione malum Angelum de hominis à se oppugnati glo-
rificatione accidentaliter tristari; de eius autem perditione nullo mo-
do latari censeo.*
- 395 *Angelus custodes magis solliciti sunt pro salute hominum quam
dæmones pro perditione, licet plures intereant, quam vitæ æternæ
præmium accipiant.*
- 396 *Inter Angelos custodes, qui præstantiores sunt natura, & gra-
tia, deputantur custodia hominum insigniorum, non in gratia; sed
in officio.*
- 397 *Et iuxta hunc ordinem vniuerso hominum generi præsent Ar-
cangeli: vniuersa creatura corporali præsent Virtutes.*
- 398 *Christo Domino deputatus est Angelus custos tamquā minister
quoad corporalia, non quoad animam; quia non erat purus homo.*
- 399 *Deus non quæret ab Angelis custodibus rationem de homine cu-
stodito, & damnato in die iræ; sed eos vocabit in iudiciū quasi testes,
negligentia, & pigritia ipsius.*
- 400 *Angelus custos non semper est præsent homini secundum locū;
est tamen semper præsent illi secundum custodiam, quia dum est in
cælo cognoscit quæ fiunt circa hominem custoditum.*
- 401 *Intellectio Angelus distinguitur à substantia, & esse Angelus
formaliter tantum; sicut etiam potentia intellectiua.*
- 402 *Potentia intellectiua Angelorum non diuiditur in intellectum
agentem, & possibilem; nisi æquiuoce sumantur.*
- 403 *Angelus non omnia intelligit per suam substantiam; sed multa
per species intelligibiles, vel inditas, vel à rebus acceptas; vt
homines.*
- 404 *Intellectio Angelus quantocunque locorum intervallo, & cuius-
uis corporis oppositione, nec impeditur omnino; nec debilitatur.*
- 405 *Species intelligibiles Angelus non sunteductæ de ipsius substan-
tia; sed à Deo Optimo Maximo & creatæ, & ipsius intellectui
infusæ.*
- 406 *In intellectu angelico, præter species earū rerū, quas naturaliter*

cognoscit, est necessarium aliquod lumē infusum, quo cognoscat res supernaturales, quas non cognoscit in verbo essentiali visione beatifica.

- 407 Ad ea verò cognoscenda, quæ Angelus naturaliter cognoscit, non est necessarius habitus aliquis siue acquisitus, siue infusus.
- 408 Ad ea cognoscenda quæ neque supernaturalia sunt; neque naturaliter cognoscit, disponitur per multiplicationem actuum.
- 409 Potest Angelus plura simul intelligere, quatenus ipsa representantur per vnam speciem: sed Angelus superior eadem intelligit per pauciores & vniuersaliores species.
- 410 Angelus seipsum intelligit, ac intuetur, non per speciem à Deo infusam; neque per Verbum diuinum tamquam speculum; sed per suam met substantiam fungentem officio speciei.
- 411 Angelus, qui alium Angelum non in verbo cognoscit, non cognoscit eum per suam, aut eius substantiam; sed per speciem sibi ab initio suæ conditionis concreatam.
- 412 Posset tamen fieri, vt si Angelus non haberet speciem; illi ita intime vniectur; vt per suam met essentiam ab illo cognosceretur.
- 413 Angelus naturaliter Deū cognoscit per suam met essentiam, etiā si hæc cognitio obscura sit: quippe quæ sit per speculum, quod ferme nullam habet ad rem representatam proportionem.
- 414 Angeli cognoscunt naturaliter res materiales & singularia; nõ autem futura contingentia; nisi ex diuina reuelatione, vel per coniecturas.
- 415 Prima radix cur Angelus non possit naturaliter cognoscere cogitationes liberas alterius Angeli, vel hominis, est quia cognitio illarum non comprehenditur sub ordine vniuersi.
- 416 In cognitione singularium, neque accipiunt species à rebus: neq; ab illis vllò modo afficiuntur, & per easdem species cognoscunt res quando actu existunt & quando non existunt.
- 417 Quod si nunc hoc singulare cognoscunt, quod prius cognoscere non potuerint; id promenit ex reali mutatione facta in ipsa specie: quam variationem: à Deo fieri credo.
- 418 Comprehendit Angelus superior inferiorem cognoscendo eum per eius substantiam: at vero inferior superiorem quidditatiuè quidem cognoscit: sed non comprehendit.

- 419 Angelus non cognoscit Deum per speciem inditam immediate representantem Deum: sed per species intelligibiles representantes quidditates rerum creatarum.
- 420 Angelum cognoscere materialia, & singularia de fide est: hoc autem differt ab homine, quod Angelus per eandem potentiam cognoscit vniuersalia, singularia, materialia, immaterialia.
- 421 Licet Angelus cognita substantia alterius Angeli species intelligibiles illius videat: non potest tamen cognoscere quomodo illis speciebus utatur, dum aliquid cognoscit.
- 422 Cogitationes cordium, & intimos voluntatis affectus, si possunt aliquo corporali signo prodire, possunt ab Angelis naturaliter cognosci: si autem nullo signo manifestari possunt; solus ille penetrat; ad quem dicitur, Tu solus nosti corda filiorum hominum.
- 423 Quilibet Angelus cognoscit naturaliter cogitationes, & affectiones alterius Angeli naturales, & necessarias quantum ad exercitium, & specificationem.
- 424 Non est dicendum Angelos cognoscere cogitationes, & affectiones cordium quantum ad substantiam, & obiecta; non autem ad quem finem dirigantur; malum nē, an bonum.
- 425 Angeli cognitione naturali non cognoscunt mysteria gratiae: at per cognitionem supernaturalem & beatificam omnes cognoscunt mysteria gratiae, licet inaequaliter: nam tanto quis ea clarius intuetur; quanto maiori lumine gloriae illustratur.
- 426 Angeli à principio suae conditionis cognouerunt quadam mysteria gratiae, ut incarnationis: cetera vero temporis successu.
- 427 Omnes quidem Angeli à suae conditionis principio cognouerunt mysterium incarnationis in generali, & quoad eius substantiam: quoad circumstantias autem paucis est concessum.
- 428 Angeli quod ea quae naturaliter cognoscunt, non sunt in potentia ad actum primum cognitionis ipsorum.
- 429 Quod ea, quae non naturaliter cognoscunt non est inconueniens, quod asseramus ipsos esse in potentia ad actum primum cognitionis illorum.
- 430 Repugnat dari vicissitudinem, ac varietatem in visione beatifica Angelorum, quare semper sunt in actu secundo quoad illam.
- 431 Angelus nunquam desistit à cognitione sui, & Dei, ut auctoris

vis natura propria: ab hac tamen posteriore cognitione eos nonnunquam desistere non repugnat.

- 432 Angelus non habet cognitionem in actu primo mysteriorum, quæ illi Dei beneplacito reuelantur, neque cogitationum intimarum hominum.
- 433 Angelus potest desistere à cognitione cuiuscunque creature, etiam ordinis vniuersi.
- 434 Non potest intellectus angelicus simul & semel actuari pluribus intellectiōibus distinctis eiusdem ordinis & speciei.
- 435 Non repugnat intellectui angelico vti simul duabus speciebus pro intellectu plurium rerum; si tamen illa res in ordine ad vñ ab Angelo intelligantur.
- 436 Potest Angelus vti pluribus speciebus, & intelligere simul plura remissè ex parte sui; perfectè autem ex parte obiectorum.
- 437 Angelus ea, quæ vidit in verbo, videt omnia simul, & vnica visione beatifica.
- 438 Potest angelus vnica intellectuione intelligere plura, quæ representantur per vnica speciem: similiter potest nolle simul intelligere omnia, quæ per illam speciem representari possunt; sed vti illa successiue pro diuersis rebus intelligendis.
- 439 Angeli naturaliter intelligunt simplici intuitu sine discursu; tamen discurrere possunt si velint; & in suo discursu falli non possunt.
- 440 Angeli nec componunt, nec diuidunt: tamen nostram compositionem, & diuisionem cognoscunt; sed neque componendo, nec diuidendo.
- 441 Simplex intellectuio angelorum æquiualeat nostræ diuisioni, & compositioni; vt quemadmodum nostra compositio, & diuisio dicitur vera, vel falsa; ita eorum conceptio.
- 442 Angelus bonus neq; quoad ea, quæ naturaliter, neque quoad ea quæ supernaturaliter cognoscit falli potest: angelus verò malus potest falli etiam quod ea, quæ naturali lumine intellectus attingere potest.
- 443 Habent angeli duplicem cognitionem, alteram matutinam, quæ cognoscunt ea, quæ vident in verbo, alteram vespertinam, quæ vident res in seipsis.

- 444 Irascibilis, & concupiscibilis potentia in nullo, nec bonorum, nec malorum angelorum reperitur, nec proinde passionibus illius.
- 445 Probabile est esse impossibile, ut angelus in quocunque sit statu, & anima à corpore separata, suspendat omnem actum intellectus, & voluntatis.
- 446 Angelus cum utitur pluribus speciebus, impossibile est, ut singula, quæ per illas cognoscit, comprehendendo cognoscat.
- 447 Probabile est angelum posse per eandem speciem vniuersalem diuersos formare conceptus, præsertim circa distinctas quidditates specie differentes in esse entitativo: quamuis cõueniant in esse intelligibili sub eadem ratione specifica.
- 448 Angelus perfectius cognoscit Deum per cognitionem sui ipsius, & alterius creaturæ quantumuis infirmæ; quàm per cognitionem sui ipsius tantum.
- 449 Angelus perfectius cognoscit Deum per suam met essentiam, quàm per cognitionem cuiuscunque, vel hominis, vel creaturæ inferioris se.
- 450 Angelus superior clarius videt Deum per suam speciem intelligibilem solam, quàm cognoscat Angelus inferior per eandem.
- 451 Angeli dum erant viatores, quamuis essent certi per fidem, quod mysterium Trinitatis esset sibi à Deo reuelatum: non tamen habebant euidentiam reuelationis.
- 452 Angelus potest cognoscere quidditatem suam eadem intellectiue, & eodem verbo, quibus intelligit seipsum existentem actualiter.
- 453 Angelos inter se colloqui catholica fide constat: non manifestant autem alijs angelis conceptus suos immediatè causando illos in mente angelorum; sed illos ordinando & dirigendo angelis quibus cum loquuntur.
- 454 Angelus alteri Angelo conceptum suum manifestat non cogendo illum, ut audiat: quo fit, ut possit Angelus alteri Angelo loqui, & ille non audire; nisi esset inter illos perpetua, & inuiolabilis concordia.
- 455 Ange'i sancti timent Deum non timore seruili; sed filiali: quare neque timent propriæ beatitudinis amissionem, nec separationem à Deo, siue per peccatum, siue alio modo.


- 456 Angeli habent naturalem dilectionem, qua prosequuntur suos actus elicitos, & necessarios ad minus quoad specificationem.
- 457 Angelus seipsum, & alios diligit dilectione naturali, & electiva, & superiores quidem Angelos perfectius diligit ratione obiecti quàm seipsum; seipsum tamen diligit intensius.
- 458 Potest Angelus diligere intensius Angelum se inferiorem quatuor gradibus, quàm se superiorem sex gradibus: semper tamen hūc magis diligit appreciativè.
- 459 Angelus sanctus maiori amore flagrat erga Deum, quàm erga seipsum, & eum magis diligit non solum appreciativè; sed etiam intensivè.
- 460 Angeli post primum actum charitatis, quo beatitudinem meruerunt, statim beati facti sunt: gratiam verò perfectiorem, aut imperfectiorem habuerunt iuxta perfectionem naturalem.
- 461 Possunt homines mereri tantam gloriam, quantam quilibet Angelus cuiuslibet ordinis; & assumi ad eos ordines: & eadem ratione existimò animas dānatas assumi ad pēnas demonū iuxta demerita.
- 462 Angeli cognoverunt quidem evidenter humanitatem Christi, Domini carere subsistentia propria; sed non cognoverunt evidenter incarnationis mysterium, quia non cognoverunt an humanitas hypostaticè uniretur, an verò à Deo sustentaretur.
- 463 Angeli non acceperunt nec gratiam, nec gloriam ex meritū Christi; sed tantum dona quaedam quæ non spectant ad gloriam essentialē.
- 464 Angelus superior illuminat non solum Angelum sibi immediate inferiorem; sed etiam Angelos alterius ordinis, & hierarchiæ multo se inferiores, siue mediatè, siue immediatè.
- 465 Possunt Angeli immutare sensus hominis tam interiores, quàm exteriores; & intellectum nostrum illuminare de cogitandis, cognoscendis, & agendis.
- 466 Unus Angelus necessariò non tamen coactus, & contra propriam voluntatem amat alium quoad specificationem; quoad exercitium verò potest non amare.
- 467 Superior Angelus illuminat inferiorem manifestando ei veritatē, quam ipse cognoscit; & confortando eius virtutem intellectuam, & rem intellectuam, ac capri addiscentis accommodando.

- 468 *Angelus superior non potest sufficienter monere voluntatem inferioris, neque ex parte potentia, neque obiecti: sed solum potest eam inclinare proponendo ei obiectum.*
- 469 *Angeli immediatè possunt mouere corpora motu locali, etiam eo, qui non consequitur formas ipsorum: per motum autem localem possunt causare alios motus; adhibendo tamen agentia naturalia illorū.*
- 470 *Non possunt Angeli sua virtute naturali operari miracula simpliciter; sed tantum quoad nos, quatenus eorum causas, & modum ignorantes supernaturalia existimamus.*
- 471 *Angeli autem ordinis virtutum dicuntur operari miracula; vel quia Deus utitur illis ministris ad operanda miracula; vel quia ad eorum impetrationem miracula facit.*
- 472 *Non potest Angelus siue bonus, siue malus naturali virtute consecrare, baptizare, aut absolvere: si tamen constet per auctoritatem Ecclesie aliquem ab Angelo bona baptizatum, aut absolutum fuisse; non est reiteranda confessio, & baptismus.*
- 473 *Tam Angelus, quàm quacunque alia creatura, si secundum naturam suam consideretur, potest peccare: quare Angeli habent, ut nō possint peccare, non ex natura; sed ex dono gratuito.*
- 474 *Angeli besti peccare non possunt de lege ordinaria: possunt tamen de absoluta: quo fit, ut eorum absurda sit opinio, qui tempore Noe Angelos descendisse, & cum hominibus peccasse autumant.*
- 475 *Etiam si honorificum sit Angelis deputari ad tutelam alicuius regni, vel provincie: hoc tamen non spectat ad eorum beatitudinē.*
- 476 *Supremus beatorum angelorum est subiectum cui, quo mensurantur omnes Angeli & dæmones; non autem lucifer.*
- 477 *Omnes creature corporales administrantur per Angelos: non sunt autem singulis corporum speciebus prepositi Angeli ad opera naturalia explenda.*
- 478 *Neque verò est vnus Angelus, qui preest vniuersæ spheræ ætheriorum & passiuorum; sed tot Angeli positi sunt, qui preessent rebus corporalibus, quot modis illæ subsunt diuinæ regule in ordine ad finem predestinationis.*
- 479 *Formæ materiales non sunt participationes formarum immaterialium, idest angelorum: ita ut ad eorum nutum materia formam recipiat: sed vel immediatè à Deo infunduntur materia; vel virtu-*

te naturali educuntur de potentia illius.

- 480 *Angeli illuminant homines in intelligibilem Veritatem, eam ipsis sub velaminibus proponentes, & intellectum hominis, cui revelationem faciunt, fortificantes.*
- 481 *Non mittuntur ad nos Angeli cuiuslibet ordinis de lege ordinaria: et iam si hoc fieri possit de absoluta: item qua munera obeunt inferioribus Angeli, possent obire superiores se solis.*
- 482 *Inter hos qui summa annunciant Arcangeli vocantur; Angelorum vero unusquisque iuxta suæ naturæ perfectionem in nobilius ministerium mittitur.*
- 483 *Soli Angeli primæ hierarchiæ dicuntur assistere Deo: quod est diuina mysteria in charitate diuinæ essentia percipere.*
- 484 *Angeli sexti ordinis nempe dominationum dicuntur mitti in ministerium: non quòd aliquid exequantur: sed quòd omnes disponant, & mandent alijs, vt exequantur.*
- 485 *Deus, non modo Angelos; sed neque vllam aliam quantumvis nobilem creaturam impeccabilem creare potuit ex natura sua, tam quoad præcepta naturalia, quàm quoad supernaturalia.*
- 486 *Probabiliter asserimus fœtum dum est in vtero custodiri ab Angelo custode matris, & cum primum in lucem editur, deputari ipsi Angelum custodem.*
- 487 *Ex omnibus hierarchijs, & ordinibus aliquis Angelorum cecidit: nullus autem angelorum nec præscitus, nec prædestinatus præscituit se damnandum, vel glorificandum fore.*
- 488 *Angeli mali inferiores noluerunt parificari Deo vt lucifer: sed tantum voluerunt esse quieti, & beati in æternum sine meritis, & obsequio.*

DE DAEMONIBVS.

- 489  *On placet definitio illa demonum, qua dicit demones esse genere animalia, mente rationalia, animo passiva, corpore aerea, duratione aterna, cum constet esse Angelos malos eiusdem naturæ cum bonis.*

- 490 *In demonibus est liberum arbitrium circa mala tantum: quate-*

- 490 possunt hoc, vel illud malum eligere: nunquam tamen bonum.
 491 Etiam si daemones diligant Deum ut authorem naturæ, & conseruatores: tamen nihilominus peccant etiã in hoc ipso diligendi actũ.
 492 Angelus non peccauit, neque peccare potuit in hoc quod malum eligeret: sed peccauit eligendo aliquid, quod secundum se bonum erat; sed tamen indebitum, ideoque peccauit non ex ignorantia; sed ex inaduertentia, & inconsideratione.
 493 Angeli reprobī ita habent odio Deum, ut auctorem gratiæ; ut ex eo etiam inducantur ad peccandum contra præcepta naturalia.
 494 In daemōnibus sunt omnia peccata secundum reatum: licet secundum affectum peccatũ primũ primi Angeli non potuerit esse aliud, quàm superbia, quam consecuta est inuidia.
 495 Sub inuidia, & superbia; quas in daemōnibus fuisse expresse legimus, comprehenduntur omnia peccata, quæ ab illis deriuantur.
 496 Omnes actus naturæ daemōnũ boni sunt: cōtra verò omnes actus voluntatis mali, unde possunt facere actum bonum in genere, qui tamen malus sit ex ipsorum voluntate.
 497 Quamuis considerata pronitate ad peccandũ minor appareat ratio peccandi in superioribus Angelis, quàm in inferioribus: tamen omnium supremus primus, & maximè omnium peccauit.
 498 Diabolus appetijt esse ut Deus non per æquiparantiam: sed quia appetijt, ut finem vltimum id ad quod naturali virtute peruenire tētabat, dimissa & contempta beatitudine supernaturali.
 499 Quod si appetijt beatitudinem supernaturalem; illam desiderauit habere, non ex gratia; sed ex natura: atque ita desiderauit Principatum, & Imperium super alias creaturas; atque ita Deo assimilari.
 500 De fide est nullam creaturam esse naturaliter malam, nec Angelos in primo suæ conditionis instanti malos fuisse per peccatum propriæ voluntatis.
 501 Angeli in primo suæ conditionis instanti non modo non peccauerunt; sed nec peccare quidem potuerunt.
 502 Potuerunt tamen omnes in primo instanti mereri: immo omnes de facto meruerunt tam boni quàm mali: si tamen statim in secundo instanti proprium meritum peccato mortificauerunt.
 503 Peccatum primi Angeli fuit causa peccati aliorum non cogēs; sed quadam quasi exhortatione inducens: pauciores tamen indu-

- xit ad peccandum, quam essent qui permanserunt in gratia.
- 504 Demones tanto grauius peccauerunt, quanto erant natura præstantioris: Vnde existimo luciferum etiam si alterius demonis instigatu peccasset; grauius tamen quoad intensiorem actus peccatorum fuisse.
- 505 Non potuerunt Angeli peccare venialiter, nec in statu viæ, nec in statu beatitudinis: Demones autem, qui sunt in statu damnationis mortaliter peccant.
- 506 Motus inordinatus, quo demon latus est in Deum, cum esset in viâ, fuit culpa: nunc verò est illi pœna, id quod de hominibus etiam dicendum censeo.
- 507 Demones ita se auerterunt à Deo per primum peccatum, ut amplius se auertere non potuerint: contra verò Angeli ita se in Deum conuerterunt per primum actum meriti, ut amplius non potuerint posita lege Dei.
- 508 Si demones pœnituisse de suo peccato, veniam consequerentur; si id facerent propter offensam Dei: sin verò propter grauitatem pœnarum; nequaquam.
- 509 Secundum fidem Catholicam credendum est, quod voluntas bonorum angelorum confirmata est in bono; voluntas verò malorum obstinata est in malo.
- 510 Causa obstinationis ipsorum demonum non est grauitas culpæ ipsorum; sed conditio status, sunt enim extra viam: propria verò causa est inflexibilitas arbitrij eorum, ex qua prouenit ut voluntas immobiliter adhaereat fieri, ad quem semel se liberè conuertit.
- 511 Nullus Angelorum, qui peccauerunt de facto consecutus est veniam, aut veram sui peccati penitentiam egit: sed continuo post peccatum omnes acceperunt suæ damnationis sententiam.
- 512 Obstinatio demonum non solum includit diuini auxilij denegationem, ob quam impossibilis est illis fructuosa penitentia; verum etiam prauum voluntatis affectum, qua demones adherent prauo finis, in quem se retulerunt in ultimo instanti viæ.
- 513 Non prouenit autem ex aliquo malo habitu causato in voluntate à Deo, neque ex eo, quod Deus conseruet in ipsis odium sui ipsius.
- 514 Demonum accidentalem pœnam, & beatorum angelorum accidentale gaudium non solum ante; sed etiam post iudicium augendū esse

esse probabile est.

- 515 Dæmones, & damnati non possunt suspendere omnem suam operationem: immo illi non possunt suspendere omnem actum voluntatis quo feruntur circa suum ultimum finem.
- 516 Dolor, ut est passio non potest esse in dæmonibus: est autem in ipsis ut est actus voluntatis repugnans obiecto.
- 517 Et hic dolor de carentia visionis diuinæ secundum quandam rationem ad pœnam sensus reduci potest, sed propriè, & in rigore ad pœnam damni spectat.
- 518 Locus, qui debetur dæmonibus ratione culpæ est infernus: tamen multi versantur in hoc aere caliginoso ad exercitationem hominū.
- 519 Infernum esse quendam specialem locum in quo dæmones, & damnati homines delictorum suorum pœnas luant, de fide est.
- 520 Hunc locum esse sub terra catholica fide constat: esse autem in ipsius Terræ centro probabile est.
- 521 Ignis inferni est corporeus & sensibilis, & eiusdem speciei cum igne, qui est apud nos, & creatus fuit à principio mundi.
- 522 Hic ignis non solum puniet corpora damnatorum post diem iudicii, sed etiam punit nunc illorum animas.
- 523 Ignis inferni cruciat dæmones quatenus ipsi alligantur illi tamquam horrendo carceri, & quatenus est instrumentum diuinæ iustitiæ, & potentiæ, quod dæmones apprehendentes tamquam malū, & noxium, tristantur, & dolent.
- 524 Animas in purgatorio detentas non existimo angelorum aut dæmonum mysterio torqueri, sed à solo igne.
- 525 Inflictæ à Deo dæmonibus pœnæ efficiunt, ut non iudicent se posse amplius similes fieri altissimo: nec tamen effecerunt, ut id non appetant: unde si quam viam inuenire possent, quā se existimarēt ad solium gloriæ peruenire possent, id pro viribus tentarent.
- 526 Inter dæmones est prælatio, & subiectio, quā unus imperat alteri: atque ita fortiores contra homines efficiuntur: etiam si inter ipsos sint priuati inimiciæ propter ambitionem.
- 527 Probabile est cessante eorum pugna cum hominibus, quod fiet in consummatione sæculi, cessaturam etiam eorum rem publicam: atque ita omnes inter sese futuros discordes.
- 528 In dæmonibus ordo secundum gloriam nunquā fuit, ordo verò secundum

secundum naturalem perfectionem est in ipsis à primo sua conditionis instanti: ordo autem secundum statum gratiae fuit in via; nunc autem non est.

- 529 Inter demones, qui sunt natura inferiores subijciuntur superioribus, & præstantioribus, & hæc subiectio, & prælatio nonnunquam deordinatur per eorum discordiam.
- 530 Demones non modo subijciuntur Angelis, quibus natura inferiores sunt: sed etiam quibus natura superiores, & hæc prælatio, & subiectio in æternum durabit.
- 531 Cognitio naturalis demonibus nec est ablata; nec diminuta, & idem asserendum de potentijs naturalibus ipsorum.
- 532 Probabiliter asserimus demones ante crucis mysterium non cognovisse Christum esse filium Dei; sed cognovisse esse Messiam in lege promissum.
- 533 Nullus Angelus ex his quiceciderunt vidit, aut videt diuinam essentiam, nec in transcurso quidem, aut per modum transeuntis: immo neque etiam boni angeli antequam confirmarentur in gratia.
- 534 Daemon non potest illuminare alium demonem, neque quoad naturalia, neque quoad supernaturalia; sed tantum potest ostendere ei voluntatem suam.
- 535 Demones cognoscunt veritatem tripliciter, per naturam, experientiam, & revelationem, & hæc cognitio est tantum speculativa in ipsis, quatenus non producit Dei amorem.
- 536 Demones non habent cognitionem meridianam, quia hanc habet solus Deus, nec matutinam, aut vespertinam, quia soli Angeli has habent; sed nocturnam.
- 537 Demones respectu speculabilium, præsertim contingentium in multis decipi possunt, cum intellectus eorum per culpam sit obnubilatus: respectu verò agendorum, cum habeant intellectum, & voluntatem subversam dicuntur facti tenebræ.
- 538 In demonibus quoad memoriam, quæ dicit habitum nulla cadit obliuio; sed quoad actum recordandi dicuntur obliiti præsertim sua salutis, & beneficiorum Dei.
- 539 Possunt (& aliquando fecerunt) Demones uti hominibus succubis, & incubis velint, nolint, non carnalis desiderio voluptatis: sed ut excitent illud in hominibus; ac proinde peccatis obnoxij facilius à damo-

demonibus vexari tū in presenti, tū in futuro saeculo permittuntur.

540 Possunt etiam; nisi exorcismis, aut viri sanctitate opprimantur, morbos inferre, impedire digestionem, effectusque medicamentorum usque ad mortem.

541 Deus cuius iudicia occulta sunt multa, iniusta nulla, permittit homines à demonibus vexari, vel ad eorum, qui vexantur merita cum mulanda, vel ob eorum, aut parentum peccata.

542 Miracula Dei, & demonum praeſtigia sex inter se discerniculis dignosci possunt: primo quia illa sunt vera miracula; hac minimè: secundo quia illa non fiunt nisi à Deo, vel per Angelos, vel per Sanctos viros, & per malos variissimè: hac verò non nisi flagitiosorum hominum ministerio: tertio miracula Dei sunt ad utilitatem hominum, & gloriam Dei: hac verò nullam utilitatem prae se ferunt: quarto Sancti operantur miracula cum deuotione & diuini nominis inuocatione; Magi adhibitis certis herbis, characteribus, & statis horis: quinto miracula Dei fiunt ad deuotionem excitandam. Magorum ad turpe lucrum, & flagitia perpetranda & vanam gloriam: sexto facta cōparatione demonum, apparet Dei vera esse miracula; Magorum meras esse praeſtigias.

543 Possunt demones efficere vt corpora assumpta videantur, aut lateant: item videantur ab vno, vel à pluribus, vel in parua, vel in magna distantia, & quantitate, & diuersis coloribus.

544 Et quauis innumeris penè modis homines deludere conentur vt ipsi si homines nesciant boni ne sint, an mali angeli: hoc tamen vel maxime à bonis dignosci possunt, quòd eos, quibus apparent primo aspectu latos reddunt: sed tandem maſtos relinquunt.

545 Demones plerumque obsidere solent mulierculas, ac puellas, vt se occultent sub specie humorum matriculium, & quia hic sexus facilius terretur, & quia sunt cerebro leuiore, & subiecta mutationibus lunae, ac proinde effectus demonum luna tribuuntur.

546 Non detegunt etiam peccata circunſtantium ne pudore ad poenitentiam adducantur, ac proinde in gratiam Dei redeant: ac ne se ipsos prodant.

547 Non loquuntur autem varijs linguis ne se ipsos detegant, & vt astantium curiositas confundatur, Deo permittente: ideoque nunquam ferè loquuntur externis linguis; nisi cum astantes sunt imperiti.


Quo-

- 548 Quoniam *dæmones* pactum malefico conditione non desistunt obsequium vexare quoad durauerit: ideo licet; immo pium opus est recurrere ad maleficos ut maleficium simplici dissolutione destruant, non adhibito tamen nouo maleficio.
- 549 Adorare absolutè *demonē* Christi Domini, vel boni *Angeli* speciem referentem; est peccatum idololatriæ.
- 550 *Dæmones* possunt illabi corporibus humanis, non animabus: at Verò animæ damnatorum nec animabus, nec corporibus illabi possunt.
- 551 Nec *Angeli* boni, nec *dæmones* possunt immediatè producere formam, vel substantialem, vel accidentalem in materia sine dispositionibus requisitis naturaliter.
- 552 Possunt tam *Angeli* quàm *dæmones* producere nouos effectus, qui fiunt sine formæ introductione, vel per partium separationem, ut statuum, vel per coniunctionem, ut parietem, & id genus alia.
- 553 Possunt etiam omnia, quæ arte fieri possunt ab hominibus miracelitate, & arte perficere: ita ut nobis non nisi supernaturali virtute fieri posse videantur.
- 554 *Dæmones* non possunt formare corpus humanum, nec immediatè nec virtute naturali applicando ætina passiuis.
- 555 *Dæmones* quatuor modis impugnant homines: primo proponendo sensibus exterioribus obiectum extrinsecum: secundo excitando interius passiones in appetitiua, & irascibili potentia: tertio immutando phantasiam, & imaginatiuam: quarto concitando indirectè virtutem cognoscitiuam.
- 556 *Dæmones* tribus modis sensus hominis deludunt: primo ostendūt præsens esse, quod non est, species offerendo: secundo ostendendo rem aliter, quàm sit, per immutationem sensus, vel obiecti: tertio abscondendo id, quod præsens est, per interpositum impedimentum.
- 557 Decipiunt etiam homines proponendo aliquid, quod malum sit, vel falsum sub specie boni, vel veri præsertim in somnis.
- 558 Quoniam Deus Optimus Maximus ordinem vniuersi ita disposuit; ut inferiores creatura beneficio superiorum suum finem consequerentur: ideo existimo ipsum voluisse, ut homines per *Angelos* bonos directè, per malos indirectè ad cælestem gloriam intruderentur.

- 359 Diabolus tentat homines primo ut corrumpat eorum fidem: secundo ut conseruet in ipsis superstitiones: tertio ad inducendum malum habitum contrarium virtutibus; quarto ad hominem confirmandum in suis iniquitatibus: quinto ad hominem affligendum; ut impatiens Deum offendat.
- 360 Non debemus absolute appetere nos tentari à diabolo; sed tantum sub conditione, idest supposito quod resistamus.
- 361 Diabolus tetavit Aeuam, non Adamum, quia ipsa erat simplicior & fragilior; locutione corporali, quia efficacior; sub specie serpentis, Deo permittente; ut eius calliditas ostenderetur, & homines per peccatum tanto magis deprimerentur.
- 362 Demones tentant homines, vel quia solatium est miseris socios habere peccatorum; aut ob inuidiam: aut quia mala arbor non potest bonos fructus facere.
- 363 Possunt tam demones, quam Angeli sancti immutare efficaciter imaginationem hominis non modo dormientis, verum etiam vigilantis per motum localem spirituum & humorum.
- 364 Sensus autem exteriores possunt efficaciter immutare; tum ad intra; sicut mutatur lingua infirmi; tum ad extra obiecta proponendo; & tandem possunt immutare omnem potentiam vntem organo.
- 365 Demones mittuntur à Deo non ad homines seducendos, sed puniendos: seducunt autem ex propria malitia diuina accedente permissione.
- 366 Tentare hominem ad eius animum manifestandum non sibi; sed alijs est proprium Dei: ad eius verò animum penetrandum, est proprium hominis: ad eum verò seducendum est proprium diaboli, & ministrorum eius.
- 367 Omnia peccata, quae homines committunt causantur à demone indirectè; non autem directè, quod si daemon à viro sancto superetur; non arceatur à tentatione ipsius, nisi per aliquod breue tempus.
- 368 Demones non potuerunt naturali virtute conuertere virgas magorum in serpentes; sed dum magi virgas proiecerunt; ipsas ab oculis spectantium euanuisse; loquere illarum serpentes aliunde allatos suppositos esse verisimile est.

- 569 *Dæmon potest impedire vsum rationis si à Deo permittatur: & ideo potest cogere ad actum materiale peccati, non ad peccatum.*
- 570 *Dæmoniaci nesciunt quid vocis sono edant quando diabolus in eis loquitur. idem existimandum de serpente qui Aeuam tentauit, & de Asina Balaam.*
- 571 *Dæmones nonnunquam leuitates aliquas faciunt ridiculo, stendo, & similibus; non quod desipiant: sed vt ijs familiares facti; facilius insidias militi pellant.*
- 572 *Dæmones in actionibus suis immanentibus; nec per se nec per accidens; nec directè cœlestium orbium influxibus subditi sunt: in actionibus verò transeuntibus subduntur cœlis, non ratione sui: sed ratione rei inquam agunt.*
- 573 *Non licet dæmones adiurare per modum deprecationis, vel inductionis; nec aliquid ab ijs discere, vel obtinere, sed per modum coactionis cum inuocatione diuini nominis, ad eorum in nos iniurias repellendas.*
- 574 *Potest dæmon nos compellere ad cogitationes malorum, sed non ad cogitationes malas: cum præsertim animus noster nulla re vtili occupatus vagatur.*
- 575 *Existimo dæmones tam ante quam post iudicium sicut hominum fuerunt hic incentores in culpa, ita in inferno futuros tortores in pœna.*

DE DAEMONIACIS MAGICISQUE ARTIBVS.

- 576  *Agia duplex est, altera infamis, & immundorum spirituum incantationibus concinnata, nihil faciens; nisi dæmonum arte, & auxilio sulta; Altera naturalis, rerum naturalium adminiculo; vt lapidum, herbarum, animantium; cæterorumque ad id spectantium qualitate, proprietate, ac temperamento perfectis, opera edit vulgo mirabilia, & humanum captum, atque admirationem superantia.*
- 577 *Illam Græci Theurgiam vocant; hanc verò Magiam; cuius professores apud latinos sapientes, Græcis Philosophi, Aegyptijs Sacerdotes,*

dores, Babylonij, & Aſirij Chaldaei Perſis Magi, Indis Gymnoſophiſtae, Celtis Druidae nominantur.

578 Hac in rerum cognitione fundatur, illa demonum conuerſatione addiſcitur: hac philoſophiae naturalis conſummatio, & ſaſtigiũ, & intellectus ſumma perfeſtio, illa tam obſcura mentem caligine officit: quouſque illam in aeternas tenebras praecipitem agat.

579 Quod dicitur Danieliſ ſecundo Praecepit Rex ut conuocarentur Harioli, & Magi, & maleſci, & Chaldaei, ita exponendum eſt; ut Magi ſint qui philoſophiae beneficio mirabilia faciunt; Harioli incantatores, qui verbis rem peragunt: Maleſci qui ſanguine vtuntur, & victimis, mortuorumq; cadaueribus: Chaldaei, qui vulgo Aſtologi, & Genethliaci & Mathematici dicuntur.

580 Omnino autem reiſcienda eſt Platoniorum ſententia appellantium lares deſunctorum animas ſi domi ſint tranquilla & quietae; ſin omnia commiſceant terroribus, & turbis, lemures, aut laruae.

581 Falſo Porphyrius dixit Angelos alios eſſe qui deorſum deſcendentes hominibus Theurgicis diuina pronuntiant; alios vero qui in terris ea, quae patris ſunt, & altitudinem eius profunditatemque declarant.

582 Diuinationeſt praediſſio, non eorum, quae ex natura & neceſſario agente produciuntur, neque eorum, quae plerumque eueniunt, ut pluuiae, venti, & ſimilia; ſed eorum quorum cauſa ſe habent ad vtrumlibet.

583 Dicitur autem diuinationeſt quaſi diuina actio, & eius profeſſores diuini, quia res futurae non in ſuis cauſis; ſed in ſeipſis, quod Dei proprium eſt, ſe intueri profitentur.

584 Diuinationeſt ſemper eſt peccatum, & in genere ſuperſtitionis: & eius plurimae ſunt ſpecies: quarum prima eſt Praeſtigium, cum demones expreſſe inuocati aliqua praenuntiant praeſtigioſis quibuſdam apparitionibus ſe aſpectui offerentes.

585 Diuinationeſt per ſomnia eſt cum nobis in ſomno futura praenuntiantur per demones, nam ſi per Deum, dicitur Oraculum.

586 Nicromantieſt diuinationeſt per mortuorum apparitionem vellocutionem, qua mortui reſurgere videntur futura praenuntiantes.


587 Diuinationeſt per Pythones dicitur ea, qua Arreptitij homines futura praedicunt; non enim ipſi; ſed demon in ipſis loquitur.

- 588 Geomantia est diuinitio facta per quid terreſtre, vt ligna, lapides, metalla, Hydromantia per aquam, Aeromantia per acrem. Pyromantia per ignem, cum in aliquo iſtorum corporum figura, vel characteres apparent in quibus aliquid futurum cernimus.
- 589 Diuinitio qua fit abſque expreſſa demonum inuocatione in duo genera diuiditur, primum eſt ex conſideratione naturæ rerum; alterum per ſortes.
- 590 Primi generis prima ſpecies eſt *Aſtologia* ex conſideratione numeri, magnitudinis, motus omnium orbium cœleſtium, ſtellarum quæ errantium, ac inerrantium, ac *Aſteriſmorum* ortibus, occaſibus, figuris, imaginibus, ſitu, progreſſu, ſtatu, regreſſu, coniunctione, opoſitione, eclipſi, complexionibus naturis, futuros liberos euentus de terminatè in inferioribus prænuncians.
- 591 Secunda ſpecies ſcilicet *Augurium* eſt diuinitio per voces motus, & volatus auium, aut aliorum animalium: Tertia *Omen* eſt præſagium futuri ex verbis hominum ſine conſideratione prolatis: Quarta *Chyromantia* ex lineamentis manuum, cui adde *Spatulimantiã*, & ſiquæ ſunt aliæ.
- 592 Alterum diuinationis genus ſcilicet *Sortium* eſt vel per conſiderationem figurarum, quæ ſunt ex liquido plumbo in aquam proiecto, vel ex ſchedulis ſcriptis, vel non ſcriptis, vel ex fiſtulis in aquilibus, vel ex iactu ſaxillorum vel ex apertione libri, quæ omnia vana ſunt, & ſuperſtitioſa.
- 593 Homines nulla arte naturali poſſunt cogere demones ad oracula ſibi reddenda, vel ad aliquem locum immobiliter alligare.
- 594 Quod ſi aliquando apud homines fuit ars cogen di demones ſive verbis, ſive characteribus, ſive herbis, ſive quauis alia re illa nõ ſuit naturalis earum rerum virtus.
- 595 Vis horum characterum ſive aliarum rerum eſt vel ex diuina permiſſione, aut ab Angelis bonis, aut à demonibus ſuperioribus: vel certe demones ſe capros, ac vinctos ſimulant, vt nos realiter capiant, & æternis, ac indiſſolubilibus inferni vinculis vinciant.
- 596 Ars includendi demones in figuris geometricis, imaginibus vel phiaſis, vel alijs rebus materialibus, quam teſtatur extiſſe *Trimegyſtus* non eſt cenſenda ars: ſed conſtitutio, ſeu pactum expreſſe, uel tacitè inter perditos homines, & demones.

- 597 Nec muscus contentus, nec herbarum, aut lapidum Virtus aut cuiusvis sensibilis substantiæ, potest quicquam agere in demonem, impellendo, vel expellendo.
- 598 Quod si id aliquando faciunt, non faciunt agendo in demonem, sed in corpus obfessi.
- 599 Quod si beneficio musica à corpore receaserint, censendum est id fieri vel sanctitate, vel malitia pulsantis.
- 600 Phascinationis puerorum non est causa solum vehemens imaginatio vetula; sed quia ex imaginatione illa immutatur corpus, & vapores venenosi ad oculos euolant, & per illos transmittuntur ad pueros; quod tamen etiam ministerio demonum fieri probabile est.
- 601 Conseruatio cadauerum incorruptorum aut fit propter sanctitatem mortuorum diuino miraculo, aut ex naturali dispositione corporis, & loci.
- 602 Augmentum vnguium barba, & capillorum in cadaueribus non à demonibus; sed naturaliter fieri censeo ex dispositione corporis: seruo autem sanguinis occisi presente occisore (si verum est) non à demonibus; sed diuino miraculo proficiscitur.
- 603 Apparitiones, & ignes, qui in cimiterijs, & suppliciorum locis noctu viscuntur, meteorologicas potius impressiones, quam demonum ludificationes puto.
- 604 Petere aliquid à damone sponte offerente ad vtilitatem vel propriam, vel aliorum, & demonem inuocare ad occultorum cognitionem acquirendam nunquam licet.
- 605 Vt iuebus naturalibus ad valetudinem recuperandam; si id ex naturali earum virtute factum iri speretur non est peccatum; si autem speretur ex vi alicuius characteris, aut figura, aut verborum superstitiosum est.
- 606 Scientias addiscere per singulare demonis artificium, & influentiam, aut per artem notoriam, qua per inspectionem quarundam figurarum plures scientiæ comparari dicuntur superstitiosum est.
- 607 Etiam si predictiones demonum aliquando verificentur: neque tamen ipsis fidem habere debemus; & faciendo peccamus mortaliter.
- 608 Opera maleficarum non proueniunt à corporum caelestium influibus, neque ut talia sunt: neque per virtutem Angeli mouentis orbem; sed virtute demonis.

- 619 Neque Verò hæc fiunt, ex malicia malefici tamquam causa, re-
que vocibus hominū cōcurrēte aliqua cōlesti cōstellatione, aut in cō-
ceptione, aut in natiuitate malefici; hæc enim asserere temerariū est.
- 610 Legaturæ, & imagines nisi sanctæ sint nō modo nō possūt expel-
lere demones, sed nec dolores quidem lenire, ideoque tamquam super-
fluitosæ res reiiciendæ sunt.
- 611 Negandū non est esse maleficia in mūdo, aut fieri inter coniuges
sue ante sue post cōsummationem matrimonij.
- 612 Malefici autem ea facientes sunt homicidij rei tum in foro fori,
tum in foro poli.
- 613 Hæreticum est asserere aliquod maleficium diuinam providen-
tiam & permissionem effugere, non solum in ijs quæ circa hominem
fiunt, sed etiam in his quæ circa bruta, & inanimata.
- 614 Omne maleficium potest dissolui per D um, & per diabolum, da-
tur tamen aliquod maleficium, quod humano maleficio & consilio
dissolui non potest.
- 615 Demones quinque modis futura præagiunt ex diuina permissio-
ne ministerio Angelorum: secundo per intelligentiam sacrarum scri-
pturarum quas optime inter se conferunt: tertio cognoscendo futura
in suis causis naturalibus, quæ tamen nobis videntur contingentia:
quarto cognoscendo naturales hominis inclinationes: quinto & po-
strèmo dicendo ea quæ præsentia sunt, cum futura appareant ob tar-
ditatem hominū.
- 616 Ante primum peccatum non potuisset diabolus tentare hominē
interiori suggestionē per quam immutaretur phāstia; sed tantum
exteriori alliciendo sensus exteriores.

DE BEATITVDINE.

- 617  Mnes humanæ actiones sunt propter aliquem finem, si-
ue vltimum, siue medium: humanas autem actiones vo-
co eas, quibus à ceteris animantibus homo distinguitur.
- 618 Non solum homo; sed omne agens agit propter finē;
hoc autem differunt, quòd creatura irrationalis in finem fertur, &
agitur: non autem ipsum eligit, sicut homo: Deus autem operatur
pro-

propter finem, volendo, & operando vnum propter aliud.

619 Actus humani, vt egrediuntur ab agente, vnicum tantum habent obiectum, à quo speciem sortiuntur: potest tamen idem actus habere diuersas species iuxta finium diuersitatem: & idem actus moraliter est diuersus naturaliter, & idem actus naturaliter potest esse diuersus moraliter.

620 Impossibile est in finibus essentialiter subordinatis dari progressum in infinitum: quo fit, vt necesse sit dari vltimum finem omnium humanarum actionum, tum verum scilicet Deum, tum apparentem scilicet creaturas.

621 Eodem modo impossibile est procedere in infinitum in asecutione mediorum subordinatorum: in finibus autem, & medijs non subordinatis: sed quæ per accidens coniunguntur, nihil prohibet in infinitum dari progressum.

622 Vnius hominis non possunt esse plures vltimi fines, sed vnus tantum, propter quem vult quicquid vult: etiamsi non cogitet de illo: loquor autem de vltimo fine formaliter non materialiter: qui quidem in generali sumptus apud omnes homines est vnus, & idem.

623 Hominis beatitudo, & vltimus finis non consistit nec in diuitijs, nec in honoribus, nec in gloria, vel fama humana, nec in potentia, nec in aliquo corporali bono, nec voluptate siue corporis, siue animi, nec in aliquo bono animæ; nec in aliquo bono creato.

624 Dicere beatitudinem nostram esse illapsam Dei in animas beatorum, eas in se transformando præuia intellectus operatione, scilicet cognitione & visione Dei, est falsum.

625 Beatitudinem impossibile est in habitu tantum consistere, idest in eo, quod possimus videre Deum quando volumus: beatitudo autem, & dilectio Dei in beatis non est actus liber, sed necessarius.

626 Dici non debet intellectum beatorum in visione beatifica se habere merè passiuè nullam producendo visionem.

627 Deus se solo potest producere species intelligibiles, immo etiā verbum non autem intellectum intellectu merè passiuè se habente: & idē dicendum est de volitionem, etiam de potentia Dei absoluta.

628 Sicut Catholica est hæc propositio: Homo se iustificat dispositiuè; ita, hæc: Homo se glorificat: & se beatificat: Neque verò dicendum est intellectum meliorem cum aquali lumine gloriæ perfectio-

rem Dei visionem producere.

- 629 Quo fit, ut Sanctissima Deipara cum omnes alios superet lumine gloriæ excellat etiam visionis claritate, & Angeli hominibus in meritis æquales æquali claritate Deum videant.
- 630 Nullo sensu nec interiori, nec exteriori Deus à nobis cognosci potest, quamuis præsupposita intellectus cognitione imaginatiua in homine possit concipere timorem, & amorem erga Deum.
- 631 Requiritur tamen ad beatitudinem operationes omnium sensuum, & antecedenter & consequenter, itaque omnes sensus tam interiores, quam exteriores suis muneribus functuros probabiliter credimus, & omnes recepturos species sensibiles ab obiecto sicut in hac vita mortali.
- 632 Et tunc ad visionem, & auditionem producendam multiplicabuntur species intentionales, & sonore tam in cælo pleno, quam in vacuo: Ad olfaciendum verò non erit necessaria exhalatio seu vapor, nec gustus replebitur cibo ad nutriendum; sed in erit humor aliquis perpetuus, & iucundissimus organo gustus, quo beati perfruentur.
- 633 Tangendo verò non recipient species tactiles cum passione disceptante corpus ut fit in hoc seculo; sed sine ulla naturali passione quemadmodum in hac vita recipimus species visibiles.
- 634 Beatitudo non consistit in actibus visionis amoris, gustus delectationisque simul: nec in sola dilectione, aut solo gaudio: sed in sola essentia diuinæ visionis.
- 635 Quamuis enim in hac passibili vita maioris perfectionis sit Deus diligere, quam cognoscere, tamen in æterna vita visio Dei præstabit ei dilectioni, & fruitioni.
- 636 Visio sola sine fruitione, & gaudio est beatitudo perfecta essentialiter.
- 637 Visio beatifica non est practica, nec speculatiua formaliter, est tamen utrumque eminenter, & magis speculatiua, quam practica.
- 638 Visio beatifica est vna, & simplicissima, & in complexa apprehensiuâ simul, & iudicatiua occupata præcipuè in iudicando, quam bonus Israel Deus his, qui recto sunt corde.
- 639 Beatitudo hominis, quæ summa in hac vita haberi potest posita est in consideratione scientiarum speculatiuarum: supernaturalem verò beatitudinem non in ijs sitam esse de fide est.

- 639 *Beatitudo perfecta huius vitæ consistit in speculatione non solum substantiarum abstractarum; sed (quod caput est) Dei Optimi Maximi dilectione, non solum secundum veritatem; sed etiam secundum Aristotelem.*
- 640 *Nos non inclinamur ad desiderandum Dei visionem pondere naturæ: illustrati verò lumine fidei, & habentes notitiam rerum supernaturalium; non desideramus naturali facultate videre Deum.*
- 641 *Potest Paganus habens notitiam rerum supernaturalium habere imperfectum desiderium videndi Deum; efficax autem nemo habet nisi diuinitus adiunatur.*
- 642 *Videre Deum est finis omnino supernaturalis, quia nulla ratione natura debetur: anima enim nostra solum obedientialem potentiam habet, ut possit ad Dei visionem eleuari.*
- 643 *Visio beatifica non ideo supernaturalis est, quia non possit absq; supernaturali Dei concursu obtineri; sed quia superat omnem naturæ ordinem, & proportionem.*
- 644 *Beatitudo secundum omnem perfectionem, atque integritatem sine delectatione haberi non potest: est autem delectatio quies in bono iam adeptò; ita ut quies sit ratio formalis delectationis.*
- 645 *Beati ab in trinseco, & ex natura beatitudinis necessariò amant Deum, & delectantur: idque non habent solum ex lege diuina, quæ statuit non concurrere cum beatis ad priuationem beatitudinis.*
- 646 *Neque tamen inde fit ut beati coacti, & inuiti delectentur & gaudeant: amans enim non potest nolle delectationem ex amati visione prouenientem.*
- 647 *Comprehensio est consecutio ultimi finis, estque actus intellectus non voluntatis, & sine ea repugnat esse beatitudinem.*
- 648 *Eum qui beatus est, siue Angelum siue hominem; durante beatitudine peccare impossibile est.*
- 649 *Etiamsi Angeli, & ceteri beati in prosecutione mediorum, & in multis alijs actibus, liberè se gerant; impossibile tamen est ipsos peccare venialiter.*
- 650 *Ad beatitudinem imperfectā, quæ in hac vitæ haberi potest, ne-*

- cessarium est corpus: ad beatitudinem autem perfectam, & supernaturalem corpus est necessarium, non simpliciter; sed ad bene esse.
- 651 Defunctos in gratia post Ascensionem Domini Nostri Iesu Christi in cælos sine corporibus euolasse, aut euolaturos esse credere fides cogit.
- 652 Post corporum reasumptionem in die supremi iudicii crescet beatitudo non intensiue; sed extensiue: cum tamen fruitio, & delectatio eadem prorsus sit, tum intensiue, tum extensiue.
- 653 Ad beatitudinem imperfectam quæ in hac vita haberi potest, necessaria est bona corporis dispositio: ad beatitudinem verò supernaturalem, necessaria est huiusmodi dispositio tum anteceder, tum consequenter.
- 654 Ad beatitudinem terrenam necessaria sunt bona externa non perse; sed tamquam instrumenta vitæ tum actiue tum contemplatiue. ad beatitudinem verò æternam hæc bona nullo modo necessaria sunt.
- 655 Ad beatitudinem terrenam prorsus necessarij sunt amici: ad beatitudinem verò cælestem necessarij sunt concomitanter, & consequenter.
- 656 Neque verò beatorum quisquam dolebit de perditione parentum aut aliorum quos in hac vita dilexit; tum ob conformitatem voluntatis cum Deo; tum ob summam lætitiā.
- 657 Hominem esse capacem eius beatitudinis quæ in Dei visione consistit sola reuelatione cognouimus; esse autem hominem à Deo ad beatitudinem aliquam conditum docet philosophia.
- 658 Inter beatos vnum esse altero beatiorē de fide est.
- 659 Perfectio igitur beatitudinis proficiscitur, tum ex eo quod quis plura videt in Deo contenta eminenter, tum quod Deum intensius, intimius, clarius intuetur, & penetrat.
- 660 Beatitudinem imperfectam, & naturalem possumus habere in hac vita; beatitudinem verò perfectam, quæ in Dei visione sita est non possumus habere in hac vita existente ordine rerum, qui nunc est.
- 661 Beatitudo naturalis potest amitti, beatitudo supernaturalis est inamissibilis, & hoc scimus ex metaphysica, & ex manifesta scripturarum reuelatione habemus.

- 662 *Beatitudo naturalis tam actiua, quàm contemplatiua respectu scientiarum humanarum potest naturaliter acquiri: beatitudo verò naturalis contemplatiua quæ in diuinorum mysteriorum contemplatione, & amore consistit, non potest naturaliter haberi.*
- 663 *Nulla creatura potest alteri communicare lumen gloriæ: atque ita illam beare sine speciali Dei concursu: ex quo etiã fit vt non possit produci aliqua creatura, cui lumen gloriæ sit connaturale.*
- 664 *Ad beatitudinem supernaturalem consequendam requiruntur bona opera antecederet de lege ordinaria, nam de lege absoluta potest Deus hominem sine meritis beare.*
- 665 *Pueri baptizati morientes adipiscuntur per bona opera Christi Domini illis in baptismo communicata beatitudinem supernaturalem, solus Christus Dominus beatus fuit sine operatione meritoria suæ beatitudinis ratione vnionis hypostatica.*
- 666 *Quod homines beatitudinem per propria meritoria opera consequantur cedit in maiorem Christi Domini gloriam, & humani generis exaltationem, & in hoc maxime elucescit diuina benignitas, & misericordia.*
- 667 *Omnes homines appetitu naturali appetunt beatitudinem in communi necessariò quantum ad specificationem non quantum ad exercitium.*
- 668 *Beatitudinem autem in particulari, quæcunque illa sit siue in diuinæ essentiæ visione, siue in operatione studiosa collocetur non necessariò appetit nostra voluntas.*

DE ACTIBVS HVMANIS.

669 *De omnibus finibus potest esse consultatio tam quoad exercitium, quàm quoad specificationem in quantum media sunt: de fine autem ultimo quoad exercitium nõ quoad specificationem potest esse consultatio.*



670 *Voluntas nostra est libera formaliter, non autem intellectus: sed est libertas in eo tamquam in radice: illud tamen negandum non est scilicet quod libertatem nostræ voluntatis ex parte intellectus antecerrat cognitio, qua cognoscatur ratio finis.*

- 671 *Præcedit etiam cognitio ex parte intellectus, quæ cognoscatur proportio mediorum in ordine ad finem, & indeterminatio, & indifferencia iudicij ex parte intellectus.*
- 672 *Intellectus autem in suo discursu, & iudicijs ferendis determinatur ab auctore nature, aut per syllogisticum discursum, aut per sensum, & consuetudinem, aut per ipsam voluntatem; voluntas demum per unum actum intellectus, qui inest nobis per naturam.*
- 673 *Voluntarium directè non potest esse absque actu voluntatis, vel interiori, vel exteriori: voluntarium verò indirectè potest esse sine actu voluntatis quandoque exteriori: omissio verò culpabilis, & voluntaria requirit, ut non agat quis id, quod potest, & debet.*
- 674 *Voluntas potest necessitari à Deo in suis operationibus elicitis, ut velit, nolit, amet, odio habeat: potest etiam Deus impedire voluntatem ne exeat in actum secundum elicitedum; ad quem suapte natura inclinatur, vel subtrahendo suum concursum generalem, vel obiectum.*
- 675 *Potest ipsa voluntas quoad actus imperatos cogi non tantum à Deo; sed etiam à creaturis tam incorporeis quam corporeis, efficiendo actum imperatum contra actum elicitedum.*
- 676 *Deus neque de potentia ordinaria neque absoluta potest inducere hominem ad peccandum: idque non solum lumine fidei; sed etiam metaphysicæ beneficii cognouimus.*
- 677 *Ea, quæ sunt intrinsecè mala, etiam si metu fiant siue leui, siue graui, simpliciter sunt voluntaria; & imputantur facienti tamquam peccata: quæ verò sunt contra legem positiuam, licet voluntaria sint; non imputantur ad culpam, si metu rationali fiant.*
- 678 *Affectus animi nostri sequens deliberationem rationis, & voluntatis assensum auget voluntarium: idemque facit concupiscentia, quæ anteuerit iudicium rationis & voluntatis consensum.*
- 976 *Hæc tamen concupiscentia diminuit libertatem: quò fit ut aliqua ratione minuat culpam.*
- 680 *Habitibus, & affectibus, qui sunt in voluntate augent voluntarium.*

viu, neque minuunt liberum : ideoque habitus mali non excusant à peccato.

681 *Ignorantia concomitans efficit non voluntarium : & actus ex illa procedens non est culpabilis.*

682 *Ignorantia verò consequens causat voluntarium simpliciter ; sed efficit inuoluntarium secundum quid : quare illius actus est culpabilis.*

683 *Ignorantia antecedens causat inuoluntarium simpliciter ; quò fit vt illius actus non modo non sit culpabilis ; sed aliquando etiam meritorius.*

684 *Datur actus voluntatis neuter, qui scilicet non sit propter finem, vel propter media ad finem intentus actualiter, formaliter, & in actu signato : non datur autem qui non sit in actu exercito siue virtualiter.*

685 *Bonum est totale voluntatis obiectum, ita vt voluntas nihil possit velle, nec malum quidem nisi sub ratione boni : quapropter odium etiam, vt est actus voluntatis ; fertur in bonum formaliter, & in malum materialiter.*

686 *Et actus quidem voluntatis vt respicit bonum in communi, semper fertur in bonum verum : vt autem respicit hoc aut illud bonum ; saepe frustratur tendendo in bonum apparen s.*

687 *Volitio medij non est semper formaliter, volitio finis, ad quem ordinatur illud medium ; semper tamen virtualiter includit volitionem finis.*

688 *Aliquando contingit vt vno & eodem actu formaliter velimus finem, & media : aliquando verò volitio finis praecedit actum volitionis mediorum ; nunquam autem volitio mediorum vt media sunt, praecedit volitionem finis.*

689 *Voluntas non mouet intellectum in omnibus suis operibus ; sed tantum in operibus liberis quoad exercitium, quando ea procedunt ab huiusmodi volitione.*

690 *Inter potentias sensitiuas ea mouetur à voluntate ; quae ipsi subduntur ; potentiarum autem vegetatiuarum nulla à voluntate mouetur.*

691 *Mouet autem voluntas intellectum, ceterasque potentias, quae eius subduntur imperio, applicando eas ad operandum : nec habet aliam efficaciam.*

Quoad

- 692 Quoad specificationem, & determinationem obiecti intellectus mouet voluntatem tamquam dux, & rector, eam illuminando de bonitate, vel malitia obiecti.
- 693 Ad mouendam voluntatem, intellectus non tantum debet apprehendere obiectum, sed etiam iudicare de bonitate, & conuenientia illius.
- 694 Ad mouendam voluntatem efficaciter non satis est iudicium speculatiuum intellectus de conuenientia, & bonitate obiecti, neque iudicium practicum explicatum his verbis, beatitudo est summe appetenda, sed explicatur his verbis hoc fac, ama, dilige.
- 695 Voluntas seipsam mouet quantum ad exercitium ad electionem mediorum, quæ sunt ad finem: & mouetur ab ipso obiecto tamquam ab exteriori principio.
- 696 Voluntas quoad primum motum quo vult finem necesse est ut moueatur ab aliquo agente extrinseco.
- 697 Voluntas non mouetur directe à cælestibus corporibus: mouetur tamen ab illis indirecte ratione obiecti quatenus illud immutat.
- 698 Causa efficax bonæ, vel malæ fortune soli Deo, & nostræ prudentiæ, vel imprudentiæ debet attribui.
- 699 Ipsa verò fortuna non distinguitur à natura, aut ab intellectu, aut à nostræ voluntatis proposito, neque est causa totalis illius nostre actionis, aut rei.
- 700 Corpora cælestia non inclinant homines ad fraudes, adulteria, homicidia, & id genus alia, inclinant enim tantum ad passionem quasdam quibus nos abusi huiusmodi peccata committimus.
- 701 Voluntas naturaliter fertur in bonum in communi, & in finem vltimum, atque adeo in omnia bona quæ conueniunt volenti secundum suam naturam: habet autem circa hæc libertatem contrarietatis non contradictionis.
- 702 Pueri amentes, & somniantes habent aliquos actus intellectus: & voluntatis quatenus voluntas est natura, non ut habet liberum arbitrium, & hos motus habent passiuè quatenus ipsi aguntur non autem actiue.
- 703 Quando passio aliqua ita dominatur, ut tollat, & perturbet omne iudicium rationis, voluntas necessario mouetur. Quando verò natura absorbetur à passione, etiam si aliqua ex parte obtenebretur, potest

poteſt reſiſtere.

- 704 Pueri, & amentes non habent actus deliberatos, nec liberos, & poſitis omnibus requiſitis non poſſunt non operari, amentes autem, & furioſi in ſuis operationibus ſunt magis bruta quàm homines.
- 705 Moraliter loquendo voluntas ſemper operatur ſucceſſive, ita tamen ut non ſit aſſignare aliquod tempus, quo minori in tempore operari non poſſit.
- 706 Non eſt neceſſe omnem actum voluntatis noſtra aliquo termino poſſe continuari; unde poteſt homo iuſtificari in inſtanti, quia in eo poteſt mereri conuerſione voluntatis in Deum.
- 707 Fruitio non eſt actus intellectus, ſed voluntatis: neque verò eſt amor rei præſentis; ſed delectatio quæ ſemper ex eo proficiſcitur.
- 708 Quies in ſuo bono & fine competit omnibus creaturis: delectatio verò ſolis ſenſibilibus, & brutis; gaudium verò, lætitia, & fruitio ſolice creaturæ rationali.
- 709 Fruitio nullo modo eſt eius, quod nullam poſſidenti delectationem aſſert: rerum autem creaturarum eſt fruitio aliquo modo, Dei ſolius eſt fruitio propriæ, & ſimpliciter, quæ pro obiecto non habet viſionem Dei; ſed ipſum Deum.
- 710 Fruitio perfectæ non poteſt eſſe niſi finis habiti in re; fruitio verò imperfectæ poteſt eſſe etiam finis habiti tantum in ſpe.
- 711 In hac vita non eſt vna fruitio trium perſonarum diuinarum; poſſumus enim frui vna perſona ſine alia, & eſſentia ſine perſonis, & perſonis ſine eſſentia.
- 712 At verò in vita beata fieri non poteſt ut fruamur vna perſona ſine alia, vel eſſentia ſine perſonis, vel perſonis ſine eſſentia quia nō poterimus videre vnum horum ſine altero.
- 713 Secundum legem ordinariam, & præſcriptum Dei ordinem exiſtimo fieri non poſſe ut cuiquā concedat fruitionem vnius perſonæ ſine alia, vel perſonarum ſine eſſentia, vel eſſentiæ ſine perſonis; cū repugnet iudicare de pulchritudine vnius ſine altero.
- 714 Intentio eſt actus voluntatis, in quo maxime apparet ordo rationis: eſt autem intentio non ſolum vltimi finis; ſed etiam aliorum.
- 715 Poteſt aliquis plura ſimul intendere ſiue ſint ſubordinata, ſiue non. Quando voluntas fertur in mediâ, & finem diuerſo actu fertur in mediâ, & finem; quando verò vult mediâ propter finem eodem

dem actu vult media & finem; vel primo finem, deinde media.

716 Intentio, & electio moraliter distinguuntur secundum speciem; quia intentio primo fertur in finem, secundario in media; electio vero primo fertur in media, secundario in finem.

717 Intentio non conuenit brutis animantibus nisi metaphoricè, vt dicitur motum in finem; quare magis propriè habent fruitionem quam intentionem.

718 Electio partim spectat ad voluntatem, partim ad intellectum, quia quoad suum formale est in intellectu, quoad materiale in voluntate, cum sit substantialiter actus voluntatis.

719 Bruta non habent electionem; nec proinde voluntatem, quod si equo verbi gratia proponantur duo pabula omnibus stantibus paribus; non est dicendum neutrum sumpturum: sed ad vnum determinabitur non ab exteriori mouente; sed à seipso.

720 Electio est tantum possibile: potest tamen quis eligere & appetere quod est impossibile cum existimet esse possibile.

721 Est voluntas de impossibili ex suppositione, non autem de impossibili omnino: de impossibili autem omnino quod includit contradictionem potest esse tantum voluntas conditionata.

722 Voluntas efficax, & perfectà cuiusmodi est electio, non potest esse de re impossibili: voluntas autem efficax & conditionata de re impossibili potest esse meritoria, & demeritoria; laudabilis, & vituperabilis.

723 Quamquam medium aliquod sit simpliciter necessarium ad finem: tamen nisi cognoscatur tale medium esse hoc modo necessarium; potest aliquis efficaciter velle finem, absque eo quod eligat medium.

724 Cum aliquis vult efficaciter finem, & cognoscit ad illum consequendum necessarium esse tale medium; tunc voluntas necessitatur, vt tale medium eligat.

725 Posita equali bonitate duorum obiectorum, potest voluntas illud eligere, hoc refutare, si in æquale sit imperium intellectus ipsam determinans: sin autem imperium intellectus sit æquale; neutrum eorum eliget.

726 Voluntas potest eligere id, quod peius reputatur iudicio speculatiuo, si id melius iudicetur iudicio practico; non è conuerso: sin verò aliquid

peius indicetur utroque iudicio, voluntas non potest illud eligere.

727 Consilium non reperitur in brutis; sed tantum in hominibus, & Angelis, in illis tamen tantum circa supernaturalia, & futura, sicut etiam deliberatio, & conquisitio de rebus agendis.

728 Consilium, & deliberatio est de fine non ut finis; sed ut concipitur sub ratione medijs, de medijs item non ut finis sunt sed in quantum talia.

729 Consultatio est tantum de ijs, quæ per nos aguntur, aut agi possunt siue per alios nobis coniunctos aut nostras vires gerentes.

730 Consultatio non est de impossibilibus neque de necessarijs, cuiusmodi sunt præterita; sed solum de contingentibus quatenus cadunt sub specie boni utilis.

731 Est autem consultatio de bono delectabili, deque honesto, ut de virtutibus, aut quoad eorum circumstantias, & tempus, & bonum, aut de ijs consideratis, ut sunt utiles.

732 Consultatio consilium, & deliberatio non est de ijs quæ determinata sunt quo modo fiant, siue per artem, siue per naturam, neque de rebus parvi momenti, quæ nullam boni utilis rationem habent, aut habere existimantur.

733 Inquisitio consilij in actu infinita non datur: non prohibet tamen in potentia consilium posse abire in infinitum, possunt enim occurrere infinita consultabilia.

734 Consulere alteri peccatum est malum, & iniquum, & peccatum distinctæ speciei à peccato de quo consultit: est autem in specie scandalis, quare necesse est in confessione ipsum explicare distinctè à materia ipsius.

735 Illi qui iam decrevit facere malum maius, licet conditionaliter persuadere minus malum: persuadetur enim non malum, sed illud minus quod habet rationem boni.

736 Consensus est actus potentie appetitiuæ, & non reperitur in brutis, sed in hominibus tantum: & in his spectat ad rationem superiorem, ita ut illi imputetur peccatum mortale sicut & meritum.

737 Consensus in delectationem operis pertinet ad rationem superiorem; sicut etiam consensus in ipsum opus: consensus

verò in delectationem cogitationis pertinet ad rationem inferiore,
sicut ad illam pertinet cogitare.

- 738 Deliberare an cogitandum sit de peccato, nec nè spectat ad rationem superiore m, quatenus cogitare est actio quadam: quatenus verò ordinatur ad aliam actionem, pertinet ad rationem inferiore.
- 739 Vti est actus voluntatis primo, & principaliter tamquam primi mouentis, intellectus verò tamquam dirigentis, & ceterarum potentialium tamquam exsequentium.
- 740 Vti non conuenit propriè brutis, sed soli creaturæ rationali, quæ sola utitur medijs, aut finibus in quantum habent aut habere existimantur rationem mediorum, & finium.
- 741 Omnis peccans mortaliter utitur fruendis, & fruitur vtendis; utitur enim Deo, fruitur creaturæ; beati verò etiam si Deo vtantur, & ipsum diligant amore concupiscentiæ nullatenus tamen peccant.
- 742 Vsus nonnunquam antecedit, aliquando verò subsequitur electionem, & licet posita electione efficaci necessariò sequatur vsus, distinguitur tamen realiter ab ipsa electione.
- 743 Imperium est actus intellectus præsupposito tamen actu voluntatis quæ est primum mouens quoad specificationem.
- 744 Imperium non conuenit brutis: in hominibus autem imperium præcedit electio: nonnunquam tamen imperium præcedit electione.
- 745 Imperium, & actus imperatus sunt unus actus humanus; moraliter loquendo; sunt autem plures actus entitatiuè, & naturaliter: cum præsertim imperium tempore præcedit actum imperatum.
- 746 Potest actus voluntatis esse imperatus à ratione, & actus rationis ab ipsa ratione imperari quantum ad exercitium: quantum verò ad specificationem datur aliquis actus tum voluntatis, tum rationis, qui non potest esse imperatus.
- 747 Actus appetitus sensitui partim subduntur imperio rationis, partim non: subduntur quidem, quia ratio potest subtrahere consensum; non subduntur autem, quia non possumus non concupiscere.
- 748 Imaginatio verò subditur rationi respectu eorum quæ ratione considerantur, & quod est ex parte animæ, non autem quod est ex parte corporis; ablati verò corporeis impedimentis, prorsus rationi imperio subiacet.
- 749 Actus animæ vegetatiuæ non subduntur rationis imperio, quia sunt

sunt actus maxime materiales; quo autem aliquis actus est immaterialior, eo magis subiacet rationi.

750 Actus exteriorum membrorum mouentur à potentijs sensitiuis & subduntur ipsis, ac proinde rationis imperio; motus verò membrorum sequentes animam vegetabilem, non subijciuntur rationi.

751 Omnis actio humana quoad entitatem bona est; moraliter verò aut bona est, aut mala, ita vt vtrunque simul esse non possit.

752 Hæresis manifesta est asserere omnes actus peccatorum esse malos, & omnes actus iustorum esse peccata mortalia.

753 Multo præstantior est iustitia, & sanctitas quam habebimus in gloria, quàm ea quàm hic habemus in gratia; quia illa nè veniale quidem peccatum compatitur.

754 Humane operationes non habent bonitatem, vel malitiam distinctiue ex hoc quod proficiuntur à libera hominis voluntate; sed ex hoc tantum habent vt sint bonæ, vel malæ in confuso.

755 Operationes humane habent bonitatem, vel malitiam ex obiecto; & quoniam idem obiectum est actus interioris & exterioris voluntatis; ideo habent eandem bonitatem, vel malitiam, & sunt vnum peccatum, vel vna virtus.

756 Obiectum autem ipsum non habet bonitatem, vel malitiam quatenus est res quædam naturalis, sed quatenus habet conuenientiam, aut dissonantiam à recta rationis regula.

757 Bonitas, aut malitia, quam actiones nostræ habent ex obiecto nū est generica; sed specifica: est autem in ipso obiecto non formaliter, sed causaliter.

758 Quando duo actus humani habent conformitatem, aut diffinitatem cum recta ratione ex eadem causa, licet maxime dissent in genere naturæ: tamen habent eandem bonitatem, vel malitiam specificam in genere moris.

759 Actiones humane habent vt sint bonæ vel malæ non tantum ex obiecto; sed etiam ex circumstantijs, ita vt actio quæ mala est ex obiecto, habeat malitiam specie distinctam à circumstantia, & tunc circumstantia non transit in obiectum; sed adhuc remanet circumstantia.

760 Quando duo actus humani sunt differentes aut conformes rectæ rationi, aut vnus est conformis, alter difformis ex diuersa causa,

etiam si quod ad naturam spectat sint per quam simillimi; tamen illi differunt specie, hi verò genere.

761. Actiones humanae tam exteriores quam interiores habent bonitatem, vel malitiam ex fine, ita ut ad bonitatem operis requiratur etiam bonitas finis, & sine illa esse non possit; ad malitiam autem non requiritur malitia finis.

762. Malitia moralis opponitur bono morali non sicut malum naturale bono naturali; sed contrariè tamquam quid positivum constitutum per differentiam intrinsecam ex qua per se cognoscibile est.

763. Malum morale est entitas positiva deficiens: quod spectat ad entitatem est creatum à Deo: quod verò spectat ad defectum, referendum est ad causam deficientem, scilicet nostram voluntatem.

764. Tunc circumstantiae addunt novam speciem peccati, aut actum bonum, & rectum efficiunt culpabilem mortaliter, quando addunt ipsi actioni novam quandam speciem deformitatis.

765. Quando quis furatur propter mœchiam, est magis mœchus quam fur: cum tamen ipse actus substantialiter sit furtum non adulterium.

766. Quando quis operatur actum virtutis in ordine ad aliam virtutem naturaliter imperantem huic; tunc ille actus formaliter est virtutis imperantis, materialiter verò virtutis subiecta; si verò una virtus non subditur alteri, actus est in duabus speciebus disparatis.

767. Actus humani alij sunt boni, alij mali, alij indifferentes, alij in malum sonantes, qui non sunt per se expetendi; ut habere plura beneficia.

768. Actus qui anteuertit iudicium, & deliberationem rationis potest esse indifferens in indiuiduo, cum propriè non sit actus humanus.

769. Actus verò humani procedentes à ratione deliberata in indiuiduis considerati, aut boni sunt, aut mali etiam si sint indifferentes secundum speciem.

770. Ut opus aliquid sit bonum, & studiosum non est necesse ut referatur in ultimum finem: & ideo homo constitutus in puris naturalibus

- libus infidelis & peccator, posset operari bonum opus moraliter.
- 771 Ut operatio sit bona non satis est ut referatur in bonū delectabile, aut vtile, nec est necesse ut referatur formaliter in bonum honestum, & laudabile; sed satis est quod fuerit de bono obiecto recte rationi conuenienti.
- 772 Omne opus malum demeritorium est & dignum pœna coram Deo, siue sit in homine peccatore, siue in existente in gratia.
- 773 Opus moraliter bonum in homine non existente in gratia, siue fidelis sit, siue infidelis est indifferens ad meritum, vel demeritum.
- 774 Non omnis circumstantia quæ auget bonitatem; vel malitiam constituit actum morale in specie boni vel mali: sapius autem contingit circumstantiam non mutantem speciem peccati magis aggravare, quàm quæ mutat.
- 775 Quando obiectum est malum de genere suo, & finis bonus; & quando obiectum est bonum de genere suo, & finis malus; actus est tantum in specie mali.
- 776 Quando circumstantia aut finis actus est ipsi extrinsecus, non tribuit novam malitiam, aut bonitatem: quo fit ut dans eleemosynam propter amorem Dei, & proximi, non faciat actum bonum in duplici specie bonitatis.
- 777 Peccatum admissum ex ignorantia culpabili est in eadem specie in qua esset si fuisset admissum ex certa scientia: quo fit ut occidens patrem putans culpabiliter feram sit patricida.
- 778 Idem numero actus successivè fieri potest bonus & malus: quo fit, ut bonum & malum non sint differentie per se actuum humanorum in genere naturæ; sed in genere moris.
- 779 Idem actus in genere naturæ, duplex, tamen in genere moris, potest generare duos habitus contrarios, unum videlicet vitiosum, alterum studiosum.
- 780 Idem autem habitus non potest successivè esse bonus & malus, nec potest producere duos actus contrarios, unum vitiosum, alterum virtuosum.
- 781 Actus, & habitus naturalis, & supernaturalis; licet sint de eodem obiecto, & uterque bonus: tamen tam longè inter se distant; ut non possint esse unus actus, aut habitus, nec unus alteri continuari.

- 782 Quando id quod appetitur propter finem habet unde ex se appetatur, duplex est eius bonitas scilicet obiecti, & finis: prima substantialis: secunda extrinseca: si verò non habet unde appetatur, una tantum est bonitas, scilicet finis.
- 783 Ad actum moraliter bonum non est necessaria scientia moralis, neque habitus prudentia, neque actualis prudentia qua iudicatur de bono, & honesto; sed satis est iudicium virtuale de bono & honesto.
- 784 Omnis conscientia, siue recta, siue erronea de quacunque re habeatur, nos obligat, & obstringit, ut ipsam sequamur; & sic omnis voluntas discordans à recta ratione errante, mala est.
- 785 Si quis consentiat suae conscientiae erroneae ex ignorantia culpabili, & vincibili, non excusatur à peccato secundum eam commissio; si verò procedat ex ignorantia inuincibili, eam sequi non est peccatum.
- 786 Ipsa conscientia non est potentia, neque habitus; sed est actus quidam qui voluntati dicitur quid prosequendum sit, quidue fugiendum.
- 787 Ut quis dicatur agere contra conscientiam, non requiritur actuale iudicium; sed satis est quod praeceperit, & quod in virtute perseverat.
- 788 Conscientia erronea obligat, ut eam sequamur ratione percepti diuini, ex suppositione tamen non absolute, sicut etiam preceptum diuinum: non est autem dicendum in eo casu legem diuinam obligare ad malum per se; sed tantum per accidens.
- 789 Peccatum contra conscientiam non est contra speciale preceptum; sed est contra illud preceptum, quod quis putat se transgredi agendo contra conscientiam.
- 790 Tenemur deponere conscientiam erroneam errore culpabili, non autem errore inuincibili, & quilibet conscientiam erroneam culpabiliter siue agat, secundum illam, siue contra illam, peccat.
- 791 Agere contra conscientiam erroneam errore culpabili aliquando est peccatum maius, aliquando minus, quam agere iuxta illam: obligat autem magis conscientiae erroneae inuincibilis, quam preceptum praelati.
- 792 Facere id de quo dubitamus an sit peccatum mortale, est peccatum

tum mortale: facere id de quo dubitamus an sit peccatum veniale;
est peccatum veniale.

- 793 Facere contra conscientiam dubiam Speculatiuam non est peccatum, immo etiam aliquando debemus agere contra scientiam certam speculatiuam.
- 794 Quando pro vna parte certum est, pro altera dubium; peccatum est facere id quod dubium est; nisi sequatur magnum detrimentum sequendum quod certum est.
- 795 Etiam si bonitas intentionis, & finis aliquid diminuat ex malitia electionis, & tãto plus quanto finis est melior; tamen quantumcunque augeatur bonitas intentionis & finis, nunquam malitia electionis funditus tollitur.
- 796 Si loquamur de bonitate ex parte obiecti, non est necesse vt tanta sit bonitas ex parte electionis, quanta ex parte intentionis, tam quoad electionem interiore quam quoad exteriorem.
- 797 Quando intentio est ratio, & causa electionis; tota bonitas intentionis redundat in electionem; similiter etiam intentio electionis sequitur intensiorem intentionis.
- 798 Quando verò intentio non est causa electionis, possunt stare simul electiorem issa cum intentione intensa; similiter quando est obiectum intentionis, stat intentio intensa cum electione minus intensa.
- 799 Voluntas creata vt bona sit, necesse est vt conformetur diuinae voluntati in voluto formaliter, quamquam voluntas nostra possit discordare à diuina voluntate in voluto materiali absque peccato.
- 800 Tenemur conformari diuinae voluntati, tam in præceptis affirmatiuis, quam negatiuis; non tenemur autem conformari quoad ea quæ nec præcipit, nec contulit; nec vult; sed permittit.
- 801 Vbi non constat de diuina voluntate beneplaciti in aliquo particulari negotio; non est peccatum agere contra ipsam; & quamuis nobis constet de diuina voluntate beneplaciti in particulari, non tenemur illi conformari secundum appetitum sensitiuum, nec secundum voluntatem, vt natura quædam est.
- 802 Quando res à Deo volita non habet rationem mali, nec in ordine ad finem vniuersalem, nec in ordine ad particularem; laudabile est conformare se diuinae voluntati in voluto materiali.

- 803 *Laudabile etiam est conformare se diuinæ voluntati in ea re de qua est diuinum, vel præceptum, vel consilium: fin autem res aliqua habet rationem mali in ordine ad finem particularem; non est laudabile aliquando idem velle materialiter quod vult Deus.*
- 804 *Licet etiam aliquando homini viatori nolle id quod æquum est, & sanctum; Angelis verò sanctis & beatis hominibus non licet in illare diuino vel consilio, vel præcepto repugnare.*
- 805 *Bonitas ex obiecto, & ex natura sua prius reperitur in actu exteriori, quàm in interiori; contra verò actus interior in executione, & usu, dat omnem bonitatem, & laudem actui exteriori.*
- 806 *Bonitas ex fine à voluntate communicatur actui exteriori: Bonitas verò ex obiecto ab actu exteriori communicatur voluntati, tamquam à causa æquiuoca.*
- 807 *Bonitas actus exterioris, quæ est ex obiecto, & circumstantijs, dependet à ratione: ad hoc autem quod actus exterior sit bonus non satis est bonitas voluntatis quæ est ex intentione.*
- 808 *Si voluntas bona sit ex obiecto proprio, fine, & circumstantijs, debitis; actus etiam exterior bonus erit: si verò voluntas sit mala siue ex fine tantum, siue ex aliqua circumstantia; actus exterior malus erit.*
- 809 *Quando actus exterior est bonus, vel malus solum ex ordine ad finem; tunc eadem est malitia, vel bonitas actus exterioris, & interioris: quando verò actus exterior ex se bonus est, vel malus; alia bonitas, vel malitia est in actu exteriori, & interiori.*
- 810 *Et tam in primo casu quàm in secundo vterque actus est vnum peccatum; etiam si, & à Deo, & à Republica vnum sine altero puniatur.*
- 811 *Actus exteriores dicuntur boni, vel mali intrinsecè & formaliter; quoniam sunt conformes, aut diffformes rectæ rationi: Item causaliter, quia causant malitiam in voluntate: in exercitio autem, & usu dicuntur boni, vel mali per extrinsecam denominationem.*

DE HABITIBVS VIRTVTIBVS VITIIS ET PECCATIS.

- 812 **D**eus aliquando infundit hominibus non solum habitus, qui naturali virtute acquiri possunt; sed etiam eos, qui omnem naturæ conatum superant.
- 813 Certum est Deum posse iustificare, & glorificare homines sine habitibus infusis de potentia absoluta. Habituum infusio ita consona est sacræ scripturæ & sanctis Patribus; ut illos negare sit erroneum.
- 814 Probabilius est, & patrum doctrinæ magis consonum, nobis à Deo infundi habitus virtutum moralium: per actus autem virtutum infusarum non generatur habitus.
- 815 Habitibus augentur non solum secundum se; sed etiam in ordine ad subiectum: non solum extensivè respiciendo plura obiecta; sed etiam intensivè per maiorem radicationem in subiecto.
- 816 Habitibus Charitatis, & aliarum virtutum infusarum augetur per nostra opera tantum meritorie dum sumus in gratia; habitus Verò fidei & cæterarum virtutum augentur etiam in homine peccatore per eius opera.
- 817 Habitibus non augentur per productionem novi habitus intensioris corruptio remissionis; neque per additionem gradus ad gradum, etiam si hoc in qualitatibus naturalibus concedi possit.
- 818 Actus intensiores habitum augent habitum: actus æque intensi disponunt ad augmentum habitus: actus Verò remissiones ad ipsius remissionem disponunt.
- 819 Quolibet actu charitatis crescit charitas, quatenus aicitia est: sed non ut est qualitas: gratia crescit simpliciter omni actu charitatis.
- 820 Habitibus qui habent contrarium, & quorum subiectum est corruptibile; corrumpuntur per se, & per accidens: qui habent subiectum corruptibile, & non habent contrarium; corrumpuntur per accidens, non per se: qui habent contrarium, non tamen habent subiectum corruptibile; corrumpuntur per se, non per accidens: qui Verò non habent contrarium, nec subiectum corruptibile; non corrumpuntur.

puntur, nec per se, nec per accidens.

- 821 *Habitus contrarij possunt esse simul in eodem subiecto in gradu remisso, non autem intense uterque; sed vnus intense, alter remisse.*
- 822 *Habitus contrarij se mutuo expellunt non effcienter; sed formaliter; actus autem primo, & per se, & effcienter, destruunt habitum contrarium.*
- 823 *Actus remissus contrarij saepe ac saepius multiplicatus, corrumpit habitum intensum contrarium: Omnes habitus siue naturaliter insiti, siue acquisiti possunt augeri, & intendi; charitas tamen cum habitibus naturaliter insitis, non potest diminui.*
- 824 *Habitus qui est perfectior, & intensior ex subiecti participatione, est etiam perfectior in seipso non per alicuius additionem; sed per maiorem radicationem in subiecto.*
- 825 *Habitus corrumpuntur, & diminuuntur per cessationem ab opere per accidens, quatenus scilicet cessante exercitio remouentur actus prohibentes causas corruptrices habituum.*
- 826 *Habitus qui sunt ad naturam, possunt plures in eodem subiecto esse; habitus vero qui sunt proprie dispositiones ad opera, quae proprie ad potentias pertinent; possunt esse plures in eadem potentia.*
- 827 *Habitus illi qui sunt dispositiones ad naturam, distinguuntur secundum naturam; ut vero sunt forma; distinguuntur ex parte agentis; ut vero sunt dispositiones ad operationes; distinguuntur secundum obiecta.*
- 828 *Habitus boni & mali specie inter se distinguuntur: habitus vero acquisiti & infusi, siue vnus bonus sit, alter malus, siue uterque bonus; semper specie distinguuntur.*
- 829 *Vnus est habitus operatiuus qui de sua essentia inclinatur in bonas operationes, sic ut impossibile sit inclinare in malas; nam idem habitus non potest successiue inclinare in bonum & malum.*
- 830 *VIRTUS est bona qualitas mentis, quae recte viuatur, & nullus male utitur, quam Deus in nobis sine nobis operatur, & prae ultimam particulam competit hac definitio virtutibus non solum infusis; sed etiam acquisitis.*
- 831 *Virtutes sunt in potentijs animae, sicut in subiecto; non potest autem vna virtus aequaliter esse in pluribus potentijs; potest tamen esse*

se in vna præcipuè, in alijs dependenter.

- 832 Intellectus sine vlllo ordine ad voluntatem non potest esse subiectum virtutis simpliciter; sed tantum quatenus habet ordinem ad voluntatem: eodemque modo cetera potentia non sunt subiectum virtutis, nisi vt mouentur à voluntate.
- 833 Virtutes morales in ratione virtutis præstantiores sunt virtutibus intellectualibus; quia præstant rectum vsum: intellectuales verò tantum facultatem: virtutes tamen intellectuales secundum se ex obiecto & subiecto, & ex ipso actu sunt præstantiores moralibus.
- 834 In appetitu sensitivo sunt habitus boni & mali, & inter ceteros fortitudo & temperantia, siue sit acquisita, siue infusa: non autem in voluntate.
- 835 Virtutes & vitia existentia in appetitu sunt veræ virtutes & vitia; sunt autem in appetitu non secundum se, sed virtutes, quatenus participant rationem; vitia, quatenus à ratione deuiant voluntate consentiente.
- 836 Vires apprehensivæ sensitivæ virtutis, siue interiores, siue exteriores, non sunt subiectum alicuius virtutis: interiores tamen (sensu communi excepto, sunt subiectum habituum permanentium, qui tamen nõ sunt virtutes: in vniuersum aut illa potentia est subiectum virtutis, quæ est cõsummativa operis ad quod ponitur talis virtus.
- 837 Non est autem virtus in voluntate in ordine ad bonum proprium, sibi que proportionatum, & minimè difficile; ad illud enim suapte natura, & impetu fertur, sed in ordine ad bonum proprium difficileque obtentu.
- 838 Ad habitum virtutis infusæ, & ad ipsius actum non est in voluntate naturalis inclinatio; sed tantum capacitas quedam, & aptitudo naturalis ad ipsum recipiendum.
- 839 In voluntate est inclinatio naturalis ad omne obiectum bonum secundum rationem in qualibet materia virtutis; non est tamen perfecta inclinatio, sed initiatiua.
- 840 Voluntas ad bene promptè, & delectabiliter operandum non est naturaliter inclinata secundum se circa quodlibet obiectum bonum secundum rectam rationem; sed circa illud tantum cuius specifica ratio nullam addit difficultatem respectu voluntatis.

- 841 *Habitus intellectuales speculativi sunt Virtutes tantum secundum quid; sunt autem scientia, sapientia, intellectus: eodem etiam modo habitus intellectualis practicus dicitur Virtus.*
- 842 *Dua sunt Virtutes intellectuales practice, ars & prudentia, quarum posterior multo potiori ratione dicitur Virtus quam prior; quia inclinat ad bene operandum. Est autem utraque in intellectu practico, & numquam decipit.*
- 843 *Existente efficaci imperio ex parte intellectus, necessitatur voluntas, ut ratione imperante obediat; nihilominus ex parte appetitus tam intellectui quam sensui, necessaria sunt Virtutes, ut ratio recte dominetur, & imperet.*
- 844 *Virtutes intellectuales (una excepta prudentia) possunt esse sine moralibus; nam morales ipsam præcedunt, quatenus ipsi finem præscribunt, afficiendo ad rectum finem, & remouendo & cohibendo passiones: cum tamen ipsa prudentia antecedit morales, illuminando, dirigendo & tollendo errores intellectus.*
- 845 *Virtutes morales non sunt passiones, sed habitus passionum moderatores; non possunt autem esse cum passione, quæ est inordinatus affectus; sed tantum cum ea, quæ est motus appetitus sensui.*
- 846 *Tristitia de ijs quæ virtuti conueniunt; non potest esse cum virtute: potest autem esse de his quæ virtuti opposita sunt.*
- 847 *Non omnis Virtus moralis est circa passiones; sed aliqua circa operationes.*
- 848 *Virtutes morales non euellunt radicitus passiones humanas; sed eas imperio rationis subiciunt; & tales passiones imperio rationis subiectæ laudem merentur, & sunt in omni viro studioso.*
- 849 *Virtutes Cardinales inter Virtutes humanas principem locum obtinent, & inter eas primo loco est Prudentia, tum Iustitia, postquam Fortitudo, extremo loco Temperantia.*
- 850 *Nulla harum Virtutum Cardinalium propriè reperitur in Angelis; nisi quatenus præparant voluntatem si opus esset, & quatenus eas desiderant in hominibus.*
- 851 *Fides, Spes, Charitas acquisitæ, non sunt Virtutes theologice, immo etiam actus supernaturales harum Virtutum, ab actibus virtutum*

entum acqvisitarum differunt, non solum in genere moris; sed etiā in genere natura.

852 Fidem, Spem, Charitatem, distinctas virtutes esse, de Fide est, & ordine quidem generationis quoad suos actus prima est Fides, tum Spes, vltima Charitas: in infusione verò nulla est ordo, quia omnes simul infunduntur: ordine demum perfectionis prima est Charitas.

853 Virtutes sunt in nobis à natura secundū inchoationem & aptitudinem, non secundum perfectionem, quæ per exercitium & laborē acquiritur: hæc aptitudo ad virtutes est nobis naturalis, cum ratione speciei, tum vero etiam ratione indiuidui.

854 Nulla in nobis est naturalis aptitudo ad virtutes theologicas; neq; in statu quidem innocentia; quin etiam nulli creatura possunt esse naturales.

855 Virtutes infusæ sunt perfectiores acqvisitis, vt prudentia infusa, quàm prudentia acqvisita.

856 Asserere quòd augmentum istarum virtutum sit à nobis efficienter sicut est meritorie; nihil habet temeritatis, & per diuinam potentiam fieri potest vt actus humani assumantur à Deo tanquam instrumenta effectiua gratia & virtutum, & augmenti ipsarum.

857 Deus de potentia sua absoluta non potest facere vt homo, vel Angelus, vel perfectior illis, creatura (si eam conderet) esset efficiens principalis causa gratia, & virtutum supernaturalium.

858 Omnes virtutes morales, vna excepta Iustitia, consistunt in medio inter duos habitus vitiosos; quantum verò ad effectum operis, omnes nulla excepta, consistunt in mediò.

859 Medium virtutum moralium est medium rationis causaliter, & effectiue; medium verò iustitiæ, est etiam medium rei: medium virtutum intellectualium speculatiuarum consistit in intellectu conformitate ad rem intellectuam: excessus, est affirmare quod non est: defectus, negare quod est.

860 Medium virtutis intellectualis practicæ considerata, vt est habitus cognoscitiuus; est conformitas intellectus ad rem; considerata vero quatenus dirigit ad studiorum operationem

non sumitur ex ipsis rebus; sed est conformitas adiudicium practicum.

- 861 Virtutes theologicæ habent medium essentia, & circumstantiarum; non tamen habent medium quoad excessum & defectum, si considerentur in ordine ad suam regulam infinitam; habent tamen medium, & excessum quoad nos.
- 862 Virtutes morales inchoatæ, quæ nihil aliud sunt quàm inclinatio in nobis existens ad opus de suo genere bonum faciendum, non sunt inuicem connexæ; perfectæ vero, ut scilicet sunt habitus inclinantes ad opus bonum bene agendum, sunt inuicem inseparabiliter connexæ.
- 863 Virtutes morales acquisitæ, quæ sunt virtutes secundum quid; possunt esse sine charitate; virtutes vero morales infusæ nō possunt esse sine illa, sicut nec illa sine ipsis, saltem in adultis.
- 864 Virtutes infusæ sunt simpliciter virtutes, & faciunt perfectum habentem ad omne bonum opus paratum, etiamsi adsint passionis inordinatæ, siue naturaliter, siue ex mala consuetudine acquisitæ; de virtutibus autem acquisitis alia ratio est.
- 865 Virtutes eiusdem speciei in diuersis hominibus, immo in eodem homine successiuè, sunt inæqualis perfectionis ex parte subiecti, nam ex parte obiecti sunt æque perfectæ; specie verò differentes, possunt esse æquales utroque modo.
- 866 Virtutes diuersæ speciei in eodem homine existentes non sunt æquales secundum intensionem; sed æqualitate proportionis: ex parte verò prudentia omnes sunt æquales.
- 867 Virtutes morales quoad suum materiale scilicet moderationem passionum non manent post hanc vitam; manent tamen in vita beata, quantum ad modum à ratione definitum.
- 868 Virtutes etiam intellectuales quoad materiale scilicet phantasmata non manent post hanc vitam, manent autem in vita beata quoad suum formale, scilicet species & habitus.
- 869 Dona Spiritus sancti erunt perfectissime in patria quoad ipsorum essentias, non quoad operationes circa propriam materiam, & præferuntur omnibus virtutibus moralibus & intellectualibus; cedunt tamen theologicis.
- 870 VITIVM distinguitur à peccato, quia peccatum dicimus ipsum

sum actum peccandi, vitium verò dicimus habitum; habitus autem vitiosus, qui remanent in homine iustificato non sunt dicendi vitia, nec proinde ille vitiosus.

- 871 *Habitus virtutis potest esse cum vno actu peccati, & vnus actus virtutis cum habitu peccati; vnus enim actus non tollit habitum, vt habitus est.*
- 872 *Virtutes quibus opposita sunt peccata mortalia non corrumpuntur per peccata venialia; quibus verò opponuntur venialia, per illa sola corrumpuntur.*
- 873 *De essentia peccati omissionis non est aliquis actus: vnde si daretur omissio libera absque omni actu esset culpabilis, & nobis imputaretur ad culpam: moraliter autem loquendo, non datur peccatum omissionis sine aliquo actu.*
- 874 *Per omissionem voluntariam actus alicuius virtutis quando opuserat, non solum amittitur habitus virtutis; sed etiam acquiritur habitus illi contrarius.*
- 875 *Actus positivus, qui est causa omissionis precepti, si studiosus sit, minuit quidem culpam; tamen est peccatum: si vero tantum comitans, non est peccatum.*
- 876 *Actus qui omissionis est causa, & ipsa ommissio vnā formaliter malitiam habent, cum actus ille non est peccatum de genere suo: aliter quando est malus ex suo genere; tunc enim est duplex malitia.*
- 877 *Omissio non dicitur proprie, nisi quando est tempus implendi preceptum affirmatiuum; quando verò aliquis dat causam peccati imponendo impedimentum adimplerioni precepti affirmatiui, vel se reddendo impotentem, formaliter peccat.*
- 878 *PECCATVM quod facit quis dum se exponit periculo omitrendi preceptum, non est formaliter peccatum omissionis, nisi velit quis omittere.*
- 879 *Peccata quæ facit ebrius, aut is qui mentis compos non est, non habent aliam malitiam, quàm eam, quæ est ex causa præcedente.*
- 880 *Gravitas peccati omissionis expendenda est ex bonitate actus qui omittitur, ex eiusdem difficultate, ex causa, & ex obligatione ad actum omissum.*
- 881 *Peccatum est dictum vel factum, aut concupitum contra legem Dei,*

Dei, & hoc intellige tam de peccato actuali, quàm omiſſionis.

- 882 Quicquid eſt contra naturalem rationis regulam, eſt contra Deū non ſolum ut eſt finis naturalis; ſed etiam ut finis ſupernaturalis: item quicquid eſt contra Deum, ut eſt finis naturalis, eſt contra regulam rectæ rationis; non tamen quicquid eſt contra Deum ut finem ſupernaturalem; eſt contra ipſum ut eſt finis naturalis.
- 883 Omnia peccata reuocantur ad carnale & ſpirituale: & omnia poſſunt eſſe in Angelis ſecundum reatum: ſecundum affectum vero; ſola ſpiritalia.
- 884 Peccatum mortale & veniale non differunt ſpecificè ex eo quod illud obligat ad pœnam æternam, hoc ad temporalem: neque ex eo quod hoc ſit dignum temporali pœna, illud æterna: neque ex eo quod mortale ſit contra præceptum, veniale contra conſilium: neque ex eo quod peccatum præſciti ſit mortale, prædeſtinati veniale.
- 885 Censendum autem eſt ipſa diſtingui ex natura rei, non tantum ex Dei gratia & miſericordia; differunt autem eſſentialiter penes maiorem vel minorem auerſionem à Deo.
- 886 Peccatum veniale debet dici peccatum proprie & ſimpliciter, etiam ſi in infinitū diſtet à mortali, etiam ſi in genere actus eſſent eiufdem ſpeciei.
- 887 Peccata non ſunt inter ſe connexa: tamen qui peccat in vno, ſit omnium reus: quia peccat contra charitatem, quæ eminenter continet omnia præcepta.
- 888 Non omnia peccata ſunt æqualia, neq; quoad reatum, neq; quoad pœnam: ſed in æqualitatem habent tum ex repugnantia cum diuino beneplacito, tum ex natura auerſionis, tum ex qualitate eius in quo peccatur, tum ex diuerſa diſpoſitione peccantium, tum ex diuerſitate nocuamenti peccati.
- 889 Grauitas peccatorum principaliter, & ſubſtantialiter attenditur ex obiecto; accidentaliter vero ex circumſtanſijs.
- 890 Principaliter & directè maximæ virtuti opponitur maximū peccatum, quaſi maximè ab ea diſtans: ſi vero conſideretur oppoſitio peccati & virtutis ſecundum quandam intentionem virtutis cohibentis peccatum; quo maior eſt virtus, eò magis præſeruat hominem à peccatis minimis.
- 891 Peccata carnalia ſunt quidem minoris culpæ quàm ſpiritalia ſunt

sunt tamen maioris infamia, & difficiliora ad eradicandum.

- 892 Vbi maior est ad peccandum voluntas; ibi gravior est culpa: quod est quando finis peccatis peior est, & plura committitur; causa vero extrinseca excitantes voluntatem, quo plures sunt, eò minor est culpa: idem dico de passionibus concupiscentia si non sint voluta.
- 893 Nocumtum quod oritur ex peccato; si est prauisum & intentum directè aggrauat peccatum: si est prauisum sed non intentum, aggrauat indirectè.
- 894 Nocumtum nec prauisum nec intentum, si per accidens se habet ad peccatum, indirectè auget peccatum ob inaduertentiam peccantis; si verò per se sequitur ad illud, auget directè.
- 895 Qualitas persona peccantis, & in quam peccatur, auget peccatum.
- 896 Actus exteriores sunt formaliter mali, & absque recta rationi in essendo; unde hac ratione est in potentis sensituius peccatum formaliter; in exercitio autem, & in genere in ris quoad demeritum solus actus interior est malus formaliter: unde hac ratione peccatum formaliter est in sola voluntate.
- 897 In voluntate sunt aliqui motus purè naturales nulloque modo liberi: quidam semipleni, & semiliberi in quibus potest esse tantum veniale peccatum: quidam demum plenè liberi in quibus potest esse peccatum mortale.
- 898 Causa peccati non est Deus, aut aliqua alia natura; sed est humana voluntas carens reſtitutione rationis accedens ad operandum; deformitas igitur & malitia actus referenda est in defectum & malitiam voluntatis.
- 899 Peccatum habet causam interiorem immediatam, intellectum & voluntatem; mediatam verò appetitum sensituum & sensus interiores; habet item causam exteriorem, quæ tamen non sufficiens inducit ad operandum.
- 900 Vnum peccatum potest esse causa alterius peccati, ita, vt necessario sequatur ex illo in genere causa per accidens, per se, finalis, efficiens, formalis, materialis.
- 901 Ignorantia dummodo non sit inuincibilis prohibens scientiam prohibentem peccatum, est causa peccati per se: si enim non prohibeat; concomitatur peccatum; & qui peccat primo modo, dicitur

peccans ex ignorantia: secundo modo, dicitur peccans ignorans.

- 902 Homo tenetur scire ea quæ sunt fidei; & vniuersalia præcepta iuris naturalis, vt præcepta decalogi: & quæ sunt iuris positivi spectantia ad suum statum; & circumstantias quasdam in rebus agendis quæ dicuntur scientia facti.
- 903 Non omnis ignorantia est peccatum; sed tantum ignorantia ex negligentia eorum quæ sunt fidei, & præceptorum iuris vniuersalis. & eorum quæ spectant ad proprium officium.
- 904 Ignorantia eorum quæ quis scire tenetur, est peccatum secundum se, non tantum ratione negligentia; sed ex propria ratione: vnde ignorantia illa ideo est peccatum, quia hoc vel illud ignorare est peccatum; cum tamen ipsa ignorantia non imputetur nobis ad peccatum, nisi quia procedit ex negligentia.
- 905 Ignorantia facit actum inuoluntarium cuius est causa: cuius vero non est causa, facit hominem non volentem: prima quantum est de se, excusat à peccato, nonnunquam tamen non totaliter excusat: secunda verò nunquam excusat.
- 906 Voluntas non potest moueri à passione appetitus sensitiui directe, sed indirecte per intensionem passionis, vel imaginationem alicuius obiecti contrarij rationi.
- 907 Amor inordinatus sui est causa & fons omnis peccati, etiam odij sui ipsius, amor vero ordinatus sui est laudabilis, & necessarius ad conseruationem speciei.
- 908 Peccat ex malitia qui nulla impellente, vel inclinante passione, facit id quod scit esse malum; & omnes qui peccat ex habitu, peccat ex malitia; & huiusmodi peccatum est grauis peccato ex passione.
- 909 Non omne peccatum ex malitia est ex habitu; peccatum autem ex habitu, ceteris paribus, grauius est peccato in consuetudo.
- 910 Deus non est causa peccati quoad malitiam: Diabolus verò non est causa nostri peccati directe: sed per modum persuadentis & proponentis obiectum: vnde non potest cogere ad peccandum; nec omnia nostra peccata ex eius instigatione oriuntur.
- 911 Certa fide credendum est primum, primi hominis peccatum originaliter tantum ire in posteros, & esse verè peccatum faciens nos inimicos Dei
- 912 Si mulier pareret filium sine virili semine; is non haberet peccatum

- tum originale; vnde non esset inuisus Deo.
- 913 *Aeua non statim atque comedit pomum amisit iustitiam originale, nec sensit sensualitatem sibi rebellem; sed statim atque peccauit Adam uterque iustitiam amisit.*
- 914 *Peccatum originale non fuit luxuria in Adamo, nec concupiscentia Aeuae, vel carnis, quam dicimus fomitem, nec amor terrenorum, neque primum peccatum actuale Adae à quo homines extrinseca denominatione peccatores dicantur; sed inhaeret singulis formaliter.*
- 915 *Est igitur peccatum originale illud primum peccatum à primo parente in nos origine transfusum; id enim quod in ipso habuit rationem peccatis in nobis habet rationem peccati: id quod in ipso fuit effectus peccatis in nobis etiam est effectus peccati.*
- 916 *Illam inobedientiam, & transgressio primi parentis in nos origine translata: est peccatum originale quod in nobis est per modum habitus: est autem priuatio ordinis & electionis quam mens nostra habebat erga Deum in statu innocentiae.*
- 917 *Nam iustitia originalis pro formali dicit subiectionem mentis ad Deum: pro materiali, subiectionem potentiarum ad rationem & corporis ad animam: quod utrumque per peccatum ablatum est; per baptismum autem redditur primum, non secundum.*
- 918 *Peccatum originale in omnibus hominibus est vnum specie non numero; in quolibet autem homine est vnum numero: vnde quemadmodum à iustitia Christi tamquam efficiente, dicimur iusti; ita à peccato Adae tamquam efficiente, dicimur peccatores.*
- 919 *Est autem ipsum originale peccatum in semine tamquam in causa instrumentali; quia per virtutem actiuam seminis traducitur in prolem: non est autem in carne tamquam in subiecto; sed tantum in anima, Anima non inquinatur ex sua creatione; sed ex infusione in corpus.*
- 920 *Peccatum originale prius est in essentia animae, quam in potentia: est etiā in toto homine, sed mediante anima rationali, & prius inficit voluntatem, tum imaginatiuam, tum concupiscibilem, tum sensus exteriores.*
- 921 *Infantes non baptizati non sunt subiecti poenae sensus; sed poenae damni scilicet priuationi beatificae visionis: neque vero ex ea*

tristantur; non enim cognoscunt se priuatos esse diuina visione ob
parentum peccatū in eos originaliter transfusum, uel si cognoscunt;
sciunt pœnam esse iustissimam.

922 Ex peccato contrahitur macula, quæ non est relatio rationis quæ
peccator intelligitur dignus pœna; sed est priuatio decoris gratiæ
& pulchritudinis spiritualis manens etiam post actum peccati:
Est autem macula maior uel minor secundum grauitatem peccati.

923 Omne peccatum causat reatum pœnæ; qui nihil est aliud quam
dignitas pœnæ; peccatum per se non potest esse pœna peccati;
sed hoc tripliciter accidit: uel quia est causa subtractionis gratiæ
quæ vincimus tentationes: secundo ratione actus; quæ ratione ali-
quod peccatum est sui ipsius pœna, ut inuidia: tertio ex parte effe-
ctus quia affert ignominiam.

924 Solum, & omne peccatum mortale dignum est aterna pœna sen-
sus & damni.

925 Pœna damni etiam si infinita sit, & sit priuatio; est tamen in-
aqualis secundum inaequalitatem peccatorum, non secundum se;
sed in sua causa; pœna uero sensus est finita, & inaequalis secun-
dum se.

926 Peccatum mortale in inferno punitur pœna aterna: & quam-
uis pœna sensus peccati mortalis & uenialis sit finita: quantum-
cumque tamen augeatur pœna uenialium peccatorum; numquam
attingit pœnam vnius peccati mortalis.

927 Post ablatam maculam peccati per penitentiam, aliquando ma-
net reatus ad pœnam, quæ non est propriè pœna; & dicitur satisfac-
tio quam quis potest pro alio pati, non potest autem manente pec-
cato tolli reatus ad pœnam.

928 Pœna medicinali & temporali vnus punitur pro peccato alte-
rius, non autem pœna aterna: posset etiam Deus statuere ut om-
nes perpetuo careamus visione beatifica, & suo iure potest occide-
re innocentes pro peccatis aliorum.

929 Quicquid est contra præceptum, est peccatum mortale: & pec-
catum mortale ex genere suo distinguitur à ueniale ex genere
suo; peccatum ueniale ex genere suo, disponit indirectè ad mor-
tale ex genere suo; at directè ad peccatum mortale ex parte agētis.

930 Peccatum ueniale non potest fieri mortale sic, ut idem actus nu-

mero, primo sit veniale, deinde mortale: item quantumcumque multiplicentur venialia: numquam sunt mortale.

- 931 In statu innocentie non potuit Adam peccare venialiter, sed necesse fuit ut prius peccaret mortaliter: Angeli etiam in quocumque statu considerentur; non potuerunt, nec possunt peccare venialiter.

DE GRATIA IUSTIFICATIONE AC MERITIS.

- 932 **I**n cognitione cuiuscumque veri, homo indiget diuino auxilio ut intellectus moueatur à Deo ad suum actum: Deus enim dat formam per quam intelligimus, & mouet nos ad intelligendum.

- 933 Homo in statu nature lapsæ potest viribus proprijs cognoscere aliquas virtutes morales, & interdum iudicare, quid quarendum sit, quid vè fugiendum.

- 934 In eodem statu homo non potest viribus proprijs sine diuina gratia, & illustratione peculiari, habere certam cognitionem, & iudicium de eo quod faciendum & fugiendum est in omni re ad morales virtutes pertinente.

- 935 Credere totam Christi fidem & doctrinam assensu Christiano, & certo, & ob eam causam quia veritas prima reuelauit; nemo potest sine spiritali auxilio gratiæ Dei.

- 936 Hac peculiaris gratia qua requiritur ad Christiane credendum necessaria est, tum ex parte voluntatis, ut scilicet voluntas pîa afficiatur erga res fidei, tum ex parte intellectus; ut eleuetur ad cognitionem eorum quæ nostræ nature captum superant.

- 937 Hac gratia requiritur non solum ut facilius & firmitus credamus; sed ut simpliciter credamus; neque verò est solus generalis Dei concursus; sed dicit auxilium speciale.

- 938 Homo in statu nature integræ poterat perficere bonum suæ nature proportionatum sine gratia; agebat autem gratia ad bonum supernaturale consequendum; at vero post corruptam culpæ labem naturam, non solum supernaturales; sed nec omne naturale bonum potest
sine

sine auxilio diuinæ gratiæ comparare.

- 939 Homo in presenti statu sine auxilio Dei speciali tantum ex viribus nature potest bonum aliquod morale operari; sed raro, & difficulter; unde ad bene moraliter operandum semper; vel saltem plerumque requiritur gratia.
- 940 Omnia illa opera quibus peccator tendit, & disponitur ad iustitiam & gratiam iustificantem, siue mediatè siue immediatè; non possunt fieri sine speciali auxilio diuinæ gratiæ.
- 941 Homo in statu nature integræ non indigebat supernaturalibus donis ad Deum super omnia diligendum; quamuis indigeret auxilio Dei ad hoc mouentis.
- 942 Homo in statu nature lapsæ non potest per sua naturalia diligere Deum super omnia; & in quocumque statu consideretur; indiget auxilio gratiæ speciali ad diligendum Deum dilectione supernaturali.
- 943 Si quis existens in puris naturalibus haberet actum dilectionis conuertendi se in Deum super omnia dilectione perfectâ per totam vitam, quantum in se erat, & statim moreretur; susciperet aliquod premium ab auctore nature.
- 944 Homo in statu nature integræ per suas vires naturales poterat implere præcepta naturalis legis quantum ad substantiam operum; præceptum autem illud quotiescumque comederis, &c. fuit supernaturale.
- 945 In statu nature lapsæ non possumus implere omnia præcepta diuina sine gratia sanante; possumus tamen obseruare ad breue tempus omnia præcepta legis naturalis: ad longum tempus quædam tantum, præsertim quoad substantiam operum.
- 946 Sunt quædam specialia præcepta quæ propter incidentes tentationes non possunt seruari sine speciali auxilio diuinæ gratiæ: aliqua vero præcepta supernaturalia quantum ad substantiam operum, potest homo adimplere sine gratia iustificante, vt præceptum fidei, spei, &c.
- 947 Nonnulla præcepta sunt, ad quorum impletionem etiam quoad substantiam operum requiritur auxilium diuinæ gratiæ gratum facientis; & sine hac nullum præceptum potest adimplere meritorie.
- 948 In calum clamat illa blasphemiam dicentium liberum arbitrium post

post peccatum rem esse de solo titulo; & hominem dum facit quod in se est, peccare mortaliter; & hominem hypocritam fieri cogitando de peccato cum contritione.

949 Item ea quæ afferit hominem, quo magis se disponit ad gratiam, eò grauius peccare, quòque homo sceleratior est; eo citius illi à Deo gratiam infundi.

950 Hæreticum est dicere hominem ex facultate naturæ posse se præparare ad gratiam introducendo vltimam dispositionem ad illam, ita, vt illa præparatio sit meritoria gratiæ & gloriæ de condigno.

951 Dispositiones antecedentes nostram iustificationem sunt etiam à Deo præueniente; opus autem moraliter bonum & quicquid homo facit ex propria naturæ facultate non est dispositio ad gratiam; sed sed est veluti siccitas in ligno in ordine ad formam ignis.

952 Homo non potest à peccato resurgere sine auxilio gratiæ, & in terna Dei motione: cum gratia autem sanante possumus cauere omnia peccata mortalia, & singula venialia sed non omnia simul.

953 Nullus homo adultus nec fuit, nec erit sine peccato veniali excepto Christo Domino, ob vnionem hypostaticam; & Beatissima Virgine eius matre, ob speciale priuilegium: & de vtroque certa fide constat.

954 Ad singulos actus supernaturales, etiam in homine iusto requiritur auxilium speciale, vt ad credendum, sperandum, amandum Deum ex charitate: omnes autem actus meritorij vitæ æternæ sunt supernaturales: vnde iusti ad singulos actus meritorios indigent auxilio speciali.

955 Gratia habitualis non solum efficit hominem gratum Deo formaliter; sed etiam confert illi auxilium ad bene operandum, & hoc de fide est: homo iustus non potest perseuerare in bono per suas vires sine auxilio quod est à gratia: ad perseuerandum autem indiget alio auxilio speciali præter gratiam iustificantem, & virtutes infusas.

956 Gratia non est virtus, sed virtute præsupponitur tamquam eius radio, & principium: ideoque non est charitas; sed ab ea realiter distinguitur, ita vt Deus possit infundere gratiam sine charitate.

957 Est autem gratia qualitas animæ infusa per quam diuinæ naturæ consortes efficiamur; & de naturæ suæ efficit homines Deo gratos, & amabilis; cum tamen Deus quæ suæ est omnipotentia posset illos sine

sine gratia sibi amicos facere.

958 Gratia, altera est gratum faciens; altera gratis data, quarum dignior est gratam faciens.

959 Diuiditur etiam gratia in operantem, seu praueniens, & cooperantem, siue subsequentem; quarum prior est qua Deus mouet hominem passiuè se habentem ad bonum; posterior, qua homo Deo mouenti cooperatur.

960 Causa finalis gratiæ est gloria Dei, Christi, & Vita æterna; causa efficiens principalis, est Deus; instrumentalis, sunt sacramenta; efficiens meritoria; Christus Dominus.

961 Gratia non creatur, sed educitur de potentia obedientiali animæ; nulla vero ratione potest dici homo causa gratiæ; est enim tantum preparator sui ipsius ad illam: nec id quidem perfectè, nisi illa supposita.

962 In adultis ad gratiam habitualement recipiendam requiritur proportio ex parte ipsorum, quæ est motus liberi arbitrij.

963 Ad gratiam qui est donum Dei preparantis ad bonum, nulla prærequiritur dispositio ex parte hominis quasi praueniens diuinum auxilium.

964 Homini facienti quod in se est, ut præparet se ad gratiam per actus Fidei, Spei, Charitatis, & Penitentia Deus necessario necessitate infallibili non coactionis confert gratiam iustificantem.

965 Homini facienti id ad quod Deus mittit auxilium praueniens quo excitatur ut iustificetur; nõ semper cõfertur gratia iustificans: at vero omnis qui facit quod in se est auxilio praueniẽti quod Deus ordinauit intentione absoluta ad gratiam iustificantem; semper consequitur gratiam iustificantem.

966 Omne auxilium gratiæ praueniens, quod non attingit gratiæ productionem, ordinatur nihilominus à voluntate Dei conditionata ad iustificandum peccatorem; verum absoluta Dei voluntate, præsupposita tamen obduratione peccatoris, ordinatur in eius perditionem.

967 Disparitatis gratia aliqua ratione causa est ex parte hominis magis se preparantis ad gratiam; principalis tamen causa est Deus, iuxta illud unicuique data est gratia secundum mensuram donationis Christi.

968 Per diuinam reuelationem specialem potest homo iustus habere certitudinem infallibilem de sua gratia, idque Beatissimæ Virgini, sanctis Apostolis, & Nathanaeli, & Magdalena concessum esse crediderim.

969 In omni iustificatione ita remittuntur peccata, ut nihil ex eis damnabile, vel culpabile remaneat coram Deo: & hoc negare est hæreticum.

970 Iustitia qua iusti sumus coram Deo non est ex nobis, neque ex viribus liberi arbitrij comparata: neque est iustitia qua Deus, & Christus Dominus iustus est, nobis imputata: & hoc asserere hæresis est.

971 Nos autem dicimur iusti iustitia Dei, & Christi; quia efficit nos iustos impartiendo eam secundum mensuram donationis Christi; & hoc de fide est.

972 Iustitia qua iusti sumus, est formaliter inherens animis nostris; quo fit ut iustificati verè iusti sint: & hoc de fide est; ipsa etiam iustificatio non tantum dicit remissionem peccatorum, sed etiam dicit ipsam acquisitionem iustitiae, & renouationem hominis interioris.

973 Deus de omnipotentia sua absoluta potest remittere omnem poenam tam temporalem quam æternam homini existenti in peccato mortali durante eius prauo, & iniquo animo absque infusione gratiae, quæ sit qualitas animæ inherens.

974 Si gratia accipiatur pro gratuito Dei beneficio repugnat Deum remittere peccatum sine gratia: repugnat etiam perfectè remitti peccata sine diuina gratia, & beneuolentia acceptante.

975 Ipsum peccatum nulla ratione deleri potest ex parte sua sine renouatione hominis interioris, & reali mutatione à prauitate ad rectitudinem.

976 Peccatum, & gratia ex natura sua, non ex Dei institutione opponuntur: vnde existimo non posse gratiam esse simul cum peccato, nec de potentia quidem absoluta Dei.

977 Peccatum tollit gratiam non tantum demeritoriè; sed etiam efficienter: non ipsam gratiam attingendo; sed introducendo contrarias dispositiones quibuscum gratia consistere non potest.

978 Hæreticū est asserere hominē in sua iustificatione nō consentire

per liberum arbitrium; sed habere se merè passivè sicut malleus in manu fabri.

- 979 Neque tamen negamus adultum qui actualiter peccavit per sacramentum iustificari posse; id quod etiam sine sacramento à Deo fieri posse certissimum est.
- 980 De potentia Dei ordinaria non possumus mereri vitam aeternam sine gratia: de potentia autem Dei absoluta bene possumus mereri vitam aeternam sine gratia habituali.
- 981 De potentia Dei absoluta non potest homo mereri vitam aeternam per opera naturalia non libera, ut nutritionem: possumus autem per opera moraliter bona ex viribus naturæ comparata.
- 982 Ad iustificationem impij requiritur motus liberi arbitrij detestantis peccatum: ipsa vero iustificatio quantum ad infusionem gratiæ fit in instanti: quantum verò ad præcedentes dispositiones, aliquando fit in tempore, & successivè, aliquando subito.
- 983 Gratia nostris animis diffusa est iustitia nostra, estq. causa formalis nostræ iustitiæ: idem dicendum de preciosissimis illis donis, quæ Deus nobis infundit cum gratia, cuiusmodi sunt omnes virtutes theologicæ præsertim charitas.
- 984 Inter Deum, & hominem non est meritum secundum æqualitatem iustitiæ; sed tantum secundum proportionem: præsupposita tamen ordinatione divina.
- 985 *MERITUM* est opus studiosum, cui iure merces debetur, & requirit quatuor conditiones; prima, ut sit opus liberum, quam nec Deus quidem potest ab ipso separare: secunda quòd sit bonum opus: tertia quòd sit exhibitum in obsequium alterius: quarta quòd sit viatoris.
- 986 Opus studiosum qua ratione procedit à libero arbitrio, & secundum suam substantiā non est meritorium vitæ aeternæ; sed tantum, ut procedit à gratia Spiritus Sancti.
- 987 Merita sanctorum fundantur in divina gratia: sunt tamen verè, & propriè merita de condigno, licet Deus non teneatur ipsa acceptare.
- 988 Deus propriè nulli debet, neq. creaturæ obligatur; immo etiā nec sibi est obligatus, & obstrictus ad aliquid faciendum; Christus autem Dominus obligatur propriè nisi Deo.

- 989 *Quamquā Deus nihil nobis debet; tamen constantissime, & fidelissime nobis præstabit quod promisit; alioquin non esset Deus.*
- 990 *Ut opus aliquod sit meritum vitæ æternæ, non satis est gratia sine charitate, nec charitas sine gratia: omne autem opus studiosum, & moraliter bonum existentis in gratia, est meritum vitæ æternæ.*
- 991 *Homo non potest sibi mereri primam gratiam: potest autem homo existens in gratia mereri alteri primam gratiam de congruo.*
- 992 *Nemo sibi ipsi meretur reparationem, neque de condigno, neque de congruo, neque antequam labatur, neque postquam lapsus est.*
- 993 *Homo existens in gratia potest sibi mereri augmentum gratiæ & charitatis, non solum de congruo; sed etiam de condigno.*
- 994 *Charitas, bonitas obiecti difficultas, & intensio actus, augent ipsius meritum, etiam respectu præmij essentialis: sola autem maior intensio habitus gratiæ non augeat meritum.*
- 995 *Homo iustus potest sibi de condigno mereri perseverantiam in gloria: at perseverantiam in bono, usq. in finem vitæ nemo potest de condigno mereri, immo nec impetrare ex lege infallibili: etiam si non negemus eum qui vere, & piè perseverauerit in oratione usque ad finem petendo donum perseverantiæ; id infallibiliter consecuturum.*
- 996 *Iustus non potest de condigno mereri temporalia bona secundum se: potest autem quatenus sunt vilia, & conducentia ad vitam æternam.*
- 997 *Peccatores per opera quæ faciunt ex Dei motione, & ordinatione, licet habeant perversam intentionem: merentur ex Deo præmium temporale: quæ ratione Romanos maximum post homines natos imperium à Deo meruisse, verisimile est.*

D E F I D E .

- 998 **F**IDES est habitus, vel actus quo assentimus dicenti propter eius auctoritatem: & quoniam sola Dei auctoritas est infallibilis: ideo sola divina fides est infallibilis.
- 999 **O**biectum de quo fides credit quicquid credit est Deus, ut Deus, ut excedit naturalem cognitionem: quod si veritas pri-

ma consideretur *Ut in se existit, idem de ea dicendum est.*

- 1000 Obiectum quod fides credit, & cui principaliter assentit, est Veritas prima, *Ut complexé significabilis, & per propositiones: Ut hæc, Deus est trinus in personis &c.*
- 1001 Deus *Ut Deus, Ut Saluator, seu Veritas prima in essendo non est obiectum formale fidei: sed est Veritas prima in dicendo, hoc est Veritas, & fidelitas Dei reuelantis aliquid cerò, & obscure.*
- 1002 Ratio formalis specificatiua diuinæ Theologiæ non potest esse specificatiua fidei: Theologiæ enim est Virtualiter reuelatum: conueniunt autem in obiecto de quo, quod est Deus sub ratione Deitatis.
- 1003 Ad fidem spectant illæ Veritates quæ attinent ad religionem Christianam, & communem Ecclesiæ vtilitatem: ijs vero, quæ reuelantur alicui fideli, etiam si sint supernaturalia ijs non assentimur per virtutem theologicam fidei.
- 1004 Ille quidem cui fit huiusmodi reuelatio ad assentiendum eget tantum lumine particulari indito à Deo per modum impressionis transeuntis: alijs verò, quibus narratur huiusmodi reuelatio, sufficit tantum fides humana cum prudentia: nec ab Ecclesia ad id credendum coguntur.
- 1005 Plerumque etiam secundum legem ordinariam necessaria sunt aliqua exteriora motiua, quibus homines suauiter disponantur ad recipiendam fidem infusam, vel ad distinctè credendum credibilia.
- 1006 Assensus fidei nostræ non potest reduci ad fidem acquisitam, quæ credamus ecclesiam esse veracem tamquam regulam credendi.
- 1007 Fides nostræ quoad explicationem, & distinctionem credendorum resolvitur in testimonium Ecclesiæ rectæ à Spiritu Sancto, quatenus est vnus articulus fidei credere in vnā sanctam Ecclesiam Catholicam.
- 1008 Ecclesiam esse infallibilem regulam proponendi explicandiq. credenda, non potest reduci ad auctoritatem Ecclesiæ: sed ad auctoritatem Spiritus Sancti regentis illam.
- 1009 Quamuis Spiritus Sanctus aque illuminet mentes nostras quoad omnia credibilia: tamen via generationis ipsorum actuum vnus articulus prius tempore cadit sub fide, quàm alius.
- 1010 Obiectum fidei ex parte rei creditæ est in complexum: ex parte vero hominis credentis, est quid complexum per modum enunciabilis: si-

- lis: fidei autem angelorum obiectum fuit in complexu utroque modo.
- 1011 Actus credentis principaliter terminatur ad rem, quæ est incomplexa: imò mediate autem terminatur ad enunciabile, quod est in mente.
- 1012 Etiam si charitas, & spes possint diligere, & sperare obiectum falsum, fides tamen non potest credere falsum; obiectum enim fidei est infallibile ut est in mente divina.
- 1013 Fide non credimus has, vel illas species panis esse corpus Christi Domini: sed fide credimus corpus Christi esse sub speciebus panis rite consecrati.
- 1014 Obiectum fidei non potest esse visum: ea vero quæ credenda sunt: visa sunt à credente non in speciali: sed sub communi ratione credibilis.
- 1015 Non visum, non est ratio formalis, quæ attingitur per fidem: sed pertinet ad rationem formalem intrinsecam fidei, quæ dicitur sub qua.
- 1016 Necessaria est motio voluntatis, ut intellectus per fidem Christianam rebus credendis assentiat: immo etiam ad fidem acquisitam requiritur motio voluntatis.
- 1017 Ad prudenter credendum per fidem, siue acquisitam, siue infusam non sufficit sola motio voluntatis: sed requiritur aliqua persuasio ex parte intellectus, siue intrinsecus per divinam revelationem, siue ab extrinseco angelicis, humanis, vel divinis exhortationibus, & argumentis.
- 1018 Ad credendum, & assentiendum quomodolibet necessaria est ex parte intellectus aliqua persuasio, siue sit rationalis, siue apparet.
- 1019 Plurima argumenta confici possunt, quibus evidenter ostenditur evangelicam doctrinam esse credibilem super omnia credibilia circa ultimum finem hominis.
- 1020 Non est error in fide asserere quod de iis quæ non per se cadunt sub fide, possit simul esse fides, & scientia.
- 1021 Fides & scientia Theologica possunt esse in eodem subiecto eodem tempore de eadem veritate: non autem scientia humana: quare Christianus Theologus de eadem propositione habet scientiam, & fidem.
- 1022 Rationes quæ adducuntur à sanctis Patribus ad ea quæ sunt fidei, tantum probant non esse impossibilia ea quæ sunt de fide: non tamen probant posse esse talia in esse.
- 1023 Vbi occurrit aliquid in fide speciali ratione non visum; de eo est specia-

specialis articulus constitutendus: Vbi autem multa secundum eandem rationem sunt cognita, vel non cognita; de ijs non sunt distincti articuli ponendi.

- 1024 *Articulorum numerus ab exordio fidei per temporum successus non creuit quoad substantiam: sed secundum explicationem.*
- 1025 *Hac duo principia, Deus est, & Remunerator est, quatenus naturali lumine cognosci possunt: dicuntur continere virtualiter omnes fidei articulos; quia in ipsis ceteri fundantur.*
- 1026 *Syllogismus procedens ex revelatione in actu signato solum, non est demonstratio theologica: est autem qui procedit ex reuelatis in actu exercito, siue à priori, siue à posteriori.*
- 1027 *Non est asserendum quod post apostolorum tempora doctores Ecclesia, vel etiam ipsa Ecclesia plura credat de pertinentibus ad fidem, aut explicatius, quàm ipsi apostoli, & sacri scriptores evangelica doctrina crediderint.*
- 1028 *Non est necesse, ut quanto est Ecclesia ab apostolorum temporibus remotior, tanto sit in illa minus perfecta cognitio mysteriorum fidei.*
- 1029 *Etiamsi quantum ad scientiam sacrae scholasticorum Theologiae, quae humana diligentia comparatur; nihil obstat quo minus asseramus succedentibus saeculis quadam vberius, & subtilius à posterioribus fuisse definita, & disputata.*
- 1030 *Existimo autem Apostolos in die sancto Penthecostes tantam donorum Spiritus sancti plenitudinem accepisse, ut nouerint omnes veritates pertinentes ad necessitatem salutis de credendis, & agendis: non tamen de futuris contingentibus.*
- 1031 *Credere est cum assensione cogitare, quatenus cogitare accipitur pro quadam consideratione intellectus cum quadam inquisitione an tequam perveniat ad perfectam rei cognitionem.*
- 1032 *Vnus est actus, quo credimus Deo, Deum, & in Deum: qui tamen per hanc tria triplicem dicit relationem: Infideles non vere credunt Deum: in Deum verò soli fideles iusti credunt.*
- 1033 *Quamvis peccatores fideles non perfectè credant in Deum, possunt tamen dici verè credere Deum at verò Damones, & damnati tantum credunt Deo, & Deum.*
- 1034 *Ad salutem, & supernaturalem beatitudinem consequendam simpliciter,*

pliciter, necessarium est credere aliquid supernaturale, quod scilicet excedat omnem naturalem cognitionem, & rationem.

1035 *Immo etiam necesse est credere ea quæ naturali ratione in metaphysica probantur, scilicet Deum esse, esse vnum, simplicem, infinitum, optimum, & ab indoctis & philosophis secundum præparationem animi.*

1036 *Mysterium Dominicæ incarnationis oportuit omni tempore esse creditum aliquo modo apud omnes de necessitate salutis: diuersimodè tamen secundum diuersos status.*

1037 *In statu innocentie ante primum peccatum primus parens habuit explicitam fidem incarnationis Christi Domini, quatenus incarnatio ordinabatur in gloriam Dei.*

1038- *Post peccatum ante, & post legem scriptam maiores cognouerunt explicitè mysterium incarnationis, etiam secundum quod ordinabatur in remedium peccati per mortem Christi: minores vero cognouerunt implicitè.*

1039- *Tempore gratiæ, & reuelati euangelij omnes, etiam minores tenentur explicitè credere mysteria Christi, præsertim illa, quæ publicè solennizantur, & proponuntur ab Ecclesia.*

1040 *Alias subtiliores considerationes circa incarnationis mysterium tenentur aliqui magis, aut minus explicitè credere secundum quod conuenit statui, & officio illorum.*

1041 *At post gratiam reuelatam omnes tam maiores, quam minores tenentur de necessitate salutis credere explicitè mysterium sanctissimæ Trinitatis.*

1042 *Cognitio Dei naturalis numquam fuit fides implicita alicuius mysterij: & ideo tempore legis naturæ necesse fuit tamquam medium ad salutem credere explicitè Deum esse auctorem gratiæ, & remuneratorem donorum supernaturalium.*

1043 *Fides Christi Domini semper fuit necessaria in populo fidei necessitate præcepti: maxime tempore legis scriptæ.*

1044 *Ad salutem necessarium est credere Deum fuisse ab æterno, mundum in tempore factum: Item Deum esse vnum in substantia, trinum in personis; esse quæ nostrum saluatorem, & iustificatorem: & hoc postremum in omni statu credere necessarium fuit.*

1045 *Parochi, Confessarij Prædicatores, & Doctores Ecclesiæ tenentur
ex præ-*

- ex praecepto tam diuino quam ecclesiastico ita explicite scire omnia
pertinentia ad articulos fidei, ut alios possint erudire, & corrigere.
- 1046 Episcopi tenentur de praecepto tum diuino, tum ecclesiastico scire
subtilitates, & maiora mysteria fidei ita sufficienter, ut possint con-
tradictentes, maxime haereticos arguere.
- 1047 Ad primam salutem scilicet iustificationem est necessaria hoc tem-
pore fides explicita in Christum, ut medium sine quo non.
- 1048 Statim atque promulgatum & praedicatum fuit Euangelium per
totum orbem, necessarium fuit ad salutem habere fidem explici-
tam Christi Domini.
- 1049 Actus fidei secundum se meritorius est, & acceptus apud Deum:
non meretur autem vitam aeternam, nisi accedente charitate.
- 1050 Ratio demonstratiua sequens voluntatem credentis iam deter-
minatam ad credendum, non modo non minuit meritum, sed etiam
potius auget, nec vero tollit eius meritum circa hoc particulare
obiectum demonstratiuum.
- 1051 Nullum testimonium, vel argumentum quod non faciat eviden-
tiam in obiecto credito, tollit, vel minuit meritum actus fidei for-
malis, si consequatur voluntatem deliberatam.
- 1052 Qui iam firmiter credens articulum fidei conatur aliqua naturali,
& evidenti ratione elucidare, non modo non minuit meritum fidei,
sed etiam pium opus operatur.
- 1053 Fides interior producit confessionem tamquam proprium actum
nulla alia virtute mediante; etiam si charitas imperet talem actum,
sicut etiam actus aliarum virtutum.
- 1054 Confessio fidei est necessaria ad salutem necessitate praecepti affir-
matui: quod obligat, quando per eius omissionem subtrahitur debi-
tus honor Deo, & utilitas proximi.
- 1055 Haeresis est asserere, licere ad vitandam mortem corporalem;
veritatem fidei verbo tenus negare.
- 1056 Interrogatum priuata auctoritate de religione, tacentem, aut re-
spondentem, quid tua interest? & similia verba, probabile est non
peccare mortaliter.
- 1057 Cum quis Christianus interrogatur ab infideli etiam publica au-
thoritate an sit Christianus, non ad inuestigandam fidem, sed ad in-
uestigandam regionem, aut factionem, & similia, tunc Christia-
nus po-

nus potest tacere se esse Christianum.

1058 Licet Christiano apud infideles calare vestes ordinarias ex usu, et consuetudine patriæ suæ, et induere se vestes alterius regionis infidelium, & exuere vestem lege mandatā à Tyranno à Christianis geri: dummodo non sit scandalum, nec debitus honor Deo auferratur: quod erit in Ciuitate in qua non sint Christiani.

1059 Vti veste infidelium ad eorum sectam profitendum, est mortale: nihil tamen obstat quo minus in Comedys & Repræsentationibus vestibus infidelium sacerdotum vti possimus, si id fiat sine scandalo.

1060 Dicere Apostolum ad Hebræos xi. non definire fidem, est temerarium: dicere autem non sumi ibi fidē pro virtute Theologica: sed profuducia qua speramus nos visuros veritatem, quam credimus, est erroneum.

1061 Vt actus fidei sit perfectus, & completus: oportet esse aliquem habitum tum in voluntate, tum in intellectu.

1062 Fides est in intellectu speculatiuo tamquam in subiecto: tamen extensione fit practica quando per charitatem operatur.

1063 Si speculatiuum, & practicum sumantur, vt sunt differentia opposita diuina habituum, fides est practica, & speculatiua eminenter.

1064 Si vero practicum, & speculatiuum absolute sumantur, & seiunctis imperfectionibus fides est speculatiua, et practica formaliter.

1065 Nihilominus fides est primo, & per se speculatiua ratione obiecti per se: secundo est practica ratione tendentiæ in obiectum.

1066 Charitas non est forma intrinseca fidei: sed dicitur forma quatenus actus fidei per charitatem perficitur, & formatur cum ex se mortuus esset.

1067 Idem est habitus fidei formata & informis: & per hoc quod fides informis fit formata, non mutatur ipsa fides: sed subiectum fidei, quod est anima.

1068 Falsum est asserere, fidelem per peccatum mortale amittere habitum fidei formatæ, & acquirere alium habitum fidei informis.

1069 Fides secundum suam essentiam est virtus: si nomen virtutis accipiat, prout dicit essentiam virtutis.

1070 Fides quantum est ex natura sua semper habet statum virtutis;

N nisi

nisi impediatur ex vicio subiecti, & liberi arbitrij, qui in malum inclinant.

- 1071 Sola fides formata habet statum virtutis, quia promptè, & delectabiliter operatur: fides vero informis non item.
- 1072 Fides tam informis, quam formata multo magis perficit intellectum, quam quilibet alius habitus intellectualis siue naturalis, siue acquisitus.
- 1073 Aliqua perfectio, et bonitas est naturaliter in ipsa fide, & illi intrinseca, & in actu eius à charitate derivata, & est de intrinseca ratione fidei quatenus habet statum uirtutis.
- 1074 Prædicta perfectio pertinet ad fidem tamquam perfectio propria speciei; non quod sine illa non seruetur species fidei; sed quia sine illa non est perfecta species etiam in ratione cognitionis fidei.
- 1075 Simpliciter loquendo, omnis qui est in charitate certius, & firmitus adheret rebus fidei ex habitu infuso; quam qui est in peccato mortali, quantumvis antea habuerit perfectam fidem.
- 1076 In ratione habitus speculatiui potest esse fides informis intensior fide formata in alio Christiano, qui non habet tantam intelligentiā rerum supernaturalium.
- 1077 Actus fidei formatae à charitate siue actualiter, siue habitualiter non potest esse peccatum, nec veniale quidem ex aliquo fine adiuncto.
- 1078 Fides sumpta pro habitu est vna virtus specie ex parte obiecti, & plures numero ex parte subiecti.
- 1079 Sumpta vero pro eo, quod creditur est vna fides quatenus habet vnum obiectum formale, & principale; licet plura sint obiecta materialia.
- 1080 Fides est prima inter omnes virtutes tam infusas, quam acquisitas per se loquendo: per accidens enim potest aliqua virtus esse prior fide tamquam remouens prohibens.
- 1081 Spes etiam nonnumquam dicitur introducere ad fidem, quatenus ex spe inducitur homo, ut perseueret in fide: fides autem est fundamentum aliarum virtutum supposita charitate ante illas.
- 1082 Prioritate dignitatis fides non est prima omnium virtutum, etiam si in ratione entis, & metaphysicè loquendo fides habeat dignitatem quandā super omnes virtutes: est autē prima via generationis

- 1083 Cum fides dicitur esse fundamentum spiritualis edificij, rectè applicatur metaphora; quia est prima pars continens, & connectens fundamentum.
- 1084 Etiam fides informis potest dici fundamentum spiritualis edificij secundum potentiam, & aptitudinem quasi materiam.
- 1085 Fides simpliciter est certior prudentia, arte, sapientia, scientia, intellectu, prout sunt habitus acquisiti: etiam si scientia, sapientia, intellectus secundum quid sint certiores.
- 1086 Fides est certior quam dona Spiritus sancti, quæ dicuntur scientia, sapientia, intellectus, quia ista comparantur ad fidem sicut ad obiectum quod præsupponunt.
- 1087 Fides secundum se est certior omnibus virtutibus intellectuallibus lumine naturali cognitis.
- 1088 Fides, etiam prout est in nobis quoad nos superat certitudine omnem virtutem intellectualem.
- 1089 Etiam si Angeli, & primus parens ante confirmationem, & peccatum habuerint fidem: quædam tamen de diuinis mysterijs manifestè cognouerunt, quæ nos non possumus cognoscere nisi per fidem.
- 1090 Temerarium est asserere non fuisse eiusdem rationis fidem quoad supernaturalia mysteria in angelis & primo parente.
- 1091 Evidentia credibilium in attestante non potest esse simul cum fide: dummodosciamus attestantem esse fidelem.
- 1092 Angeli, Adam, Apostoli, & Prophetæ habuerunt magna testimonia, & cognitionem pleniorē & minus obscuram, quam nos: immo de quibusdam habuerunt evidentiam de quibus nos solum fidem habemus.
- 1093 In Dæmonibus, & damnatis est fides non infusa nequē laudabilis.
- 1094 Fides, quæ est in Dæmonibus, & damnatis est acquisita, & quasi coacta: quia nollent credere, & non possunt suspendere actum credendi veritatem fidei Christianæ: ideoquē ex hac fide non minuitur eorum culpa, & malitia.
- 1095 Qui non credit unum articulum fidei cum pertinacia, amittit fidem infusam tam informem, quam formatam circa alios articulos, non solum secundum actum, sed etiam secundum habitum.
- 1096 Remanet autem in eo fides acquisita circa alios articulos: simi-

licet is, qui ad fidem convertitur, & credit omnes articulos præter
vnum, remanet in infidelitate.

- 1107 Ex parte obiecti formalis fidei non potest in vno esse maior fides
quam in alio: potest autem ex parte obiecti materialis, quatenus hic
plura explicite credit quam ille.
- 1108 Si fides consideretur ex parte subiecti quatenus magis, vel mi-
nus ab ipso participatur, potest in vno esse maior fides quam in alio,
tum ratione intellectus, tum ratione voluntatis.
- 1109 Dicere fidem non esse maiorem in vno quam in alio, & non posse
augeri, est contra ipsam fidem.
- 1110 Ex parte obiecti materialis potest esse maior fides informis quam
formata quoad intellectum: sed non quoad voluntatem.
- 1111 Necessè est fidem esse à Deo quoad propositionem credibilium, non
tamen omnibus immediate à Deo proponuntur quæ credenda sunt;
sed nonnullis vt Apost. & Prophetis, ceteris vero per prædicationem.
- 1112 Solus Deus est causa propria principalis, & sufficiens fidei quan-
tum ad assensum illius interius mouendo; homo vero est causa elici-
tiua actus.
- 1113 Postquam semel à Deo reuelata sunt mysteria fidei; potest quis
ea credere humana ratione, & fide; non autem in ordine ad finem
vitæ: id quod de Trismegysto, & Platone credi probabiliter potest.
- 1114 Fides docet non solum fidem formatam, & viuam; sed etiam in-
formem, & mortuam esse donum Dei.
- 1115 Homini disposito ad fidem infunditur in baptismo fides quantum
ad habitum, & actum: etiam si aliquando non infundatur gra-
tia: dispositio autem ad fidem est voluntas deliberata credere om-
nia, quæ sibi à Deo per Ecclesiam proponuntur.
- 1116 Fides quantum ad habitum, & actum potest infundi homini sic
disposito etiam ante baptismum, & sine gratia, ac proinde multo
potiori ratione post baptismum.
- 1117 Omnis qui credit videt se credere: at nullus Christianus potest
esse certus certitudine fidei, cui non possit subesse falsum se crede-
re ex habitu fidei infuso.
- 1118 Nullum est præceptum quo obligamur credere nos credere actu
fidei supernaturalis, & ideo Catholicus non amittendo fidem infu-
sam potest ignorare se eam habere.

1109 Si loquamur de fide explicita euangelij; certum est excusari à peccato infidelitatis propter ignorantiam illos, qui numquam aliquid audierunt de illa.

1110 Infideles negative non damnabuntur propter infidelitatem, sed propter alia peccata, quorum pœna aliquando est infidelitas.

1111 Non tenetur infidelis vniuersaliter credere cuilibet homini dicenti, audi me, nam volo te supernaturalia docere, & erudire te in alia religione quam tu ignoras.

1112 Quamuis infidelis audiat Euangelium explicitè ab aliquo Christiano prædicatore: non statim peccat peccato infidelitatis si non credit: nisi prædicator afferat testimonia, quæ sufficienter conuincant hominem credere quæ prædicantur.

1113 Etiam si idoneus prædicator ostendat Euangelium esse credibile: non sufficit vt statim gentilis teneatur credere: nisi ostendatur esse magis credibile quàm sit qualibet alia secta: & tunc peccat peccato infidelitatis.


1114 Quoties infideli proponitur Euangelium sufficienter; ita vt ipse teneatur credere, & de facto firmiter credit: certum est secundum fidem Catholicam eum credere ex auxilio Dei supernaturali.

1115 Vt homo iustè damnetur, probabile est non esse necessarium vt Deus det illi auxilium supernaturale sufficiens ad credendum.

1116 Infidelitas est in intellectu sicut in proximo subiecto; in voluntate autem sicut in proximo motiuo: quare si Christianus ita esset dispositus, vt nihil esset crediturus, nisi id humano testimonio, & ratione probaretur, esset infidelis.

1117 Peccator siue infidelis etiam idolatra potest multa opera bona moralia facere, quæ non sint peccata, absq. vlla auxilio supernaturali.

DE AVCTORITATE ROMANI PONTIFICIS, ET CONCILII.

1118 CCLESIA est congregatio fidelium hominum baptizatorum visibilis sub vno capite CHRISTO in cœlis, & Vicario eius in terris.

1119 Fideles peccatores sunt vere partes Ecclesiæ militantis: & hoc
de fide

- de fide est, comprehendit tam præscitos quam prædestinatos.
- 1120 Negare Ecclesiam esse visibilem; sed dicere vnumquemque in rebus ad salutem spectantibus relinquendum esse, ut à Spiritu sancto gubernetur, hæreticum est.
- 1121 Ecclesia hæc, quæ modo est, quæ antea fuit, & quæ futura est usque ad diem iudicii in doctrina fidei errare non potest.
- 1122 Eadem ecclesia non potest errare per ignorantiam inuincibilem, & inculpatam, ita ut aliquid asserat esse contra, vel secundum fidem, quod re vera non est.
- 1123 Omnes simul Theologi, & Pastores, qui sunt in Ecclesia non possunt errare ne in minima quidem respectante ad fidem, quamuis multi possint errare.
- 1124 Asserere aliquam Ecclesiam probatam consuetudinem esse malā, vel aliquam eiusdem legem esse iniustam temerarium est, & hæresim sapit.
- 1125 Dicere Ecclesiam errare in quibusdam moribus & ritibus quos, ab Apostolis per manus traditos perpetuo seruauit, & seruat est hæreticum.
- 1126 Ecclesia non potest consistere ex solis fœminis, neque solum ex multitudine baptizatorum infantium; neque in solo viro; sed ex multis, quorum pars sit in gratia: & hoc modo durabit usque ad consumationem sæculi.
- 1127 Vera est hæc propositio, Ecclesia est prædestinata: falsa hæc, Ecclesia est damnata: licet in ea plures sint reprobi, quā prædestinati.
- 1128 Omnes homines simplices Ecclesie, qui non sunt nec Episcopi, nec Doctores: non possunt errare in fide: ita ut fides in solis Doctoribus seruetur.
- 1129 Traditio est sacra doctrina voce tenus primitus accepta, fidelium usu roborata, per manus in posteros sine scriptura translata.
- 1130 Nefas est, & stultum negare diuinas traditiones: si traditio sumatur pro doctrina diuinitus accepta siue voce, siue scriptis.
- 1131 Non omnia, quæ ad catholicam fidem spectant, reperiuntur in scripturis canonicis, neque aperte, neque obscure siue implicite.
- 1132 Sacra scriptura non ita clara est in omnibus, ut absque magistro & doctore possit intelligi quin potius in multis difficillimam habeat intelligentiam.

- 1133 In Ecclesia Dei pro omni statutum legis naturæ, tum legis scriptæ, tum legis Evangelicæ, necessariae fuerunt sacra traditiones, quibus populus Dei in fide & religione conseruaretur.
- 1134 Diuinae traditiones tantam vim, & auctoritatem habent ad fidei dogmata confirmanda: quantam habet Ecclesia Catholica, Pontificum, ac Conciliorum definitiones, & denique quantam habet sacra scriptura.
- 1135 Summus Pontifex, seu Papa est Pastor vniuersalis Ecclesie, & Episcopus orbis, qui est Vicarius Christi in terris, & Petri Apostolorum Principis in pralatione successor.
- 1136 Papatatus, siue summus Pontificatus est de iure diuino à Domino institutus: quo fit vt Respublica Christiana sit Monarchia, cuius Princeps, & Monarcha habet auctoritatem immediatè derivatam à Christo Domino: non ab Ecclesia, sicut Reges à Populis.
- 1137 Est autem de fide summum Pontificem non esse alium quam Petri successorem, etià si nullius particularis, Ciuitatis esset Episcopus.
- 1138 Ad summum Pontificem spectat determinare ea, quæ sunt fidei cuiusmodi est editio symboli, & confirmatio Conciliorum tam Generalium, quam Provincialium.
- 1139 Ad eiusdem auctoritatem pertinent omnia, quæ concernunt communem Ecclesie gubernationem: vt congregare Concilia: eadem soluere: decernere locum, tempus, &c.
- 1140 Ecclesia post Messiam maiorem habet vnitatem, quam haberet synagoga: quia tunc gentes extra Iudæos habentes fidem non subdebantur vnico capiti, sicut nunc.
- 1141 Neque summus Pontifex, neque tota Ecclesia possunt nouum articulum, aut nouum dogma condere quantum ad substantiam: sicut neque possunt nouum sacramentum instituere.
- 1142 Potestas summi Pontificis quæ procedit secundum communem vsum Iudicium secundum allegata, & probata, tam in causis criminalibus, quam in civilibus Christianæ Reipublicæ, vt excommunicandi, ligandi, absoluedi, est in ipso secundum totam suam plenitudinem.
- 1143 Participatur autem ab alijs Episcopis in suis diocesis, & potest à Pontifice delegari alicui, vt eam exercere possit per totum orbem.

- 1144 Potestas diffinitiva ad declarandas veritates fidei, conuenit soli summo Pontifici ex assistentia Spiritus sancti, & nulli alij potest ab eo communicari.
- 1145 Summus Pontifex in quantum persona priuata, & doctor potest errare in rebus fidei, siue errore vincibili, siue inuincibili.
- 1146 In publico fidei iudicio Apostolica sedes ab Apostolico præsidente, seu summo Pontifice, & Romana sedes à Romano Pontifice non est distinguenda.
- 1147 In publico fidei iudicio summus idemq; Romanus Pontifex non potest errare, & eam habet firmam, stabilem ac infallibilem auctoritatem, quam habet successor Petri Vicarius Christi.
- 1148 Si quis esset Pontifex putatiuus, aut non diffiniret quicquam contra fidem, aut si diffiniret non reciperetur ab Ecclesia, & error reuelaretur.
- 1149 Si quis incapax Pontificatus, ut scæmina, vel infidelis eligeretur in Pontificem ab ijs, qui habent legitimam eligendi potestatem; nullam haberet auctoritatem, aut iurisdictionem spiritualement.
- 1150 Sicut summus Pontifex, & Concilium non possunt errare in rebus fidei definiendis, ita non possunt facere quin non adhibeant in his debitam diligentiam.
- 1151 In Concilio non sunt admittendi Laici ad vim suffragij; etiam si sint viri prudentes, & pii vna cum clericis: sed soli Episcopi, & Sacerdotes.
- 1152 Summus Pontifex potest confirmare sententiam minoris partis Episcoporum in Concilio generali sedentium, ex assistentia Spiritus sancti.
- 1153 Concilium Generale congregatum, & confirmatum auctoritate summi Pontificis, non potest errare in rebus fidei diffiniendis.
- 1154 Concilium Prouinciale auctoritate summi Pontificis confirmatum: immo etiam Episcopale errare non potest in rebus fidei diffiniendis.
- 1155 Concilium Generale auctoritate summi Pontificis congregatum non tamen confirmatum non est infallibilis regula fidei Catholica: idè potiori ratione dicendum est de Concilio prouinciali, vel Episcopali.
- 1156 Summus Pontifex in rebus fidei diffiniendis habet auctoritatem iurisdictionis eminentioris tamen ordinis quam ceteri Episcopi, &

supra

Et supra illos; quia seipsum superat, Et obligat ad credendum ea,
quæ hac auctoritate definiuit.

1157 Summus Pontifex non potest errare in ferendis legibus spectan-
tibus ad mores necessarios toti Ecclesiæ, ut aliquid Apostolica disci-
plina repugnans determinet.

1158 Hæreticum est negare esse in Ecclesiæ, Et summo Pontifice au-
toritatem ad sanctos canonizandos: dicere autē Papam, aut Con-
cilium in sanctorum canonizatione posse errare, periculosum est.

1159 Summus Pontifex habet auctoritatem discernendi, Et definiendi
modos convenientes, quibus status religionis conservetur, Et pro-
moueat in Ecclesiæ.

1160 In religionum, Et ordinum confirmatione, summus Pontifex
non potest errare, ita ut approbet aliquem ritum, vel constitutio-
nem legi, vel naturali, vel Evangelicæ contrariam.

1161 Postquam aliqua religio confirmata est cum suo speciali fine, Et
statutis, Et constitutionibus oblatis, Et examinatis, Et approbatis
à summo Pontifice: non ideo tamē statuta quæ fiunt ab eius religio-
nis Prælati intelliguntur virtualiter cōfirmata à summo Pōtifice.

1162 In Romano Pontifice, qui solus est vniuersalis Ecclesiæ Pastor
residet plenitudo potestatis de iure diuino.

1163 Præter Romanum Pontificem, aliorum etiam Episcoporum sta-
tus est de iure diuino, non solum quoad potestatem ordinis, sed etiam
iurisdictionis.

1164 Nullus potest esse Episcopus, aut Pastor legitimus in Ecclesiæ
Dei sine consensu Romani Pontificis, siue explicito, siue implicito.

1165 Potestas iurisdictionis quæ residet in Episcopis simpliciter, Et
absolute est immediate à Romano Pontifice, Et non immediate à
Christo.

1166 Potest summus Pontifex auctoritatem iurisdictionis Episcopis
auferre, Et augere, Et restringere, Et hanc diocesim huic Episco-
po subtrahere, Et alteri committere, sicut nouos Episcopatus eri-
gere, antiquos destruere.

1167 Apostoli considerati ut tales, omnes fuerunt æquales, Et om-
nes potestatem tum ordinis, tum iurisdictionis, immediate à Chri-
sto receperunt.

1168 Si vero Apostoli considerentur ut oues Christi Beatissimus Pe-
trus

trus erat eorum Pastor, sicut aliorum Christi fidelium: eam enim potestatem quam habuerunt à Petro recepturi fuissent: nisi eam illis Christus tribuisset.

- 1169 Diuinas institutiones solus, qui eas instituit Christus immutare potest; Apostolicas Verò, & Ecclesiasticas Romanus, idemque summus Pontifex suæ plenitudine potestatis abolere, immutare, renouare potest, prout viderit id esse Ecclesiæ sibi concessa salutare.
- 1170 Concilium Generale sine Episcopis celebrari non potest; potest autem sine Abbatibus, & Generalibus ordinum, & in eo Episcopi res fidei definiunt ut iudices, ceteri vero ut consiliarij.
- 1171 Ecclesia non comprehendit infideles, nec hæreticos, nec schismaticos: immo Papa, qui se ab Unitate Ecclesiæ separat, non est formaliter membrum Ecclesiæ.
- 1172 Romanus, idemque summus Pontifex succedit Petro non in integra Apostolatus auctoritate; bene autem in præcipuo Apostolatus officio, quod est Ecclesiæ vniuersalis gubernatio.
- 1173 Cæterorum autem Apostolorum successores Episcopi non succedunt, nisi in Episcopatu: ideoque sola Romana Ecclesia Apostolica sedes, solusque Romanus Pontifex Apostolicus dominus dici debet.
- 1174 Petro in sua singulari persona collata est potestas supra vniuersalem Ecclesiam Christi, & hoc negantes hæresis damnantur.
- 1175 Hanc Petri primam, & vniuersalem potestatem necessarium est in Ecclesia permanere non solum in tota Ecclesia; sed in aliquo particulari Prelato.
- 1176 Ad solum Romanum, & Catholicum Episcopum spectat iudicare de omni Principatu spirituali, & temporali, de Sanctæ Romanæ Ecclesiæ Cardinalibus, Patriarchis, Archiepiscopis, Episcopis, Imperatoribus, Regibus, Principibus, eos confirmando, damnando, & absoluendo.
- 1177 Omnes Christi fideles tenentur non solum de præcepto Ecclesiastico, sed etiam diuino credere vnam sanctam Ecclesiam explicitè & expresse sub vno capite Christo in cælis, & eius Vicario summo Pontifice in terris.

D E S P E .

- 1178 **S** P E S , & Fides humana non sunt verae virtutes, spes
autem ut infusa, est virtus distincta à ceteris .
- 1179 Proprium, & principale obiectum spei, est aeterna bea-
titudine formaliter, nihilominus spes respicit etiam
secundario aliam bonam in ordine ad beatitudinem .
- 1180 Praesupposita unitate amoris ad alterum, potest quis sperare al-
teri aeternam beatitudinem per eandem virtutem spei, per quam spe-
rat sibi .
- 1181 Non licet sperare in aliqua creatura tanquam prima causa mo-
uente ad beatitudinem: sed sicut secundario agente, praesupposita ra-
men gratia Dei; qua ablata, peccamus mortaliter contra virtu-
tem spei .
- 1182 Fides, & spes non sunt in brutis, neque quoad actum neque
quoad habitum .
- 1183 In haeticis, & infidelibus non est spes, ut est virtus Theolo-
gica, nec actualiter, nec habitualiter; etiamsi sperent beatitudinem .
- 1184 Spes non est in existentibus in purgatorio saltem quoad actum:
etiamsi certi sint de propria beatitudine, & eius mensura: in pec-
catore autem catholico non amittitur habitus spei per quaecunque
peccatum .
- 1185 Peccatorem fidelem posse habere actum spei supernaturalem:
ita certum est; ut oppositum asserere sit erroneum: remanere au-
tem spem secundum actum, aut secundum habitum eiusdem ratio-
nis, non est ita certum, sicut de fidei, actu, & habitu .
- 1186 Certa fide credendum est spem non modo respicere diuinam gra-
tiam, & misericordiam: sed etiam niti effectibus ipsius in nobis ab
illa productis, per quos mereamur gloriam .
- 1187 Culpa, & peccatum etiam sine respectu ad poenam potest esse ob-
iectum timoris filialis; cum tamen secundum suam intrinsecam ra-
tionem non sit obiectum timoris quatenus est voluntaria .
- 1188 Quando homo timet culpam, timet malum, inuoluntarium qua-
tenus est ab exteriori principio, motiuo & passione seductione De-
monis, vel aliorum & Dei permissione .
- 1189 Timor seruilis, ut respicit poenam separationis à Deo excluden-
do chari-

do charitatem secundum suam substantiam manet cum illa, sed ve
seruilis est, ipsam excludit.

1190. Timor seruilis non est simpliciter virtus, nec donum Spi-
ritus sancti; timor verò filialis non est virtus, sed donum Spi-
ritus sancti.
1191. Datur præceptum de spe, quod est veluti præambulum ad fi-
dem; estque affirmatiuum includens negationem non desperandi,
quod pro semper obligat.
1192. Cum primum homo venit ad vsum rationis, & facit quod in se
est, & illuminatur à Deo; tenetur ab ipso sperare beatitudinem,
quod non faciendo; peccat contra fidem, spem, charitatem.
1193. Si cui Deus suam reprobationem reuelaret, is non teneretur spe-
rare beatitudinem, & hoc faciens non peccaret; teneretur tamen
implorare diuinum auxilium ad vitanda singula peccata.
1194. Si cui reuelaretur cras ipsum peccaturum tali peccato; is tene-
retur credere diuinæ reuelationi, & quantum in se est conari
nè peccet.
1195. Non repugnat quod ille homo, cui fit reuelatio de propria perdi-
tione diligat Deum ex charitate, qua pro tunc velit se conforma-
re diuinæ voluntati secundum ordinem diuinæ iustitiæ.
1196. Si tamen humana naturæ fragilitatem spectemus, difficile erit
illi non desperare, & in odium Dei non prorumpere; dicimus ta-
men possibile esse, vt auxilio charitatis, & gratiæ Dei ille diuinæ
voluntati se conformet, ac magis diligat Deum, quàm se ipsum.

DE CHARITATE.

1197



CHARITAS non est ipse Spiritus sanctus, sed habi-
tus creatus infusus in animos nostros per Spiritum
sanctum; estque amicitia, & perfecta virtus quan-
tumcumque sit remissa.

1198

Charitas hominibus infusa est non secundum naturalem capaci-
tatem; sed secundum dispositiones quasdam, & motus liberi ar-
bitrij, non ex viribus naturæ; sed ex Dei beneplacito prærequisitis
in adultis.

Chari-


- 1199 Charitas est virtus specialis ab alijs virtutibus distincta; etiam si propter suam summam perfectionem in cuiusque virtutis diffinitione ponatur, & se extendat ad omnes actus humana vite per modum imperij.
- 1200 Est autem vna virtus specie respiciens vnum obiectum principale, scilicet Deum, & proximum in ordine ad ipsum Deum, nobilitate superans omnes virtutes tum naturales tum supernaturales; ita vt nulla vera & perfecta virtus stare possit sine charitate.
- 1201 Ideo dicitur forma, finis, radix, & fundamentum aliarum virtutum: forma, eas specificando: finis, eas ordinando ad vltimum finem: radix, & fundamentum, eas nutriendo, & sustinendo.
- 1202 Charitas magis propriè dicitur esse in voluntate quam in libero arbitrio, dicitur autem esse in ratione non sicut in subiecto, nec sicut in regulante, sed solum per quandam affinitatem rationis ad voluntatem.
- 1203 Charitas augetur in via non quoad obiectum, sed quoad intensiorem actus: & hac ratione dicitur augeri essentialiter, & substantialiter: neque verò dicitur augeri per additionem alicuius distincti vel speciei, vel numero.
- 1204 Non quolibet actu charitatis augetur charitas: etiamsi quilibet actus charitatis disponat ad eius augmentum: augetur autem per actum vnum intensiorem habitu precedente.
- 1205 Ad primæ charitatis infusionem vnus actus sufficit: quilibet autem actus charitatis remissus meretur nouam gloriam essentialem: quæ nisi per subsequens peccatum, mortificetur, illi de facto conferetur in patria.
- 1206 Habitualis gratia non meretur nouum gradum gloria, sic etiã actibus imperatis à charitate non respondet augmentum charitatis distinctum ab eo quod respondet actibus elicitis.
- 1207 Charitas absolute sumpta tam in abstracto quam in concreto potest augeri in infinitum vltra quemcumque terminum aut gradum: in speciali autem id verificatur saltem de charitate patriæ.
- 1208 Charitas creata neque in via, neque in patria potest de facto esse infinita; cum tamen in via nullus eius augmento terminus imponatur.

Quoniam

do charitatem secundum suam substantiam manet cum illa, sed ut
servilis est, ipsam excludit.

1190. Timor servilis non est simpliciter virtus, nec donum Spiritus sancti: timor vero filialis non est virtus, sed donum Spiritus sancti.
1191. Datur praeceptum de spe, quod est veluti praeambulum ad fidem; estque affirmativum includens negationem non desperandi, quod pro semper obligat.
1192. Cum primum homo venit ad Usur rationis, & facit quod in se est, & illuminatur à Deo; tenetur ab ipso sperare beatitudinem; quod non faciendo; peccat contra fidem, spem, charitatem.
1193. Si cui Deus suam reprobationem revelaret, is non teneretur sperare beatitudinem, & hoc faciens non peccaret; teneretur tamen implorare divinum auxilium ad vitanda singula peccata.
1194. Si cui revelaretur cras ipsum peccaturum tali peccato; is teneretur credere divinae revelationi, & quantum in se est conari ne peccet.
1195. Non repugnat quod ille homo, cui fit revelatio de propria perditione diligat Deum ex charitate, qua pro tunc velit se conformare divinae voluntati secundum ordinem divinae iustitiae.
1196. Si tamen humanae naturae fragilitatem spectemus, difficile erit illi non desperare, & in odium Dei non prorumpere; dicimus tamen possibile esse, ut auxilio charitatis, & gratiae Dei ille divinae voluntati se conformet, ac magis diligat Deum, quam seipsum.

DE CHARITATE.

1197.  HARITAS non est ipse Spiritus sanctus, sed habitus creatus infusus in animos nostros per Spiritum sanctum; estque amicitia, & perfecta virtus quantumcumque sit remissa.
1198. Charitas hominibus infusa est non secundum naturalem capacitatem; sed secundum dispositiones quasdam, & motus liberi arbitrij, non ex viribus naturae; sed ex Dei beneplacito praequisitos in adultis.

- 1199 Charitas est virtus specialis ab alijs virtutibus distincta; etiam si propter suam summam perfectionem in cuiusque virtutis diffinitione ponatur, & se extendat ad omnes actus humana vita per modum imperij.
- 1200 Est autem vna virtus specie respiciens vnum obiectum principale, scilicet Deum, & proximum in ordine ad ipsum Deum, nobilitate superans omnes virtutes tum naturales tum supernaturales; ita vt nulla vera & perfecta virtus stare possit sine charitate.
- 1201 Ideo dicitur forma, finis, radix, & fundamentum aliarum virtutum: forma, eas specificando: finis, eas ordinando ad vltimum finem: radix, & fundamentum, eas nutriendo, & sustinendo.
- 1202 Charitas magis proprie dicitur esse in voluntate quam in libero arbitrio, dicitur autem esse in ratione non sicut in subiecto, nec sicut in regulante, sed solum per quandam affinitatem rationis ad voluntatem.
- 1203 Charitas augetur in via non quoad obiectum, sed quoad intensiorem actus: & hac ratione dicitur augeri essentialiter, & substantialiter: neque vero dicitur augeri per additionem alicuius distincti vel speciei, vel numero.
- 1204 Non quolibet actu charitatis augetur charitas: etiamsi quilibet actus charitatis disponat ad eius augmentum: augetur autem per actum vnum intensiorem habitu precedente.
- 1205 Ad primam charitatis infusionem vnus actus sufficit: quilibet autem actus charitatis remissus meretur nouam gloriam essentialem: quia nisi per subsequens peccatum, mortificetur, illi de facto conferetur in patria.
- 1206 Habitualis gratia non meretur nouum gradum gloria, sic etiam actibus imperatis a charitate non respondet augmentum charitatis distinctum ab eo quod respondet actibus elicitis.
- 1207 Charitas absolute sumpta tam in abstracto quam in concreto potest augeri in infinitum ultra quemcumque terminum aut gradum: in speciali autem id verificatur saltem de charitate patriae.
- 1208 Charitas creata neque in via, neque in patria potest de facto esse infinita; cum tamen in via nullus eius augmento terminus imponatur.

Quoniam

- 1209 Quoniam non est eadem ratio augmenti charitatis in via, & in patria: hinc fit, ut quantumcumque charitas via augeatur: numquam tamen attingat perfectionem charitatis patriæ.
- 1210 Charitas via, & patriæ absolute loquendo sunt eiusdem speciei, etiam si actus illarum quadam ratione non sint eiusdem speciei in genere moris.
- 1211 Habitus charitatis non potest diminui, nisi quod per peccata venialia minuitur fervor charitatis, scilicet habitus quidam acquisitus ordinans ad Dei dilectionem, & habitus item acquisitus qui est in parte sensitiva.
- 1212 Charitas in patria nullo modo amitti potest: in via verò potest amitti; non ratione Spiritus sancti moventis; neque secundum propriam rationem, sed ex parte subiecti.
- 1213 Omnis natura rationalis in quovis statu præterquam damnationis potest, et debet diligere ex charitate supernaturali amore amicitia.
- 1214 Ex charitate debemus diligere nos ipsos, & corpus nostrum, & corpus, proximi: & cetera bona omnia, etiam ipsa charitas diligenda sunt ex charitate amore concupiscentiæ tanquã bona eius, quem ex charitate diligimus.
- 1215 Corpus nostrum, & corpus proximi tenemur diligere non solum quoad bona supernaturalia, scilicet beatitudinem; sed etiam quoad naturalia, ut bonam valetudinem, integritatem &c. in ordine ad Deum.
- 1216 Nemini licet velle malum culpa ob quodcunque bonum: licet tamẽ velle peccatori mala temporalia in ordine ad bonũ spirituale.
- 1217 Nobis tamen non nisi auctoritate publica ea licet inferre, sicut neque peccatori licet ea sibi desiderare; cum in potestate sua situm sit se emendare.
- 1218 Etiam si peccatores magis se ipsos diligant in ordine ad bona temporalia, quam iusti: simpliciter tamen dicendum est magis se ipsos diligere iustos, quam peccatores se ipsos diligant.
- 1219 Diligere inimicum in quantum inimicus est, est contra charitatem: diligere autem ipsum quatenus est proximus, est necessarium ad salutem: non tenemur autem in particulari diligere inimicum nisi in casu quo diligere tenemur alios proximos.
- 1220 De necessitate charitatis est secundum animi preparationem habere

bere habituale propositum diligendi inimicum in singulari: si necessitas occurrerit, extra quam ipsum diligere est de perfectione charitatis.

1221 Licet malum velle inimico ad proprium bonum seruandum, siue aequale sit; siue maius malo inimici. Item si mereatur mortem iustam ex manibus iustitiae, & malum temporale, vt auertatur à peccato: numquam tamen licet velle damnationem.

1222 Tenetur quilibet ad remittendum ex corde iniuriam; inimico petenti veniam significare se remittere; non petenti autem tenetur ex corde remittere; sed non tenetur id positiue significare; sed tantum negatiue.

1223 Quilibet tenetur exhibere inimico ea dilectionis signa, quorum negatio est signum odij, vel rancoris, siue in se, siue ex aliorum assumptione.

1224 In charitate maior est ordo quàm in ceteris virtutibus Theologicis: est autem ordo primo, & principaliter in actu, secundo vero in habitu, quatenus habitus inclinatur ad diligendum magis hoc quàm illud.

1225 Non quodcumque magis diligimus appreciatiue, magis diligimus intensiue; nec e conuerso; & ideo ordinem charitatis tenemur seruare in amore appreciativo; seruare autem in intensiuo est de perfectione charitatis.

1226 Ordo charitatis hic est, vt super omnia diligamus Deum appreciatiue, tum quoad bona intrinseca, tum quoad extrinseca, vt adorari, diligere.

1227 Secundo loco debemus diligere nos ipsos quoad animam, & bona spiritalia, nempe quoad beatitudinem, gratiam, &c. tertio loco proximum quoad animam, quarto loco corpus proprium, postremo corpus proximi.

1228 Non tenemur corporalem vitam exponere pro vita corporali amici: licet autem eam ponere pro eo, à quo pendet bonum Reipublicae: item se exponere leui periculo ad seruandam vitam, vel famam, vel fortunas priuati hominis.

1229 Numquam licet se ipsum occidere ad seruandam salutem, siue corporalem, siue spiritualem, siue vnius hominis, siue multorum, etià totius mundi.

- 1230 Exponere vitam corporalem pro vita corporali amici ceteris paribus, est licitum, & laudabile, & opus magni charitatis.
- 1231 In necessitate spiritali alterius, quilibet tenetur vitam corporalem exponere; si credat se posse subuenire: Prælati autem tenentur subuenire subditis, etiam in gravi necessitate ipsorum.
- 1232 Tam secundum affectum, quam secundum effectum in ordine ad id bonum, tenemur magis diligere unum proximum quam alium; non tenemur autem, sed possumus velle maius bonum spirituale ijs, qui sunt magis ex charitate diligendi.
- 1233 Coniunctiores quouis genere coniunctionis etiam mali, sunt magis diligendi, etiam in ordine ad bona spiritalia, quam boni extranei, vel minus coniuncti; nisi maxima sit improporatio inter bonitatem, & coniunctionem.
- 1234 In extrema necessitate de præcepto tenemur potius subuenire coniunctiori quam minus coniuncto: at verò extra illam, id quidem debemus; sed non tenemur seruare.
- 1235 Simpliciter, & in ordine ad bonum simpliciter magis diligendi sunt coniuncti carnaliter, quam coniuncti secundum civilem societatem; in ordine verò ad bonum proprium cuiusque societatis magis diligendi sunt coniunctiores secundum illam.
- 1236 Fieri potest ut ex varijs circumstantijs ita crescat beneficium ab extraneo nobis collatum, & ex altera parte ita extenuetur beneficium paternum; ut debeamus benefactorem patri carnali in amore præponere.
- 1237 In ordine ad bona naturalia simpliciter magis diligendi sunt coniuncti carnaliter, quam spiritaliter: idem dicendum de dilectione quoad salutem spiritualem; nisi magna sit harum coniunctionum improporatio.
- 1238 Magis diligendus est Christus Dominus, etiam ut homo, & post ipsum Sanctissima, Virgo quam proprii parentes: & magis pater, quam mater: & uterque quam filius, etiamsi nonnumquam hic postremus ordo peruertatur sine peccato mortali.
- 1239 Absolutè magis diligendi sunt parentes, & filij, quam vxor, & benefactor, quam beneficiatus saltem excellentiori quodam genere amoris: licet ex coniunctione sit ordo contrarius in dilectione.
- 1240 Debemus diligere Deum ut est noster benefactor, etiam quoad benefi-

beneficia externa: item ob beatitudinem eternam, quam ab ipso speramus: item orare, ieiunare, & alia signa dilectionis, & religionis præstare ob bona temporalia.

1241 Licet diligere Deum ob aliud tanquã causam finalem obiecti actus dilectionis, & ob beatitudinem tanquam finem principalem ipsius actus: non tamen licet actum dilectionis Dei, aut alios actus habentes Deum pro immediatè obiecto referre ad bonum temporale tanquam finem principalem ipsorum actuum.

1242 Quamvis dilectio amici ratione obiecti melior sit dilectione inimici; tamen magis meritoria, & maioris perfectionis est dilectio inimici.

1243 In patria Deus magis diligetur super omnia tum intensiue tum appreciatiue, & minus coniuncti; sed meliores magis diliguntur à nobis quàm nos ipsi quoad maiora bona.

1244 Etiam si in hac vita non cognoscamus Deum immediatè; tamen amamus immediatè, & totaliter quantum est ex parte nostri, & eius dilectionis perfectus modus, nullus est modus.

1245 Regulariter loquendo qui continuat actum dilectionis per tempus aliquod notabile crescit in intensione charitatis.

1246 Quod si contingat, vel disputationis gratia, vel de facto quod aliquis homo continuat actum dilectionis per aliquod tempus cum eadem intensione actus cum qua cœpit, non erit maius augmentum gratiæ quàm si exercuisset illum actum per unicum instans.

1247 Actui charitatis prout exercetur in instanti non debetur præmiiu accidentale; sed totum est substantiale: continuationi vero actus tantum respondet præteritum accidentale.

1248 Charitatis, & gratiæ augmentum meretur homo per omnia opera aliarum virtutum moralium, siue infusarum, siue acquisitarum dum homo operatur illa ex actu charitatis dirigentis illa ad finem charitatis.


1249 Si aliquis existat in gratia habitualiter, & operetur actum bonum moralem bonitate qualis præscribitur, & regulatur à recta ratione naturali, & non referat illum actualiter, vel virtualiter in finem supernaturalem; non meretur per huiusmodi actum bonum augmentum charitatis, aut gratiæ, aut præmij essentialis.

1250 Per supradictum autem actum bonum moraliter meretur homo

aliquod premium accidentale, quod erit speciale gaudium in patria de exercitio huiusmodi actus.

- 1251 Impossibile est dilectione ex charitate magis diligere creaturam quam Deum non solum intensiue, sed etiam appreciatiue.

DE DIVINI VERBI INCARNATIONE.

- 1252  NCARNATIO est unio duarum naturarum in una Christi Domini hypostasi, ita ut unus, & idem Christus sit verus Deus, & verus homo, de quo potest haberi scientia, sed late sumpta.

- 1253 Huius diuinæ incarnationis mysterium quoad existentiam non solum homines, verum etiam angelos lateret; nisi utrisque diuinitus, & gratiose reuelatum fuisset.

- 1254 Quo fit, ut spectet ad sacram Theologiam, & constituat habitum partialem non minus distinctum ab alijs sacre Theologiæ partibus, quam Physica, Metaphysica, & Mathematica inter sese.

- 1255 Tractatus illius ecclesiæ in vniuersali, necessarius est, estque totus speculatiuus, & nullo modo practicus, maximeque Theologicus, quodcunque sit sacre Theologiæ obiectum.

- 1256 Hæreticum est asserere situm esse in alicuius creaturæ potestate quæcumque illa sit, quotiescumque libuerit Deum fieri, id est Deo hypostatice uniri.

- 1257 Hoc mysterium non esse impossibile, non modo fide credimus; sed etiam certo scimus: esse vero possibile probare efficaciter non possumus.

- 1258 Post primum primi parentis peccatum potuisset Deus deferere naturam humanam, & eam non liberare, nec à culpa, nec à poena absque sua iustitia præiudicio: æquum tamen fuit hominem redimi.

- 1259 Poterat Deus Opt. Max. redimere genus humanum sine Verbi incarnatione sola libera voluntate sua: hic tamen modus incarnationis est omni alio Deo gloriosior, & homini utilior.

- 1260 Deus de potentia ordinaria non potest facere aliquid melius, & excellentius Christo Domino, nec potest eleuare naturam humanam ad

nam ad melius, & sublimius esse, quàm in hoc mysterio fuerit eleuata.

- 1261 Potest tamen facere aliquid excellentius humanitate Christi cuiusmodi sunt Angeli, iuxta illud: Minuisti eum paulo minus ab Angelis.
- 1262 Filius Dei venit in mundum non solum ut quasi Magister, & Legislator, legem diuinam hominibus traderet verbo, & exemplo; sed etiam, ut redimeret genus humanum.
- 1263 Nulla creatura sine gratia Dei, aut medio supernaturali potest satisfacere pro peccato siue proprio, siue alieno, siue perfectè, siue imperfectè.
- 1264 Purus homo supposita diuina gratia potest satisfacere pro peccato siue proprio, siue alieno, imperfectè tamen, non autem de rigore iustitiæ.
- 1265 Ad satisfactionem perfectam æquivalentem de perfectà, & rigorosa iustitiâ necessarius erat homo Deus, & hoc modo satisfecit Christus Dominus.
- 1266 Christus Dominus satisfecit ex iustitiâ propriè dicta non metaphorica, & quantum ad sufficientiam quidem satisfecit pro omnibus, & singulis hominibus, quantum verò ad efficaciam tantum pro prædestinatis.
- 1267 Fuitq; sufficiens, & perfectà satisfactio superans etiam omnia peccata, & debita omnium hominum: idque de rigore iustitiæ.
- 1268 Satisfecit autem Christus de rigorosa iustitiâ non si consideretur ut homo, hac enim ratione supponit gratiam, & beneficium; sed ut Deus.
- 1269 Ad tollendam in nos Dei indignationem, Dæmonum imperiū, & originalis culpæ maculam, non potuit aptior incarnatione Dei modus excogitari.
- 1270 Satisfactio Christi Domini in genere entis fuit finita: in genere autem satisfactionis fuit infinita ratione suppositi infiniti à quo producebatur.
- 1271 Ad satisfactionem concurret humanitas Christi Domini quoad substantiam, diuinum verò suppositum concurret ad meritum.
- 1272 Secundum nostram imaginationem prius Deus vidit peccatum futurum, quàm Verbi incarnationem, licet quoad substantiam: &

alia quæ non dependent à peccato potuisset prædestinare independenter ab illo.

- 1273 Si peccatum nullum fuisset; Dei filius incarnatus nõ fuisset quāquam multa sunt congruentia, quibus ostenditur, si id Deus fecisset, non frustra facturum fuisse.
- 1274 Christus Dominus venit non solum pro fidelibus, & p̃ijs hominibus; sed etiam pro vniuerso genere hominum nemine prorsus excluso actu positivo.
- 1275 Et quoad aliquos quidem effectus incarnatio Christi Domini æqualem habuit efficaciam circa omnes, & singulos homines, quoad præcipuos tamen, scilicet gratiæ, & gloriæ habuit efficaciam tantum circa prædestinatos.
- 1276 Christus Dominus meruit gratiam, & gloriam sufficienter, etiā damnatis, non autem Dæmonibus non ex defectu meriti; sed ex defectu intentionis: quare damnati habuerunt potentiam saltem remotam coniungendi se Christo; non autem Dæmones.
- 1277 Christus Dominus venit præcipuè, vt nos redimeret à peccato originali: secundario verò, vt redimeret ab actuali: quare etiam si nec Adam post primum peccatum, nec posterius actualiter peccassent; tamen Christum Dominum venturum fuisse arbitror.
- 1278 Si Adam non peccasset, potuissent quidem posterius peccare, quod si peccauissent, & eorū ad posteros peccata non mansissent, Christū Dominum pro eorū peccatis minimè venturū fuisse probabilius est.
- 1279 Poterat Saluator mundi venire tum ante peccatum, tum immediate post peccatum; maximè tamen conueniens fuit tempus quo venit: immo poterat absolutè venire ante, vel post tempus à Prophetis reuelatum.
- 1280 Verbum diuinum non est vnitum naturæ humanæ per suam naturam, seu quidditatem; sed vnio est facta in persona seu in supposito, ita vt in Christo duæ sint naturæ suis distinctè proprietatibus citra confusionem aut commixtionem.
- 1281 Christus Dominus non componitur ex duabus naturis per accedens coeuntibus, neque refractis, aut alteratis, neque ex vna tamquam actu, altera tamquam potentia; sed diuino supposito seu hypostasi terminanti naturam humanam.
- 1282 Persona Christi Domini potest simpliciter dici persona Dei &
homi-

- hominis, & diuina; sed non potest simpliciter dici persona humana.
- 1283 Diuinum suppositum quatenus unitum natura humana facit compositionem ex supposito, & natura: suppositum autem ipsum seu subsistentia nulla ratione potest dici composita.
- 1284 Propter unionem humana, & diuinæ nature in Christo merito ipse potest dici compositus omni imperfectione seclusa.
- 1285 Dicere compositionem Christi Domini ex humana, & diuina natura esse accidentalem, est hæreticum: non est autem ex genere, & differentia, nec ex materia & forma.
- 1286 Tantum abest ut Christus Dominus anima rationali caruerit; ut repugnet etiam diuinæ potentie absolute supplere vicem animæ rationalis, siue per verbum, siue per quodcunque aliud creatum.
- 1287 Incarnatio ut dicit actionem totalem, plures in se completitur actiones partiales.
- 1288 In incarnatione necesse est ponere terminum aliquem unum, & realem: non est autem natura humana secundum existentiam, quam habet à subsistentia verbi, neque sola relatio unionis; sed est Deus homo, seu verbum caro, & terminus à quo est negatio.
- 1289 Ex quo quasi fundamento consurgit relatio, quæ in natura quidem humana est realis, & eam realiter denominat; in verbo autem est rationis, & ipsum denominat secundum rationem.
- 1290 Diuina & humana natura in Christo sunt aliud, & aliud; sed non sunt alius, & alius: ipse autem Christus est sub specie humana, & indiuiduum prædicamenti substantiæ.
- 1291 Natura humana est simplicior Christo, & verbo ut est caro factum, asserere autem Christum esse humanitatem, & diuinitatem est erroneum.
- 1292 Unio incarnationis est relatio quædam creata, quæ consideratur inter diuinam humanamque naturam secundum quod conueniunt in vna hypostasi filij Dei.
- 1293 Unitas personarum natura humana cum verbo est aliquid increatum, etiamsi cœperit communicari naturæ humanæ in tempore, non per mutationem verbi, sed per mutationem naturæ humanæ, quæ suscepit illud esse.
- 1294 Unio verbi, et naturæ humanæ in Christo Dño est relatio; cuius tamen Deus, et homo non sint uniti per aliquid respectiui, sed absolute.

- 1295 *Secundum fidem catholicam credendum est terminū assumptionis esse aliquid absolutum non respectiuum, & per ipsam assumptionem acquiritur de nouo Deum esse hominem, & ipsa humanitas, non tamen Deitas.*
- 1296 *Deum esse hominem, neque est Deus absolutè, neque homo absolutè; sed tertia entitas ab ipsis non realiter, sed formaliter distincta: terminus assumptionis non dicitur assumptus: sicut neque terminus vnionis dicitur vnitus: cum tamen vnies dicatur vnitum: at vero assumens non dicatur assumptum: ex quo, & alijs etiam nominibus differunt vnio, & assumptio.*
- 1297 *Deum fieri hominem non est fieri, aut causari, neque facere, vel causare; sed est terminare, & suppositare naturam humanam, quod fit à solo Verbo: cetera enim quæ incarnationi præuia sunt, fiunt à tota Trinitate.*
- 1298 *Vniu hypostatica est maxima vnionum ex parte personæ in qua dua naturæ copulantur: non tamen ex parte rerum quæ vniuntur.*
- 1299 *Certissimum est secundum fidem nulla Christi Domini merita potuisse præcedere eius incarnationem, neque Angelorum aut hominum quispian eam meruit de condigno: de congruo autem meruerunt Sancti Patres Veteris legis quoad circumstantias quasdam.*
- 1300 *De Dei absoluta potestate potuisset purus homo in gratia Dei existens mereri de condigno incarnationem filij Dei, aut patris, aut Spiritus sancti, aut omnium.*
- 1301 *De lege autem ordinaria non modo purus homo; sed nulla pura creatura etiam in gratia Dei existens diuinam humanationem mereri potuit.*
- 1302 *Gratia vnionis, vel habitualis Christi Domini non fuit ipsi naturalis quasi profluens ex principijs naturæ humanæ; sed quia fuit illi data à natiuitate, & quia habet diuinitatem.*
- 1303 *Proprijsimè conuenit diuinæ personæ assumere naturam creatam, & ob eius infinitatem proprium est vt in ipsa fiat concursus duarum naturarum secundum subsistentiam.*
- 1304 *Diuina etiam natura potest assumere, qua ratione dicitur incarnata, non tamen ita propriè sicut persona, quia persona est principium, & terminus assumptionis, natura verò est tantum principium illius.*

- 1305 *Abstractis per intellectum tribus personalitatibus, dicendum est potuisse naturam diuinam assumere humanam, & tunc vnionem faciendam fuisse, non secundum naturam; sed in vna personalitate secundum nostrum intellectum ad quam terminaretur assumptio.*
- 1306 *Persona potuissent assumere tres naturas, vel vniam tantum, et in primo casu fuissent tres homines, in secundo vero vnus homo simpliciter.*
- 1307 *Potuisset Deus sicut assumpsit naturam humanam, ita assumere quamcunque aliam naturam creatam; etiam Angelos assumendo eorum essentiam, & naturam sine eorum supposito.*
- 1308 *Etiam si Deus assumpsisset naturam Diaboli, vel peccatoris quod facere potuit, non tamen proinde fuisset Diabolus, vel peccator; sed solum fuisset Angelus, vel homo: assumpsisset enim naturam, non culpam, & tunc Angelus non desuisset esse per annihilationem.*
- 1309 *Si Deus assumpsisset naturam albedinis non fuisset albedo; sed fuisset albus: nihil autem indignum passus esset si naturam irrationalem assumpsisset.*
- 1310 *Hypostatica vnio praestantior est vnione per gratiam, & vnione, quae est inter Deum, & beatos in visione beatifica; maioremque gratiam contulit nobis Deus hominem se faciendo, quam se dando in Eucharistiae sacramento.*
- 1311 *Verbum diuinum non assumpsit humanam personam; sed naturam: ipsa autem natura abstrahendo à personalitate verbi inclinatur in propriam personalitatem, sicut inclinaret si dimitteretur à verbo, sed prout nunc est vnita verbo, non inclinatur in eam.*
- 1312 *Natura habet causalitatem aliquam erga personalitatem creatam, non increatam: & personalitas siue creata, siue increata habet causalitatem aliquam erga naturam.*
- 1313 *Si verbum dimitteret naturam humanam, illa explicaret se in propriam personalitatem absque vlla actione de nouo, sicut lapis remoto obstaculo tendit ad centrum.*
- 1314 *Etiam si Christus Dominus sit persona humana eiusdem rationis cum alijs personis humanis; nihilominus tamen ratio personae absolute, et in causa non est eiusdem rationis in Christo, et alijs hominibus.*
- 1315 *Deus potuit assumere naturam cuiuslibet hominis viuentis, ita tamen, vt ante deslitteretur persona praexistens: si enim permaneret*

nevet non saluaretur ratio vnionis hypostaticæ.

- 1316 Filius Dei debuit, sicut etiam fecit assumere naturam humanam in athomo, non autē in omnibus indiuiduis, & hanc ex stirpe Adæ.
- 1317 Sanguis in Christo Domino fuit vnitus verbo diuino hypostatice, licet autem ipse sanguis non esset pars humanæ naturæ, & haberet formam distinctam, non tamen cogimur dicere assumpsisse duas naturas.
- 1318 Eadem ratione licet filius Dei in triduo mortis assumpserit naturam cadaueris; assumpsit tamen non per se, sed consecutiue vnde eam dimisit.
- 1319 Licet sanguis vnitus diuinitati esset suppositum, & natura distincta: non tamen compellimur confiteri illum sanguinem esse Deum; idem dicendum de anima, & corpore vnitis diuinitati in triduo mortis.
- 1320 Ex eo quod sanguis esset vnitus diuinitati, non sequitur totum sanguinem vnitum fuisse diuinitati post resurrectionem.
- 1321 Secundum ordinem temporis in mysterio incarnationis non existit aliquod medium, quia tota natura humana verbo vnita fuit in instanti: Assumpsit autem carnem mediante anima, tum secundū ordinem dignitatis, tum secundum ordinem causalitatis quantum ad fieri, non quantum ad esse.
- 1322 Verbum assumpsit animam mediante mente ob dignitatem, & congruentiam; dicere autem prius tempore assumptam fuisse animam quam carnem est hæreticum: sicut etiam dicere prius fuisse à verbo carnem assumptam, quam anima vnitam.
- 1323 Simpliciter, & absolute vnio diuinarum personarum in vna natura est omnium maxima, & ideo superat vnionem hypostaticam quæ est in Christo, quamquam hoc superat dignitate omnes vniones creatas.
- 1324 Humanitas in Christo habet propriā, & creatam existentiam, & videtur non posse existere existentia verbi, tum ex parte ipsius naturæ, tum ex parte verbi.
- 1325 Existencia naturæ humanæ in Christo non habuit omne suum complementum, & perfectionem; quia caret perfectione subsistentiæ, quæ propriè conuenit substantiæ.
- 1326 Nullo modo dicendum est essentiam esse rationem terminandi assum-

assumptionem; sed necesse est dicere rationem terminandi formaliter esse aliquam proprietatem personalem filij.

1327 Nulla creatura naturaliter potest alienam suppositare naturam; quo fit, ut longe à veritate aberrant, qui existimarunt Isaac, & Iacob fuisse Angelos incarnatos, & qui putant Antichristum fore Diabolum incarnatum.

1328 Si suppositum distinguitur realiter à natura, ut res à re; nulla est implicatio quominus possit alienum suppositum creatum, alienam suppositare naturam.

1329 Si verò suppositum non distinguitur à natura nisi ut modus à re, cuius est modus; dicendum est adhuc posse ab ea separari, & alienam naturam suppositare per diuinam potentiam.

1330 Natura diuina, ut nudè concipitur sub conceptu essentia, sine subsistentia, non potest terminare naturam humanam: potest autem, ut concipitur subsistens abstractis personalitatibus.

1331 Si subsistentia sumatur pro actu substantia; videtur necessario dicendum dari communem, & absolutam subsistentiam, quae sit perfectè singularis, & integra natura subsistentis, ex qua non modo dicitur una diuinitas; sed unus Deus, & unus habens Deitatem communicabiliter quidem; sed singulariter.

1332 Implicat quod tres diuinae personae assumant eandem numero naturam ad unionem hypostaticam, seu substantialem: Quod autem tres personae eandem assumere naturam possint; nulla est implicatio.

1333 Si una persona plures assumpsisset humanitates; esset unus homo habens plura corpora, & plures animas, & secundum unam potuisset esse verbi gratia Ioannes, & secundum alteram Christus, secundum unam mortuus, secundum aliam viuus.

1334 Tunc vera esset praedicatio, Ioannes est Christus: & ita si idem verbum assumpsisset naturam Petri, & Angeli; verum esset dicere Petrum esse hominem, & Angelum.

1335 Potuisset verbum assumere animam sine corpore; vel corpus sine anima: & tunc fuisset homo per synecdochen.

1336 Potuisset etiam assumere materiam primam solam, solam formam substantialem corruptibilem, item accidentia non modo in subiecto; sed etiam in se.

1337 Si verbum assumpsisset accidentia in se, non potuisset ipsa hypostaticè

postaticè assumere, unde non fuisset communicatio idiomatum directè, nec in abstracto, nec in concreto; sed in obliquo.

- 1338 Natura humana à singularibus auulsa eo modo, quo referente Aristotele posuit ideas Plato, inassumpsibilis est: potuit tamen assumi eo modo quo est in idea diuina; sed non ut est species, & natura specifica, logicè loquendo.
- 1339 Certa fide credendum est corpus Christi fuisse verum corpus non coeleste, sed compositum ex quatuor elementis, & eiusdem rationis cum nostro.
- 1340 Eadem fide credendum est humanitatem Christi certum sibi locū postulasse, nec posse ubique esse, & accepisse Christum optimam, perfectamque corporis dispositionem.
- 1341 Non assumpsit autem vnā ex quatuor complexionibus enumeratis à philosophis; sed ex ijs optimum delibauit: ita ut eius temperamentum esset ex omnibus optimum; ratione cuius habuit eximiā quandam speciem, & pulchritudinem.
- 1342 Assumpsit etiam omnes facultates animæ vegetatiuæ, & famem, & sitim passus est, voluntariè tamen: poterat enim non pati si voluisset: eius autem corpus tamen non haberet principium intrinsecum ægritudinis, erat tamen naturaliter passibile, & mortale, & de facto post multam ætatem naturaliter interijisset per resolutionem, nisi mors violenta allata fuisset.
- 1343 Assumpsit etiam omnes sensus tam interiores, quàm exteriores, eosque perfectissimos, unde habuit passionem, seclusis imperfectionibus, quæ proinde meritò à Hieronymo dicuntur propassiones: nullo tamen modo contraxit fomitem.
- 1344 Christus Dominus ratione humanitatis assumpsit motum localem, & quæ ipsum consequuntur, non tamen concedo hanc propositionem, verbum mouetur, nec per accidens quidem, nec ratione communicationis idiomatum.
- 1345 Christus assumpsit voluntatem humanā, appetitum rationālē, & sensitium sine deformitate, habuitque operationes humanas, & diuinas inter se distinctas: eius autem voluntas efficax, & absoluta fuit totaliter conformis voluntati diuinæ, etiam in materiali volito: quoad actus autem inefficaces potuit dissentire à Deo in volito materiali.

- 1346 Voluntas creata Christi fuit propriè & Verè capax præcepti^r quæ ratione fuit subiectus legi æternæ, & naturali, consequenter legi Decalogi, quatenus continet præcepta naturalia.
- 1347 Christus Dominus nulli legi humanæ, neque ulli legi positivæ fuit subiectus, etiamsi vniuersaliter omnes obligaret, siue esset Moisaica, siue Euangelica.
- 1348 Voluntas creata Christi fuit capax præcepti positivi; quod illi peculiariter impositum est à patre, nimirum prædicandi Euangelium, redimendi genus hominum satisfaciendi pro illis.
- 1349 Voluntas Christi Domini habuit libertatem quoad substantiam in bonis operationibus, in ordine autem ad actiones præceptorum lege naturæ non habuit perfectam libertatem contradictionis, quia erant necessariæ posita vnione hypostatica.
- 1350 Ratione præcepti positivi redimendi genus humanum & subeundi mortem pro illo habuit libertatem, quatenus id facere voluisset: etiamsi sibi præceptum non fuisset, & quatenus fecit cum intensiori amore quàm teneretur.
- 1351 Christus Dominus caruit omni peccato tum originali tum actuali: originali quidè, quia non fuit conceptus ex semine Adæ; actuali autem propter vnionem hypostaticam.
- 1352 In conceptione Christi transmissio sanguinis ad locum generationis facta fuit in tempore: at cum primum BEATA VIRGO præbuit consensum, in instanti materia illa sanguinis preparata est vi Spiritus sancti, fuit organizata, & disposita in quantitate necessaria ad animam recipiendam, & in eodem instanti infusa est anima, & facta vnio.
- 1353 Ordine intensiōis prius assumptum est totum, quàm partes; ordine executionis, prius partes quàm totum, & sic sunt medium: potuit autem dissolui totum non dissolutis partibus, vt accidit in triduo mortis.
- 1354 Ante omnem gratiam creatam, & omne donum intelligimus animam Christi Domini esse infinitè gratam Deo, & seclusa quacunque gratia creatæ, non potest anima Christi non esse grata, & accepta Deo: vnde etiamsi ea careret, tamen eius operationes essent infinitè meritoria.
- 1355 Seclusa gratia creatæ, potuisset anima Christi ordinari ad glo-

riam: illam autem habere de facto, catholica fide constat.

- 1356 In Christo Domino fuerunt ab instanti sua conceptionis habitus infusi virtutum moralium, & intellectualium tum infusorum, tum acquisitorum, quæ quidem non repugnēt dignitati Christi, qui fuerunt necessarij ad tribuendum esse formale illarum virtutum.
- 1357 In Christo actus virtutum non potuerunt intendere habitus; sed tantum ponere maiorem facilitatem in corpore: habuit autem præterea etiam habitus qui sunt circa passionem secundum statum perfectum excludentem omnem passionem.
- 1358 In Christo Domino non fuit fides, ut dicit obscuritatem; sed ut dicit fidelitatem, & veracitatem, nec spes in ordine ad beatitudinem; sed in ordine ad glorificationem corporis.
- 1359 Habuit præterea omnes gratias gratis datas spectantes ad cognitionem, nempe prophetiam, discretionem spirituum, interpretationum sermonum, sensum scripturarum, & gratias sermonis, scilicet sermonem sapientie, sermonem scientie, donum linguarum, & hæc permanentes, quod non est concessum prophetis.
- 1360 Habuit etiam speciali modo omnes gratias consistentes in operatione, scilicet gratiam sanctorum, & operationum virtutum, quæ omnia fuerunt illi concessa diuinitus.
- 1361 Ex quo apparet prorsus reiiciendos esse asserentes Christum Dominum arte Magica, vel Astronomia, vel qualitate corporea miracula patrasse: fuit enim tantum humanitas ipsa per potentiam obedientialem à Deo ad quemcunque miraculosum effectum producendum eleuata.
- 1362 Hæc virtus concurrebat ad miracula, ut instrumentum Verbi per modum agentis physici; & nunc est in ipsius humanitate, & potest ab eo creatura communicari non modo quoad effectum; sed etiam quoad modum.
- 1363 Gratia Christi Domini secundum esse physicum est eiusdem rationis cum gratia quam habent iusti; in ipso tamen fuit plenitudo gratie qualis nec fuit, nec esse potest in ulla creatura de potentia ordinaria.
- 1364 Gratia Christi Domini secundum acceptionem, & secundum suppositum, & meritum potest dici infinita; at verò secundum esse physicum, nullo modo dicitur esse infinita; dicitur tamen summa de potentia: & lege Dei ordinaria.

- 1365 Gratia Christi habitualis non præcessit unionem tamquam dispositione necessaria, neque fuit naturaliter ab unionem tamquam à diuino supposito; cum tamen possit dici naturaliter Christi hominis.
- 1366 Gratia Christi dicitur prima omnium gratiarum ordine dignitatis, & causalitatis: & ideo Christus dicitur caput omnium prædestinatorum,
- 1367 Gratia Christi habet omnimodam perfectionem, & propterea maxime spectat ad gratiam capitis non solum intensiue, & intrinsecè; sed etiam extensiue, & extrinsecè in ordine ad alios.
- 1368 Influxus gratiæ Christi Domini non videtur spectare ad gratiam sanctificantem Angelos: unde Christus non est mortuus pro Angelis, nec pro Daemonibus; cum tamen dicatur illorum caput: quia in illos influxit illuminationes, & gaudia accidentalia.
- 1369 Christi gratia est causa vniuersalis physice influens in gratiam iustificantem, & alia dona, quæ conferuntur post incarnationem: moralis verò gratiæ sanctorum Patrum, qui illam præcesserunt, non tamen per modum impetrationis.
- 1370 Scientia quæ formaliter est in Deo, non potest communicari creaturæ; unde Christus in quantum homo non habet scientiam diuinam.
- 1371 Christus Dominus ab instanti conceptionis suæ habuit scientiam beatorum, ac proinde fuit comprehensor: præter hanc, est alia scientia ex suo genere infusa.
- 1372 Christus Dominus est caput omnium hominum tum quoad diuinitatem, tum quoad humanitatem, & quantum ad corpus, & quantum ad animam influendo dona sua in nos & quoad corpus, & quoad animam.
- 1373 Gratia Christi Domini secundum quod est caput, est eiusdem rationis cum gratia ipsius in quantum est singularis homo.
- 1374 Esse caput Ecclesiæ propria auctoritate secundum omnem locum, tempus, & statum, est proprium Christi; esse autem caput secundum omnem locum, sed non secundum omne tempus & statum, est proprium summi Pontificis: at esse caput secundum aliquem locum, est Prælatorum.
- 1375 Caput dicit tria, ordinem, perfectionem, & virtutem influendi: omnibus hiis modis Diabolus dicitur caput omnium malorum, secundo

cundo Verò modo *Antichristus* dicitur caput omnium malorum .

- 1376 *Anima Christi* non comprehendit verbum per suam cognitionem, cognoscit autem in ipso omnia quæ videt scientia visionis, non tamen omnia quæ videt scientia simplicis intelligentiæ; & quantumvis hæc cognouissent verbum; tamen non comprehendet.
- 1377 *Anima Christi* cognouit in verbo infinita non actu; sed potentia: vidit autem ipsum clarius quacumquæ alia creatura.
- 1378 *Christus Dominus* per scientiam infusam omnia etiam in singulari cognoscit: cognoscit autem quacumquæ videt verbum scientia visionis præter diuinam essentiam.
- 1379 *Anima Christi* secundum hanc scientiam poterat intelligere sine conuersione ad phantasmata prout volebat.
- 1380 Eadem scientia ex ratione sua speciei non habet discursum; sed omnia simplici intelligentiæ representabat: tamen si quando volebat discurrebat, non deueniendo in cognitionem ignoti ex cognito; sed tantum quod verum est concludendo.
- 1381 Hæc ipsa scientia fuit in *Christo* multo excellentior quàm scientia angelorum quantum ad id quod se tenet ex parte Dei influentis, quantum ad multitudinem cognitorum, & claritatem cognitionis: quantum verò ad modum cognoscendi ex parte subiecti, est imperfectior illa.
- 1382 *Christus Dominus* per scientiam acquisitam sciuit omnia quæ illustrari possunt lumine intellectus agentis; non tamen omnia simpliciter: non enim sicut essentias substantiarum separatarum, nec singularia præterita, præsentia futura.
- 1383 In hac scientia ipse profecit secundum experientiam, nec secundum hanc scientiam nihil vnquam didicit, nec ab homine, nec ab Angelis.
- 1384 *Christi anima* non habet omnipotentiam simpliciter, vt talis est: immo nec habet potentiam instrumentalem annihilandi, aut creandi.
- 1385 Habuit tamen anima *Christi* secundum propriam naturam potentiam ad faciendos illos effectus, vt est corporis gubernatio, & regimen.
- 1386 Et vt instrumentum coniunctum diuini suppositi habuit instrumentalem virtutem ad omnes mutationes miraculosas ordinabiles ad finem

ad finem incarnationis, qui est omnia instaurare, siue quæ in cælis,
siue quæ in terris.

1387 Anima Christi Domini secundum propriam virtutem: non habuit omnipotentiam respectu proprii corporis; sed ratione diuini suppositi.

1388 Quicquid Christus voluit per se adimplendum, potuit propria virtute, vel naturali, vel gratuita: quicquid verò voluit faciendum, diuina virtute potuit facere instrumentaliter, vt instrumentum verbi diuini.

1389 In Christo, nec fuit, nec potuit esse peccatum, nec vt in Deo, nec vt in homine: si tamen per impossibile natura humana peccasset, actus peccati supposito tribuendus esset.

1390 Ei soli ablatas est fomes (Beatissimam VIRGINEM semper excipio) alijs verò sanctis viris quantumuis heroicis virtutibus claruerint; ablatum non esse planè sentio.

1391 Christus Dominus non habuit ignorantiam earum rerum, quæ ad suum statum, & conditionem pertinent, quia venit illuminare his, qui in tenebris, & umbra mortis sedent.

1392 Non potuit etiam de potentia Dei habere ignorantiam, aut errorem positium, nec practicum, nec speculatiuum, nec culpabilem, nec inculpabilem.

1393 Anima Christi Domini fuit passibilis passione corporali: immo etiam animali: quæ tamen passiones differebant à passionibus nostris, quantum ad obiectum, principium, & effectum.

1394 Christum Dominum habuisse sensibilem appetitum constat ex illo, quia dolores nostros ipse tulit: est autem dolor non in membro læso; sed in appetitu sensitiuo tanquam in subiecto.

1395 Verus dolor à sola imaginatione mali presentis proficisci non potest, sed tunc est tristitia: ad ipsum autem requiritur læsio realis.

1396 Fuit etiam in Christo tristitia, & timor quantum ad motum appetitus sensitiui ex malo futuro apprehenso, non tamen secundum incertitudinem futuri euentus: hunc autem timorem magis propriè possumus dicere pauorem.

1397 Præterea fuit in ipso admiratio orta ex ignorantia opposita scientia experimentalis, & ira per zelum secundum ordinem iustitiæ.

1398 Hæc propositio, Deus est homo, vera est: ita vt Deus supponat pro

pro filio, homo pro vero homine, & est in materia necessaria: eodem modo vera est hæc propositio, homo est Deus.

1399 Nomina concreta significantia naturas vt Deus, homo, vel proprietates naturalium, vt æternus temporaneus, vel actiones, vt creat, gubernat, vel passiones vt crucifigatur, transfigitur; reciprocè predicantur.

1400 Quæ vero in ipso Domino sunt vnius naturæ non predicantur de altera in abstracto significata: nomen autem abstractum naturæ diuinæ significans naturam diuinam, vel eius proprietatem, sicut predicatur de verbo; ita predicatur de filio hominis in concreto: & ideo rectè dicimus filius hominis homo, Christus est Deitas, immortalitas, æternitas.

1401 Abstractum nomen naturæ humanæ nõ predicatur de filio Dei, nec de filio hominis, etiam in concreto non solum formaliter, sed nec identicè quidem: vnde falsa hæc propositio, filius Dei, aut filius hominis, siue Christus est humanitas.

1402 Idiomatum communicatio, & proprietatum non in hoc consistit quod quicquid conuenit naturæ humanæ, conueniat hypostasi diuinæ; sed in hoc quod quicquid conuenit homini, conuenit personæ diuinæ.

1403 Vera est hæc propositio, Deus factus est homo; sed hæc propositio homo factus est Deus, simpliciter falsa est; nisi exponatur factum est, vt homo esset Deus.

1404 Item falsa est hæc propositio, Christus, vel homo iste est recens: cum vera sit hæc, Deus recenter factus est homo.

1405 Absolutè non est dicendum, Christus est creatura; sed ponenda est limitatio, hoc est per synecdochen secundum humanam naturam.

1406 Ea quæ sunt naturæ humanæ; de quibus dubitari non potest an conueniant personæ diuinæ secundum seipsam, possunt simpliciter asseri de Christo, vt Christum esse passum, mortuum.

1407 Ea verò de quibus dubitari potest an illi conueniant ratione humanæ naturæ, an verò ratione diuini suppositi, debent asseri de Christo, cum determinatione secundum humanam naturam.

1408 Falsa est simpliciter hæc, iste homo, demonstrato Christo, cæpit esse, quia homo supponit pro supposito verbi æterni.

1409 Vera est ista, Christus secundum naturam humanam est creatura, falsa

ra, falsa hæc Christus secundum quod homo est creatura, & hæc, Christus secundum quod hic homo est creatura.

I 410 Falsa est hæc, Christus secundum quod homo est Deus; sed vera est hæc, Christus secundum quod hic homo est Deus.

I 411 Hæc propositio, Christus secundum quod homo est hypostasis, vel persona, si homo reduplicat suppositum vera est, si homo reduplicat naturam falsa est, simpliciter autem neganda est potius.

I 412 Hæc propositio, Christus secundum quod hic homo est hypostasis, est concedenda potius, quam neganda, quia homo supponit pro supposito.

I 413 Falsa est hæc propositio, Christus est tantum, vel solum homo, vel est tantum, vel solum Deus: vera est hæc, Christus est tantum id quod est homo, & id quod est Deus: vel is tantum, qui est homo, vel is, qui est Deus.

I 414 Catholica fide constat in Christo Domino duas esse voluntates, alteram diuinam, alteram humanam, & hanc illi fuisse subiectam atque conformem.

I 415 Sensualitatem etiam, seu sensitiuum appetitum habuit: ratione cuius dixit Tristis est anima mea usque ad mortem; qui in omnibus fuit conformis rationi: unde excludimus ab ipso primos motus inde liberatos.

I 416 Vnus est habitus scientiæ Christi Domini, cuius actum, vel actus etiam si non penderet, vel dependeret à phantasmate: semper etiam in somnis exercuit.

I 417 Lumen scientiæ infusæ in Christo Domino, distinguitur essentialiter à lumine gloria: est autem eiusdem rationis cum lumine prophetico perfectissimum, nisi quod lumen propheticum est per modum transeuntis, hoc verò per modum permanentis.

I 418 Nullo modo existimandum est communicationem idiomatum positam esse in reali communicatione diuinorum attributorum: necesse est tamen admittere in Christo aliquam communicationem idiomatum propter unitatem suppositi.

I 419 Propositio hæc, Deus est passus carne, vel per carnem, vera est, sed falsa hæc, Diuinitas est passa in carne, vel per carnem.

I 420 Admitto hanc, Christus est diuinitas in sensu identico non formalis, si Christus supponat pro supposito Verbi: non tamen omnia,

quæ sunt in Christo sunt diuinitas : contra falsa est hæc , caro , vel anima Christi est diuinitas .

- 1421 Damna ta est hæc propositio, Diuinitas passæ est , mortua est ; sed Catholica hæc , Diuinitas est incarnata .
- 1422 Hæc propositio , Deus est homo , si Deus supponat pro supposito Verbi non quocunque tempore , sed post incarnationem ; est in materia naturali , & necessaria .
- 1423 Eadem propositio reduplicatiuè sumpta non est concedenda : eo autem modo , quo conceditur est per se ad eum modum quo forma predicatur de suo supposito , vt filius , est Deus .
- 1424 Hæc propositio , Homofactus est Deus , si in ea homo supponat pro homine subsistente , falsa est , & hæretica : est autem in ipsa supposito , non simplex , sed personalis .
- 1425 Omnes Christi Domini operationes fuerunt humanae scilicet intelligere , velle , imaginari , sentire , tendere deorsum præ corporis gravitate : quæ tamen , præter tres primas , in cæteris hominibus non sunt humanae .
- 1426 Christus Dominus habuit per meritum , quicquid habuit per meritum quilibet alius homo : dummodo carentia illius non dicat imperfectionem in ipso .
- 1427 Vnde Christus sibi non meruit gratiam neque scientiam , neque beatitudinem animæ , nec diuinitatem , quia si hæc meruisset , illis caruisset , quod derogat eius excellentiæ .
- 1428 Christus Dominus meruit sibi gloriam corporis , & ea , quæ spectant ad exteriorem excellentiam , vt resurrectio , ascensio , & similia , quibus certum est ipsum aliquando caruisse .
- 1429 Meritum Christi Domini se extendit ad alios prout sunt eius membra : nam in ipso fuit gratia non solum vt in homine singulari ; sed etiam vt in capite totius Ecclesiæ .
- 1430 Meritum Christi Domini fuit perfectæ iustitiæ qualis esse potest inter Deum , & hominem : non potuit autem mereri actione diuina , nec potuisset humana , si illa libera non fuisset .
- 1431 Nullo modo dicendum est Christum Dominum meruisse formaliter per actiones partis sensitiuæ : materialiter autem potuit , quatenus illæ actiones erant imperate à voluntate .
- 1432 Christus non meruit per actiones partis inferioris animæ rationalis ,

- alis, neque per actus amoris beatificat; sed per proprios actus tanquam viatoris.
- 1433 Meritum Christi fuit vnica actio, cuius principium fuit oblatio Christi sui ipsius ad patrem in instanti conceptionis, quo meruit quicquid meruit continuatè non solum moraliter; sed etiam physice vsque ad mortem.
- 1434 Christus non meruit nobis nostram salutem per mortem suam, nisi quatenus prauisam, & prauolitam, & oblatam Deo patri, & quatenus dicit vnam passionem cum passione mortè antecedente.
- 1435 Christus Dominus per resurrectionem, & ascensionem non meruit, ipsa tamen fuerunt causa exemplaris nostra resurrectionis, & glorificationis.
- 1436 Non est dicendum actiones Christi Domini fuisse ab ipso ordinatas, & à patre acceptas in ordine ad premium infinitum.
- 1437 Meritum Christi Domini entitative fuit finitum: quatenus verò manabat à diuino supposito potest dici infinitum, non solum omnibus actionibus Christi collectivè sumptis, verum etiam singulis.
- 1438 Meritum Christi fuit infinitum sicut est omnipotentia Dei: quia neutrum illorum habet obiectum suum adequatum sibi correspondens.
- 1439 Omnes actiones Christi Domini siue naturales, siue supernaturales fuerunt meritoria: meruit igitur Christus, etiam dormiendo.
- 1440 Christus non meruit sibi prædestinationem suæ incarnationis, nec mereri potuit etiam de potentia Dei absoluta.
- 1441 Potuit sine dubio Christus Dominus mereri sibi continuationem incarnationis, posita ipsa incarnatione, sicuti iusti merentur augmentum gratiæ.
- 1442 Si loquamur de possibili, potuit Christus Dominus in eodem instanti conceptionis habere gratiam, & gloriam, ita vt meritum sit tantum natura prius, quam premium.
- 1443 Quantumuis Christus aliquid sibi meruerit, & omnem mercedem sibi fecerit debitam de rigore iustitiæ; tamen non dicitur pro se satisfecisse.
- 1444 Christus Dominus non satisfecit immediate pro culpa nostra, ita vt fecerit remissionem culpæ nobis ex iustitia debitam absque ullo opere nostro: & oppositum sentire est hæreticum.

- 1445 Satisfactio Christi est infinita non solum ratione suppositi; sed etiam ratione operis exerciti, dicitur habere quandam infinitatem saltem negatiuam.
- 1446 Si subiectio consideretur secundum diuersitatem suppositorum, hæreticum est dicere Christum sibi ipsi fuisse subiectum.
- 1447 Si verò subiectio consideretur secundum diuersitatem naturarum; vera est hæc propositio, Christus est sibi ipsi subiectus.
- 1448 Christus Dominus dicitur subiectus, & seruus patris tripliciter: secundum bonitatem, secundum seruitutem, & secundum obedientiam.
- 1449 Christus orauit patrem non voluntate diuinæ, sed humanæ, non secundum diuinitatem; sed secundum humanitatem: personæ enim diuinæ non possunt se inuicem orare.
- 1450 Oratio eius ab oratione nostra differebat primum, quia ipse orabat ad alienum exemplum, nos ad propriam vtilitatem: deinde quia eius oratio efficax semper adimpletur: nostra vero non semper.
- 1451 Christus non orauit secundum sensualitatem; ita vt ipsa oratio esset actus elicitus sensualitatis: dicitur tamen orasse secundum sensualitatem, prout oratio eius orando expressit affectum sensualitatis ad nostram instructionem.
- 1452 Periculosum esset negare orationes quas Christus, & sancti beati effundunt, prodesse animabus existentibus in purgatorio.
- 1453 Christus Dominus fuit Sacerdos, & Rex, & Legislator: fuit autem Sacerdos proprie quidem, non tamen Leviticus, aut ex ordine Aaronico; sed secundum ordinem Melchisedech.
- 1454 Non est dicendum Christum fuisse Sacerdotem secundum diuinitatem, & victimam secundum humanitatem.
- 1455 Postquam ascendit in cælum orauit, orat, & orabit pro nobis vsque ad diem iudicii, non solum representando patri suas actiones meritorias, quas fecit in hac vita; sed etiam preces offerendo, non tamen stendo, nec quicquam indignum beatitudine faciendo.
- 1456 Martyrum passionem non habent rationem sacrificij sicut passio Christi Domini: sciendum autem est iure diuino, & naturali prohibitum esse immolare homines.
- 1457 Christus Dominus recepit aliquos effectus sui sacerdotij, scilicet gloriam resurrectionis, vel certe secundum corpus suum mysticum.

- 1458 *Christus absolute dicendus est filius naturalis Dei, non adoptiuus, immo etiam, ut homo iustus, non est absolute dicendus filius adoptiuus.*
- 1459 *Si quis tamen recte distinguat ea quae in Christo sunt, potest vere dicere Christum, ut hominem esse filium Dei adoptiuum, quatenus filiationem, quam habet, siue ratione gratiae unionis, siue ratione gratiae infusae, habet à gratuita Dei voluntate.*
- 1460 *Christus Dominus simpliciter, & absolute potest dici praedestinatus, & in quantum homo potest dici praedestinatus, tum in ordine ad gratiam, tum in ordine ad gloriam.*
- 1461 *Non potest absolute dici, filius Dei est destinatus, aut praedestinatus; sed recte dicimus praedestinatus est, ut filius Dei fieret homo.*
- 1462 *Deum sibi adoptare creaturas in filios, catholica fide credendum est, & hanc esse veram adoptionem indubitanter tenendum est.*
- 1463 *Adoptare, conuenire toti Trinitati de fide est, appropriatur tamen primae personae: unde dicimur fratres, & filij Christi.*
- 1464 *Adoptari, est proprium creaturae rationalis, & hoc per gratiam, & charitatem, & inde Angeli dicuntur filij Dei.*
- 1465 *Patres Veteris testamenti qui Deo placuerunt, fuisse verè, & propriè filios Dei adoptiuos, Catholica fides docet.*
- 1466 *Iusti, & sancti legis Euangelicae perfectiori, & excellentiori modo adepti sunt filiationem Dei adoptiuam, quam patres Veteris testamenti; etiam stante aequali sanctitate, & iustitia.*
- 1467 *Quamuis patres Veteris testamenti verè, & propriè fuerint filij adoptiui Dei; dicuntur tamen per tropum, & figuram ad nos comparati.*
- 1468 *Dicere praescitos, & reprobos in gratia existentes non esse filios Dei, est temerarium, & haeticum.*
- 1469 *Soli praedestinati dum existunt in gratia sunt perfectè, & vnde quaque filij Dei: beati vero in patria sunt perfectissimè filij Dei.*
- 1470 *Praedestinati, cum sunt in peccato mortali, non sunt appellandi filij Dei, nisi cum hac limitatione, secundum praedestinationem.*
- 1471 *Deus simpliciter magis diligit praedestinatum quam praescitum, tamen magis diligit praescitum in gratia, quam praedestinatum existentem in peccato pro eo tempore.*
- 1472 *Christus Dominus prout includit naturam humanam, & diui-*

- nam simul, & prout dicit diuinam tantum, est adorandus adoratione Latriæ, eius autem humanitas seclusa diuina persona, & relatione ad ipsam, non est adoranda adoratione Latriæ.
- 1473 Christus, ut Verbum caro, vnica adoratione Latriæ adorandus est: eius autem humanitas adoranda est huiusmodi adoratione, non per accidens; sed per se secundo.
- 1474 Humanitas auulsa à verbo, & solum habens relationem ad ipsum, non est adoranda adoratione Latriæ; sed Hyperdulia.
- 1475 Christus, ut homo est capax adorationis, quæ dicitur hyperdulia: adoratio autem ipsius propriè loquendo vna est, etiam si adoratio humana, & diuina in ipso distinguuntur.
- 1476 Adorans Christum adoratione duliæ, suspectus est de hæresi, quia Ecclesia tum adorat adoratione latriæ, ut Deum, & hyperduliæ, ut hominem.
- 1477 Dulia, & hyperdulia non distinguuntur specie; sed tantum sicut excellens, & minus excellens: & latria, & dulia magis distinguuntur.
- 1478 Si quis sit actus duliæ ortus ex motu diuino, spectat ad habitum latriæ, ut actus quo quis diligit proximum propter Deum, spectat ad charitatem eandem qua diligit Deum.
- 1479 Dulia quæ est ex motu creato, non videtur pertinere ad eandem virtutem, & speciem actus latriæ; sed ad virtutem obseruantie (ut vocat Sanctus Doctor): omnes autem isti actus imperantur à religione.
- 1480 Angeli Sancti aliquo cultu, & veneratione digni sunt: hic autem cultus est inferior latriæ, & hyperduliæ; & est dulia, & superior quocunque cultu ciuili.
- 1481 Vsus imaginum Christi, & Sanctorum est per se laudabilis, & honestus, & hæreticè collocantur in templis, & nusquam melius.
- 1482 Certa fide credendum est imagines esse aliquo cultu colendas, adorantur autem propter extrinsecam rationem; per se tamen, & propriè, non per accidens, & abusiue.
- 1483 Si modum loquendi perpendamus, dicendum est nullam imaginem adorandam esse adoratione latriæ, vnde non est adoranda adoratione prototypi; sed adoratione longe inferiori.
- 1484 Cultus qui debetur imagine pertinet analogicè, & secundum quan-

quandam imperfectionem ad cultum prototypi, quia est eadem adorationis ratio.

1485 *Actus siue internus, siue externus, qui, vel ex natura rei, vel ex accomodatione vsus proprius est latræ, nulla ratione nisi metaphorice conuenit imagini.*

1486 *Non est eadem planè ratio adorationis hominis, & imaginis Dei, quod si quis feratur in hominem, ut imaginem Dei; licet illi adorare adoratione latræ Deum in illo homine.*

1487 *Quod de imaginibus diximus, etiam de nominibus sentiendum est, signa autem noui testamenti, & signum Columbæ, Agni, eodem modo adoranda sunt quo imagines.*

1488 *Vsus, & cultus reliquiarum pius est, & laudabilis, & honestus & pertinet ad eundem fermè cultum, quo Sancti adorantur.*

1489 *Lignum Crucis, in qua Christus mortuus est, tanquam reliquia seruari, & coli debet: idem dicendum de clauis quibus fixus, & spinis quibus coronatus fuit.*

1490 *Vsus imaginis Crucis, qui est apud fideles siue permanenter, siue transeunter, ut quo nos signamus; laudabilis est, & religiosus.*

1491 *Mysterium Natiuitatis quod scilicet Deus nasceretur; non potuit manifestari euidenti visione sine visione Deitatis: quo fit ut quicumque Christum viderunt, eius fidem diuinitatis non amiserunt.*

1492 *Temerarium est asserere ex syderum constellationibus Christi Domini natiuitatem, vel mortem, vel cetera eius vitæ mysteria potuisse prænosci.*

1493 *Stella dux Magorum nõ ex illis erat quæ ab initio create, itinerum suorum ordinem sub creationis lege custodiunt; sed nouo Virginis partu, nouum sydus apparuit.*

1494 *Ea quæ præcipuè docet doctrina Christi euidentia non sunt: ipsa tamen etiam si nec ratio, nec experientia euidentiam præbeat adherere, & assentiri, non leuitatis est; sed summæ prudentiæ.*

1495 *Plura miracula patrarunt Apostoli quam Christus, quod tamen cedit in maiorem illius gloriam, & liberalitatis laudem.*

1496 *Miracula Christi fuerunt sufficientia ad eius manifestandam diuinitatem, tum ex specie operum quæ faciebat, tum ex materia, tum ex ipsius doctrina.*

1497 *Christus Dominus non transfiguratus fuit secundum substantiam,*

neret non saluaretur ratio vnionis hypostaticæ.

- 1316 Filius Dei debuit, sicut etiam fecit assumere naturam humanam in athomo, non autē in omnibus indiuiduis, & hanc ex stirpe Adæ.
- 1317 Sanguis in Christo Domino fuit vnitus verbo diuino hypostatice, licet autem ipse sanguis non esset pars humanæ naturæ, & haberet formam distinctam, non tamen cogimur dicere assumpsisse duas naturas.
- 1318 Eadem ratione licet filius Dei in triduo mortis assumpsit naturam cadaueris; assumpsit tamen non per se, sed consecutiue vnde eam dimisit.
- 1319 Licet sanguis vnitus diuinitati esset suppositum, & natura distincta: non tamen compellimur confiteri illum sanguinem esse Deum; idem dicendum de anima, & corpore vnitis diuinitati in triduo mortis.
- 1320 Ex eo quod sanguis esset vnitus diuinitati, non sequitur totum sanguinem vnitum fuisse diuinitati post resurrectionem.
- 1321 Secundum ordinem temporis in mysterio incarnationis non existit aliquod medium, quia tota natura humana verbo vnita fuit instanti: Assumpsit autem carnem mediante anima, tum secundū ordinem dignitatis, tum secundum ordinem causalitatis quantum ad fieri, non quantum ad esse.
- 1322 Verbum assumpsit animam mediante mente ob dignitatem, & congruentiam; dicere autem prius tempore assumptam fuisse animam quam carnem est hæreticum: sicut etiam dicere prius fuisse à verbo carnem assumptam, quam animam vnitam.
- 1323 Simpliciter, & absolute vnio diuinarum personarum in vna natura est omnium maxima, & ideo superat vnionem hypostaticam quæ est in Christo, quamquam hoc superat dignitate omnes vniones creatas.
- 1324 Humanitas in Christo habet propriam, & creatam existentiam, & videtur non posse existere existentia verbi, tum ex parte ipsius naturæ, tum ex parte verbi.
- 1325 Existentia naturæ humanæ in Christo non habuit omne suum complementum, & perfectionem; quia caret perfectione subsistentiæ, quæ propriè conuenit substantiæ.
- 1326 Nullo modo dicendum est essentiam esse rationem terminandi assum-

*assumptionem; sed necesse est dicere rationem terminandi forma-
liter esse aliquam proprietatem personalem filij.*

1327 *Nulla creatura naturaliter potest alienam suppositare naturam;
quo fit, ut longe à veritate aberrant, qui existimarunt Isaach, &
Iacob fuisse Angelos incarnatos, & qui putant Antichristum fo-
re Diabolum incarnatum.*

1328 *Si suppositum distinguitur realiter à natura, ut res à re; nul-
la est implicantia quominus possit alienum suppositum creatum, alien-
am suppositare naturam.*

1329 *Si verò suppositum non distinguitur à natura nisi ut modus à
re, cuius est modus; dicendum est adhuc posse ab ea separari, & a-
lienam naturam suppositare per divinam potentiam.*

1330 *Natura divina, ut nudè concipitur sub conceptu essentiae, sine
subsistentia, non potest terminare naturam humanam: potest autem, ut
concipitur subsistens abstractis personalitatibus.*

1331 *Si subsistentia sumatur pro actu substantiae; videtur necessario
dicendum dari communem, & absolutam subsistentiam, qua
sit perfecte singularis, & integra natura subsistentis, ex qua non
modo dicitur una divinitas; sed unus Deus, & unus habens Dei-
tatem communicabiliter quidem; sed singulariter.*

1332 *Implicat quod tres divinae personae assumant eandem numero na-
turam ad unionem hypostaticam, seu substantialem: Quod autem
tres personae eandem assumere naturam possint; nulla est implicatio*

1333 *Si una persona plures assumpsisset humanitates; esset unus ho-
mo habens plura corpora, & plures animas, & secundum unam
potuisset esse verbi gratia Ioannes, & secundum alteram Christus,
secundum unam mortuus, secundum aliam vivus.*

1334 *Tunc vera esset praedicatio, Ioannes est Christus: & ita si idem
verbum assumpsisset naturam Petri, & Angeli; verum esset dice-
re Petrum esse hominem, & Angelum.*

1335 *Potuisset verbum assumere animam sine corpore; vel corpus si-
ne anima: & tunc fuisset homo per synecdochen.*

1336 *Potuisset etiam assumere materiam primam solam, solam for-
mam substantialem corruptibilem, item accidentia non modo in su-
bietto; sed etiam in se.*

1337 *Si verbum assumpsisset accidentia in se, non potuisset ipsa hy-
postaticè*

postaticè assumere, unde non fuisset communicatio idiomatum directè, nec in abstracto, nec in concreto; sed in obliquo.

1338 Natura humana à singularibus auulsa eo modo, quo referente Aristotele posuit ideas Plato, inassumpsibilis est: potuit tamen assumi eo modo quo est in idea diuina; sed non ut est species, & natura specifica, logicè loquendo.

1339 Certa fide credendum est corpus Christi fuisse verum corpus non cœleste, sed compositum ex quatuor elementis, & eiusdem rationis cum nostro.

1340 Eadem fide credendum est humanitatem Christi certum sibi locum postulasse, nec posse ubique esse, & accepisse Christum optimam, perfectamque corporis dispositionem.

1341 Non assumpsit autem unam ex quatuor complexionibus enumeratis à philosophis; sed ex ijs optimum delibauit: ita ut eius temperamentum esset ex omnibus optimum; ratione cuius habuit eximia quandam speciem, & pulchritudinem.

1342 Assumpsit etiam omnes facultates animæ vegetatiua, & sensitiva, & sitim passus est, voluntariè tamen: poterat enim non pati si voluisset: eius autem corpus tametsi non haberet principium intrinsecum ægritudinis, erat tamen naturaliter passibile, & mortale, & de facto post multam ætatem naturaliter interijisset per resolutionem, nisi mors violenta allata fuisset.

1343 Assumpsit etiam omnes sensus tam interiores, quàm exteriores, eosque perfectissimos, unde habuit passionem, seclusis imperfectionibus, quæ proinde meritò à Hieronymo dicuntur propassiones: nullo tamen modo contraxit fomitem.

1344 Christus Dominus ratione humanitatis assumpsit motum localem, & quæ ipsum consequuntur, non tamen concedo hanc propositionem, verbum mouetur, nec per accidens quidem, nec ratione communicationis idiomatum.

1345 Christus assumpsit voluntatem humanam, appetitum rationalem, & sensitivum sine deformitate, habuit què operationes humanas, & diuinas inter se distinctas: eius autem voluntas efficax, & absoluta fuit totaliter conformis voluntati diuinæ, etiam in materiali voluto: quoad actus autem inefficaces potuit dissentire à Deo in voluto materiali.

Voluntas

- 1346 Voluntas creata Christi fuit propriè & verè capax præcepti: quæ ratione fuit subiectus legi æternæ, & naturali, consequenter legi Decalogi, quatenus continet præcepta naturalia.
- 1347 Christus Dominus nulli legi humanæ, neque ulli legi positivæ fuit subiectus, etiamsi vniuersaliter omnes obligaret, siue esset Moysaica, siue Evangelica.
- 1348 Voluntas creata Christi fuit capax præcepti positivi; quod illi peculiariter impositum est à patre, nimirum prædicandi Euangelium, redimendi genus hominum satisfaciendi pro illis.
- 1349 Voluntas Christi Domini habuit libertatem quoad substantiam in bonis operationibus, in ordine autem ad actiones præceptorum lege naturæ non habuit perfectam libertatem contradictionis, quia erant necessaria posita vñione hypostatica.
- 1350 Ratione præcepti positivi redimendi genus humanum & subeundi mortem pro illo habuit libertatem, quatenus id facere voluisset: etiamsi sibi præceptum non fuisset, & quatenus fecit cum intensiori amore quàm teneretur.
- 1351 Christus Dominus caruit omni peccato tum originali tum actuali: originali quidè, quia non fuit conceptus ex semine Adæ; actuali autem propter vñionem hypostaticam.
- 1352 In conceptione Christi transmissio sanguinis ad locum generationis facta fuit in tempore: at cum primum BEATA VIRGO præbuit consensum, in instanti materia illa sanguinis præparata est vi Spiritus sancti, fuit organizata, & disposita in quantitate necessaria ad animam recipiendam, & in eodem instanti infusa est anima, & facta vñio.
- 1353 Ordine intensiōis prius assumptum est totum, quàm partes; ordine executionis, prius partes quàm totum, & sic sunt medium: potuit autem dissolui totum non dissolutis partibus, ut accidit in triduo mortis.
- 1354 Ante omnem gratiam creatam, & omne donum intelligimus animam Christi Domini esse infinitè gratam Deo, & seclusa quacunque gratia creatâ; non potest anima Christi non esse grata, & accepta Deo: vnde etiamsi ea careret, tamen eius operationes essent infinitè meritoria.
- 1355 Seclusa gratia creatâ, potuisset anima Christi ordinari ad glo-

riam: illam autem habere de facto, catholica fide constat.

- 1356 In Christo Domino fuerunt ab instanti sua conceptionis habitus infusi virtutum moralium, & intellectualium tum infusorum, tum acquisitorum, quæ quidem non repugnēt dignitati Christi, qui fuerunt necessarij adtribuendum esse formale illarum virtutum.
- 1357 In Christo actus virtutum non potuerunt intendere habitus; sed tantum ponere maiorem facilitatem in corpore: habuit autem præterea etiam habitus qui sunt circa passionem secundum statum perfectum excludentem omnem passionem.
- 1358 In Christo Domino non fuit fides, ut dicit obscuritatem; sed ut dicit fidelitatem, & veracitatem, nec spes in ordine ad beatitudinem; sed in ordine ad glorificationem corporis.
- 1359 Habuit præterea omnes gratias gratis datas spectantes ad cognitionem, nempe prophetiam, discretionem spirituum, interpretationum sermonum, sensum scripturarum, & gratias sermonis, scilicet sermonem sapientiæ, sermonem scientiæ, donum linguarum, & hæc permanenter, quod non est concessum prophetis.
- 1360 Habuit etiam speciali modo omnes gratias consistentes in operatione, scilicet gratiam sanitatum, & operationum virtutum, quæ omnia fuerunt illi concessa diuinitus.
- 1361 Ex quo apparet prorsus reiiciendos esse asserentes Christum Dominum arte Magica, vel Astronomia, vel qualitate corporea miracula patrasse: fuit enim tantum humanitas ipsa per potentiam obedientialem à Deo ad quemcunque miraculosum effectum producendum eleuata.
- 1362 Hæc virtus concurrebat ad miracula, ut instrumentum verbi per modum agentis physici; & nunc est in ipsius humanitate, & potest ab eo creaturæ communicari non modo quoad effectum; sed etiam quoad modum.
- 1363 Gratia Christi Domini secundum esse physicum est eiusdem rationis cum gratia quam habent iusti: in ipso tamen fuit plenitudo gratiæ qualis nec fuit, nec esse potest in ulla creatura de potentia ordinaria.
- 1364 Gratia Christi Domini secundum acceptionem, & secundum suppositum, & meritum potest dici infinita; at verò secundum esse physicum, nullo modo dicitur esse infinita: dicitur tamen summa de potentia: & lege Dei ordinaria.

- 1365 Gratia Christi habitualis non præcessit vnionem tamquam dispositio necessaria, neque fuit naturaliter ab vnione tamquam à diuinisupposito; cum tamen possit dici naturaliter Christi hominis.
- 1366 Gratia Christi dicitur prima omnium gratiarum ordine dignitatis, & causalitatis: & ideo Christus dicitur caput omnium prædestinatorum,
- 1367 Gratia Christi habet omnimodam perfectionem, & propterea maximè spectat ad gratiam capitis non solum intensiue, & intrinsecè; sed etiam extensiue, & extrinsecè in ordine ad alios.
- 1368 Influxus gratiæ Christi Domini non videtur spectare ad gratiam sanctificantem Angelos: vnde Christus non est mortuus pro Angelis, nec pro Daemonibus; cum tamen dicatur illorum caput: quia in illos influxit illuminationes, & gaudia accidentalia.
- 1369 Christi gratia est causa vniuersalis physicè influens in gratiam iustificantem, & alia dona, quæ conferuntur post incarnationem: moralis verò gratiæ sanctorum Patrum, qui illam præcesserunt, non tamen per modum impetrationis.
- 1370 Scientia quæ formaliter est in Deo, non potest communicari creaturæ; vnde Christus in quantum homo non habet scientiam diuinam.
- 1371 Christus Dominus ab instanti conceptionis suæ habuit scientiam beatorum, ac proinde fuit comprehensor: præter hanc, est alia scientia ex suo genere infusa.
- 1372 Christus Dominus est caput omnium hominum tum quoad diuinitatem, tum quoad humanitatem, & quantum ad corpus, & quantum ad animam influendo dona sua in nos & quoad corpus, & quoad animam.
- 1373 Gratia Christi Domini secundum quod est caput, est eiusdem rationis cum gratia ipsius in quantum est singularis homo.
- 1374 Esse caput Ecclesiæ propria auctoritate secundum omnem locum, tempus, & statum, est proprium Christi; esse autem caput secundum omnem locum, sed non secundum omne tempus & statum, est proprium summi Pontificis: at esse caput secundum aliquem locum, est Prælatorum.
- 1375 Caput dicit tria, ordinem, perfectionem, & virtutem influendi: omnibus his modis Diabolus dicitur caput omnium malorum, secundo

- cundo Verò modo Antichristus dicitur caput omnium malorum .
- 1376 Anima Christi non comprahendit Verbum per suam cognitionem, cognoscit autem in ipso omnia quæ videt scientia visionis, non tamen omnia quæ videt scientia simplicis intelligentia; & quantumvis hæc cognouissent Verbum; tamen non comprahendet.
- 1377 Anima Christi cognouit in Verbo infinita non actu; sed potentia: vidit autem ipsum clarius quacumquæ alia creatura.
- 1378 Christus Dominus per scientiam infusam omnia etiam in singulari cognoscit: cognoscit autem quacumquæ videt Verbum scientia visionis præter diuinam essentiam.
- 1379 Anima Christi secundum hanc scientiam poterat intelligere sine conuersione ad phantasmata prout volebat.
- 1380 Eadem scientia ex ratione suæ Speciei non habet discursum; sed omnia simplici intelligentia representabat: tamen si quando volebat discurrebat, non deueniendo in cognitionem ignoti ex cognito; sed tantum quod Verum est concludendo.
- 1381 Hæc ipsa scientia fuit in Christo multo excellentior quàm scientia angelorum quantum ad id quod se tenet ex parte Dei influentis, quantum ad multitudinem cognitorum, & claritatem cognitionis: quantum verò ad modum cognoscendi ex parte subiecti, est imperfectior illa.
- 1382 Christus Dominus per scientiam acquisitam sciuit omnia quæ illustrari possunt lumine intellectus agentis; non tamen omnia simpliciter: non enim sicut essentias substantiarum separatarum, nec singularia præterita, præsentia futura.
- 1383 In hac scientia ipse profecit secundum experientiam, nec secundum hanc scientiam nihil vnquam didicit, nec ab homine, nec ab Angelis.
- 1384 Christi anima non habet omnipotentiam simpliciter, vt talis est: immo nec habet potentiam instrumentalem annihilandi, aut creandi.
- 1385 Habuit tamen anima Christi secundum propriam naturam potentiam ad faciendos illos effectus, vt est corporis gubernatio, & regimen.
- 1386 Et vt instrumentum coniunctum diuini suppositi habuit instrumentalem virtutem ad omnes mutationes miraculosas ordinabiles ad finem

ad finem incarnationis, qui est omnia instaurare, siue quæ in cælis,
siue quæ in terris.

1387 Anima Christi Domini secundum propriam virtutem: non habuit omnipotentiam respectu proprii corporis; sed ratione diuini suppositi.

1388 Quicquid Christus voluit per se adimplendum, potuit propria virtute, vel naturali, vel gratuita; quicquid verò voluit faciendum, diuina virtute potuit facere instrumentaliter, vt instrumentum verbi diuini.

1389 In Christo, nec fuit, nec potuit esse peccatum, nec vt in Deo, nec vt in homine: si tamen per impossibile natura humana peccasset, actus peccati supposito tribuendus esset.

1390 Ei soli ablati sunt fomes (Beatissimam VIRGINEM semper excipio) alijs verò sanctis viris quantumuis heroicis virtutibus clauerint; ablatum non esse planè sentio.

1391 Christus Dominus non habuit ignorantiam earum rerum, quæ ad suum statum, & conditionem pertinent, quia venit illuminare his, qui in tenebris, & umbra mortis sedent.

1392 Non potuit etiam de potentia Dei habere ignorantiam, aut errorem positiuum, nec practicum, nec speculatiuum, nec culpabilem, nec inculpabilem.

1393 Anima Christi Domini fuit passibilis passione corporali: immo etiam animali: quæ tamen passionibus differebant à passionibus nostris, quantum ad obiectum, principium, & effectum.

1394 Christum Dominum habuisse sensibilem appetitum constat ex illo, quia dolores nostros ipse tulit: est autem dolor non in membro laeso; sed in appetitu sensitivo tanquam in subiecto.

1395 Verus dolor à sola imaginatione mali presentis proficisci non potest, sed tunc est tristitia: ad ipsum autem requiritur lesio realis.

1396 Fuit etiam in Christo tristitia, & timor quantum ad motum appetitus sensitivi ex malo futuro apprehenso, non tamen secundum incertitudinem futuriuentus: hunc autem timorem magis propriè possumus dicere pauorem.

1397 Præterea fuit in ipso admiratio orta ex ignorantia opposita scientia experimentalis, & ira per zelum secundum ordinem iustitiæ.

1398 Hæc propositio, Deus est homo, vera est; ita vt Deus supponat pro

pro filio, homo pro vero homine, & est in materia necessaria: eodem modo vera est hac propositio, homo est Deus.

1399 Nomina concreta significantia naturas vt Deus, homo, vel proprietates naturalium, vt aternus temporaneus, vel actiones, vt creat, gubernat, vel passiones vt crucifigatur, transfigitur; reciprocè predicantur.

1400 Qua vero in ipso Domino sunt vnius naturæ non predicantur de altera in abstracto significata: nomen autem abstractum naturæ diuinæ significans naturam diuinam, vel eius proprietatem, sicut predicatur de verbo; ita predicatur de filio hominis in concreto: & ideo rectè dicimus filius hominis homo, Christus est Deitas, immortalitas, aternitas.

1401 Abstractum nomen naturæ humanæ nõ predicatur de filio Dei, nec de filio hominis, etiam in concreto non solum formaliter, sed nec identicè quidem: vnde falsa hac propositio, filius Dei, aut filius hominis, siue Christus est humanitas.

1402 Idiomatum communicatio, & proprietatum non in hoc consistit quod quicquid conuenit naturæ humanæ, conueniat hypostasi diuinæ; sed in hoc quod quicquid conuenit homini, conuenit personæ diuinæ.

1403 Vera est hac propositio, Deus factus est homo; sed hac propositio homo factus est Deus, simpliciter falsa est; nisi exponatur factum est, vt homo esset Deus.

1404 Item falsa est hac propositio, Christus, vel homo iste est recens: cum vera sit hac, Deus recenter factus est homo.

1405 Absolutè non est dicendum, Christus est creatura; sed ponenda est limitatio, hoc est per synecdochen secundum humanam naturam.

1406 Ea quæ sunt natura humanæ; de quibus dubitari non potest an conueniant personæ diuinæ secundum seipsam, possunt simpliciter asseri de Christo, vt Christum esse passum, mortuum.

1407 Ea verò de quibus dubitari potest an illi conueniant ratione humanæ naturæ, an verò ratione diuini suppositi, debent asseri de Christo, cum determinatione secundum humanam naturam.

1408 Falsa est simpliciter hac, iste homo, demonstrato Christo, cepit esse, quia homo supponit pro supposito verbi aeterno.

1409 Vera est ista, Christus secundum naturam humanam est creatura, fal-

ra, falsa hæc Christus secundum quod homo est creatura, & hæc, Christus secundum quod hic homo est creatura.

I410 *Falsa est hæc, Christus secundum quod homo est Deus; sed vera est hæc, Christus secundum quod hic homo est Deus.*

I411 *Hæc propositio, Christus secundum quod homo est hypostasis, vel persona, si homo reduplicat suppositum vera est, si homo reduplicat naturam falsa est, simpliciter autem neganda est potius.*

I412 *Hæc propositio, Christus secundum quod hic homo est hypostasis, est concedenda potius, quam neganda, quia homo supponit pro supposito.*

I413 *Falsa est hæc propositio, Christus est tantum, vel solum homo, vel est tantum, vel solum Deus: vera est hæc, Christus est tantum id quod est homo, & id quod est Deus: vel is tantum, qui est homo, vel is, qui est Deus.*

I414 *Catholica fide constat in Christo Domino duas esse voluntates, alteram diuinam, alteram humanam, & hanc illi fuisse subiectam atque conformem.*

I415 *Sensualitatem etiam, seu sensitiuum appetitum habuit: ratione cuius dixit Tristis est anima mea usque ad mortem; qui in omnibus fuit conformis rationi: unde excludimus ab ipso primos motus inde liberatos.*

I416 *Vnus est habitus scientiæ Christi Domini, cuius actum, vel actus etiam si non penderet, vel dependeret à phantasmate: semper etiam in somnis exercuit.*

I417 *Lumen scientiæ infusæ in Christo Domino, distinguitur essentialiter à lumine gloriæ: est autem eiusdem rationis cum lumine prophetico perfectissimæ, nisi quod lumen propheticum est per modum transeuntis, hoc verò per modum permanentis.*

I418 *Nullo modo existimandum est communicationem idiomatum positam esse in reali communicatione diuinorum attributorum: necesse est tamen admittere in Christo aliquam communicationem idiomatum propter unitatem suppositi.*

I419 *Propositio hæc, Deus est passus carne, vel per carnem, vera est, sed falsa hæc, Diuinitas est passa in carne, vel per carnem.*

I420 *Admitto hanc, Christus est diuinitas in sensu identico non formali, si Christus supponat pro supposito verbi: non tamen omnia,*

quæ sunt in Christo sunt diuinitas : contra falsa est hæc , caro . vel anima Christi est diuinitas .

- 1421 Damna est hæc propositio, Diuinitas passæ est, mortua est ; sed Catholica hæc , Diuinitas est incarnata .
- 1422 Hæc propositio , Deus est homo , si Deus supponat pro supposito Verbi non quocunque tempore , sed post incarnationem ; est in materia naturali , & necessaria .
- 1423 Eadem propositio reduplicatiuè sumpta non est concedenda : eo autem modo , quo conceditur est per se ad eum modum quo forma prædicatur de suo supposito , vt filius , est Deus .
- 1424 Hæc propositio , Homo factus est Deus , si in ea homo supponat pro homine subsistente , falsa est , & hæretica : est autem in ipsa suppositio , non simplex , sed personalis .
- 1425 Omnes Christi Domini operationes fuerunt humanæ scilicet intelligere , velle , imaginari , sentire , tendere deorsum præ corporis gravitate : quæ tamen , præter tres primas , in cæteris hominibus non sunt humanæ .
- 1426 Christus Dominus habuit per meritum , quicquid habuit per meritum quilibet alius homo : dummodo carentia illius non dicat imperfectionem in ipso .
- 1427 Vnde Christus sibi non meruit gratiam neque scientiam , neque beatitudinem animæ , nec diuinitatem , quia si hæc meruisset , illis caruisset , quod derogat eius excellentiæ .
- 1428 Christus Dominus meruit sibi gloriam corporis , & ea , quæ spectant ad exteriorem excellentiam , vt resurrectio , ascensio , & similia , quibus certum est ipsum aliquando caruisse .
- 1429 Meritum Christi Domini se extendit ad alios prout sunt eius membra : nam in ipso fuit gratia non solum vt in homine singulari ; sed etiam vt in capite totius Ecclesiæ .
- 1430 Meritum Christi Domini fuit perfectæ iustitiæ qualis esse potest inter Deum , & hominem : non potuit autem mereri actione diuina , nec potuisset humana , si illa libera non fuisset .
- 1431 Nullo modo dicendum est Christum Dominum meruisse formaliter per actiones partis sensitivæ : materialiter autem potuit , quatenus illæ actiones erant imperate à voluntate .
- 1432 Christus non meruit per actiones partis inferioris animæ rationalis .

alis, neque per actus amoris beatificat; sed per proprios actus tanquam viatoris.

1433 Meritum Christi fuit vnica actio, cuius principium fuit oblatio Christi sui ipsius ad patrem in instanti conceptionis, quo meruit quicquid meruit continuatione non solum moraliter; sed etiam physice vsque ad mortem.

1434 Christus non meruit nobis nostram salutem per mortem suam, nisi quatenus prauisam, & prauolitam, & oblatam Deo patri, & quatenus dicit vnā passionem cum passione mortē antecedente.

1435 Christus Dominus per resurrectionem, & ascensionem non meruit, ipsa tamen fuerunt causa exemplaris nostrae resurrectionis, & glorificationis.

1436 Non est dicendum actiones Christi Domini fuisse ab ipso ordinatas, & a patre acceptas in ordine ad premium infinitum.

1437 Meritum Christi Domini entitatiue fuit finitum: quatenus Verò manabat a diuino supposito potest dici infinitum, non solum omnibus actionibus Christi collectiue sumptis, Verum etiam singulis.

1438 Meritum Christi fuit infinitum sicut est omnipotentia Dei: quia neutrum illorum habet obiectum suum adequatum sibi correspondens.

1439 Omnes actiones Christi Domini siue naturales, siue supernaturales fuerunt meritoriae: meruit igitur Christus, etiam dormiendo.

1440 Christus non meruit sibi praedestinationem suae incarnationis, nec mereri potuit etiam de potentia Dei absoluta.

1441 Potuit sine dubio Christus Dominus mereri sibi continuationem incarnationis, posita ipsa incarnatione, sicut iusti merentur augmentum gratiae.

1442 Si loquamur de possibili, potuit Christus Dominus in eodem instanti conceptionis habere gratiam, & gloriam, ita vt meritum sit tantum natura prius, quam premium.

1443 Quantumuis Christus aliquid sibi meruerit, & omnem mercedem sibi fecerit debitam de rigore iustitiae; tamen non dicitur pro se satisfecisse.

1444 Christus Dominus non satisfecit immediate pro culpa nostra, ita vt fecerit remissionem culpa nobis ex iustitia debitam absque vilo opere nostro: & oppositum sentire est haeticum.

- 1443 Satisfactio Christi est infinita non solum ratione suppositi; sed etiam ratione operis exerciti, dicitur habere quandam infinitatem saltem negatiuam.
- 1446 Si subiectio consideretur secundum diuersitatem suppositorum, hæreticum est dicere Christum sibi ipsi fuisse subiectum.
- 1447 Si Verò subiectio consideretur secundum diuersitatem naturarum; Vera est hæc propositio, Christus est sibi ipsi subiectus.
- 1448 Christus Dominus dicitur subiectus, & seruus patris tripliciter: secundum bonitatem, secundum seruitutem, & secundum obedientiam.
- 1449 Christus orauit patrem non voluntate diuinæ; sed humana, non secundum diuinitatem; sed secundum humanitatem: personæ enim diuinæ non possunt se inuicem orare.
- 1450 Oratio eius ab oratione nostra differebat primum, quia ipse orabat ad alienum exemplum, nos ad propriam vtilitatem: deinde quia eius oratio efficax semper adimpletur: nostra vero non semper.
- 1451 Christus non orauit secundum sensualitatem, ita vt ipsa oratio esset actus elicited sensualitatis: dicitur tamen orasse secundum sensualitatem, prout oratio eius orando expressit affectum sensualitatis ad nostram instructionem.
- 1452 Periculosum esset negare orationes quas Christus, & sancti beati effundunt, prodesse animabus existentibus in purgatorio.
- 1453 Christus Dominus fuit Sacerdos, & Rex, & Legislatores: fuit autem Sacerdos proprie quidem, non tamen Leuiticus; aut ex ordine Aaronico; sed secundum ordinem Melchisedech.
- 1454 Non est dicendum Christum fuisse Sacerdotem secundum diuinitatem, & victimam secundum humanitatem.
- 1455 Postquam ascendit in cælum orauit, orat, & orabit pro nobis vsque ad diem iudicii, non solum representando patri suas actiones meritorias, quas fecit in hac vita; sed etiam preces offerendo, non tamen flendo, nec quicquam indignum beatitudine faciendo.
- 1456 Martyrum passionibus non habent rationem sacrificij sicut passio Christi Domini: sciendum autem est iure diuino, & naturali prohibitum esse immolare homines.
- 1457 Christus Dominus recepit aliquos effectus sui sacerdotij, scilicet gloriam resurrectionis, vel certe secundum corpus suum mysticum.

- 1458 *Christus absolute dicendus est filius naturalis Dei, non adoptiuus, immo etiam, ut homo iustus, non est absolute dicendus filius adoptiuus.*
- 1459 *Si quis tamen recte distinguat ea quæ in Christo sunt, potest recte dicere Christum, ut hominem esse filium Dei adoptiuum, quatenus filiationem, quam habet, siue ratione gratiæ vniionis, siue ratione gratiæ infusæ, habet à gratuita Dei voluntate.*
- 1460 *Christus Dominus simpliciter, & absolute potest dici prædestinatus, & in quantum homo potest dici prædestinatus, tum in ordine ad gratiam, tum in ordine ad gloriam.*
- 1461 *Non potest absolute dici, filius Dei est destinatus, aut prædestinatus; sed recte dicimus prædestinatus est, ut filius Dei fieret homo.*
- 1462 *Deum sibi adoptare creaturas in filios, catholica fide credendum est, & hanc esse veram adoptionem indubitanter tenendum est.*
- 1463 *Adoptare, conuenire toti Trinitati de fide est, appropriatur tamè primæ personæ: unde dicimur fratres, & filij Christi.*
- 1464 *Adoptari, est proprium creaturæ rationalis, & hoc per gratiam, & charitatem, & inde Angeli dicuntur filij Dei.*
- 1465 *Patres veteris testamenti qui Deo placuerunt, fuisse verè, & propriè filios Dei adoptiuos, Catholica fides docet.*
- 1466 *Iusti, & sancti legis Euangelicæ perfectiori, & excellentiori modo adepti sunt filiationem Dei adoptiuam, quam patres veteris testamenti; etiam stante æquali sanctitate, & iustitia.*
- 1467 *Quamuis patres veteris testamenti verè, & propriè fuerint filij adoptiui Dei; dicuntur tamen per tropum, & figuram ad nos comparati.*
- 1468 *Dicere præscitos, & reprobos in gratia existentes non esse filios Dei, est temerarium, & hæreticum.*
- 1469 *Soli prædestinati dum existunt in gratia sunt perfectè, & vndeque filij Dei: beati vero in patria sunt perfectissimè filij Dei.*
- 1470 *Prædestinati, cum sunt in peccato mortali, non sunt appellandi filij Dei, nisi cum hac limitatione; secundum prædestinationem.*
- 1471 *Deus simpliciter magis diligit prædestinatum quàm præscitum, tamen magis diligit præscitum in gratia, quam prædestinatum existentem in peccato pro eo tempore.*
- 1472 *Christus Dominus prout includit naturam humanam, & diuinam*

nam simul, & prout dicit diuinam tantum, est adorandus adoratione Latria, eius autem humanitas seclusa diuina persona, & relatione ad ipsam, non est adoranda adoratione Latria.

1473 Christus, ut Verbum caro, vnica adoratione Latria adorandus est: eius autem humanitas adoranda est huiusmodi adoratione, non per accidens; sed per se secundo.

1474 Humanitas auulsa à verbo, & solum habens relationem ad ipsum, non est adoranda adoratione Latria; sed Hyperdulia.

1475 Christus, ut homo est capax adorationis, quæ dicitur hyperdulia: adoratio autem ipsius propriè loquendo vna est, etiam si adoratio humana, & diuina in ipso distinguuntur.

1476 Adorans Christum adoratione duliæ, suspectus est de hæresi, quia Ecclesia tum adorat adoratione latria, ut Deum, & hyperdulia, ut hominem.

1477 Dulia, & hyperdulia non distinguuntur specie; sed tantum sicut excellens, & minus excellens: & latria, & dulia magis distinguuntur.

1478 Si quis sit actus duliæ ortus ex motu diuino, spectat ad habitum latria, ut actus quo quis diligit proximum propter Deum, spectat ad charitatem eandem qua diligit Deum.

1479 Dulia quæ est ex motu creato, non videtur pertinere ad eandem virtutem, & speciem actus latria; sed ad virtutem obseruantia (ut vocat Sanctus Doctor): omnes autem isti actus imperantur à religione.

1480 Angeli Sancti aliquo cultu, & veneratione digni sunt: hic autem cultus est inferior latria, & hyperdulia; & est dulia, & superior quocunque cultu ciuili.

1481 Vfus imaginum christi, & Sanctorum est per se laudabilis, & honestus, & hæc rectè collocantur in templis, & nusquam melius.

1482 Certa fide credendum est imagines esse aliquo cultu colendas, adorantur autem propter extrinsecam rationem; per se tamen, & propriè, non per accidens, & abusinè.

1483 Si modum loquendi perpendamus, dicendum est nullam imaginem adorandam esse adoratione latria, vnde non est adoranda adoratione prototypi; sed adoratione longe inferiori.

1484 Cultus qui debetur imagine pertinet analogicè, & secundum quan-

quandam imperfectiōnem ad cultum prototypi, quia est eadem adorationis ratio.

1485 *Actus siue internus, siue externus, qui, vel ex natura rei, vel ex accomodatione vsus proprius est patriæ, nulla ratione nisi metaphorice conuenit imagini.*

1486 *Non est eadem planè ratio adorationis hominis, & imaginis Dei, quod si quis ferratur in hominem, vt imaginem Dei; licet illi adorare adoratione patriæ Deum in illo homine.*

1487 *Quod de imaginibus diximus, etiam de nominibus sentiendum est, signa autem noui testamenti, & signum Columbe, Agni, eodem modo adoranda sunt quo imagines.*

1488 *Vsus, & cultus reliquiarum pius est, & laudabilis, & honestus & pertinet ad eundem sermè cultum, quo Sancti adorantur.*

1489 *Lignum Crucis, in qua Christus mortuus est, tanquam reliquia seruari, & coli debet: idem dicendum de clauis quibus fixus, & spinis quibus coronatus fuit.*

1490 *Vsus imaginis Crucis, qui est apud fideles siue permanenter, siue transeunter, vt quo nos signamus; laudabilis est, & religiosus.*

1491 *Mysterium Natiuitatis quod scilicet Deus nasceretur; non potuit manifestari euidenti visione sine visione Deitatis: quo fit vt quicumque Christum viderunt, eius fidem diuinitatis non amiserunt.*

1492 *Temerarium est asserere ex syderum constellationibus Christi Domini natiuitatem, vel mortem, vel cetera eius vitæ mysteria potuisse prænoscere.*

1493 *Stella dux Magorum nõ ex illis erat quæ ab initio creatæ, itinerum suorum ordinem sub creationis lege custodiunt; sed nouo Virginis partu, nouum sydus apparuit.*

1494 *Ea quæ præcipue docet doctrina Christi euidentia non sunt: ipsa tamen etiam si nec ratio, nec experientia euidentiam præbeat ad hæerere, & assentiri, non leuitatis est; sed summe prudentiæ.*

1495 *Plura miracula patrarunt Apostoli quam Christus, quod tamen cedit in maiorem illius gloriam, & liberalitatis laudem.*

1496 *Miracula Christi fuerunt sufficientia ad eius manifestandam diuinitatem, tum ex specie operum quæ faciebat, tum ex materia, tum ex ipsius doctrina.*

1497 *Christus Dominus non transfiguratus fuit secundum substantiam,*

tiam, & quantitatem; sed tantum secundum qualitatem in claritate, quæ secundum causam, & essentiam fuit claritas gloriæ; sed non secundum modum essendi.

1498 Non decuit Christum pati omnes passionēs ab extrinseco, secundum speciem; sed secundum genus, & hoc factum est.

1499 Dolor Christi Domini in passione, tum internus in anima, tum externus in corpore fuit omnium temporalium dolorum maximus, tam distributiue, quam collectiue.

1500 Hic tamen dolor non fuit infinitus, neque maximus dolorum, quos homo mortalis in hac vita sustinere potest.

1501 De lege ordinaria, & secundum communem cursum non potest esse maior dolor, neque acerbior cruciatus in ullo homine viatore, quam fuerit in Christo.

1502 Dolor damnatorum in inferno, siue interior, siue exterior, siue ante, siue post restitutionem animæ ad corpus, maior est dolore animæ Christi.

1503 Tota anima Christi ratione essentia passæ est; & passæ est in singulis potentijs inferioribus passionibus proprijs illarum potentiarum,

1504 Ex parte sui subiecti omnes potentia animæ Christi patiebantur; ratio autem superior in ipso non patiebatur ex parte sui obiecti.

1505 Tota anima Christi Domini secundum essentiam in eius passionē fruebatur visione beatifica; sed non totalitate potentiarum.

1506 Christus Dominus ab alijs directè occisus fuit: à seipso autem indirectè quatenus indirectè fuit permissiua causa mortis suæ, quæ illi necessaria fuit, nullo supposito miraculo.

1507 Vulnera Christi Domini inflicta fuerunt sufficientia ad tollendam vitam, unde mors eius fuit naturalis quatenus fuit causata à naturali agente.

1508 Mors Christi Domini simpliciter non fuit miraculosa; sed tantum quatenus natura restitit virtute diuinitatis plusquam in alijs hominibus: fuit autem voluntaria, & violenta.


1509 Verbum diuinum in morte Christi Domini fuit separatum à tota natura humana: permansit nihilominus hypostaticè vnitum cum partibus essentialibus, & integralibus naturæ humanæ seorsum sumptis.

1510 Nullo modo concedendum est filium Dei in triduo mortis Domini fuisse

ni fuisse animam, aut corpus mortuum; sed habuisse animam, & corpus mortuum.

- 1511 Propositiones istæ, filius, siue Christus sepultus est, descendit ad inferos; veræ sunt per synecdochen: totaliter verò sũptæ falsæ sunt.
- 1512 In triduo mortis Christus Dominus simpliciter, & absolute non potuit dici homo: potuit tamẽ verè dici homo mortuus, & sacerdos.
- 1513 Absolute idem fuit numero corpus Christi Domini mortui, & viui: totaliter verò non idem.
- 1514 Christus Dominus descendit ad inferos, non modo secundum effectũ suæ virtutis; sed etiam cum diuinitate, & anima secundũ substantiam.
- 1515 Corpus Christi Domini post resurrectionem non phantasticum; sed verum corpus fuit, & integrum cum carnibus, ossibus, sanguine, & cicatricibus; verum immortale, & gloriosum cum dotibus corporis gloriæ.
- 1516 Christus Dominus ascendit in cœlum, non secundum diuinitatem; sed secundum humanitatem: non humana; sed diuina virtute: vnde ascendit vt homo formaliter, vt Deus efficienter.
- 1517 Secundum quod Deus, est dextera patris: secundum quod homo; sedet ad dexteram patris, sed non est dextera patris: hoc autem illi ita proprium est, vt nulli creaturæ conueniat.

DE DEIPARA VIRGINE.

- 1518  ICERE Beatissimam VIRGINEM ignobilem fuisse, temerarium est: quamuis enim parentes eius honestæ conditionis fuerint quoad fortunas; nobilitate tamen illustres fuerunt.

- 1519 Descendit enim Beatissima Virgo de Tribu Iuda, etiamsi negandum non sit eam aliquomodo processisse ex tribu Levi.
- 1520 Beatissima Virgo sanctificata fuit in vtero materno ante natiuitatem; sed in prima sanctificatione non fuit in gratia consummata, nec proinde habuit gloriam.
- 1521 Sed habuit in illa prima sanctificatione cognitionem, & amorem Dei, per quos actus se disposuit ad sanctitatem recipiendam: & hic sanctificationis modus est perfectissimus.

- 1522 *In actibus Beatissima Virgo meruit sibi primam gloriam; sed non primam gratiam, quia acceleratus fuit illi usus rationis, ut se disponderet.*
- 1523 *Hic usus rationis non fuit conseruatus in Virgine; sed fuit per modum reuelationis, & motionis gratia; ita tamen, ut posset aliquando discurrere quoties Spiritui sancto placebat.*
- 1524 *Sanctificatio Beatissimæ Virginis quoad intensiorem gratia fuit omnium perfectissima, siue hominum, siue Angelorum.*
- 1525 *Beatissima Virgo non fuit sanctificata ante rationalis animæ infusionem: repugnat autem fuisse in coinstanti sanctificatam, & originali peccato infectam, seu in originali peccato conceptam.*
- 1526 *Ipsa ex visua conceptionis considerata fuit obnoxia peccato originali, & debitum habuit contrahendi peccatum originale.*
- 1527 *Beatissima Virgo fuit in primo instanti suæ conceptionis per Dei gratiam sanctificata, & ab originali peccato præseruata.*
- 1528 *Etiamsi Beatissima Virgo perdiderit iustitiam in primo parente; hoc tamen ipsius excellentiæ nihil derogat, quia ipsam non attingit.*
- 1529 *In ipsa fuit omnino extinctus fomes in prima sanctificatione: non tamen habuit originalem iustitiam; nec omnes eius effectus; sed donum gratiæ habens quoad aliquid vim illius.*
- 1530 *Quo fit, ut ipsa numquam habuerit fomitem in actu secundo, vel actum procedentem ex fomite, nec actum phantasiæ, vel appetitus præuenientis rationem.*
- 1531 *Semper ipsi fuit ablatus fomes quoad personam, nunquam tamē quoad naturam: unde si concepisset filium ex viro, concepisset in peccato originali.*
- 1532 *Datum est illi in prima sanctificatione, ut nunquam posset peccare nè venialiter quidem, non per solos habitus infusos; sed per specialem Dei manutenentiam.*
- 1533 *Beatissima Virgo nullam vnquam habuit voluntatem, vel cogitationem castitati contrariam, neque concupiscentiam in appetitu, siue voluntariam, siue inuoluntariam.*
- 1534 *Nunquam etiam habuit propositum contrahendi, & consummādi matrimonium; sed à principio usus rationis habuit firmum, & stabile propositum conseruandæ virginitatis.*

- 1535 Cum primum attigit Vsum rationis : edidit votum de perpetua
virginitate ; quod tamen eam non reddidit inhabilem ad contrahen-
dum matrimonium.
- 1536 Deinde Diuina disponente voluntate contraxit cum Iosepho,
ipso etiam Virgine , Verum & proprium matrimonium.
- 1537 Nouerat enim Beatissima Virgo instinctu Spiritus sancti ma-
trimonium illud nullū virginitati suæ allaturū fore detrimentum .
- 1538 Conceptio eius fuit ex viro , & fœmina more ceterorum homi-
num : non tamen sinē miraculo & supernaturali virtute .
- 1539 Credibile autem est eius sanctissimum corpus fuisse in maxima
quadam perfectione naturali, quæ potest esse in ea specie , & sexu :
ideoque pulcherrimum fuit , ea tamen pulchritudine , quæ non nisi
ad pudicitiam , & sanctitatem Spectatores excitabat .
- 1540 Quo factum est, vt nunquam inciderit in morbum, aut corpora-
lem ægritudinem propter optimam corporis complexionem , & sum-
mam victus moderationem : & ideo eius corpus omni prorsus cor-
ruptione, & contagione perpetuò caruit .
- 1541 Etiam in anima sortita est maximum ingenij acumen ; vt faci-
le fuerit omnes suas discipulas antecellere :
- 1542 Gratia Beatissimæ Virginis sape aucta fuit ad eum modum, quo
augetur gratia ex opere operato virtute sacramenti .
- 1543 In hac vita suis actibus meruit , & consecuta est gratia aug-
mentum ; in alia verò beatitudinem , & eius augmentum .
- 1544 Augmentum gratiæ Virginis non perdurauit tantum vsque ad
incarnationem : habuit enim triplicem gratiæ gradum : primum
sufficientis in ipsa sanctificatione : secundum abundantis in incar-
natione : tertium excolentis in fine vitæ .
- 1545 Hoc augmentum gratiæ Beatissimæ Virginis toto eius peregrina-
tionis tempore perdurauit ferè continuè .
- 1546 Beatissima Virgo habuit perfectissimam vitam contemplatiuā ;
& totas ferè noctes in Dei cōtemplatione vigilabat, ita vt nec som-
no quidem ab huiusmodi contemplatione interpellaretur .
- 1547 Gratia Dei , vel semper , vel sape cooperabatur tantum quan-
tum poterat , & quantum vocabatur , vel excitabatur .
- 1548 Sapissimè etiam exercebat actus tū elicitos tum etiam imperatos
charitatis æqualis , vel maioris intensiōis , quàm esset habitus .

- 1549 In fine vitæ ipsius gratia pervenit ad summum perfectionis, & intensiōis fere incomprehensibilis.
- 1550 Virgo Beatissima superat imperfectione, & intensiōe gratia omnes sanctos, non modo distributiue: sed etiam collectiue: sed hoc postremum non ita firmum est.
- 1551 Habuit in hac vita perfectam, & explicitam fidem mysteriorum fidei sanctissimæ Trinitatis, & incarnationis Verbi: Unde omnes, etiam Apostolos fidei perfectionem superauit: & ideo Christum natum statim adorauit.
- 1552 Consecuta est in hac vita expressiorem cognitionem, & intelligentiam sacre scriptura, & rerum Theologicarum, quam ullus sanctus unquam habuerit.
- 1553 Hæc perfectio fuit in Beatissima Virgine, nõ per solam Dei infusionem; sed per gratiam diuinam concurrente sua diligentia.
- 1554 Quamuis non habuerit supernaturalem euentiam mysteriorum fidei saltem in habitu; credibile tamen est multorum mysteriorum habuisse euentiam in attestante.
- 1555 Et licet in hac vita interdum aliqua nesciuerit, & paulatim multa didicerit; nunquam tamen habuit ignorantiam, quæ sit praua moralis dispositio.
- 1556 De scientiis naturalibus, & mathematicis, & similibus euenit, quæ necessaria erant ad scripturas intelligendas, & prudentiam comparandam, Deo inspirante, & docente.
- 1557 Beatissima Virgo habuit donum prophetiæ in suprema perfectione, & illud donum, quod habuerunt auctores scripturæ canonicæ, scilicet interpretationem sermonum & sensum scripturarum.
- 1558 Habuit præterea reuelationes angelicas iam a pueritia: & in conceptione filij habuit reuelationem, quod esset futura gloriosa super omnes choros Angelorum.
- 1559 His accessit gratia interpretationis sermonum, & discretionis spirituum, & quatuor illi gradus sermonis, scilicet sermo sapientiæ, sermo scientiæ, & genera linguarum, & omnia dona Spiritus sancti.
- 1560 Præterea gratiam habuit patratiōis miraculorum ita, ut tum in vita, tum post mortem innumeris claruerit miraculis.
- 1561 Demum habuit omnes gratias gratis datas in ea perfectione, in qua

- qua nullus Sanctorum, aut Angelorum unquam habuit.
- 1562 Beatissima Virgo, neque de condigno, neque de congruo meruit prædestinationem, aut electionem ad maternitatem Dei.
- 1563 Partim autem diuina gratia, partim suis actibus, & meritis de condigno consecuta est dispositionem, per quam fuit idonea, & digna Mater Dei.
- 1564 Hac dispositio condigna fuit illi tantæ dignitati, non æqualitate rei ad rem; sed proportionis iuxta ordinem diuinæ sapientiæ.
- 1565 Si Beatissima Virgini optio data fuisset, ut eligeret quod mallet, Virginitatem, vel maternitatem Dei; probabile est hanc electionem, illam derelicturam fuisse.
- 1566 Christus secundum carnem fuit ex Virgine, & ex purissimis eius sanguinibus conceptus, & formatus: unde ipsa merito, & propriè fuit mater Dei.
- 1567 Humanitas Christi in eodem instanti; in quo cæpisse in rerum natura: cæpit esse unita verbo diuino intra Vterum Beatissimæ Virginis.
- 1568 Corpus Christi Domini in Vtero Beatissimæ Virginis, in vno instanti conceptum, unitum, & animatum fuit, & integrum: & contrarium asserere est temerarium.
- 1569 Beatissima Virgo perfectissimè fuit mater Christi, & Dei; sed non fuit mater naturæ diuinæ, seu Deitatis nec humanitatis.
- 1570 Bene dicimus Christum productum ex Virgine; sed male dicimus esse creatum, factum, conditum, causatum, vel effectum.
- 1571 Non est dicendum Christum Dominum referri ad Virginem relatione increata, & æterna filiationis; fuit enim creata sicut relatio matris ad ipsum.
- 1572 Relatio Christi ad matrem non est diuinitatis, nec humanitatis; sed huius hominis tanquam termini à quo: & est eiusdem speciei cum alijs relationibus creatis.
- 1573 Ista relatio in morte vtriusque, tum Christi Domini, tum beatæ Virginis corrupta fuit, & restituta est in resurrectione vtriusque, & adhuc persenerat in vtroque moraliter potius quàm physice.
- 1574 Si Verbum dimitteret humanitatem, & hac subsisteret per suppositum humanum: hic homo esset filius Virginis, & idem filius, qui erat ante.

- 1575 Dignitas matris Dei est multo inferior dignitate vnionis hypostatica, etiamsi illa excedat omnem creatam dignitatem incomparabiliter, excepta dignitate filij adoptiui; cum tamen se habeat sicut excedens, & excessum.
- 1576 Beatissima Virgo electa est ad dignitatem matris supposito peccato, ita vt si homo non peccasset; eam nunquam habitura fuisset.
- 1577 Maria Virginitas in conceptione integra, & prorsus illibata cōseruata fuit, & post Christum nullum alium genuit filium.
- 1578 Etiamsi Christus Dominus conceptus sit de Spiritu sancto; tamen ipse Spiritus sanctus non potest dici eius pater, nec quoad humanitatem, nec quoad diuinitatem.
- 1579 Christus Dominus nascendo non imminuit integritatem corporalem matris; sed eam sicut antea perfectam reliquit: vnde Beatissima Virgo sine vlllo dolore peperit, & concepit.
- 1580 Corpus Christi exiuit ex naturali loco, non per dilatationem pororum; sed simul existendo penetratiue in eodem loco cum partibus corporis Beatissimæ Virginis.
- 1581 Quo factum est, vt partus ille fuerit immunis ab omni sorde, nec proinde Beatissima Virgo indiguerit pacificatione legali.
- 1582 Ordinis, & matrimonij sacramenta nunquam recepit; pœnitentiam vero nullo modo dicendum est recepisse.
- 1583 Ipsa ante omnes vidit Christum resurgentem, & post eius ascensionem dum vixit, habuit similes eius apparitiones.
- 1584 Secundum legem ordinariā, si Beatissima Virgo ante Christum Dominum mortua fuisset: non fuisset visura Deum ante ipsius Domini ascensionem.
- 1585 Beatissima Virgo verè mortua fuit, & hoc negare temerarium est: non perijt autem in ipsa Christi Domini passione; sed post eius mortem vixit annos quatuordecim, vel paulo plus.
- 1586 Non perijt corporis morbo, & corruptione; sed ex vi ardentissimi amoris, & contemplationis factum est, vt paulatim corporis dispositiones reniterentur, ac proinde anima separaretur.
- 1587 Vnde sine dolore mortua est, quā plusquam mortis dolores acerbissimos plus alijs omnibus in filij passione pertulerat.
- 1588 Post gloriosam eius mortē, Sanctissima anima protinus euolauit in cælum: quo in transitu Beatissima Virgo non intermisit actum diuini

diuini amoris ; sed vnus fuit contemplandi finis , & videndi principium .

- 1589 Tercio post obitum die , glorioso , & immortalis corpore resurrexit , & cum eo , & comitantibus Angelis super omnes angelorum choros assumpta est : de quo dubitare hoc tempore non licet .
- 1590 Hic omnes beatos tam angelos , quàm homines puros superat gloria , tum essentiali , tum accidentali , & videt in verbo quicquid vident omnes beati supradicti , tam seiunctim , quàm collectim .
- 1591 Vidit Beatissima Virgo in verbo quicquid videt Deus scientia visionis , ijs exceptis , quæ spectat ad internos actus animæ Christi
- 1592 Habet autem aureolam excellentissimam Virginitatis , & martyrij , & fortasse etiam doctoratus ; nisi sexus impediat .
- 1593 Beatissima Virgo adoranda est cultu religioso ; non est autem per se adorabilis adoratione latriæ ; vnde nec isto modo adorari debet
- 1594 Est autem per se adorabilis adoratione hyperdulia , quæ differt specie ab adoratione dulia .
- 1595 Beatissima Virgo non est causa principalis nostræ salutis , gratia , & aliorum bonorum , & remissionis peccatorum ; sed solus Deus .
- 1596 Neque vero quicquam nobis de condigno mereatur , vel meruit inquam ; sed tantum de congruo .
- 1597 Oratio ad Sanctissimam Virginem , vt sit efficax , & Deo grata ; debet fieri in Christo , & per Christum .
- 1598 Beatissima Virgo quamdiu vixit in mortali corpore , orauit & nunc orat pro salute hominum petens singulis , & obtinens ingentia beneficia ; & in hoc munere omnium sanctorum efficaciam , & charitatem superat .
- 1599 Si Beatissima Virgo peteret aliquid à Deo , et omnes Sancti contrarium peterent (quod tamen accidere non potest) plus apud Deum posset Beatissima Virginis , quàm ceterorum sanctorum omnium oratio .
- 1600 Ergo Beatissima Virgo plus omnibus sanctis hominibus , & Angelis tum distributiue , tum collectiue à nobis adorari debet .

DE VTRIVSQUE LEGIS SACRAMENTIS IN VNIVERSVM.

- 1601 **S**ACRAMENTI nomen de iureiurando sacro mysterio, & signo rei sacra merè à quiuoce prædicatur.
- 1602 **S**acramentum ultimo modo sumptum definitur sic.
Est rei sacra, ut suscipientem simpliciter sanctificantis signum sensibile, religiosum, diuinitus determinatum, præcticum: & hac definitio dicitur à quiuoce de sacramentis Mosaica, & Evangelica legi.
- 1603 Ad conficiendum sacramentum, opus est quibusdam verbis non concionalibus, sed caremonialibus, quæ sunt de essentia sacramenti, & diuinitus instituta; ita ut ea non sit permissum Ecclesiæ mutare substantialiter.
- 1604 Sacramenti quidem materiam dicimus res, quo nomine comprehendimus etiam actum præcticum: formam verò dicimus verba quibus conficitur sacramentum; non quantum ad sonum ipsorū; sed quantum ad significationem.
- 1605 Quocunque modo verba addantur, minuuntur, vel transponantur, vel interrumpantur: dummodo non immutetur locutionis sensus, & veritas actionis tollatur; valide conficitur sacramentum.
- 1606 Si genus humanum in dono gratia, & iustitiæ sibi collata perseuerasset: suam in Deum fidem, & subiectionem ostendisset adoratione, genuflexione, laudibus, & hymnis: exercuisset etiā actus amicitia temperantia, & civilis colloctionis, non tamè liberalitatis.
- 1607 Et tunc si fuissent sacramenta aliqua, non omnino fuissent inutilia; eorum tamen utilitas tam modica fuisset, ut absolutè dicendum sit, nulla futura fuisse sacramenta, nec ad peccata tollenda, nec ad animam, aut perficiendam, aut ornandam.
- 1608 Quòd si in eo statu Christus Dominus incarnatus fuisset; decuisent aliqua sacramenta, Matrimonium, Eucharistia, Baptismus, vel certè aliquid baptismo proportionale, ac proinde fuisset sacrificium missæ: nullum præterea aliud, nec templa, nec sacerdotes, nec diuini verbi concionatores.

1609. Post lapsum naturæ humanæ tunc demum fuerunt necessaria sacramenta, cum naturale lumen intellectus ita obtenebratum fuit, ut præcepta legis naturæ ad bene vivendum, & credendum satis non essent; sed nova lege novisque signis opus esset; quod Abraham tempestate accidit: ideoque tunc instituta sunt aliqua sacramenta.
1610. Inter illa autem, & sacramenta legis Evangelica hoc potissimum interest, quod illa erant gratiæ sanctificantis signa, non causa: hæc verò & sunt signa, & causa propriè dicta.
1611. Immediatè post lapsum Adæ ad salutem simpliciter fuit necessaria fides in Messiam, siue Mediatorem; ita ut ex eo tempore usque ad sæculi consummationem nulli homini salus nisi per hanc fidem contingat.
1612. Hæc fides ante Abrahamum fuit sub præcepto supernaturali quidem; sed quod quisque facta revelatione, & data à Deo gratia assentiendi: servare posset absque supernaturali lumine superaddito.
1613. Hæc lex naturalis iubeat Dei cultum interiorem; & huius fidei professionem per externa, & sensibilia signa, nullo præscripto sacrificij, vel professionis ritu, ac modo; sed id quisque, ut ratio dictabat, faciebat.
1614. In eoramen statu aliquibus eximia sanctitatis, & principibus Viris Deus Opt. Max. instinctu prophætico, ac revelatione præscripsit, ac determinavit certam sacrificiorum normam, quæ inde emanavit ad posteros.
1615. Et quanvis sacramenta legis Mosæica non essent causa gratiæ, & iustitiæ; qui tamen sub ea lege nati sunt, & vixerunt; tanto dominimè caruerunt.
1616. In illis enim iustitiæ, & gratiæ causa fuit fides, quam habebant in Deum, & futurum Messiam; informis quidem fides gratiæ & iustitiæ informis & inchoatæ; formata verò perfectæ, & completæ.
1617. Hæc tamen fides siuè informis esset, siuè formata per charitatem nihil ipsis censerebat; nisi accederent sacramenta cum erant possibilia.
1618. Conferre gratiam ex opere operato ita proprium est sacramentorum legis Evangelicæ, ut id neque sacramenta Veteris legis, neque opera Evangelicæ facere possint.

- 1619 *Quamquam sacramenta Mosaica legis ex opere operato significabant gratiam, & mysteria Christi Domini conferebant remissionem peccatorum, & mundabant suscipientes secundum carnem liberando eos ab irregularitate.*
- 1620 *Hinc factum est, ut sacramenta legis antiquae inaequalem Iudaeis gratiam pro cuiusque affectu, & deuotione conferrent; Evangelica verò sacramenta quantum est ex se, aequalem omnibus Christi fidelibus impertiantur.*
- 1621 *Quemadmodum in antiqua lege fides erat causa gratiae, sacramenta verò conditio sine qua eam adipisci non poterant; ita in Evangelica lege sacramenta sunt gratiae causa; fides vero conditio sine qua non.*
- 1622 *Infantibus, quibus in antiqua lege fides deerat, gratia conferebatur non ex vi sacramenti; sed ex vi fidei synagoga, quae illi gratiam de congruo non de condigno merebatur.*
- 1623 *Sacramenta nouae legis attingunt gratiae productionem per virtutem realem, idest potentiam operatiuam ipsis à Spiritu sancto infusam.*
- 1624 *Sacramenta legis Evangelica sunt causae morales iustitiae, non tantum sine quibus; sed etiam per quas; in quo vel maxime eorum praesentia, & gloria Christi Domini elucescit.*
- 1625 *Et in his esse physicam causalitatem est consentaneum scripturae, & sanctis Patribus: contrarium tamen asserere, nec haeticum est, nec temerarium.*
- 1626 *Vnicuique sacramentorum nouae legis triplex significandi vis inest: nam dominica passionis, & mortis quae praeteriit nos admonet, & gratiam caelestem nobis tunc cum confertur infusam declarat & vitae aeternae quam per illud consecuturi sumus, indicium praebet.*
- 1627 *Repugnat simpliciter sacramenta per solam Dei ordinationem extrinsecam esse causas reales, & physicas gratiae, non accepta ab ipso virtute reali, & supernaturali.*
- 1628 *Neque minus repugnat ut haec virtus sacramentalis, & miraculosa communicetur cuicunque creaturae, etiam Angelo per modum habitus permanentis.*
- 1629 *Hac eadem virtus in nullo predicamento directè collocari potest, nec*

est, nec ad vllum reduci: nisi ad secundam speciem qualitatis, nimirum potentiam.

- 1630 Hac virtus est causa gratia, nec propriè vniuoca, nec propriè equiuoca: vel si equiuoca est; est diminutè, & carens conditionibus causæ equiuocæ.
- 1631 Per hanc virtutem sacramentum, & is per quem, miraculorum est instrumentum diuinæ potentia non completæ, & simpliciter; sed incompletè, & secundum quid.
- 1632 Hac virtus non est propriè loquendo incorporea; eo tamen modo quo est; est incorporea tum terminatiuè, tum substantialiter, & est tota in toto sacramento, & tota in qualibet parte illius assignata.
- 1633 Ad opera sacramentalia, & supernaturalia, non est opus contactu physico, nec mathematico; sed virtuali, vt scilicet cum agente sit talis virtus, vt ex eo sequatur effectus.
- 1634 In huiusmodi operibus nullo opus est medio, & nonnunquam satis est vt agens supernaturale tangat suppositum, etiam si non tangat partem; quæ verè recipit actionem.
- 1635 Operatio sacramentorum non durat toto tēpore, quo verba proferuntur, neque mensuratur instanti temporis discreti, neque vltima parte motus, & prolationis verborum, nec in instanti extrinseco motus.
- 1636 Sed si accipiamus vltimam literam verborum essentialium, & in illius literæ prolatione vltimum naturale; in illo Deus concipit vltimum indiuisibile, in quo producit gratiam.
- 1637 Sacramentum non est in causa gratia, vt qui illud sumit, assumatur à Deo tamquam obiectum sui amoris: neque verò gratia propriè educitur de aliqua potētia, nec propriè creatur; sed eius productio vel est eminentereductio, vel eminenter creatio.
- 1638 Et quamuis gratia verè, ac propriè crearetur; adhuc tamen nō est demonstratum sacramentum non posse concurrere instrumentalliter ad ipsius productionem.
- 1639 In supernaturalibus operibus tam sacramentalibus quàm miraculosis, nec est necesse, nec probabile vt instrumentum agat per propriam actionem; sed vtrunque suppletur per virtutem, à Deo impressam.

- 1640 Sacramenta præter gratiam virtutum, & donorum Spiritus sancti addunt gratiam specialem, quam sacramentalem vocamus, ordinatam ad speciales actus necessarios vite Christianæ.
- 1641 Hac gratia sacramentalis proprie, & directe respicit naturam corruptelam, & ad illam per sacramenta sanandam, & purificandam ordinatur.
- 1642 Hac eadem non consistit in gratia propriissime sumpta, nimirum iustificante; sed in gratia sumpta proprie, vel largè quæ consistit in charactere, satisfactione rigida, & motu animæ.
- 1643 Estque in sacramentis nouæ legis non sicut accidens in subiecto, neque sicut liquor in vase, neque sicut effectus in causa vniuoca, vel æquiuoca; sed tanquam effectus in causa instrumentali.
- 1644 Sacramenta veteris legis sortita sunt virtutem à passione Christi Domini tanquam finem, in quantum eam præsignificabant: sacramenta autem Ecclesia virtutem suam acceperunt à latere Christi Domini pendente in Cruce tanquam causa efficiente.
- 1645 Characterem imprimere non fuit datum sacramentis veteris legis; sed est donum peculiare sacramentorum Ecclesiæ quo fideles distinguuntur ab infidelibus, vel inter sese secundum specialia munera, ad quæ deputantur.
- 1646 Temerarium est asserere characterem esse ens rationis, id est esse tantum id, quod resultat ex deputatione fidelium ad ministeria spiritualia per nudam Dei electionem.
- 1647 Si prædicamenta non sunt diuisa differentiis contradictoriis: potest fingi undecimum prædicamentum supernaturalium; ad quod omnia supernaturalia reducuntur, consequenter character.
- 1648 Sin autem prædicamenta sunt diuisa differentiis contradictoriis, ita ut nihil medium inter illa cadere possit: character debet esse in aliquo determinato prædicamento: si non physico; saltem logico.
- 1649 Character non est respectus, nec relatio extrinsecus adueniens, neque potentia, aut habitus formaliter actiuus, neque est causa gratiæ nec instrumentalis, nec principalis.
- 1650 Neque verò potest esse in corpore tanquam in subiecto; cum sit signum spirituale; neque in ulla potentia corporea; sed in anima intellectiua: & quanquam gratia iustificans est in essentia animæ; cha-

- ma; character tamen est in potentijs tanquam in subiecto.
- 1651 Ipsi autem anima ita arctè inhæret: Ut ab ea deleri à nullo possit, nisi ab eo cuius sacerdotij participatio est.
- 1652 Si possibile est communicari homini characterem qui sit actiuus formaliter; non video cur sit impossibile communicari etiam Christo Domino aliquam virtutem creatam, seu excellentiam, vel qualitatem.
- 1653 Quauquam minor sit necessitas huius virtutis, & potestatis creata in Christo Domino, quam gratia operatiua, quæ fit per Theologales virtutes, & per scientiam infusam.
- 1654 Character est habitus formaliter dignificatiuus subiecti, & actiuus conuentionaliter: non est autem habitus, aut potentia formaliter actiua.
- 1655 Repugnat igitur Christum Dominum habere characterem; potestas enim illius comparatur ad characterem, sicut id, quod est per essentiam plenum, & perfectum, ad id quod est per participationem sui.
- 1656 Inter sacramenta nouæ legis, hæc tria imprimunt characterem fumentij; Baptismus Baptismalem: Confirmatio Chrysmalem: Ordo Ordinarium; qui characteres specie inter se distinguuntur.
- 1657 Christus Dominus non potest auctoritatem instituendi sacramenta, quàm habet Ut Deus communicare ulli creaturæ.
- 1658 Potestatem autem excellentiæ, quàm habet Ut homo non potuit ulli creaturæ communicare de rigore iustitiæ; sed tantum supposita gratia vel collata dependenter à merito Christi Domini, vel absolute à Deo.
- 1659 Eandem potestatem supposita gratia nulli Deus communicauit, nec cum ipsius exercitio, nec sine illo.
- 1660 Negare hæreticum, aut peccatorem publicum posse conficere, & ministrare sacramenta hæreticum est; quauquam sacerdos ministrans sacramenta dum existit in peccato mortali, peccat mortaliter, tum ratione irreuerentiæ, tum ratione actionis mysticæ.
- 1661 Temerarium est asserere ad sacramentum conficiendum necessarium esse intentionem ministri, quæ cadat super formam, & materiam, & non esse necessarium intendere facere quod facit Ecclesia.

- 1662 Solus Deus operatur ut causa principalis ad effectum interio-
rem sacramentorum: sacramenta autem & homines operantur tan-
tum instrumentaliter; Christus autem Dominus secundum quod
homo operatur efficienter; sed instrumentaliter, & meritorie
principaliter.
- 1663 Omnia sacramenta tam noua quam antiqua legis sunt institu-
ta diuinitus quoad ea quae illis sunt essentialia: ceremonia uero, &
solemnitates sicut ab Ecclesia sunt instituta, ita ab ea possunt im-
mutari, & deleri.
- 1664 Potestas principalis Christi Domini in quantum hominis, consi-
sit in quatuor: primo quia meritum, & uirtus passionis ipsius in
sacramentis operatur: secundo quia in eius nomine sacramenta san-
ctificantur: tertio quia potuit instituire sacramenta: quarto quia
effectum sacramenti sine sacramento nobis potuit communicare.
- 1665 Fides ministri non est de necessitate sacramentorum; deuotio au-
tem illius, non operatur effectum sacramenti in suscipiente.
- 1666 Qui ab infideli accipit sacramentum cum peccato; sacramentum
quidem accipit; sed non gratiam sacramentalē quoad usque per pani-
sentiam purgetur; nisi excusetur ex ignorantia: idem dicendum de
accipiente sacramentum ab excommunicato, seu suspensio.
- 1667 In casu tamen necessitatis licet accipere sacramentum tum ab
infideli, tum ab excommunicato, seu suspensio, & hic tenetur mi-
nistrare sacramentum; alioquin mortaliter peccat.
- 1668 Quamdiu minister Ecclesiae, qui est in peccato mortali sustine-
tur ab Ecclesia; subditus eius non solum non peccat accipiendo sa-
cramenta ab ipso; sed ad id aliquando tenetur.
- 1669 Sacramenta ueteris legis erant quoad omnes tria; Circuncisio,
esus agni paschalis, & expiatio seu purificatio à quibusdam immu-
nitatibus. Quoad ministros etiam erant tria, consecratio sacerdotum,
oblatio uictimarum, esus panum propositionum.
- 1670 Et si sacramenta noua legis conferunt gratiam; sacramentalia
tamen non conferunt; sed remouent dispositiones, & impedimenta
contraria gratiae: & ideo quod frequentius multiplicantur, eò ma-
gis eradicantur contraria dispositiones.
- 1671 Sacramenta noua legis sunt septem, Baptismus, Confirmatio,
Eucharistia, Pœnitentia, Matrimonium, Sacerdotio, Extrema unctio


1672 Inter hac ratione effectus ; maximus est Baptismus : ratione ministri ; Confirmatio , & Ordo : ratione contenti ; Eucharistia : ratione significationis ; Matrimonium : simpliciter autem Eucharistia est potissimum omnium.

1673 Simpliciter necessaria sunt tria sacramenta , duo quidem unicuique fidei , scilicet Baptismus , & Pœnitentia supposito actuali mortali peccato post Baptismum ; Ecclesie autem ; Ordo sacer : reliqua sacramenta sunt necessaria ad bene esse .

1674 Possent tamen tam beati , qui sunt in cœlo , quàm qui in purgatorio detinentur , & inferno demersi sunt , ministrare sacramenta , quia character est indelebilis .

1675 Ad conficiendum validè sacramentum , necessaria est intentio ministri habitualis virtualis , habitualis autem sola non sufficit .

DE BAPTISMO.

1676  N BAPTISMO aqua potest applicari immergendo, effundendo, aut aspergendo : quod si Sacerdos immergendo dicat : egote aspergo ; vel è contra , mentitur , & peccat mortaliter .

1677 Et quamvis decentissimum sit Baptismus trina mersione, aut aspergione , aut effusione absolui ; si tamen omittatur ; Baptismus est validus : ideoque potest ab Ecclesia institui unica mersio .

1678 Quando Baptismus fit per trinam mersionem , gratia baptismalis confertur tantum peracta trina mersione : quod si quis in prima mersione proferret totam formam ; illa tantum peracta , conferretur gratia .

1679 Non est necessarium ad valorem sacramenti , ut prolatio verborum applicetur simul cum materia simultate mathematica ; sed satis est si simul fiant secundum usum humanum .

1680 Si quis culpabiliter non abluat caput , accedente scandalo , peccat mortaliter : ad valorem tamen baptismi necesse est abluere aliquam magnam corporis partem : quod si dubium sit an abluta dici possit ; baptismus iterandus est sub conditione .

1681 Ad valorem baptismi necesse est exprimere Trinitatem , & singulas eius personas , et hoc mō apostolos baptizasse probabilius existima
Si quis

- 1682 Si quis dicat Ego baptizo te in nominibus Patris, & Filij, & Spiritus sancti, certum est non tenere baptismum: At si quis dicat in nomine genitoris, geniti, & procedentis ab utroque; puto non esse rebaptizandum.
- 1683 Etiam si ordinarius Baptismi minister sit Episcopus, & Presbyter; tamen ex concessione Episcopi, vel Presbyteri, rationabili de causa potest Diaconus validè, & licitè baptizare.
- 1684 Immò verò etiam Laicus, & hæreticus, & infidelis si adsint ceteræ conditiones; potest validè baptizare.
- 1685 Fœmina coram viro, Laicus coram Clerico, Diaconus coram Presbytero baptizans, peccant mortaliter extra casum extrema necessitatis.
- 1686 Si unus applicet aquam, alter verò formam proferat: Baptismus non tenet: quòd si duo proferant formam, & applicent materiam, non simul, primus solus baptizat.
- 1687 Si duorum quisque intendat se baptizare particulariter; ambo autem totaliter: aut si duo, vel simul, vel successivè eundem baptizent conditionaliter; Baptismus non valet.
- 1688 Si quis dicat nos idest ego amborum vicem gerens, non tenet baptismus; tenet autem si dicat, nos te baptizamus more Episcoporum, aut vos baptizamus si esset filius Regis.
- 1689 Negare infantibus baptismum, aut dicere illis per Baptismum non tolli peccatum originale; sed tantum disponi ad intrandum regnũ cœlorum, hæreticum est.
- 1690 Et si infans penderet ab utero matris, in nullo tamen casu mater esset occidenda.
- 1691 Si puer petat baptismum, & dubium sit an usum rationis attingerit, debet baptizari: in hoc autem non est respiciendum tempus; sed ingenium ipsius.
- 1692 Ad accipiendam gratiam baptismalem pro adultis, necessaria est pœnitentia, non confessio, neque contritio; sed saltem attritio: neque omnium peccatorum actualium; sed saltem debet removere complacentiam omnium peccatorum mortalium.
- 1693 Gratia Baptismalis obtinet vim remittendi peccata quoad culpam, & pœnam: contritio vero quoad culpam tantum.
- 1694 Baptismus Ioannis fuit à Deo per auctoritatem institutus, &

Ioanne autem tanquam ministro: ita. ut nūllus alius illud Baptisma ministrare potuerit.

- 1695 *Eius suscipiendi nullum erat in sacra scriptura preceptum: erat enim tantum preparatio ad Baptismum Christi Domini per professionem, & impositionem pœnitentia.*
- 1696 *Baptismus Ioannis nec gratiam, nec remissionem peccatorum conferebat, nec characterem imprimebat, illi verò, qui à Ioanne baptizati fuerant, tenebantur recipere Baptismū Christi Domini.*
- 1697 *Baptismus Ioannis non cessauit baptizato Christo Domino; sed ipso decollato: non enim erat alius eius Baptismi minister.*
- 1698 *Hæreticum est asserere Baptismum conferre impossibilitatem peccandi delet enim peccatum originale, & fomitem concupiscentia imminuit, hic tamen non est peccatum.*
- 1699 *Per Baptismum infunditur gratia iustificans cum spe, fide, & charitate; ceteras verò virtutes si non sint, infundit; si sint, auget.*
- 1700 *Gratia iustificans, qua per Baptismum ex opere operato confertur, in omnibus est equalis; inaequalitas igitur gloria provenit ex inaequalitate meritum.*
- 1701 *Quocirca paruuli baptizati omnes equalem gratiam consequuntur, & gl.riam.*
- 1702 *Baptismus est triplex fluminis, sanguinis, fluminis, quorum perfectissimus absolute est Baptismus sanguinis.*
- 1703 *Ad iustificationem paruulorum in lege natura erat necessaria fides parentum, vel certe alterius illorum siue actu, siue habitu, siue informis, siue formata.*
- 1704 *Cum fide parentum necessaria erat caremonia externa, qua applicaretur fides parentum ipsi paruulo: hac autem caremonia non erat sacrificium, nec aliqua lege determinata, sed humana electione sponte assumpta.*
- 1705 *In lege Mosaica sicut masculis per circumcisionem fides applicabatur: ita femellis per aliquam caremoniam; externam qua illis applicabatur fides parentum.*
- 1706 *Quamquam Baptismus ante passionem Christi Domini non erat necessarius necessitate medij, adhuc enim pollebat circumcisio; tamen ante passionem institutum fuisse firmiter credimus.*

707 Neque vero existimo institutum fuisse in Iordane, neque di-
uersis temporibus secundum diuersas ipsius proprietates; neque in
sermone habito cum Nicodemo.

1708 Quamquam enim constat Baptismum institutum fuisse post præ-
dicationem Euangelij, & ante colloquium Domini cum Nicodemo:
quo tamen articulo temporis institutus fuerit non habemus.

1709 Legalia, & caeremonialia sacramenta legis antiquæ amiserunt
omnem virtutem tum obligandi tum sanctificandi in triduo mortis
Christi Domini.

1710 Post triduum autem hæc sacramenta omnibus quidem mortua
fuerunt; sed non omnibus mortifera; Verum ijs tantum; qui au-
dierunt prædicationem Euangelij.

1711 Baptismus post mortem Christi Domini ante Pentecostem fuit
sub præcepto quibusdam formaliter; quibusdam virtualiter; qui-
busdam neutro modo: post Pentecostem vero obligauit omnes.

1712 Etsi Baptismus esse irreiterabilem non conuincitur manifeste
ex sacra scriptura: negare tamen est hæreticum, & iterator Baptis-
mi absque probabili dubio peccat mortaliter.

1713 Si quis non credens in Iesum Christum baptizetur, & volun-
tariè accipit quidem characterem; sed non gratiam baptismalem,
quousque credat.

1714 Etsi quis baptizatus est baptismo flaminis, consecutus est emun-
dationem à peccatis; accipiens tamen baptismum fluminis, conse-
quitur maiorem gratiam.

1715 Baptismus sanguinis liberat ab omni culpa tam originali, quam
actuali, & ab omni pœna per virtutem passionis Christi, cui confor-
matur: sed non imprimit characterem; sicut nec baptismus flaminis.

1716 Baptismus sanguinis includit Baptismum flaminis, & Baptis-
mus fluminis includit Vtrunque; illi vero non sunt sacramenta; sed
hic solum.

1717 Baptismus superat circumcisionem significatione, efficacia, vti-
litate, & vniuersalitate in populo, sexu, tempore.


DE CONFIRMATIONE.

- 1718 **I**MPOSITIO manuum Apostolorum non erat professio fidei, aut oblatio in Deum, ideoque non erat vere sacramentum: per eam tamen fideles recipiebant Spiritum sanctum.
- 1719 Impositio manuum Episcoporum aequipollet illi, nisi quod tunc Spiritus sanctus visibiliter accipiebatur, nunc autem inuisibiliter.
- 1720 Hoc sacramentum immediate institutum fuit à Christo Domino non sola permissione: sed positivè, & hoc de fide est. fuit autem institutum quando manus imposuit super pueros non exhibendo; sed promittendo, perfectè autem in Cæna Domini post pedum lotionem.
- 1721 Hoc sacramentum pro materia remota habet oleum oliivarum cum balsamo; balsamum tamen non est de essentia, debet autem oleum esse benedictum; & hæc benedictio est de essentia sacramenti: materia proxima est unctio.
- 1722 Forma verò est: *Consigno te signo crucis; & confirmo te Chrysma salutis; In nomine Patris, & filij, & Spiritus sancti Amen.* Res sacramenti est collatio plenitudinis gratiæ & Spiritus sancti distincta à gratiæ baptismali, per quam habetur robur ad pugnam spiritualem.
- 1723 Quamquam confirmatio non est sacramentum de necessitate salutis; sed est necessarium quoad bene esse vitæ spiritualis, tamen contemptus huius sacramenti est periculosus, immò ex se peccatum.
- 1724 Ordinarius minister confirmationis est Episcopus; ex privilegio tamen, & dispensatione Summi Pontificis potest esse simplex Presbyter, non autè Diaconus, solum enim Presbyter potestingere in vertice non fronte.
- 1725 Forma Chrysmatis, ut iacet in Pontificali Romano non est de iure diuino: quocirca potest ab Ecclesia immutari, certum est autem non posse ab ea deleri signum sanctissimæ Crucis.
- 1726 Gratiæ collata per Chryisma, est propugnaculum credenti contra inevidentiam creditorum, rationes naturales, hæreses, discrepantes doctorum opiniones, promissionem futurorum, persecutionem Tyrannorum.
- 1727 De fide est Chryisma collatum in alia quavis corporis parte quam

fronte non Valere, non enim significat quod agit, scilicet liberam Christi Domini nominis confessionem.

- 1728 Rationabilior est consuetudo Ecclesie Romanæ confirmandi pueros post Vsum rationis: si tamen in aliqua regione vetus infantes confirmandi ritus adhuc durat, non est damnandus nec tollendus.
- 1729 Surdi & muti absolute sunt chrysmandi, amentes vero in lucidis intervallis, aut amentia durante, si dum haberent lucida intervalla Chryisma petierunt.
- 1730 Confirmandus debet duci ab aliquo confirmato cuiuscunque sexus sit, vel etatis, & conditionis, & status, etiam si sit moribundus, hoc autem non est de essentia sacramenti.
- 1731 Christus Dominus nec suscepit sacramentum confirmationis; nec suscipere debuit: gratiam enim sacramentalem habebat, & cum dux esset non erat opus ducis insignibus.
- 1732 Tam confirmans, quam confirmandus debent esse in gratia, & debent esse confessi; & ieiunii de consilio, non de precepto; nullus autem consequitur confirmationis effectum absque voto ipsius.
- 1723 Confirmati in cælo maiorem habebunt gloriam, ideoque confirmatio ministrari debet etiam moribundo.
- 1734 Tanta est gratia Spiritus sancti plenitudo, quæ fidelibus per Confirmationis sacramentum confertur; ut antiqua legis sacramenta huius ne figura quidem esse digna fuerint.

DE EUCHARISTIA.

1735  VCHARISTIAE Sacramentum est sacramentum sacramentorum, ad quod omnia alia ordinantur, estque mysterium mysteriorum legis Evangelica.

1736 Est autem sacramentum etiam ante sumptionem dum aservatur in pyxide, & hoc de fide est, quanquam non est sacrificium quousque ab aliquo sumatur.

1737 Definitur autem sic, sacramentum Eucharistia est sacramentum sanguinis, & corporis Christi Domini sub speciebus panis, & vini in alimoniam Spiritus.

Adultis

1738 *Adultis quidem necessaria est Eucharistia in voto sicut baptis-
mus: paruuli autem votum Eucharistia habent habituale dum a-
ctualiter baptizantur.*

1739 *Hoc sacramentum licet sit plura materialiter, tamen est vnum
formaliter per ordinem ad vnum effectum, scilicet perfectam refe-
ctionem spiritualem, qua constat ex cibo, & potu.*

1740 *De praecepto Ecclesiae tenentur sacerdotes sumere sacramentum
sub vtraque specie, si quis autem solam panis speciem consecraret,
validè conficeret.*

1741 *Non potest Sacerdos consecrare minus minimo naturali si sit se-
paratum à reliquo pane; si vero sit coniunctum, potest, dummodo
cum illo consecret reliquum panis.*

1742 *Si Sacerdos intendat consecrare aliquam partem; non determi-
nando hanc, vel illam partem; nullam consecrat: si vero intendat
consecrare omnes partes praesentes, non est opus scire numerum.*

1743 *Materia consecranda debet esse praesens consecranti mora-
liter, vt communiter sumitur, etiamsi nec tangatur; nec vi-
deatur, dummodo non tam longe ab eo absit, vt si videre pos-
set, non videret.*

1744 *Non potest Sacerdos posita coram hostia dicere volo consecra-
re omnes partes proportionales pares, non impares, vel aliquid
simile.*

1745 *Probabilior est consuetudo Ecclesiae Latinae conficientis sacra-
mentum ex pane azymo, quam Graecae conficientis ex pane fer-
mentato.*

1746 *Quemadmodum Latinus peccat consecrando panem fermenta-
tum ita, etiam peccat Graecus conficiendo panem azymum, idemq;
dicendum de alijs Ecclesijs.*

1747 *Materia huius sacramenti est vinum ex vite potabile non ta-
men mixtum, vt mixtio soluat eius speciem, quare mustum, vi-
num acidum, & parum congelatum potest consecrari validè; sed
non licitè, nisi in casu necessitatis.*

1748 *Aqua in consecratione non manet impermixta, neque muta-
tur in vinum, & mox vinum in sanguinem; sed aqua & vi-
num, immediatè mutantur in sanguinem Christi Domini.*

1749 *Hæreticum est asserere confici debere, vel cum sola aqua vel
cum*

cum solo vino, licet mixtio aqua, & vini non sit de essentia sacramenti.

- 1750 Christus Dominus confecit sacramentum Eucharistia ex pane azymo feria quinta vespere, qua nocte captus fuit, eo enim anno incidit festum pascha in sextam feriam.
- 1751 Ex principijs creditis & ex locis Theologicis manifeste colligimus esse possibile ut idem corpus sit simul in caelo, & in terra.
- 1752 Enti, ut enti secundum veram philosophiam non repugnat esse totum simul extra se totum absque sui diuisione.
- 1753 Non repugnat idem numero corpus esse in pluribus locis inter se distantibus in vno quantitatiuè, in altero incircumscriptione in philosophia, immò etiam in vtroque loco circumscriptione.
- 1754 Conuersio concurrit ad corpus Christi Domini ponendum in sacramento non formaliter, sed tanquam causa efficiens: quare Deus potest ponere corpus Christi Domini in sacramento sine conuersione
- 1755 Hæreticum est asserere in hoc sacramento cum substantia corporis Christi Domini manere substantiam panis, & sub specie vini cum substantia sanguinis remanere substantiam vini.
- 1756 Hæreticum est etiam asserere in sacramento manere substantiam panis vnitam verbo hypostaticè, siue id mediante humanitate, siue sine illa fieri dicatur.
- 1757 Negare hoc corpus Christi Domini quod est in sacramento esse natum ex MARIA VIRGINE, & passum in Cruce; si de esse factum ex pane hypostati è assumpto, hæreticum est.
- 1758 Permanentia materia non est de ratione conuersionis formali, & quidditatiua: huic autem conuersioni sacramentali ita repugnat huiusmodi permanentia, ut eam ponere sit hæreticum.
- 1759 Substantia panis, & vini qua desinit esse non resoluitur in materiam primam, nec in materiam præiacentem, nec in aliud mixtum, neque vero dicitur annihilata; quia terminatur in aliquod positiuum.
- 1760 Mutatio per quam corpus Christi Domini ponitur in sacramento; non est simpliciter vlla species mutationis naturalis; sed est mutatio singularis, & ineffabilis continens, & participans eminenter aliquid de singularis.
- 1761 Ista actio proprie, & simpliciter dicitur transsubstantiatio, & sacramentalis mutatio, est autem transsubstantiatio transitus à tota substan-

ta substantia in totam substantiam ex eius vi naturaliter sequitur
vnum fieri ad alterius desitionem, & esse vbi alterum fuit.

1762 Impossibile est panem existentem in altari conuerti in corpus
Christi vt existens in cælo: immò verò etiamsi species panis eius
substantia corrupta in cælum transferatur, & circum velaret cor-
pus Christi Domini, non conuerteretur.

1763 Si conuersio sumatur pro sola panis destructione; sic non est ratio
presentiæ Christi Domini in altari; si verò sumatur pro actione af-
ficienti panem & Christi Domini est causa presentiæ illius.

1764 Hæc propositio panis est corpus Christi Domini in rigore sum-
pta, & in sensu composito est hæretica, sicut hæc panis potest esse
corpus Christi Domini; in sensu tamen diuiso est Catholica.

1765 Bene dicimus panem transire in corpus Christi Domini; sed ma-
gis propriè dicimus de pane, siue ex pane fieri corpus Christi Do-
mini.

1766 In sacramento Eucharistiæ est Christus Dominus secundum se
totum sub vtraque specie, partim quidem ex vi sacramentis; par-
tim verò secundum concomitantiam.

1767 In specie panis est corpus Christi Domini ex vi sacramentis; ani-
ma autem, & diuinitas per concomitantiam; in specie vini est san-
guis ex vi sacramentis; corpus vero, anima, & diuinitas per con-
comitantiam.

1768 Si quis in triduo mortis Christi Domini consacrasset; tunc sub spe-
cie panis fuisset solum corpus Christi Domini; sub specie vini solus
sanguis, non corpus nec anima.

1769 Corpus quod per se terminat conuersionem non est materia pri-
ma cum modo quantitativo, sed cum organica dispositione includen-
te quantitatem, et figuram naturalem secundum dispositiones qua-
litatiuas naturales, terminus autem primarius conuersionis est
tantum quid substantiale.

1770 Corpus Christi Domini vt est in sacramento nihil addit supra ip-
sum, vt est in cælo, nisi purum respectum simplicis coexistentiæ ad
species, & ad locum specierum.

1771 Esse sacramentale corporis Christi Domini nullo modo dependet
ab esse ipsius in cælo: immò destructo per Dei potentiam esse natu-
rali in cælo posset perseuerare esse sacramentale; & potuisset pone-
re illud

re illud in sacramento ante incarnationem, & organizationem.

1772 Corpus Christi Domini est in hostia secundum figuram rectam, & mota localiter hostia mouetur localiter: circumuoluta autem hostia non circumuoluitur.

1773 Ipsum corpus Christi Domini dentibus frangitur, secatur, atterritur; quatenus hæ mutationes dicunt solum motum localem sine ulla alteratione, quæ quidem cadit in solas species.

1774 Christus Dominus est in hostia finitibus multiplicatus; & toties quot partes sunt in hostia aptæ designari per realem & æt ualem designationem: quod si centies designes, erit centies multiplicatus; & rursus addas duas; erit in illis duabus sine noua sui productione.

1775 Si accipiamus in Christi Domini corpore punctum indiuisibile, in quo diximus esse Christum Dominum; id quod immediatè sequitur non est punctum; sed continuum, in cuius quolibet puncto assignato est totus Christus Dominus.

1776 Hæreticum est negare Christum Dominum esse in qualibet parte hostia post eius diuisionem, seu fractionem.

1777 In sacramento Eucharistia est realis quantitas dimensiu corporis Christi Domini, per quam illud est diuisibiliter in ordine ad se, in ordine partium ad partes, & partium ad totum; indiuisibiliter uero in ordine ad species sacramentales, seu ad locum illarum.

1778 Corpus Christi Domini ut est in cælo nullo modo mouetur: ut autem est in sacramento mouetur non per se; sed per aliud ad motum scilicet specierum.

1779 Etiam si Christi Domini corpus cœpisse esse in instanti in sacramento de fide sit, tamen non repugnat desinere esse in illo successionē temporis; & tunc erit in medio inter cælum, & altare modo naturalis, & quantitatiuo non sacramentalis; sed indiuisibili.

1780 Non solum de facto, sed etiam de possibili non potest corpus Christi Domini ut existit in sacramento uideri naturaliter ab oculo corporeo creato, etiam corporis gloriosi.

1781 Probabile est corpus Christi Domini uideri posse ab oculo uiatoris aliquo modo confuso, & obscuro, nisi Deus impediret, ut fides locum habeat: non repugnat etiam ab oculo corporis gloriosi.

1782 Corpus Christi Domini potest distinctè uideri in sacramento per miraculum: immò etiam id aliquando quibusdam concessum est.

Et si

- 1783 *Et si oculus Christi Domini in sacramento non clarius se videt naturaliter quàm oculus viatoris; tamen probabile est de facto ex miraculo seipsum videre in sacramento distinctè; cum tamen non videat modum, quo est in sacramento.*
- 1784 *Angelus & anima separata siue in paradiso, siue in purgatorio existens naturaliter videt accidentia esse sine subiecto, & absentia panis ab ipso sacramento.*
- 1785 *Corpus autem ipsum valde probabile est non posse videri naturaliter ab ullo intellectu creato, & abstracto siue angelico, siue humano, siue beato, siue viatore.*
- 1786 *Non solum possibile est, sed etiam de facto ita se habet quòd omnis intellectus beatus in verbo videt corpus Christi Domini ut est in sacramento, & modum quo in illo est.*
- 1787 *In hostia corruptis alijs accidentibus, & salvis solis dimensionibus non remanet corpus Christi Domini, quòd tamen remanet merito à fidelibus adorari debet adoratione Latræ.*
- 1788 *Quantitas destructa tamen forma specierum in sacramento Eucharistia est subiectum accidentium remanentium; ita ut sola quantitas sit sine subiecto: id verò non fit per nouum miraculum, nam quantitas ante conuersionem, etiam erat subiectum accidentium.*
- 1789 *Accidentia sacramentalia, seu species sacramentales non solum possunt producere alia accidentia, sed etiam substantias, partialiter tamen tanquam causa secunda eleuata supra suam speciem.*
- 1790 *Per easdem alterationes desinit esse substantia Christi Domini in sacramento, per quas desineret esse substantia panis, si esset; & omnia ea patitur, & agit, quæ pateretur, & ageret substantia panis: ideoque nutrit sumentem.*
- 1791 *Species sacramentales partim corrumpuntur, partim verò annihilantur; accidentia enim habentia subiectum corrumpuntur: quantitas verò sola annihilatur.*
- 1792 *Et quando corrumpuntur, primum agens naturale quod corrumpit, ponit in dimensione panis aliquas dispositiones forma introducenda tum verò Deus creat nouam materiam, & quantitatem panis noua dispositione affectam reponit in materiam, tum denum agens naturale se habet quasi per accidens.*
- 1793 *Si species sacramentalis rarefiat, acquiritur noua quantitas qua*

producitur à solo Deo, & in ea subieclatur rarefactio, & qualitates consequentes ipsam.

- 1794 . Si vero aqua vino apponatur, ut solvatur species, & substantia vini, desinit in eo esse substantia sanguinis Domini: vini autem corruptio non fit per eius diuulsionem, sed per actionem aqua in ipsam; & tunc vinum non conuertitur in aliquod tertium, sed in ipsam aquam.
- 1795 . Si vero magna quantitati vini consecrati gutta aqua admisceatur, nec minima quidem vini particula corrumpitur; sed tantum repatitur propter delibitationem coloris, & saporis vini.
- 1796 . Si ex dolio emittatur parum vini, & id consecratur, & deinde immittatur in dolium: pars consecrata non corrumpitur.
- 1797 . Si vino consecrato superaddatur quantumlibet vini differentis ab eo colore non sapore, nulla pars vini consecrati distinguitur, ac proinde Christus Dominus adhuc perseverat in illo.
- 1798 . Vera, & germana forma huius sacramenti est illa, Hoc est corpus meum; & Hic est sanguis meus, à Christo Domino immediate instituta, & prolata, quam immutare solus ipse potest, qui instituit.
- 1799 . Oratio deprecatoria precedens consecrationem non est de essentia sacramenti; Est tamen vetustissima traditio in Ecclesia, & per eam petitur ut consecratio illa cedat in salutem animarum.
- 1800 . Sacerdos profert verba consecrationis non tanquam historicus; sed significatiue, & recitatiue, & personaliter: & forma consecrationis significat conuersionem panis expressè.
- 1801 . Pronomen, hoc, non significat panem, neque corpus Christi Domini, & panem simul; sed gradum quendam superiorem indifferenter ad vtrumque.
- 1802 . Hac propositio, Hoc est corpus meum, toto tempore prolationis verborum est vera veritate inchoata, & in vltimo instanti prolationis est vera veritate consummata, vtroque tamen est vera secundum omnem rigorem.
- 1803 . Verba antecedentia, & consequentia non sunt de necessitate sacramenti; sunt tamen de necessitate precepti, & ea omittens consulto peccat mortaliter.
- 1804 . Hoc sacramentum per se, & ex sua natura non confert primam

nam gratiam, sed illam supponit, & auget, per accidens tamen confert primam gratiā vel per se, sed inchoatē, quatenus alia sacramenta conferunt illam includendo. *verum huius.*

1805 Hoc sacramentum non solum est eucharisticum, sed etiam propitiatorium, & expiatorium: per hoc enim sacrificium incrementum applicantur fidelibus merita sacrificij cruenti.

1706 Est autem propitiatorium non solum ex opere operantis, sed etiā ex opere operato: & utroque modo remittit peccata, impetrat gratias gratis datas, & bona temporalia, & gratiam, & gloriam.

1807 Valet autem non solum ad remissionem pœnæ; sed etiam culpæ etiam mortalis; quod effecit primo si sit aliquis attritus tantum, sit enim contritus; secundo impetrando motiones internas Spiritus sancti.

1808 Non solum prodest conscientis; sed etiam alijs: immo toti populo Christiano, idque non solum ex intentione Ecclesiæ, sed etiam ex priuata intentione ministri.

1809 Prodest etiam defunctis in gratia detentis in pœnis purgatorij adeas minuendas, vel omnino relaxandas.

1810 Fructus huius sacrificij peculiari ratione applicatur ijs ad quos tendit peculiaris intentio ministri distincta & explicita, nisi teneatur alio vinculo.

1811 Etiam si in Ecclesia nullus esset iustus; adhuc tamen hoc sacrificium esset profuturum ex opere operato: est autem limitatus eius fructus tam ex opere operato, quàm ex opere operantis: ad augmentum autem operis operantis augetur virtus operis operati: quatenus virtus operis operati, in suscipiente recipitur.

DE POENITENTIA.

1812 **I**N SACRAMENTO Pœnitentia res sacramenti est remissio peccati, sacramentum est actus exercitus pœnitentis, & sacerdotis absoluentis, res & sacramentum est pœnitentia interior peccatoris.

1813 Huius sacramenti partes sunt actus pœnitentis, scilicet contritio, confessio, & satisfactio: forma est absolutio, satisfactio est pars integralis, non essentialis sacramenti.

- 1814 *Materia remota huius sacramenti sunt peccata, proxima verò actus poenitentis: Est autem hoc sacramentum de peccato actuali mortali; de originali autem non est poenitentia nisi improprie, quatenus voluntas ad nostram reputatur.*
- 1815 *Peccata mortalia ante baptismum commissa non sunt necessaria; sed utilis materia huius sacramenti, sicut peccata quae quis semel confessus est.*
- 1816 *Verba sacramentalia, Ego te absolvo, non ita sunt accipienda, quasi dicat sacerdos, egote absolutum ostendo; sed quasi dicat, Ego absolutionis sacramentum tibi do.*
- 1817 *Evangelici sacerdotes verè & realiter à peccatis absolunt: non sunt autem duae absolutiones, altera Dei absolventis, altera sacerdotis approbantis, vel è conuerso; sed vna, & eadem à Deo tanquam ab agente principali, & à sacerdote tanquam instrumentali.*
- 1818 *Non est dicendum maculā peccati, et reatū aeternae poenae tādāni quāmsensusimmediatè à Deo tolli, & remanere penes sacerdotē tantumpotestatem imponendi satisfactionem pro poena temporali.*
- 1819 *Si quis habeat copiam sacerdotis, & non curet confiteri; non proinde remanet reatus ad aeternam poenam omnium peccatorum, de quibus antea fuerat absolutus.*
- 1820 *Per sacramentum poenitentiae proprie, & in rigore dicitur homo absolui non solum à poena; sed etiam à culpa.*
- 1821 *Verba necessaria implicitè de necessitate sacramenti sunt, Ego te absolvo, explicitè verò sunt, Absolvo te: reliqua verba, & inuocatio sanctissimae Trinitatis non sunt essentialia sacramento.*
- 1822 *Impositio manuum in sacramento poenitentiae non est necessaria de necessitate sacramenti; sed congrua: Vbi tamen non est consuetudo, non peccat qui omittit.*
- 1823 *Votum explicitum huius sacramenti non est necessarium necessitate mediij, etiam post peccatum mortale actuale post baptismum, quando quis iustificatur ex contritione.*
- 1824 *Votum implicitum illius est necessarium necessitate mediij quando quis iustificatur ex contritione; quia continetur in illa.*
- 1825 *Poenitentiae sacramentum est conuenienter in Evangelical lege institutum, quasi secunda post naufragium tabula: eius tamen ministerium nunquam Christus exercuit.*

- 1826 Pœnitentiâ actualis non potest esse continua in tota Vita : non est tamen dicendum hominem quoties recordatur peccati à quo iustificatus est, teneri ad illius pœnitentiam.
- 1827 Præceptum affirmativum pœnitentiæ tantum semel obligat ad obtinendum iustificationem peccatorum, præceptum vero negativum obligat ad semper.
- 1828 Potest quis per pœnitentiam iterum atque iterum obtinere veniam peccatorum : est igitur vera præterita pœnitentiâ, etiam si quis in peccatum relabatur.
- 1829 Pœnitentiâ est virtus si sumatur pro dolore peccati prout est in anima, & in voluntate, non prout est in appetitu sensitivo; nisi sit ex electione rationis & acquisita.
- 1830 Est autem virtus specialis expellens omne peccatum effectivè, in quantum operatur ad destructionem peccati prout est remissibile ex diuina gratia homine cooperante.
- 1831 Actus pœnitentiæ per hoc specificantur quod dicunt intentionem compensandi iniuriam factam Deo; non vero ex eo quod dicant detestationem peccati.
- 1832 Pœnitentiâ non est ipsamet iustitia commutativa; sed pars potestativa illius: unde actus illius non est actus iustitiæ distributiæ, nec commutatiuæ formaliter; sed huius potestatiuæ.
- 1833 Cæteris paribus quod quis maiorem habet pœnitentiam, eò est studiosior, & laudabilior, absolute autem è conuerso is nimirum, qui nullam habet actualem pœnitentiam.
- 1834 In Christo Domino, & in Angelis siue in Via siue in patria, & in primis parentibus in statu innocentie non fuit, nec est virtus pœnitentiæ etiam secundum habitum.
- 1835 In beatis qui peccauerunt in Via remanet virtus pœnitentiæ quoad habitum: in his verò, qui non peccauerunt, nequaquam.
- 1836 Actus pœnitentiæ procedit à timore seruili, tanquam à primo motu affectus; à filiali verò sicut ab immediato, & proximo principio: in pœnitentiâ enim hic est ordo actuum: primus est operatio Dei conuertentis cor; secundus est motus fidei; tertius est motus timoris; quartus motus spei; quintus motus timoris filialis.
- 1837 Nullum peccatum potest remitti sine pœnitentiâ prout est
Virtus

Virtus siue actualis, siue habitualis: potest autem sine sacramento pœnitentiæ.

1838 Dolor de peccatis, qui dicitur contritio ad salutem non est necessarium ut sit maximus, qui esse potest; neque ut sit maximus respectu aliorum, quos quis passus est.

1839 In martyrio sicut in cæteris actibus charitatis non potest haberi iustificatio sine antea actæ vitæ pœnitentiæ, si eius memoria occurrat.

1840 Potest nonnunquam in nobis esse actus charitatis sine contritione explicita; & eo tantum remitti nobis possunt peccata siue in martyrio, siue quocunque alio charitatis actu.

1841 Datur speciale præceptum contritionis: excusatur autem ab huius præcepti obseruatione, qui continuo post admissum peccatum moritur.

1842 Præceptum contritionis non continetur sub illo decalogi præcepto non occidendi seipsum spiritualiter; sed est peculiare ex virtute charitatis, quatenus tenemur cum Deo reconciliari: est autem huiusmodi præceptum affirmatiuum.

1843 Non tenemur agere pœnitentiæ de peccatis omni die festo; neque quoties instat periculum obliuionis peccatorum; sed tantum administrandum Eucharistiæ sacramentum: absolute autem, & per se non obligat nisi in articulo mortis.

1844 Non est necesse singulis peccatis adhiberi contritionem & examen conscientie ad illam nec necessitate mediæ nec necessitate præcepti in vlla lege.

1845 Ad maius peccatum mortale non est necessaria maior contritio; sed vna pro omnibus sufficit siue cum examine, siue sine illo.

1846 Vera contritio tria postulat, displicentiam de præteritis, propositum cauendi de futuris; & quod procedat ex habitu charitatis.

1847 Attritio non potest fieri contritio, ita ut idem actus, qui erat attritio sit contritio; sed tantum quatenus attritio virtute sacramenti æquualet contritioni.

1848 Deus, quæ sua est omnipotentia absoluta, potest tollere peccata per solam infusionem gratiæ habitualis sine aliquo motu liberi arbitrii.

1849 Deus neque de potestate ordinaria neque absoluta potest remittere

tere vnum peccatum sine remissione alterius, si sit vera remissio, qua scilicet fit per iustificationem.

1850 Per penitentiam tollitur quidem reatus aeternae poenae; sed remanet reatus poenae temporalis qui incurritur ratione conuersionis ad bonum commutabile.

1851 Peccatum veniale non potest remitti sola attritione absque remissione mortalis; immo neque etiam existenti in gratia sola attritione remitti potest.

1852 Ipsum non remittitur sine sacramento penitentiae, nisi per contritionem actualem: vnde aliquo actu charitatis sine dolore expresso potest remitti, si contineat virtualiter detestationem illius.

1853 Non est dicendum omne peccatum veniale aut deleri in hac vita, aut tandem morte ipsa fieri mortale, sed si quis moriatur cum solo veniali; illud remittetur ei in alia vita.

1854 Neque verò in primo instanti separationis animae à corpore ex sola gratia habituali tolluntur peccata venialia, ita vt in toto residuo tempore nihil purgandum supersit; neque remittuntur successiue toto tempore, quo anima purgatorij pœnis affligitur.

1855 Sed remittuntur in alia vita quoad maculam, & culpam in instanti separationis animae à corpore solo actu contritionis, & dilectionis.

1856 Ad peccati venialis remissionem semper praesupponitur gratia infusio: non est autem necesse iusto, cui remittitur peccatum veniale augeri habitum gratiae.

1857 Vniuersaliter omnia nouae legis sacramenta, & confessio generalis, unctio pectoris, oratio Dominica, Benedictio Episcopalis, & Asperio aqua benedicta vñctio sacramentalis, & Oratio in Ecclesia dedicata, purgāt à peccato veniali, si sint cū detestatione illius.

1858 Peccata venialia non remittuntur per haec sacramentalia ex opere operato, neque ex actu humilitatis, vel poenae litatis qua huiusmodi sacramentalia recipiuntur; sed propter contritionem, & dilectionem recipientis.

1859 Peccata aliàs dimissa non redeunt, neque quoad conuersionem, neque quoad auersionem, aut maculam peccati; redeunt tamen aliqua ratione in quantum peccatum, quod fit post iustificationem reditur grauius accedente in gratitudine.

- 1860 Non est dicendum remissa peccata posse redire & iure optimo imputari nobis potuisse ob sequens peccatum neque quòd non redeant, dicendum est ex diuinæ misericordia prouenire.
- 1861 Maior ingratitudo est peccare post præteritorum peccatorum remissionem, quàm post innocentiam: Vnde grauius peccamus nos quàm peccauerit Adam primo peccato.
- 1862 Per pœnitentiam restituuntur omnes virtutes gratuite; ipsa verò pœnitentia quatenus virtus, est effectus gratiæ, sed quatenus sacramentum est causa gratiæ & omnium virtutum.
- 1863 Redeunt præterea merita præterita in integrum non iuxta mensuram charitatis, & gratia, in qua homo resurgit, sed iuxta mensuram charitatis, in qua facta sunt vna cum gratia illi correspondente.
- 1864 In iustificatione post peccatum non redit gratia, quæ collata fuit in sacramento ex opere operato; nisi forte id fiat ex Dei beneplacito; de quo tamen nihil mihi constat.
- 1865 Merita quandiu homo est in peccato sunt tantum mortificata, non mortua; habent enim ius ad gloriam sub conditione, si satisfiat pro peccatis post eacommisissis.
- 1866 Opera bona, quæ fiunt in statu peccati non remunerantur in vita aterna; sed temporali remuneratione: Vnde si Schismaticus pro Christo pateretur, hoc illi prodesset, quatenus tolerabilius fieret illi futurum iudicium.
- 1867 Sacramenti pœnitentiæ reperitur institutio, & necessitas in Ecclesia ante Innocentium III. Vnde necessarium est de præcepto diuino quod colligitur ex illo Ioannis XX. Quorum remiseritis peccata remittuntur eis.
- 1868 Potuisset Ecclesia ponere præceptum annuæ confessionis, non tamen contritionis: annuæ autem confessionis præceptum non est ecclesiasticum; sed est modificatio iuris diuini, quod alias obligabat; igitur Ecclesia præcepit temporis circumstantiam, Christus Dominus operis substantiam.
- 1869 Si præceptum annuæ confessionis esset ecclesiasticum positium purum, & non diuinum; non obligaremur ad confitendum peccata cogitationis; sed tantum locutionis, & operis.
- 1870 Summus Pontifex etiam de Apostolica potestatis plenitudine non po-

non potest abrogare praeceptum confessionis pro omni loco, tempore, & persona.

1871 Si vero dispensaret praeceptum annuae confessionis sine causa, peccaret ipse quidem; sed dispensatio valeret.

1872 Si Romanus Pontifex hoc praeceptum annuae confessionis in vniuerso Christianismo dispensaret teneremur ad confitendum tantum in articulo mortis, & in eius probabili periculo.

1873 Summo Pontifici incumbit praeceptum determinandi tempus praecepti confessionis, ne Ecclesia maneat absque usu huius sacramenti.

1874 Summus Pontifex etiam si sit supra Concilium; tenetur tamen ad confessionem non tantum praecepto diuino; sed etiam illo cap. Omnes vtriusque sexus de poenit. dist. 5. quoad vim tamen directiuam non coactiuam.

1875 Nec de praecepto Ecclesiastico, nec naturali, nec diuino tenentur infideles ad confessionem pro aliquo tempore: peccata enim ante baptismum commissa non sunt materia confessionis.

1876 Omnes fideles tenentur hoc praecepto etiam ante annos pubertatis, disparitas tamen est in sexu, citius enim viri, quam feminae obligantur.

1877 Summus Pontifex non potest precipere confessionem peccatorum mortalium ante baptismum commissorum: non enim potest immutare essentiam sacramentorum.

1878 Praecepto annuae confessionis tenentur tantum habentes peccata mortalia; quod verò Ecclesia habeat auctoritatem ea retinendi, & de ipsis absoluen-di; traditione constat, cum de venialibus sola ratio ne probetur. Si quis autem ordo est cui mensurae confessionis praeceptum legitime impositum sit; debet hoc praeceptum ab omnibus eius religionis inuiolabiliter seruari etiam à non habentibus nisi venialia peccata.

1879 Summus Pont. potest precipere confessionem peccatorum venialium indirectè precipiendo mensuram, vel hebdomadariam confessionem: sed non directè precipiendo ut quoties confitemur, venialia confiteamur.

1880 Praeceptum confessionis non obligat statim ac quis cecidit in peccatum mortale, sed statis temporibus, & primum quidem semel in

anno quocunque die illius, computando annum secundum computum Ecclesie .

1881 Alterum tempus obligationis huius precepti est cum quis probabiliter timet se non habiturum copiam confessarii debito tempore : & idem dicendum de anticipatione Eucharistie ; nisi quod non licet sine hac conditione anticipare Eucharistiam sicut confessionem .

1882 Tertium tempus est in aegritudine , bello , vel nauigatione periculosis , & in articulo mortis ; & quando sumenda est Eucharistia , siue de precepto , siue ex simplici deuotione .


1883 Omnes circumstantie siue actum specificantes , siue non , si faciant de veniali mortale , sunt explicande in confessione .

1884 Circumstantias aggrauantes in quantum tales sunt non est de precepto in confessione explicari , exceptis ijs , quae non supponunt actum iam constitutum in ratione morali ; sed possunt illi tribuere primam malitiam .

1885 Mendacium de peccato veniali in confessione vel negando factum , vel asserendo non factum , non est peccatum mortale , nisi quando quis illud solum confitetur .

1886 Si quis repente morbo obmutescat potest poenitentiae sacramentum accipere : si testimonium voluntatis praeiteritae aut aliorum verbis habet , aut praesentis in suo nutu .

DE EXTREMA VNCTIONE .

1887  XTREMA Vnctio est verum , & distinctum sacramentum nouae legis ; cuius effectus communis , & hypotheticus est remissio peccatorum , tam mortalium , quam venialium .

1888 Effectus autem proprius est corroborare moribundum contra molestias , & conflictus proprios aegrotantium , & salutem corporis confirmare ; dummodo anima id expediat .

1889 Temerarium est asseuerare sacramentum Extremae Vnctionis conferre valetudinem corporalem absolute : effectus enim primarius est mentis hylaritas .

1890 Materia huius sacramenti est oleum olearum non ita admixtum alijs materijs , ut essentiam , & naturam olei amittat .

& de

de essentia sacramenti est ut oleum sit benedictum.

1891 Forma deprecatoria, qua utimur in hoc sacramento nihil derogat dignitati, & certitudini ipsius, & ea nisi quis utatur non conficit sacramentum.

1892 Minister ordinarius huius sacramenti est Presbyter: at si alius id tentet, non conficit: inter Presbyteros autem licite vngit solus Parochus, & Episcopus.

1893 Sacramentum hoc si conferatur minimè periclitanti, aut exsistenti in mortis articulo; aut puero ante usum rationis, nihil valet.

1894 Ut hoc sacramentum proprium sortiatur effectum, non sufficit contritio in suscipiente; sed necessaria est confessio; & si inter vngendum appareat certum mortis iudicium, debet vntio omitti.

1895 Quod si Sacerdos inter vngendum moreretur, debet vntio non iterari; sed finire ab alio: si quis autem careat aliquo ex ijs membris quæ vngi debeant; debet vngi pars illi propinquior.

1896 Debent autem vngi primò oculi tum aures, deinde os, tum manus, post has renes aut pectus, & demum pedes; de essentia autem sacramenti sunt tantum quinque primæ vntiones.

1897 Quare quinta vntione peracta gratia sacramentalis confertur: si quis autem hoc sacramentum omittat, siue ex contemptu siue ex negligentia, mortaliter peccat.

DE SACRO ORDINE.

1898 **D**ISTINCTIO inter Clerum, & Populum est de iure diuino, & Clerus est vere Hierarchia Ecclesiastica erga populum.

1899 Ordinatio Sacerdotum, & ministrorum Ecclesiæ est verè, & propriè sacramentum legis Euangelicæ distinctū ab alijs.

1900 Sacerdotes Euangelici ordinati sunt non solum ad ministerium verbi, & regimen sacramentorum; sed etiam ad orandum publicè pro populo, & ad sacrificandum.

1901 Hac potestas sacerdotalis est Character indelebilis, de cuius essentia est Character baptismalis, ita ut sine hoc imprimi non possit.

1902 Ordinatio Sacerdotum, & ministrorum Ecclesiæ de iure diuino pertinet ad Episcopos, & Pastores Ecclesiæ, non ad suffragia populi.

li; eius autem consensus saepe requiritur de necessitate precepti; nunquam de necessitate sacramenti.

1903 In Ecclesia Romana sunt veri sacerdotes, apud haereticos vero non sunt nisi qui ordinati sunt ab Episcopis Romanae Ecclesiae.

1904 Si per ordinem intelligamus omnem actum Ecclesiasticum, sunt sexdecim ordines nempe septem ordinarii, octauus Episcopatus, nonus Cantor, vel Psalmista, decimus Monachorum, & Virginum undecimus Diaconissatum, duodecimus Laborantium, tertiusdecimus Vespillonum, quartusdecimus Editui, decimusquintus Confessorum fidei coram Tyranno; sed non martyrizatorum sextusdecimus Prima Tonsura.

1905 Si ordo sumatur strictissimè pro potestate exercendi aliquem actum immediatum super Corpus Christi Domini verum, vel mysticum: sunt duo ordines, Episcopatus, Presbyteratus.

1906 Si vero ordo sumatur pro deputatione ad aliquem actum peculiarem in ordine ad celebrandum sacrificium Missae, & Eucharistiae; sunt septem ordines, Ostiarius, Exorcista, Acolytus, Lector, Subdiaconus, Diaconus, Presbyter.

1907 Si demum sumatur prout dicit deputationem ad qualemcunque actum Hierarchicum, & non ordinatum ad sacrificium Missae, sunt novem ordines, nimirum septem enumerati, & praeterea Lector, & Episcopus.

1908 Et quamvis dicamus multos ex his ordinibus esse sacramenta: id tamen non praedudat Ecclesiae traditioni de numero septenario sacramentorum.

1909 Quatuor ordines minores nec gratiam conferunt, nec imprimunt characterem: quare probabilius est non esse sacramenta Ecclesiae, neque de iure diuino instituta.

1910 Episcopatus est de iure diuino institutus, & est ordo superior Presbyteratus non solum quoad iurisdictionem; sed etiam quoad maiorem potestatem characteris, saltem Chrysmatis, & Ordinum.

1911 Episcopus non potest obire munus Presbyterale sine characterè Presbyterali: potest autem Presbyter propria munera obire sine characterè Diaconali; vel Subdiaconali.

1912 Diaconatum, et Subdiaconatū esse sacramentū non ita exploratum habemus; ut contrarium asserentes, haereticos condemnemus.

DE MATRIMONIO,

1913 **M**ATRIMONIUM est contractus, & coniunctio non corporum; sed animorum Viri, & Mulieris, qua alter alteri per consensum exteriori signo expressum tradit corpus suum ad vsum Matrimonij, indiuiduam vitam consuetudinem retinens.

1914 Est autem Matrimonium vt contractus de iure naturali idest eiusmodi, vt illud naturale rationis lumen dicet esse licitum, & conueniens rationi, & humani generis conseruationi, non quod ad illud homines pondere natura ferantur.

1915 Matrimonium à principio mundi ante, & post primum peccatum per aliquod tempus fuit de præcepto obligans omnes, & singulos homines: postea verò quàm crescentibus culpis, homines sufficienter multiplicati sunt super terram, non obligauit amplius singulos, sed libere quisque poterat ducere calibatum.

1916 Cum verò post vniuersale diluuium essent sola octo animæ superstitēs super terram; antiquum præceptum renouatum fuit Geneseos 8. Crescite, &c. quod tūc demum singulos obligare cessauit, cum iam tantus hominum numerus creuit, vt de generis humani perditione dubitandum non esset.

1917 Cum Deus Genesis 8. dixit: Crescite & multiplicamini, &c. non instituit nouum præceptum matrimonij; sed naturale matrimonij præceptum humanis mentibus à se inditum, & consignatum eo tempore obligare declarauit.

1918 Præceptum Matrimonij vt est contractus humanus & naturalis primis parentibus in Aeuæ conditione inditum fuit, atque adeo Deus cum dixit, Crescite, &c. Genesis 1. non instituit; sed institutum benedixit Matrimonium.

1919 Dicere Matrimonium ante carnalem copulam non esse integrū cum omnibus suis partibus essentialibus; sed eam actualiter necessariam esse sacramento, est hæreticum.

1920 Matrimonium est sacramentum Ecclesiæ conferens gratiam cuius causa efficiens fuit Christus Dominus instituens illud cum dixit. Quos Deus coniunxit homo non separet.

1921 Finis Matrimonij quadruplex est; propagatio proles, fides coniugalī,

ingalis, remedium concupiscentia, & mysterium vñionis verbi
cum humana natura per hypostasim, & vtriusque, scilicet Christi
cum Ecclesia per gratiam.

1922 Sacramentum tantum est exterior consensus Matrimonij inclu
dens verba, & signa expressiua mutui consensus: res, & sacra men
tum est vinculum coniugale indissolubile; res sacramenti est duplex
altera signata, & contenta, scilicet gratia matrimonialis, altera
signata non contenta, scilicet signum vñionis hypostatica in Chri
sto, & eius cum Ecclesia per gratiam.

1923 Infidelium Matrimonium nullam habet Ecclesiastici sacra men
ti rationem; sed est tantum contractus civilis, & naturalis, neque
verò fit sacramentum quando vterque coniux fit Christianus; nisi
de nouo contrahant Matrimonium in facie Ecclesie per consensum
expressum, & verba de presenti.

1924 Sponsalia sunt mutua promissio futurarum nuptiarum, quo non
possunt esse inter minores septennio completo, etiam si discretio su
peret aetatem; quemadmodum nec inter maiores septennio quando
non apparet signum vsus rationis, & parentes contrasacientes mor
taliter peccant.

1925 Verba contrahentium quando sunt de presenti contrahunt Matri
monium, quando de futuro contrahunt Sponsalia: cum vero de v
troque ambi iur, est respicienda intentio contrahentium.

1926 Sponsalia inter absentes per procuratorem, vel nuncium pos
sunt valide contrahi, & si antequam procuratores contraherent,
actu contrahentes reuocent mandatum, Sponsalia annullantur,
secus si post.


1927 Claudestina sponsalia etiam post Concil. Triden. sunt valida, &
licita, nisi tamen sint de matrimonio claudestino contrahendo.

1928 Si duocōtrahant Sponsalia de contrahendo Matrimonio absolu
tè, & postea contrahant matrimonium claudestinum, vi sponsa
lium tenetur celebrare matrimonium in faciem Ecclesie.

1929 Si dua persona, inter quas est canonicum impedimentum Ma
trimonij, contrahant sponsalia cum conditione apposita; si Romanus
Pontifex dispensauerit, illa non sunt valida; nisi obtenta dispen
satione expresse, vel tacite ratificentur; & idem de Matrimonio di
cendum est.

- 1930 *Mutuus Vtriusque contrahentis consensus ita necessarius est ad Matrimonium, ut eius defectus prorsus tollat matrimonium in utroque foro, & sit de ipsius essentia, ita tamen ut possit dici causa effectiua eiusdem.*
- 1931 *De potentia Dei absoluta posset fieri Matrimonium ut sacramentum, & vinculum indissolubile sine consensu contrahentium, quatenus vero est contractus humanus, implicat contradictionem.*
- 1932 *Ad Valorem Matrimonij satis est consensus contrahentium sine consensu parentum, vel superiorum; debetque esse explicitus verbis, vel signis, & nutibus siue sint muti, vel surdi, siue sine ulla defectu.*
- 1933 *Hic consensus debet esse in utroque contrahente simul siue actualiter, siue virtualiter: quod si alteruter post eius expressionem se consensisse neget; nulla est ipsi habenda fides.*
- 1934 *Summus Pontifex de Apostolica potestatis plenitudine potest dissolvere matrimonium ratum non consummatum, de communi consensu coniugum.*
- 1935 *Matrimonium ratum, & consummatum etiam de Vtriusque coniugis consensu, & causa fornicationis dissolui non potest quoad vinculum.*
- 1936 *Contracto inter fideles matrimonio si alter coniugum recedat a fide per Haresim, vel Apostasiam licite potest alter ab eo diortium facere quoad thorum, & habitationem.*

DE ANTICHRISTO. EXTREMO IUDICIO. CONSUMMATIONE SAECVLI. AC GLORIFICATIONE SANCTORVM.

- 1937  **NTICHRISTVS** ante extremi iudicii diem venturus nascetur ex populo Iudaorum de Tribu Dan ex parentibus sicut alij homines: & totus Diabolo repletur ex utero matris, ut totus sit malus totus perditus
- 1938 *Sed ante virtutes ab Ecclesia magna cessabunt, sponsa Christi silebit, & cessabit iuge sacrificium, & deiciet locum sanctificationis eius.*

Et extol-

1939 Et extollet se Antichristus supra omne quod dicitur Deus; aut
- quod colitur; & erit aduentus eius in omni virtute, & signis, &
- prodigijs mendacibus: Et dabitur ei potestas in omnem tribum, &
- populum, & linguam, & gentem, & adorabunt eum omnes qui
- inhabitant terram, quorum non sunt scripta nomina in libro vite,
- & ex alijs plurimi atrocissimum subibunt martyrium.

1940 IUDICIUM EXTREMUM præcedet Solis & Lunæ obscu-
- ratio, quæ si fiat diminutione luminis, & naturaliter; non poterit
- esse in utroque simul; si supernaturaliter, poterit uterque simul ob-
- scurari; & idem de cæteris stellis sentiendum.

1941 Quod si Sol, & Luna, cæteraque astra obscurabuntur, non pro-
- prij luminis diminutione; sed veri luminis comparatione, obscuratio
- incipiet veniente Christo, & descendente cessabit.

1942 Et sic intelligitur quod scriptum est, quòd erit lux Lunæ sicut
- lux Solis & lux Solis septemplex, Isaiæ 30. quod idem de alijs
- syderibus Astronomica ratione concludimus; sed comparatione ve-
- ri luminis omnia tenebrosa erunt.

1943 Virtutes Angelicae mouentes cælus mouebuntur quatenus cessa-
- bunt mouere cælus; & quia tunc vel maxime miracula facient;
- quia nouum Iudicis aduentum admirabuntur, non propter ignoran-
- tiam; sed quia diuina mysteria non comprehendunt.

1944 Purgabuntur etiam elementa, & præteriet figura huius mundi,
- quia iuxta cessabunt, & corruptio in corruptelam non possidebit,
- & inde elementa non habebunt amplius extraneas, sed proprias,
- & actiua qualitates, & elementa ignis ardore tabescent.

1945 Ignis autem elementaris non descendet ex propria Sphæra per
- multiplicationem; neque vero generabitur in media regione Sphæ-
- ræ æliuorum, & passiuorum ex solarium radiorum in concavas
- nubes orthogonia reflexione; sed omnibus causis naturalibus ignis
- tam inferioribus quàm superioribus supernaturaliter congregatis ge-
- nerabitur ignis qui faciem mundi exuret, & ceteros etiam ignes
- consumet & insequens materiam vnde quaque mouebitur.

1946 A nullo elementorum auferetur propria forma substantialis;
- sed tantum mutua actio, & passio & transmutatio inter ipsa, ma-
- xime autem immutabuntur aer, & aqua.

1947 Ille idem ignis corpore hominum purgabit; ita ut corpora ma-
- iorum

- 1948 Ille idem ignis corpora hominum purgabit; ita ut corpora malorum purget, ac puniat; bonorum qui sine peccato veniali decesserunt purget, ut resoluantur; sed non puniat bonorum vero qui habebunt peccatum veniale purget etiam puniendo pro culpa gravitate, quæ omnia faciet non ut ignis naturalis, sed ut instrumentum agentis supernaturalis.
- 1949 Immo etiam purgabit viuos si qui erunt à peccatis venialibus, & quod amittet temporis breuitate, recuperabit actionis intensione, & partes eius calidiores, & crassiores in infernum demittentur in pœnam damnatorum, quod verò subtile, & lucidum sursum ascendet in electorum gloriam.
- 1950 Tunc audietur vox tubæ terribilis, cui omnia obediunt elementa, quæ petrus scindet, inferos aperiet, portas æreas franget, vincula mortuorum dirumpet, & de profundo abyssi animas liberatas corporibus suis assignabit. Quæ omnia citius consumet in opere, quam sagitta transeat in aere.
- 1951 Resurrectio corporum imperabitur à Christo, seu in voce qua imperauit mari Matthæi 8. siue aduentu suo sicut fulgur venit ab Oriente, & apparet in Occidente Matth. 24. ita ut tubam sonare nihil sit aliud quam iudicem mundo demonstrare.
- 1952 Et in ictu oculi resurgent omnes tam boni quam mali quantum ad corporis, & animæ reunionem resurrectione simpliciter miraculosa, nec naturali nisi secundum quid ratione appetitus animæ; & omnes qui resurgent antequam resurgant morientur.
- 1953 In resurrectione mortuorum collectio, & preparatio cinerum fiet ministerio Angelorum; anima verò & corporis unio fiet immediate à Deo.
- 1954 Resurrectio hæc differetur vsque ad finem mundi; neque enim audiendi sunt Chiliasæ dicentes primam resurrectionem futuram esse mortuorum, ut cum Christo mille annis in terra regnent.
- 1955 De die autē illa, & hora nemo scit, neq; Angeli Dei; neq; nostrum. Nosse tempora, vel momenta, quæ posuit pater in potestate sua.
- 1956 Pulueres illi, ex quibus humana corpora reparabuntur, nullam habent naturalem inclinationem ad animam, quæ eis coniugetur; sed ex diuinæ providentiæ decreto fiet, ut hi potius pulueres huic animæ uniantur, quam alij.

- 1957 In resurrectione eadem numero anima idem numero corpus resumet: & ideo Iob dicebat, In carne mea videbo Deum Salvatorem meum.
- 1958 Eadem ratione resurget idem numero homo, iuxta illud, Quem visurus sum ipse, & non alius; cum eadem numero humanitate: neque tamen erit eadem numero coniunctio, quæ fuit prius.
- 1959 Pulveres humani corporis, ad eam corporis partem, quæ in ipsos resoluta est, & in eodem situ redibunt, dummodo id non dicat imperfectionem in beatis.
- 1960 Corpora resurgent cum omnibus membris ad demonstrandam animæ perfectionem, & gloriam, & cum ijs intestina reuiuifcent non sœdis plena superfluitatibus, sed nobilissimis fragrantissima humoribus.
- 1961 Resurgent cum his capillis secundum illud, Capillus de capite vestro non peribit, & ungues, non autem superfluitates, ut sudor, & vrina, neque semen, & alia similia.
- 1962 Omnes resurgent in eadem ætate secundum mensuram ætatis plenitudinis Christi Ephes. 4. non quantum ad numerum annorum hoc enim in senibus est impossibile, sed quantum ad statum, qui in corpore humano ex annis relinquitur.
- 1963 Melius mihi sapere videntur qui vtrunque sexum resurrecturum non dubitant, ut Deus reparet in resurrectione totum id, quod fecit homini in prima conditione.
- 1964 Non resurgemus in vita carnali; unde cessabunt nutritio, & eius partes, & generatio iuxta illud: In resurrectione neque nubent, neque nubentur, unde membra ad hunc usum nobis data in resurrectione erunt ad integritatem tantum.
- 1965 GLORIOSA corpora Sanctorum resurgentium erunt impassibilia passione corruptiua, non quia elementa mansura sint in illis secundum substantiam tantum, neque quod quinta essentia illis admisceatur; sed quia corpus humanum erit totaliter subiectum animæ rationali.
- 1966 Apparebunt in Sanctorum Martyrum corporibus vulnera & cicatrices, neque tamen si qua amputata sunt membra, ipsis carebunt, quia dictum est, Capillus de capite vestro non peribit.
- 1967 Impassibilitas secundum se pure considerata æqualiter erit in omnibus

nibus corporibus, sed ex parte causæ scilicet dominij animæ super corpus, quod sequitur quantitatem gratiæ, maior est in vno quàm in alio.

- 1968 Prima dos corporum gloriosorum erit subtilitas, non qualis est in spiritalibus substantijs, neque similis illi quæ est in aere; sed propter completissimam corporis perfectionem.
- 1969 Poterunt corpora gloriosa coexistere in eodem loco cum corporibus non gloriosis non propriæ virtute subtilitatis; sed Diuinæ operatione virtutis.
- 1970 Corpora gloriosa non erunt in maiori, & minori loco ad placitum voluntatis, neq; per augmentum & diminutionem partium circa eandem materiam; neque per partium in seipsas subintractionem; sed coarctabuntur semper ad æqualem locum.
- 1971 Corpora Beatorum habebunt dotem agilitatis effluentem à gloria animæ redundante in corpus, quod ei erit subiectum vt motori, & vt formæ.
- 1972 Etiam si unumquodq; corpus gloriosum habiturum sit locum sibi conuenientem secundum mensuram dignitatis suæ: tamen poterunt à proprio loco dimoueri sine amissione huius præmij accidentalis.
- 1973 Corpora glorificata non transibunt de loco ad locum sine medio, sed tempore imperceptibili; ita tamen vt præstantiora citius alijs moueantur.
- 1974 Agilitati corporum beatorum adiungetur claritas, cuius causa erit redundantia gloriæ animæ in corpus; ita vt quemadmodum per vas vitreum cognoscitur corpus inclusum; ita ex splendore corporum claritas animarum declaretur. Neque tamen proinde fiet vt non sint pellucida, & diaphana, & ideo non occultabunt corpora post se posita, neque tolletur naturalis corporis color; & huiusmodi corpora etiam si sole sint futura clariora; poterunt tamen mortalibus non glorificatis oculis sine miraculo, & offensione videri; nisi obsec voluntas beatorum.
- 1975 Damnatorum corpora resurgent integra integritate magnitudinis, sublati etiam omnibus defectibus ex debilitate & corruptione prouenientibus, vt aegritudine, lippitudine, & similibus; sed cum ijs defectibus, qui ex naturalibus principijs in humano corpore naturaliter consequuntur, qualis est pōderositas, & passibilitas

- 1976 Tunc quilibet non modo hominum, sed etiam Angelorum videbit omnia cuiusque peccata, siue damnati, siue sancti, neque tamen sancti erubescunt de proprijs peccatis. Tunc autem omnia merita tam propria quam aliorum vnusquisque non in instanti; sed breuissimi spatio temporis, & vnico intuitu enumerabit, & ponderabit.
- 1977 Iudicium quoad discussionem, & accusationem malorum, & commendationem bonorum, & sententiam de vtrisque ferendam futurum esse successiue non in instanti probabilius iudico.
- 1978 Christus solus iudicabit per auctoritatē, cōparatiue verò tā boni quā mali alios iudicabunt: quidā vero præcellentes sanctitate viri iudicabunt lata sententiā iusticiam declarando, vel per modum locutionis, vel per modum illuminationis. Sancti vero Angeli non erunt iudices in iudicio, sed ministri testificantes hominum vel peccata, vel merita.
- 1979 Boni vero qui non peccarunt mortaliter non iudicabuntur per discussionem meritorum, neque mali infideles, sed soli fideles, neque Angeli, neque Dæmones.
- 1980 Christus Dominus in iudicio apparebit in forma humana cum corpore glorioso, in quo tamen apparebunt cicatrices passionis, & apparebit signum filij hominis, scilicet Crucis.
- 1981 CONSUMMATIO SÆCVLI consequetur Iudicium restabunt enim sola corpora simplicia cum corporibus beatorum, ac damnatorum, & igne infernali, deletis omnibus mixtis animatis & inanimatis, perfectis & imperfectis.
- 1982 Damnati omnes in infernum demergentur, & ibi non solum ignis pœna punientur; sed etiam quicquid est ignobile, & sœculentum erit eis in pœnam iuxta illud: Ignis, sulphur, spiritus procellarum pars calicis eorum.
- 1983 Si quod dicitur Luca 13. Ibi erit fletus, & stridor dentium materialiter intelligatur, non est existimandum damnatos lacrimas emissuros, nisi id diuino miraculo fiat; sed vehementissimos dolores corporales esse passuros.
- 1984 Damnati in inferno non poterunt appetere non esse per se; sed tantum ut ablatiūm pœnalis vitæ, et sic intelligitur illud, In diebus illis desiderabūt homines mori, & fugiet mors ab eis: dolebunt autem de felicitate beatorum, & cupient omnes in infernum demergi

mergi, etiam propinquos & quos in hac vita dilexerunt, minus tamen hos quam alios.

1985 Neque damnati, neque Vlla creatura potest odio habere Deum
Vt Deus est; ipsi tamen odio habebunt Deum, Vt punitorem.

1986 Ipsi recordabuntur eorum, quæ cognouerunt in vita neque tamen Vllam ex eorum cogitatione percipere poterunt delectationē, etiamsi fuerint delectabilia.

1987 Ante Iudicium existentes in inferno vident gloriam beatorum cogitando eos esse in gloria quadam inæstimabili, & turbabuntur.

1988 BEATI qui erunt in patria absque suæ beatitudinis præiudicio videbunt pœnas damnatorum & non miserebuntur, nec per modum passionis, nec per modum electionis; sed gaudebunt de pœnis damnatorum non per se, sed considerando diuinæ iustitiæ rectitudinem, & suam ab eis liberationem.

1989 In beatis hominibus erunt dotes, quæ sunt perpetui animæ, & corporis ornatus vita sufficientes, in aterna beatitudine perseuerantes; in Christo vero erunt dotes materialiter, sed non formaliter.

1990 Tres erunt animæ dotes, Visio respiciens Fidei, Fruitio Spei, Dilectio Charitati, non per modum actus transeuntis; sed per modum habitus permanentis.

1991 Doribus accedent Aureolæ: est autem Aureola quoddam gaudium de operibus à se factis, quæ habent rationem victoriæ excellentis distinctum à gaudio de coniunctione ad Deum, quod dicitur Aurea.

1992 Fructus Beatorum erit gaudium quod habebunt de ipsa dispositione operantis secundum gradum spiritualitatis, in quem profecit ex semine Verbi Dei fugiendo carnalia. Est autem triplex primus Virginitatis, alter Viduitatis, postremus Continentiæ Coniugalis.

1993 Virginitatis Aureola non debetur omnibus aëlu integritatem corporis seruantibus, neque solis ijs, qui Virginitatem vouerunt, sed ijs solis, & omnibus qui perpetuo propositum habuerunt seruanda Virginitatis.

1994 Martyrj Aureola donabuntur quicunque propter Christi nomen mortale vulnus acceperint, etiamsi superuixerint: item quicunque propria negligentia non tamen culpabili moriuntur, ita tamen Vt prima mortis occasio sit à Tyranno.

Aureola

- 1995 *Aureola Martyrij debetur omnibus Martyribus, siue cum, siue sine proprio actu voluntatis propter Christi nomen interfecti fuerint: ex quo apparet sanctos Innocentes fuisse veros Christi Martyres.*
- 1996 *Doctoribus etiam, hoc est Theologis propria debetur Aureola, non modo ijs, quibus ex officio iniunctum est predicare Euangelium; sed omnibus legitime docentibus, & pradicantibus, & scriptis tradentibus sacram Doctrinam in adificationem Ecclesiæ: Pralatis verò nisi actu pradicauerint, non debetur Aureola.*
- 1997 *Etiam si Christus Dominus verè fuerit Virgo, Martyr, & Doctor, neque tamen ipsi debetur Aureola, sicut neque etiam Angelis, etiam si fuerint Virgines, & Doctores.*
- 1998 *Aureola erit proprie in anima in potentia voluntatis, & per redundantiam in corpore; ac primo quidem modo confertur Beatis etiam ante diem Iudicij; secundo verò tantum post diem Iudicij.*
- 1999 *Vnus alio eiusdè virtutis, exempli gratia Virginitatis Aureolam excellentiorem habebit, non ex parte radicis, scilicet Aurea; sed ex parte operis: & ideo duarum Virginum, quarum illa habet Auream præstantiorem, hæc poterit habere excellentiorem Aureolam quàm illa.*
- 2000 *Simpliciter perfectissima est Aureola Martyrum; quantum verò ad pugna diuturnitatem, & vicinitatem, Aureola Virginum; sed quantum ad ea, de quibus est pugna, præstantissima est Aureola Doctorum.*



Finis Theorematum.



P R O B L E M A T A T H E O L O G I C A .



- 1 **V** T R U M in Deo sit Velleitas formaliter an emi-
nenter .
- 2 Vtrum aternitas participata sit distincta mensura
ab aternitate imparticipata .
- 3 Vtrum Columba, cuius sub specie Spiritus sanctus ap-
paruit, fuerit animal .
- 4 Vtrum Angelus inferior perfectius cognoscat Deum per cogni-
tionem sui ipsius quàm per cognitionem superioris Angeli .
- 5 Vtrum Lucifer sit subiectum aui, quo mensurantur omnes An-
geli, ac Dæmones .
- 6 Vtrum Paulus in raptu Viderit diuinam essentiam .
- 7 Vtrum sit peccatum dicere; Nisi diuina lex prohiberet; furari
vellem .
- 8 Vtrum Si homo fuisset conditus in puris naturalibus, ad remis-
sionem peccati contra præceptum naturale tantùm, sufficeret sola
rectitudo naturalis .
- 9 Vtrum, Si quis existens in gratia oret pro alterius resurrectio-
ne spiritali; & antequam hic resurgat, ille labatur; mereatur de
congruo eius reparationem .
- 10 Vtrum Beati per suas orationes mereantur nobis de congruo in-
stificationem .
- 11 Vtrum Fides Theologica sit perfectior Spe .
- 12 Vtrum sit habitus timoris seruilis .
- 13 Vtrum Charitas sit perfectior Gratia .
- 14 Vtrum sit maius beneficium, Incarnationis nẽ, an Eucharistiæ .
- 15 Vtrum omnia obiecta scientiæ infusa Christi vnica specie re-
prasententur .
- 16 Vtrum Beatissima VIRGO in hac vita Viderit diuinam ef-
sentiam .
- 17 Vtrum Confirmatus ante Baptismum fluminis sit iterum con-
firmandus .

Vtrum

- 18 *Vtrum Christus in Sacramento Altaris existens proprijs oculis & auribus videat & audiat circumstantes.*
- 19 *Vtrum Christus dederit Apostolis duos Characteres Sacerdotales, vnum consecrandi, alterum absoluendi.*
- 20 *Vtrum Christus in extremo Iudicio indicaturus sit viuos, qui nunquam mortem gustauerint.*



R O M A E,
Apud Bartholomaum Bonfadinum.
M: D. LXXXIX.





5-1

7

